



8

1-d



olotheca

Coll. Rom.

Societ. Jesu

~~72-6-19~~

8.-1.7.46.

~~72-7-28~~

Jo. Leonis Maria

occiso:



JACOBI PONTANI
DE SOCIETATE IESV

PROGYMNAS-
MATVM LATINITA-
TIS, SIVE DIALO-
GORVM.

*Volumen primum, cum
Annotationibus.*

DE REBVS LITERARIIS.

EDITIO DECIMAQVINTA.

Accessit ex Codice Augustano de Scho-
lasticorum, aliorumque ridiculis Farrago,
eodem interprete.

ex Ceg.

M.ⁿⁱ Cocchini

M.DC.



Ex Typographéo NICOLAI HENRICI. †
Impensis IOANNIS HERTSROY.

THE UNIVERSITY OF CHICAGO

PAID TO ORDER

AT THE UNIVERSITY OF CHICAGO

CHICAGO, ILL.

1900

PAID TO ORDER

AT THE UNIVERSITY OF CHICAGO

CHICAGO, ILL.

1900

PAID TO ORDER

AT THE UNIVERSITY OF CHICAGO


CHICAGO, ILL.

1900

PAID TO ORDER

PAID TO ORDER





GENERO SO

ATQVE OMNIBVS REBVS
ORNATISSIMO ADOLESCEN-

TI, GEORGIO FVGGERO, IACOBI F.

Baroni in Kirchberg & Weissenhorn,

JACOBVS PONTANVS de

Societate IESV.

S. P. D.



QVONIAM inueterata, eadē-
que laudabilis eruditorū con-
suetudo me hortabatur, vt po-
stea, quā primo meorū pro-
gymnasmatum dialogorūmq; volumini
summum fastigium imposuissem, delibe-
rarem mecū, cui nam in aliquo dignitatis
& excellētiæ gradu locato, id ipsum inscri-
bere ac donare potissimum oporteret, eā
omnem deliberationem ab illustri adole-
scentia tua incisam planē, ac sublatā gau-
deo, vehemēterque lætor. Etenim adeo
multa, minimēq; leuia rationū momēta,

cur sub tuo nomine hoc vigiliarum mearum opusculum, & hunc primum perquam mediocris ingenii mei partum invulgus exire sinerem, etiam nil tale volutanti occurrerunt, ut nisi ore sim durissimo, animoque longè ingratissimo, ad alium præter te, quantumvis omnigenere nobilitatis eminentissimum, deferre illum neutiquam possim. Nam si quis unquam in amplissima familia natus, proba & præclara mentis indole auctus, domesticis virtutum exemplis abundans, aliquo coniunctionis vinculo cum altero colligatus: postremò, si quis adhuc extitit, qui iure suo ab aliis multa exigeret, cuncta hæc in te unū cōfluxerunt. Quamquam enim nondum permessa tibi liberius, ac tuo arbitratu viuendi potestate, apud familiam nostram beneficia ponere hætenus non potueris, tamē haud parum iam in nos tuæ volūtatis contulisti, tuamque erga Collegium nostrum propensionē satis declarauisti. Et meruerunt quàm optimè de nobis parentes tui: meruerūt aui tui: meruerunt ambæ, F V C G E R O -

R V M

RVM nimirum, **I**L**S**V**N**G**O**R**V**M **Q**U**E**
domus, vnde tu paternam & maternam
originem ducis. Quibus vniuersis atque
singulis cum pro amoris magnitudine,
meritorum verò etiam multitudine pares
agere gratias (quid enim dicam referre?)
nequeamus, quis tandem est, qui non in-
telligat, eorum nos minoribus in omne
consequentis æui spatium teneri obstri-
ctos? Deinde in nostram disciplinam tra-
ditus es à patre, & traditus ex florentissi-
ma gente vestra primus ante omnes: cer-
tè quidem in hac vrbe ac patria tua: ma-
gnumq; Gymnasio Societatis ornamen-
tum addidisti, quando inter condiscipu-
los, quorum permulti nobiles, ac patricii
pueri, velut quoddam lumen præfulges.
Iam qui nescit, quàm sancta inter Præce-
ptores & discipulos, quàm coniuncta ne-
cessitudo intercedat, is se non plus cer-
nere quàm pecudem fateatur necesse est.
In parentum loco Magistri sunt colendi,
& qui ab iis erudiuntur, vicissim in filio-
rum loco diligendi. At tu curæ nostræ, &
institutioni commendatus, non vnum,

sed multos patres inuenisti: siquidē nos
omnes, quibus docendæ iuuentutis est
mandata prouincia, ingenium tuum præ-
ceptis vtilissimis, & saluberrimis fingere
percupimus, & tanquam filium certatim
amamus, atq; in oculis ferimus: in spem
certam ingredientes, te crescentibus an-
nis per semitam à maioribus tuis prius
calcatam incessurum, in eorūque mo-
res & instituta abiturum, qui semper o-
ptimarum artium cognitionem cum ma-
ximis, clarissimisque virtutibus copula-
uerunt: ac proinde tantam sibi, posterita-
tisque suæ amplitudinem pepererunt, vt
omnium pæne gentium oras nominis ve-
stri gloria famæque peragrauerit. Quid
vtroque auctore tuo ad opinionis celebra-
tem commendatius? aut quibus aliquan-
do ciuib; fortunatior fuit hæc tam præ-
dicata, verèque augusta ciuitas? Paternus
quidem, ANTONIVS FVGGERVS,
cū esset à potentissimis Principibus ad
amicissimorum numerum adscriptus, co-
piis omnibus circumflueret, nihilomi-
nus tanta moderatione, tanta modestia

in.

in illa sua fecilitate enituit, quanta etiam
nunc hominum sermonibus crebrò vsur-
patur. Quis eodem aut fuit, aut esse de-
buit, prudentia, liberalitate, iustitia, con-
stántia, aut vllò demum genere laudis præ-
stantior? Maternus autem, GEORGIVS
ILSVNGVS, Eques auratus, Sueviæ Præ-
fectus, & quatuor Imperatorum Consi-
liarius, quo ardore, qua animi excelsita-
te præstitit in propugnando pro religio-
ne Catholica? Quanta eius apud Princi-
pes existimatio & auctoritas? Quàm ma-
gnas ille res, quanta cum prouidentia,
procurauit? quæ morum in illo integri-
tas? quæ humanarum rerum despicien-
tia? In nostram porrò Societatem quan-
tam beneuolentiam nauauerit, quibus
eam officiis coluerit, dictu est perdiffici-
le. Cuius erga hos tam incensi amoris hæ-
redem & successorem, experti iam sæpe
didicimus quæ reliquerit: Annam vide-
licet filiam suam, matrem tuam, præstan-
ti religione erga Deum, memorabili
beneficentia in egentes, eximia huma-
nitate in omnes, spectatissimam denique

atque optimam foeminam. Sed ad clarif-
simum patrem tuum festinat oratio, cu-
ius laudes, quas ex sincerissimo numinis
cultu, & ex amore, ac veneratione Eccle-
siae Catholicae, sacrisque ædibus omni ma-
gnificientia exornandis, & aliis præterea,
rectè factis capit egregias, hoc maiori tibi
sunt ornamento, quò tu illi, & ille tibi est,
sanguinis necessitate coniunctior. Decla-
rauit is non Augustæ solùm, verùm etiam
Landspergæ, & alibi, quem erga nos ani-
mū gereret: nec id verbis tantum hono-
rificis, verùm etiam donationibus iisdem
creberrimis, iisdem amplissimis: quam-
nos liberalitatē colemus, vti par est, me-
moriam sempiterna. At enim nō est in præ-
sentiam mihi decretum generis tui panegy-
rim contexere, cui par nulla potest repe-
riri laudatio: illud tantum modo carptim
demonstrandum putavi, quale tibi à pa-
rentibus & maioribus relictum sit ad vir-
tutis decus inuitamentum. Ac nulla sanè
præcepta ad solidum, verumque honorē
adipiscendum æquē valent, vt patrum fa-
cinora pulcherrima ante oculos nepotū
obuer-

obuersantia: quorū vitia & peccata tanto notiora euadunt, quanto ipsorum parētes, & aui in maiore claritate vixerunt. Quemadmodū scilicet in purissimo fonte, & in lucidissimo speculo minutæ sordes atque maculæ facilius conspiciuntur. Tu verò GEORGI, à paruulo educatus es diligentius, quā vt hoc tantum malum de te pertimescendum videatur. Huc accedit, quod nec oris tui dignitas, & egregia totius corporis conformatio, quæ plerumq; futurę probitatis indicium est, nec perspecta nobis iam pridem indoles tua, tale quidquam timere nos patitur. Suscipies igitur hāc primam partem lucubrationum mearū, tibi multò antè desponsam, & ea ad vtilitatis tuę fructum aliquē vtēre: vt nostris legendis sermonem tuū cultiorem, pleniorēq; efficias: & eādē opera ad doctrinam accessionem qualem qualem adiungas. Quod vt tu, tecumq; adolescētes, qui ad Humanitatem informantur, possētis, si minus sum cōsecutus, omni tamen contentione, vt cōsequerer, mihi est elaboratum. Quemadmodū au-

tem parens tuus literas ac literatos, virtu-
 téq; condecoratos homines omni gratia,
 officio, charitate semper adhuc comple-
 xus est, & complecti perseverat: sic tu, vbi
 maturior ætas virū te reddiderit, eorun-
 dem esto præsidium atq; perfugium: nec
 puta vspiā melius te collocare beneficia.
 Nā vt de cælesti remuneratione taceam,
 illi maximè scriptis suis imortalibus no-
 men tuum ab obliuione & silentio vindi-
 cabunt. Vale. E Collegio Societatis I E-
 s v, Augustæ, Kal. Decembr. Anno Do-
 mini M. D. LXXXVIII.



IN GENEROSVM ADOLESCEN-
 TEM GEORGIVM FVGGERVVM.

Epigramma.

CVM te spectarent Iuuenem, Fors, Gloria, Virtus,
 Padeia, has inter hic fuit orta Deus.
 Hic meus est, Virtus: meus est hic, Gloria dixit:
 Padeia esse suum, Fors ait esse suum.
 Auduit, magnamq; Solens componere pugnam.
 Addidit Astripotens; Cuiq; quod optat, erit.

Matthæus Raderus.

AD

AD HUMANIORUM
ARTIVM STUDIO-
SIAM IOVEN-
TIVM.

EX OMNI COPIA EORVM
hominum, qui hac nostra tempe-
state, multò etiam ampliùs qui pa-
trum, quique maiorum nostrorum
memoria is doctrinarum studijs deuincti pe-
nitus fuerunt, quibus Humanitatis nomen in-
de à priscis vsque temporibus est attributum, si
diligenter comparare voluerimus, paucos omni-
no extitisse reperiemus, quorum esset bene la-
tina, pura, nitida, propria, incorrupta, elegans
& ornata oratio: siue illi sermocinarentur cum
alijs: siue literis cogitationes suas, monumen-
tisq; commendarent. Quod sanè quidem in il-
lis artium disciplinis, quæ non ita in medio po-
sitæ, sed à communi sensu, intelligentiâque dis-
iunctæ, abditis quibusdam è fontibus hauriun-
tur, minus est mirandum: quarum alumni, can-
didati, & doctores laudandi sunt, si non pessimè
latine

P R Æ F A T I O.

latine loquantur : *sin secus , non est id ab ipsis pertinacius requirendum ; quando eos magis rem spectare , quàm verba pendere oportet . At verò quenquam se Humanitati addictum & consecratum confiteri , cui parum percepta & cognita , parum vsitata sit bona , à veteribus custodita , nobisque velut testamento legata latinitas , hoc demum admirabile , & vix tolerandum existimari potest .* Aut enim à nulla prorsus , aut ab istac eruditorum natione optimo iure Latini sermonis candor , summa propemodum integritas , perfectioq. postulari debet . Huius mali ecquanam caussa sit , inuestigemus . Non est certè librorum accuratè , compositè , illuminatè , copiosè conscriptorum paucitas . Quamquam enim & iniquitate vetustatis , & negligentia , nequitiâque hominum plurimi interciderunt : nihilominus diuino , ut arbitror , beneficio ad hanc etatem adeò frequentes sunt conseruati , ut si quis omnes , nec rarò euoluere animum induxerit , ei propemodum annosum Euboica vatis æuum à Deo efflagitandum videatur . Et planissimum est , ipsum huius linguae antistitem *M. Tullium , Sallustium , Cesarem , Liuium , Plau-*

P R Æ F A T I O.

Plautum, Terentium, alios præterea politissimos scriptores assidua lectione ab innumeris celebrari, nec unquam ferè de manibus deponi. Illud quoque in controuersiam adducit nemo, exercitationem scribendi, sine qua eius præstantiam nullus unquam adipiscetur, à plerisque adhibitam: nec ullam ab his nauitatem & industriam desiderari iustè potuisse. Quo namq; modo omnes sedulitatis suæ nervos contenderint, quantum in hisce literis sudauerint, tot & tam grandia variarum commentationum, eademq; utilissima monumenta, quæ reliquerunt, pro testimonio dicunt. In quibus tamen, quod est in hac lingua mundissimum, cultissimum, electissimum, suauissimum, atque sanissimum, frustra quæras. Nec à iudicio eos fuisse desertos putandum est: siquidem eorum quidam commentariis sermonem Latinum sunt persecuti; qui utique aut omnem, aut penè omnem eius rationem atque vias cognouerunt. Ac ne Magistri quidem eos, & ad latinitatem duces defecerunt. Nam sine præceptore in studijs liberalibus quis nostrum quidpiam discit? quis aliquando didicit? Ad extremum, nec tempo-
ric

P R A E F A T I O.

ris eguerunt: constat enim complures cū sese huic politiori scientia deditissent, ad precipitem senectutem incolumes peruenisse. Quid ergo tandem his defuerit, quamobrem in eorum collegium, quos quarimus & suspicimus, cooptari minus potuerunt? Probabiliter mihi videor responsurus, si naturam defuisse dixero. Etenim cū fermè nullum tersè, exquisitè, ac literatè vel scribere, vel loqui videamus, qui non idem sit ac iudicetur eloquens, ad eloquentiam autem natura & ingenium vim afferat longè maximam, non imprudenter coniectārit aliquis, hinc accidere videlicet, ut qui venire in eloquentium societatem atque numerum haud possint, (non autem omnes possunt, etiamsi toto, quod aiunt, pectore nitantur, & sint alioqui praclaris ingeniis, magna diligentia, non vulgari doctrina homines) iidem nescio quo modo salubres illos, atque dulces latinitatis nativæ succos, aut pro derelicto habeant, aut non conspirante cum voluntate natura perbibere nequeant. Porro hoc ipsum, eloquentem esse, quiddam excellentius ac magnificentius continet, quàm nonnulli suspicantur: qui
 regi-

P R A E F A T I O.

*reginam rerum, & copiosè loquentem sapien-
tiam inani quadam verborum quamuis lectis-
simorum ornatissimorumque profluentia, ina-
niquè sonitu metiuntur. Quia igitur inter eos,
quibus Humanitatis studia sunt in desideratis-
simis, quique in iisdem plurimum opera ac tem-
poris consumpserunt, perpauci eloquentes cer-
nuntur, mirari desinamus, cur item non ita
multi sint, semperque fuerint, qui (quod ab e-
loquentia vix est ut cernatur separatum) hu-
ius linguae tot gentium tam communis lepores,
festiuitatem, gazam vniuersam, omnes nume-
ros, omnesque copias possideant. Ac non ne-
minem fortassis naturâ factum ad dicendum,
hoc aditu laudis prohibuit & prohibet non sa-
tis commodus eius discenda modus: qui idcirco
est multiplex, quoniam multa vigent docen-
di ac præcipiendi rationes. Sunt qui in ordines
congestis & digestis rerum vocibus Nomenclato-
res edunt. Sunt qui de Terentio, Plauto,
Cicerone, de his, inquam, præ alijs Phrases,
Elegantias, Sylvas, Observationes colligunt.
Nonnulli parua quadam volumina consciunt,
in quibus seruata literarum serie vocabulorum*

P R A E F A T I O.

notiones, & ſumquē adiunctis ad confirmationem ſcriptorum illuſtrium locis declarant. Alij Dictionaria, (ut quidem ipſi nomen eis imponunt) Cornucopias, Theſauros, Calepinos conſtruunt, latinisquē germanicas etiam & gracas voces apponunt, quo vno labore in tribus linguis Studioſi proficiant. Quibuſdam placitum eſt continuato, nec unquam interrupto orationis curſu de ſermone latino diſputare: ut olim Varro, & Iulius Caſar ad Marcum Tullium. Alij Augiæ ſtabulum perpurgare pro re ſibi honorifica ducunt. Id eſt, barbariem, & inquinatiſſimas loquendi formas, ſubiectis puris & emendatis corrigere, quæquē ex inſcitia irreperunt, impropria, ſordida, peregrina, ea per Indices, Scopas, Appendices, Farragines funditus tollere, & proſtigare. Alij in ſuper ſuos ſibi modos habent. Poſtremo ſunt qui Colloquia & Dialogos ad imbuendam latinitate adoleſcentiam componunt. Horum omnium inſtituta ponderare, de quē ijs affirmatè proferre ſententiam ſi velim, verendum ſit magnoperè, ne mediocritas noſtra nimium ſibi ſumpſiſſe, atque arrogâſſe exiſtimetur. Illud aſſeueratione omni

con-

PRÆFATIO.

confirmare non verebor, singulorum laborem atque vigilias discentibus profuturas: maiores autē utilitates asferre Dialogographos, si modò provinciam rectè, & quemadmodum decet, explicauerint. Nihil adolescentibus utilius, nihil iucundius Dialogis: nihil etiam, pueris præsertim, perinde necessarium. Quibus cum Epistola Ciceronis à diuersis selecta, & in vnum, duos, tresue libros collata soleant explanari, non ego quidem illas prætermittendas censuerim: sed ubi causas memora- uero, cur quarundam scholarum morem probandum iudicem, quæ pueris Dialogos potius, quàm epistolas iam pridē interpretantur, simulq; de fructibus & iucunditate huiusmodi Colloquiorum disseruero, faciam, opinor, ut liquidiſſimè appareat, Moderatorum nostrorum nec repentinum, & prudens fuisse consilium, qui hoc etiam itinere creditam suæ fidei, potestatiq; iuuentutem, legendis scilicet ac prælegendis Dialogis ad Romanam ciuitatem deducendam sibi cogitarunt.

Qui sumptuosa ac longiuscula veste puerum induunt, eiusdemq; pedi inauratum, & magnum calceum inducunt, non ideo inepti sunt, quod illum pretioso, sed quod ad paruitatem cor-

P R A E F A T I O.

poris nequaquam apto amictu contegunt. Nam
 atatula illa & statura splendidi vestitus capax
 est: verum non ita laxi atque longi, ut adole-
 scentum & virorum corpora. Similiter metuen-
 dum est, ne dum in gymnasio pueris solas Ciceronis
 Epistolas explicamus, idem prorsus cum ingeniis,
 quod illi cum corporibus agere iudicemur. Est
 profecto merissimum aurum, est purpura, sunt
 gemmae, quae in tabernis Ciceronianis venalia
 proponuntur: & hoc uno auctore in uniuersa
 lingua latina cum verborum vbertate, tum
 omne genus ornamentis nullus, concordibus om-
 nium suffragiis, censendus opulentiôr, quem abso-
 lutum in eloquentia artificem, & omnis elegantiae
 consummatum exemplar nuncupare possumus: at
 non omnibus illa conueniunt: non ad omne cor-
 pus illa tanquam vestes: non ad omnem pedem
 illa velut calceamenta quadrant: quia non ad
 quemuis captum, non ad quoduis ingenium perin-
 de sunt accommodata: quare nec tantum inde fru-
 ctum capi necesse est à pueris. Hoc igitur primum
 spectandum, quàm sit perceptu facile, quod discen-
 dum eis imponitur, & quàm copiosum ex eo fru-
 ctum sint relaturi: non, primasne, an secundas, an
 tertias

PRÆFATIO.

tertias in latinitate obtineat. Occurreret autem forsitan nobis ab aliquibus in hunc modum. Nos apertiores, breuiores, familiariores epistolas è toto corpore secernimus, in quibus nulla obscuritatum latebra, nulli nodi, nulla difficultates. Ut ita sit, quanquam haud est ita prorsus, attamen fatendum est, res iis epistolis inclusas laboriosius & imperfectius à pueritia, tenerisq; ingeniis comprehendendi, quàm qua cadunt in Dialogos, quorum argumentis atque rebus nihil est vsitatus, nihil notius, nihil magis obuium atque domesticum. Quid quod frequenter eiusmodi loci incidunt in his epistolis, quos ipsimet Magistri ex plebeis, & infimi subsellii interpretibus, ut Ascensio, Hubertino & similibus, quibus plerumq; & solis vtuntur, & uti etiam coguntur, neutiquam intelligunt? Quod si vel Paulum Manutium explanatorem doctissimum, vel alium approbata eruditione scriptorem consultum adierint, remque didicerint, non consequentur tamen, ut pueruli intelligant, quod non ita promptè intelligere ipsi potuerunt. Laboriosè autem, maleque disci quod non cognoscitur, in hoc omnes una mente consentiunt. Quæret quispiam, qua tandè illa tam obscura, & inge-

P R Æ F A T I O.

niis puerorum aliena putem? Quæ? De negotiis, inquam, Reipub. de Asia, Ægypto, Græcia, Cilicia, Cappadocia, de exercitibus, & oppugnationibus urbium, de summa Rom. Imperii, de quibus Cicero vel in breuibus epistolis sæpe loquitur. De Dolabel-
lis, de Brutis, de Pompeiis, de aliis, aliorumq; stati-
bus, controuersis atque caussis. De priuatis quidem
etiam, & suis, non inficior: at in quibus declaran-
dis longiore interdum oratione, principiis altius
repetitis opus sit. Itaque ad familiares rectius &
verius, quàm familiares appellantur illa epistola:
ut multis abhinc annis consensu doctorum cæpta
sunt appellari. In Dialogis ea discunt, quæ au-
dunt, quæ aspiciunt, quæ cogitant, loquuntur, ex-
periuntur quotidie: quæ sunt familiariissima, tra-
ctatissima, communissima: in quibus propriè, pu-
rè, & cum aliquo ornatu exprimendis semper hæ-
rent, semper inopes reperiuntur: non modò post-
quam duodecim menses, sed postquam duodecim
annos Magistro Ciceronem interpretanti operam
dederunt. Ingentes sunt orationis in Tullio diuitiæ.
magnifica verborum & infinita supellex: non ta-
men ex eodem unico quiuis, & quocunq; tempore,
& ad omnem omnino materiam diues ac fortuna-

P R Æ F A T I O.

tus euaserit. Quamobrem minore cum labore percipientur à pueris Dialogi, quàm epistola, ut ostendimus. Hanc commoditatē primam, & eandē propè maximam ducere par est. Reliqua mira cum voluptate coniunguntur. Nam quis dubitet eos propter incredibilem argumentorum varietatem personarumq; colloquentium vicissitudinem, & naturas atque mores eleganter expressos, oblectatione summa delinitos, cupidiissimè audituros? Quam audiendī famem (quod tibi de plano promiserim) non parum exacuent breuissima narrationes & suauissima, prouèrbia apposita, electa apophthegmata, sententia arguta, fabella dulces, aspersus ex omni facetiarum genere lepos, & alia demum huiuscemodi ingeniorum etiam puerilium, non modò confirmatorum illecebra. Pascuntur denique non Ciceronianis tantum, sed elegantissimorum præterea auctorum, imprimisq; Terentii & Plauti veluti conquisitissimis epulis: quorum amborum quanta sit post Ciceronem laus, quàm idonea ad congressiones, rerumq; quotidianarum explicationem eloquentia, nouit, qui strictim saltem utrumq; attigit. Ac melius sanè Plautina, atque Terentiana elocutionis usus ex Dialogis, quàm

P R Æ F A T I O.

ex ipsa Comitorum illorum quanquam creber-
 rima evolutione discetur. Ergo si Dialogorum
 sermo totus fuerit (esse autem debet) antiquus,
 concinnus, dilucidus, proprius, lautus, ac salibus
 conditus, cum sit etiam familiaris, nonne ad lo-
 quendum scribendumque haud mediocriter iis si-
 ne legendis, sine audiendis profectum iri creden-
 dum est? Deinde si Dialogis partim de literariis
 rebus, partim de morum honestate & elegantia,
 partim de aliis quam plurimis argumentis agatur
 (ut agendum videtur, quo sit absolutior scriptio)
 sine ullo difficultatis sensu etiã doctrina adolescen-
 tes, doctrina nimirum liberali, non abstrusa, non
 spinosa, & recondita augebuntur, moribusq; tem-
 peratissimis, gratissimis, humanissimis instituen-
 tur. Ad prudenter quoq; sentiendum, & ad iudi-
 cium paulatim ex decore rerum personarumq; ser-
 uato excolendum proderunt: cum necesse non sit
 semper garrere pueros, aut dici puerilia: modò ea
 dicantur, quæ à puerorum, adolescentumque in-
 telligentia non sint abhorrentia. Parentes insu-
 per, Pedagogi, Magistri, ac ceteri hominum or-
 dines habent, quod ex Dialogis ingeniosè pruden-
 terq; conscriptis addiscant. Atque ipsi adolescen-

P R Æ F A T I O.

uli olim Parentes, Præceptores, Padagogi fient, & certos vitæ status amplectentur : quos nunc optimum est doceri, quàm honestè in futurum, quàm suo muneri conuenienter sese gerant. Et quoniam omnium expeditissima, vtilissima, iucundissima lingue latine comparanda ratio hac apparet, cur non omnes, quotquot Humanitatis, ac proinde etiam latinitatis sunt studiosi, huiusmodi libros, quales nos iam informauimus, & quodammodo adumbrauimus, quàm diligentissimè euoluant, ego quidem caussa nihil video.

Sed enim Moderatores nostri cùm nondum inuenirent, quem in hoc scripti genere certas, nec leues ob caussas, tantum probare possent, quantum quidem ipsi probare cuperent, & in suas scholas introducere, periculum virium mearum facere, mihiq; hanc imponere necessitudinem voluerunt, ut Dialogos scriberem. Ego verò cùm recusare imperata minimè auderem, quod ab eorum voluntate totius vitæ, actionumquæ mearum rationes suspensas habeo, & tamen ad tantum opus efficiendum æqualem me facultatem haud allaturum cognoscere, malui imbecillitatem meam adducere in discrimen, quàm me ad ipsorum arbitriū non con-

P R Æ F A T I O.

formare, & quorum utrumvis mihi turpissimum esset, aut noluisse, aut laborem fuisse existimari. Atque ut eò libentius huic oneri succederem, fecit perpetua mea in hanc nobilissimam partem studiorum inclinatio: quam florere ac celebrari etiam atque etiam, vehementerq; cupio: cum & ad usus vitæ plurimos, & ad res difficillimas atque gravissimas, ad Ecclesiam denique Catholicam cohonestandam, contrâque vesanos bareticorum furores tutandam nō leue in ea momentum inesse nulla ratione dubitandum sit. Tempus est iam, ut quid mihi in hisce voluminibus, atque in hoc toto progymnasmatum opere proposuerim, quàm distinctissimè potero, exponam.

Scōpum Dialogorum ac finem potissimum decet esse eum, qui esset libri alicuius de lingua latina: ut nempe iis quasi quadam sementis fiat, & iuventuti ad intelligentiam atque usum non adulterina & infusata, sed germana ac sincera latinitatis via muniatur. Iam cū sermo vagetur latissimè, non est unum duntaxat genus rerum, aut precipuè deligendum iis, qui Dialogos meditantur: nec sunt 40. aut 60. tantū conscribendi Dialogi, Res scholasticas, & eas semper minutas,
nulla

PRÆFATIO.

nulla ferè interdum eruditione interpunctas, magnam partem apud alios videmus occupare. De moribus agunt illi quidem etiam: sed neque tam distributè, neque tam cumulatè, quàm conueniebat: quanquam impiè satis, & sceleratè is, cuius plena veneni, plena pestilentia Colloquia, ad bonos mores corrumpendos disertissimè scripta, quicunque de re Catholica bene sentiens haud negabit. Quid si de aliis præterea sermo miscendus? Num ad Ciceronem adolescentes mittemus? de quo supra aperui sensum meum. Immensitatem itaque rerum ac multitudinem in tres classes redigi, & in tria volumina cōs in ἑμποῦν includi posse sum arbitratus. In primo de literariis atque scholasticis egi: non ita, ut ullam disciplinam traderem: verum ut communia tantum verba, locutionesque ad scholam & literas pertinentes tanquam sub aspectum subiicerem. Secundo morum præcepta sum executus, non solum ciuiliū, sed Christianorum etiam Catholicorumque: & de virtutibus nō pauca, pinguiore, licet Minerva, disputavi. Interitio, cuius iam bonam partem confecimus, pandunt sese campi latissimi, earum videlicet rerum, quæ uno quodam communig, nomine significari neque-

P R Æ F A T I O.

unt. Verbi gratia, de re militari, de nautica, de culinaria, de rustica, de funebri, de medica & morbis, de metallica, de nummaria, de architectonica, de equestri, de variis quoque opificiis. De istiusmodi argumentis apud Vinem, Corderium, Syluium, Schotenium, ceterosq; vix aliquid, nedum de uno complures Dialogos inuenias, sicuti apud nos lector est inuenturus. Nec istud ita à me dictum accipi velim, quasi cuiusquam laudem coner imminuere: sed ut, quid ego ad vberiora discentium emolumenta, diuina confisus ope, moliri cogitauerim, plenius & planius queam ostendere. Ac de his quidem tam multis ea propter conscribemus, ut in colloquium voces & loquendi normas, ad illam rerum diuersitatem exprimendam idoneas pro virili inseramus, quibus, quando, & quoties vsus venerit (veniet autem nimium saepe) adolescentes utantur. Quem finem etiam in primo & altero volumine spectauimus, tanquam extremum scilicet: tractationem autè rerum, sine quibus sermo doceri nequit, tanquam medium. Hinc claret nos meritò ultimum locum libro destinasse tertio, propter copiam utique & amplitudinem argumentorum: quem
fore

PRÆFATIO. 3

fore multi sudoris (atque ideo fortasse etiam legentibus perutilem) non tam arbitramur, quam experti iam certò scimus. Quia verò de rebus ipsis per se atq; præcipuo fine non agimus: sed id ante omnia laboramus, ut latine doceamus: si quid vel in medicis, vel in architectura, vel in alio quopiam ordine offenderimus, id tale peccatum reputetur, quale in poetis κατὰ φύσιν vocat Aristoteles: alterius scilicet seu in altera, non in propria facultate: atque ideo facilius ignoscendum. Ergo Dialogos plurimos facere, ob causam allatam constitui: verum ita scriptos, ut eorum partim in tribus scholis inferioribus explanari, omnes autem à studiosis scholarum Humanitatis in manibus haberi possint. Atque hoc secundum me voluisse magis, non solum numerus ipse Dialogorum haud exiguus, sed quàm plurimorum quoque materia & hypothesis indicat: quæ quidem quoniam paulò grauior & eruditior, puerili ingenio non est æqua: at mediocriter literatis adolescentibus non difficilis ad intelligendum, & grata quod spero, futura est. Hinc item suum errorem agnoscant & corrigant, qui cum libros meos aperuerint, atque hinc inde, ut fit, oculis pererrauerint, quævis perso-

• PRÆFATIO.

personarum nomina tanquam puerorum nomina
acceperint. Longè mihi alia mens: sapius non in-
doctos iuvenes, sapius viros, nonnunquam senes
notant: quodquæ manu tangi, nedum communi
sensu iudicari potest, dicuntur ea frequentius, quæ
à pueris absurdissimè dicerentur. Hoc mihi lati-
nam linguam copiosius & distributius docere labo-
ranti necessario præstandum fuit. Sine varia-
rum quippe rerum tractatione ac disputatione id
nunquam fuisset affecutus. Sunt autem dispu-
tationes meæ non subtiles, non litigiosæ, & con-
certationum plena, sed populares, ac sedata, ma-
gisquæ sermonis, quàm rerum cognitione dirigun-
tur. Nec erit cur quispiam vel pueriles illos, quos
ex duobus prioribus voluminibus selecturus, &
duobus libris ad usum primi & secundi Gramma-
tica gymnasiorum comprehensus sum, additis
etiam aliquot novis, si putabitur opera pretium,
parum familiari dictione factos, nimiumquæ doctos,
ideoque difficiliores fore quiritetur. Etenim si eam
familiarem dictionem intelligit, qua nos hodie
in sermonibus colloctionibusquæ nostris pleri-
que utimur, cum ea nihil sit incomptius, abie-
ctius, horridius, fateor me illam non curasse: si
est

P R Æ F A T I O.

est non curare, omni studio & animaduersione fugere. Quam tamen an ubique effugerim, incuitatis mea ipse mihi conscius, & communis natura haud ignarus, non ausim profecto affirmare. Sin autem Terentii, Plauti, Ciceronis: quod in me fuit, elaboravi, non quidem ut nihil aliud, nisi quod apud eos inuenissem, sed certè ut innumera inde sumpta in progymnasmata mea componerem, ac veluti ex eorum uberrimis purissimisque fontibus riuulos quaquà versum ducerem, quibus pratula mea irrigarem, & flores multiplices ac suaueolentes ex illis viridariis carperem, quibus hortulos meos consererem. Non igitur id à me factum nego, neque me piget, & deinde facturum autumo, ut est in Heautontim. Nec tamen vel Terentii, vel Plauti quibusuis sine delectu vtor, nisi si quando ioci, & emphasis causa quibusdam. Ea non oscitans, neque imperitus lector facillimè ab iis internoscet, qua ubiuis & semper rectè usurpabuntur. Quam præterea intelligendi difficultatem creabit aliquis apologus, aliquod adagium, aliquod apophthegma, mos priscus, historia vetus, auctorisq; cuiuspiam sententia, si Magister ipse non usque ad eò rudis, & àuxo & fueris?

Si

P R Æ F A T I O.

Si aliquid legerit, si viderit, si audierit? Aut quomodo ista non capientur à pueris, si doctor manu apprehensos paululum deduxerit? si panem quamvis mollem adhibita sectione diuiserit? si nucem fregerit? A pueris, inquam; non agresti & seruili, sed ingenua & liberali indole, bonisq; ingeniis, quales ego mihi in Progymnasmatibus meis propono. Socrates apud Platonem in Menone pusionem quendam de dimensione quadrati geometrica quadam tam dilucidè, tam facilibus quaestionibus interrogat, ac respondentem eò perducit, quasi geometrica didicisset. Et quid geometricis inuolutius? Ergo si peritus Præceptor pueros docere potest obscurissima, nonne multò magis non obscura poterit? Si quis adhuc erit, cui non satis aliquando seuerus & gravis videbor, cuique ludicra mea displicuerint, is sciat me literis & otio abuti noluisse. Abutitur autem, Cicerone iudice, qui cogitationes suas mandat literis, cum eas nec disponere, nec illustrare possit, nec deletionem aliqua afficere lectorem. Hoc extremum ubi tandem locum habet, si non habet in Dialogis? Qui cum ad comædiam quàm proximè accedant, ut nihil panè sint aliud, quàm soluta comædia, est-
ne

PRÆFATIO.

ne aliquis adeò ἀγέλας & , adeò durus ac tetricus, qui iocum ac risum tollendum statuat è comædia? Deinde cùm amplius trecentos Dialogos afferam in medium, si semel atq. iterum duntaxat, aut nunquam hilaritates aspersissim, si ludum & risum omnem fugere ut malam pestem voluissim, quis tam multa sine fastidio legere potuisset? Cui non absque leporibus, sine salibus n. æscla semper ac tristis oratio satietatem citò attulisset? Ac crebrius iocamur quàm par sit. Comparentur libri mei non dico cum Roterodami codice, qui trimodio, seu ipso propemodum horreo demensas largitur facetias, sed cum aliorum Dialogis: pro rata portione nimium parcus iudicabor. Restat ut in iocando illiberalis, petulans, flagitiosus, obscænus sim: id quod nō modò contra Christiani hominis, sed honesti etiam viri officium esset. Sic animatus nunquam fui, atque uti confido, nunquam ero. Illud alterum genus, liberale, elegans, urbanum, ingeniosum, facetum, quod & in Plauto, & in antiqua Atticorum comædia, & in philosophis Socraticis, qui eo etiam totos libros suos impleuerint, & in apophthegmatis à Catone collectis valde commendauit Cicero, si (habita nihilominus mo-
rum

P R A E F A T I O.

rum puerilium, atatisq; immaturioris ratione) secutus sum pro ingenii modulo, nō me prius, quā illos quorum meminī quisquam reprehendat. Sed non sum assecutus. Volui certē, & in magnis sat est voluisse. Et scitē in praefatione operis sui Plinius: etiam non assecutis, voluisse pulchrum atq; magnificum est.

Non autem omnes rerum ordinēs, qui in Nomenclatoribus, Dialogis persequendos suscepi, nec omnia vocabula illa sum complexus. Quis enim finis scribendi fuisset? Tantummodo maiorem partem, & usum atque coniunctionem, seu phrasim ipsam tradere contendi, quod in illis nomenclatoribus non fit. Sciendum etiam, nonnulla quae apud me suum titulum distinctum non habent, ea in alia classe inueniri: ut rei cibaria in Dialogis culinariis: non paucarum herbarum appellationes in medicis. Idem dictum esto de aliis. Verborum tam sollicitus esse non potui, nec debui, ut non quaedam parum quidem latina, veruntamen contritissima, & ad rem eandem toties notandam commoda retinerem. Talia sunt, si exempla quæris, studiosus, pro dedito literis, recitare, repetere, ascendere, pro ingredi maiorum studiorum rationem.


P R A E F A T I O .

*nem. Item Ecclesiastica nonnulla, ut communiō,
ieiunium, rosarium, benedictiones, confessio, cam-
pana, & similia. Nam semper hac mutare, incom-
modum, valdeq. putidum esset. Nec pauca verba
minus Romana, nec è Tulliano myrothecio prom-
pta, nec illius saeculi, quod perfectissimum quidam
& aureum vocant, totam orationem deformat ūt,
si alioqui splendida, illustris, & artificio quodam
distincta fuerit. Conformanda est ad Ciceronis
exemplar quantum fieri potest nostra oratio, tamen
cum iudicio & delectu, non ex Casare tantum, &
antiquis illis, quin etiam ex recentioribus, Plinio,
Tacito, Suetonio, Quintiliano, Seneca, belis-
simum quodque, & quo quisque maximè
videbitur excelluisse, depro-
mendum est.*



C

INDEX



I N D E X

PROGYMNAS-
MATVM PRIMI VO-
LVMINIS.

1.	Deductio pueri ad Magistrum, & pri- mum examen.	pag. 1.
2.	Consimile argumentum.	
3.	Euntes in ludum.	18
4.	Tardè ludum petentes.	22
5.	Redeuntes à Gymnasio.	27
6.	Excusatio absentia.	34
7.	Calami apparatus.	39
8.	Elementorum conformatio.	42
9.	Eiusdem materia.	45
10.	Orthographia.	49
11.	Dimissio improuisa.	53
12.	Serus in ludum aduentus.	55
	13. Si-	

INDEX

13.	Silentium & attentio.	59
14.	Suggestio.	63
15.	Abientes.	64
16.	Accusationes.	69
17.	Petitio lusus.	74
18.	Idem argumentum.	80
19.	Ludus ex pacto concessus.	85
20.	Nox transacta.	89
21.	Virgæ.	95
22.	Colloquium in schola.	100
23.	Arma scholastica.	102
24.	Inuitatio Magistri.	107
25.	Ludi magister defensus.	111
26.	Dies remissionis.	114
27.	Emendatio scriptionis.	118
28.	Diuersarum scriptionum emenda- tio.	125
29.	Leges.	134
30.	Ascensus.	143
31.	Præmia.	148
32.	Repulsam passi.	152
33.	Vacationes.	163
34.	Studium in siluis ac nemoribus.	170

I N D E X.

35.	Mutuatio calami.	175
36.	Frustratio petiti atramenti.	177
37.	Ludendi potestas recusata.	179
38.	Comparatio nominum, verborumq; conjugatio.	181
39.	Explicationum repetendarum ra- tio.	183
40.	Dicta alternâ.	185
41.	Interrogationes variæ.	186
42.	Amisus & promissus liber.	189
43.	Auxilium & consilium.	190
44.	Chartæ in membra insutæ.	193
45.	Nomenclaturâ.	194
46.	Iterum Nomenclaturâ.	199
47.	Exercitationes.	201
48.	Temeraria suspicio.	204
49.	Astutia puerilis.	206
50.	Somnus in gymnasio.	208
51.	Spes & metus ob certamen scholasti- cum.	210
52.	Litigium.	212
53.	Sim-	

INDEX.

53. Simplicitas, & lentitudo Magistri.

214

54. Hora producta. 217

55. Pecunia utiliter collocata, 219

56. Virtus in teneris. 221

57. Præceptor honesta imperat, 224

58. Pueri multandi verberibus, 226

59. Literæ Bellerophontis. 233

60. Minæ. 235

61. Recitatio. 237

62. Repetio. 239

63. Disputatio. 242

64. Concertatio scriptionis. 244

65. Examen. 249

66. Auditiones. 252

67. Industria discendi. 256

68. Pensum diurnum. 260

69. Obseruator. 265

70. Formulæ petendarum facultatum.

267

71. Certamen copiar. 269

72. Cantus musicus. 284

73. Græcæ literæ. 287

C. 3


74. Bi-

I N D E X

74. Bibliotheca.	299
75. Descriptio gymnasii.	301
76. Pædagogi.	304
77. Præceptores.	309
78. Auctores scholastici.	314
79. Formulæ salutandi atque valedicendi in congressionibus atque literis.	317
80. Cupiditas proficiendi.	325
81. Munditia librorum.	328
82. Academia.	330
83. Honores Academici.	334
84. Depositio.	340
85. Actio Latinitatis.	347
86. Litera Pythagoræ, seu biuium Herculis.	357
87. Laudatio eruditionis.	376
88. Studia politioris Humanitatis.	289
89. M. T. Cicero.	399
90. Epistolæ M. Tullii.	416
91. Rhetorica M. Tullii.	421
92. Cratines M. Tullii.	429
93. Phi-	

INDEX.

93.	Philosophica M. Tullii.	440
94.	Treslinguæ principes.	446
95.	Hebræa lingua.	451
96.	Græcalingua.	453
97.	Latinalingua.	457
98.	Solutæ pedestrisque scriptionis va- rietas.	460
99.	Poëtica scriptionis varietas.	466.
100.	Actio scenica.	473



LECTORI.

Quoniam hanc editionem postremam reor fore, quam ego auo meo propemodum persunctus aspicio, priorum editionum lectores de quibusdam vocibus nunc demum emendatis admonebo: Hippocratem imitatus, quamquã in re pertenui. Is errores quosdam suos, ne eosdem errarent posteri, ingenuè confessus laudem promeruit.

-2- p. principium pag. m. medium. f. extremum significat.


Pag. 9. pro Ciceronem lege Ciceronianum. 11. p. pro opera palliolo humeros tuos, lege, coopertus palliolo tuo. 40. m. pro caule, & caulem scribi debuit cauo, & cauum: sic enim vocare possis, quod Germani die Kihlen an der Feder. 71. f. per caligas, corrige, per femoralia: caligæ siquidem propriè tegumenta crurum, quæ quibusdam tibialia stûmpff dicuntur. Tamen ubi tegumenta femorum ysdem tibialibus continentia sunt, vnumq; indumentum efficiunt, vt quondam passim, nunc apud rusticos ferre, ganße Hosen / non video quo alio quam caligarum nomine appellentur. 92. in 7. versu Lucretij pro genere bellum, quod negligentia Correctoris irrepsum, repone, cernere bellum. 127. p. versu 6. verba sic transpone, non patiendi, sed agendi notio. 177. p. pro gossipium, lege lannam. 185. f. lege. rubentibus papulis. 188. m. experimur. 272. p. versu 3. sic scriptum oportuit. Quidam phrasin non intelligentes, inuerso verborum ordine dicunt, vitam cum morte commutare, quod ferri potest. 455. m. corrige numerum 29. vt sit 16. Alicubi in hoc volumine, nã fallor, male seu scriptum, seu impelli. merces pro merx. locum reperire non potui. Mox vtraq; sua mercede condigna est. Boni cosule, mi Lector.

P.R.O.



PROGYMNAS-
MATVM LATINITATIS,
SIVE DIALOGORVM.

VOLV MEN PRIMVM.



PROGYMNASMA
SIVE DIALOGVS PRIMVS.

*Deductio pueri ad Magistrum,
& primum examen.*

PATER, MAGISTER, PVER.

PATER. Salute plurima doctorem te lite-
rarum impertio. M. Habeo gratiam, vir o-
ptime. Quid est negotii, quainobrem
me velis? P. Si non grauaberis paruam
dare operam mihi, paucis exequar qua
caussa ad te accesserim. M. Aduerto animum. P. Ego
germani patris officium secutus, paruulum hunc, quem
cernis, filium meum honestissimis doctrinarum stu-
diis, & virtutibus primordio ætatis deditum esse nimi-
um quantum cupio. M. Laudabilis, & iustissimo at-
que præclarissimo desiderio incensa voluntas: quam

primū enim, & quā diutissimē discendum sa-
 pientes prædicant, quod nunquam perdiscitur, &
 proficit in perpetuum. Præterea multum refert,
 quibus odoribus testa recens imbuatur. P. Est verò
 ita ut dicis. Hunc igitur puerum (quod mihi, fami-
 liæque meæ feliciter eueniat) tibi in manum do, tibi
 committo, tuæque mando fidei. Naturā ego sum, amo-
 re, cura & sollicitudine tu illi pater esto. Tua institutio-
 ne, ac disciplina probitatem, & intelligentiam rerum
 (quanta quidem in istam teneritudinem cadit) adipisca-
 tur. M. Certē quidem haud repugnant in album di-
 scipulorum ipsum retulero, si, ut est in more po-
 situm, ingenium eius, atque progressum, quem in li-
 teris hætenus effecit, periclitatus antē fuero. P. Te-
 neas licet sollemne tuum, & exquiras quodcunque tibi
 exquisito opus videbitur. M. Age, mi fili, ede nomen
 tuum. PV. Mihi nomen est Iacobus. M. Quotum agi-
 tas annum? PV. Hic, opinor, nonus incipit. M. Ele-
 menta conformare nostin? PV. Maximē: quanquam
 haud venustissimē. M. Quid? rudimenta Grammati-
 cæ num doctē calles? etenim in hoc meo gymnasio
 illa non traduntur: instructum ab iis venire ad me
 audiendum oportet. PV. Spero me scientiā compre-
 hendisse illas præceptiones, quantum potuerim. M. Cu-
 ius autem Grammatici erant illa tua rudimenta? PV.
 Emmanuelis Aluari Lusitani. M. Emmanuelis? Vis-
 ne explorem quā studiosē didiceris? PV. Explo-
 ra, si placet. M. Cedò, inflexiones nominum quot
 sunt? PV. Quinque. M. Hæc vox, sensus, quota de-
 clinatione continetur? PV. Quarta. M. Quo casu ef-
 fertur?

fertur ? PV. Nominandi, generandi, vocandi singulari : & rursum nominandi, accusandi, vocandi multitudinis numero. M. Bonus, cuius generis ? PV. Masculini. M. Certumne istud habes ? PV. Certissimum. M. Eius fœmininum ? PV. Bona. M. Neutrum ? PV. Bonum. M. Da comparativum, & superlativum ? PV. Melior, optimus. M. Cur non dicis, bonior : bonissimus : perinde ut doctior, doctissimus ? PV. Dicerem verò, nisi esset anomalum, siue inæquale, ut illa quoque : malus, peior, pessimus : parvus, minor, minimus. M. Probè respondet adolescentulus. Dehinc Pronominis definitionem recita. PV. Quod loco nominis positum, certam, finitamque personam adsignificat. M. An emendatè sic loquemur : saluum te advenire gaudemus ? PV. Prorsus emendatè. M. Undenam hoc intelligis ? PV. Ex regula IV. M. Audiamus. PV. Verbum personale infiniti modi, postulat ante se accusandi casum. M. Pernosco, & de miror egregiam, singularemque diligentiam tuam. Hanc si in posterum similiter ad discendum attuleris (quod te facturum esse, mihi quidem dubitare in mentem non venit) promitto, ac recipio huic parenti tuo, te hominem eruditissimum venientibus annis evasurum. P. Diligentiam, quidem pueri in spe optima ponat Magister. Ego item, quò minus illi cessare, & socordia, atque desidia bonum otium conterere sit integrum, curabo sedulo. PV. Ignavus non ero. M. Macè indole, sic facies, mi Iacobe, & cras postquam luxerit, cum libellis tuis, armisque scholasticis ad sextam in ludum hunc meum ire, Diis bene iuvantibus, occipies. Tu interim
filium.

filium reduces domum : quem propter ingenii bonitatem, & quam facile perspicio, naturæ præstantiam multò commendatissimum nobis, charissimumque fore credas velim. P. Liberalis ista, & humanitatis plena pollicitatio, vir doctissime, omnibus necessitudinibus me tibi obstringit. Bene vale. M. Et tu.

ANNOTATIONES.

PROGYMNASMA, SIVE DIALOGVS) Qui tyrones suos sciendis belli simulacris, seu ludicris quibusdam certaminibus & umbratilibus pugnis ad serios conflictus, atq; ad vera praelia in eunda prius exercent, ac præparant: quicq; alijs in rebus & artibus idem faciunt, *Προγυμνασαι*. & antecedentes illæ, primæque exercitationes *Προγυμνασματα* dicuntur, verbum è verbo præexercitationes, præexercitamenta. Possunt etiam prolusiones appellare. Ego itaq; cum iam inde vsque ab initio laboris mei progymnasten me esse optauerim, & studuerim, hoc est, adolescentes Humanitatis alumnos latina lingua mysterijs initiare, & ad eius in omni vita vsum veluti bellicis quibusdam concursionibus præparationē ipsi adhibere contenderim, nō incommodè videbor hoc quidquid est, qualecunque est scriptorum meorum, nominasse Progymnasmata. Quoniam autem in hoc genere scriptura Dialogorum contritissima est appellatio, nec nos eam repudiamus. DOCTOREM LITRARVM) Magistros Grammaticæ nitidius, & honoratius ita vocabimus.

mus, vocenimirum generali, respicientes ipsum nomen artis, quod à literis ductum est: *ὑπὸ τῶν γραμματέων* quippe *ἡ γραμματική*, & pro Grammaticis dicti sunt litteratores; ut Sylla quidam apud Catullum. Et Sueton. de illust. Grammat. Appellatio Grammaticorum Græcâ consuetudine inualuit; sed initio literati vocabantur. Eodem respexisse apparet M. Tullium 1. de Orat. Quis musicis, inquit; quis huic studio literarum, quod profitentur ij, qui Grammatici vocantur, &c. Studium literarum nominat Grammaticam. Idem aliàs cum de Grammatica rebus loquitur, literas vocare solet. De Orat. 3. scribit literas ab Aristophane tractatas fuisse. De Servio Sulpitio in Bruto. Sed adiunxit etiam & literarum scientiam, & loquendi elegantiam. In Pisonem. Quid nunc te, asine, literas doceam? non opus est verbis, sed fustibus. Non dixi hanc togam qua sum amictus: nec arma, scutum, aut gladium, & qua sequuntur. Qui in Academijs hanc scientiam profitentur, latina lingua Professores audire volunt, & ipsi hoc se nomine efficiunt. Id neque falsò, quod omnes vident, neque iniuste; quando Grammatici nomen hoc saculo vilescit, ac despicitur. Et Seneca Epistola XCV. custodes latinitatis nuncupat. A PRIMORDIO ÆTATIS) Propert lib. 3. eleg. 4.

Me iuvat in prima coluisse Heliconâ iuuenta,

Musarumq; choris implicuisse manus.

Sunt eadem hæc. Ab adolescentulo, ab adolescentulis, ab ineunte, à prima adolescentia, ab ineunte, à primâ ætate,

atate, ab initio atatis, à primis temporibus atatis, à pūe-
ro, à pueritia, à paruulo, à puero paruulo, à pusillo, à pau-
xillo puero, à tenero, à teneris, à teneris vnguiculis, de
tenero vnguī Horat. quod Graci ἐξ ἀπαλῶν ἐρύχων.

NIMIVM QVANTVM CVPTO) Immane
quantum, nimium quantum, mirum quantum, non ali-
ud sibi volunt, quam illa, summe pere, mirificè valde, ma-
iorem in modum, & similia. Graci θαυραγὸν εἶναι, ἀμή-
χανον εἶναι, &c. mirabile quantum, seu, mirabile admo-
dum, difficile quantum, seu difficillimum, seu val-
de difficile. Cicer. in Crat. Huic generi orationis as-
pergentur etiam sales, qui in dicendo nimium quantum
valent. Sallust. apud Nonium. Immane quantum animi
exarserunt. Horat. Ode 27. lib. 1. Vino & lucternis Me-
dus acinaces Immane quantum discrepat. **QVAM**
DIVTISSIME) Tandiu immorandum in studiis
liberalibus suadet Seneca, quandiu melius agere ani-
mus nihil potest. Et tandiu discendum est, quandiu nes-
cias, & si proverbio credimus, quandiu vivas, epist. 76.
Idem de philosophia, qua laudatorum artium fons &
parens est, epistol. 72. cui nullum tempus satis magnum
est, etiamsi à pueritia vsque ad longissimos humani aui
terminos vita protendatur. **QVIEVS ODORIBVS**
TESTA) Horat. epistol. 2. lib. 2. Quo semel est imbu-
ta recens servabit odorem Testa diu. Quo carmine
quàm nihil verius, tam nihil perunlgatius, Geminum
huic est, quod legitur in 3. de Finibus de filio Luculli
puero. Sed infus tamen debet iis artibus, quas, dum

est tener, combiberit, ad maiora veniet paratior. Et quod ex eiusdem Hortensio producit Nonius, Vt qui combibi purpuram volunt, sufficiunt prius lanam medicamentis quibusdam: sic literis talibusque doctrinis antè excoli animos, & ad sapientiam concipiendum imbui ac preparari decet. Aristot. 2. de moribus. ἔμπροσθεν Ἀλφάβητος ἢ ἕτως ἢ ἕτως ὅπως ἐν νέων ἐδίξεομαι, ἀλλὰ παμπλὺ, μᾶλλον δὲ τὸ πᾶν. Non paruum refert, sed permultum, vtrum sic, an sic à pueris assuescamus: immò verò totum in eo positum est. Addamus & Fabium. Naturæ, inquit, tenatissimi sumus eorum, quæ rudibus annis percepimus: vt sapor quo noua imbuatur durat: nec lanarum colores quibus simplex ille candor mutatus est, elui possunt. lib. 2. cap. 1. Huc pertinent cænes Lycurgi, dissimili ratione educati Plutarch. de liberis educant. QVOD MIHI FAMILIAREQVE) Cicer. 1. de Divinat. Neque solum deorum voces Pythagoræ observabant, sed etiam hominum quæ vocant omnia, quæ maiores nostri quia valere credebant, idcirco omnibus rebus agendis: QVOD BONVM, FAVSTVM, FELIX, FORTVNATVMQVE SIT præfabantur. Varro lib. 5. de lingua Latin. Vbi noctu in templum censura auspicatur, atque de celo nuntiatum erit: præceni sic imperato, vt viros vocet. Quod bonum, fortunatum, felix, salutaréque fiet populo Romano Quiritium, Reique publica populi Romani Quiritium, mihi que, collega que meo, fidei, magistratui que nostro, &c. Livius lib. 1. Quod bonum, faustum, felix

felix quæ sit, inquit, Quirites regem create. Idem. Quod bonum, faustum, felix quæ sit populo Romano ac mihi vobis quæ Albani. Talia sunt apud Plautum. Aulul. Dū bene vertant. Ibidem. Quæ res bene vertat mihi quæ, tibi quæ, tuæ quæ filia. Et Capt. Quæ res bene vertat mihi quæ, meo quæ filio, vobis quæ. Et Trin. Vxor venerare, ut nobis hæc habitatio bona, fausta, felix, fortunata quæ eueniat. Virgil. eclog. 9. Hos illi, quod nec bene vertat, mittimus hædas. Liuius l. 1. Quod bene vertat, castra Albanos Romanis iungere iubet. Cicet. pro Marana. Idem ego precatus sum, ut ea res fauste, feliciter, prosperè quæ eueniret. Fuit & hæc apud veteres præfandi ratio, Jeòs, Jeòs, ut ex Pausania recitat Rhodig. lib. 1. cap. 2. SOLEMNE TVVM) Tenere, seruare sollemne suum, est tenere institutum ac morem suum. Cicet. ad Attic. lib. 7. epist. 6. Tantum igitur nostrum illud sollemne seruemus, ut ne quem istuc autem sine litteris dimittamus. MIHI NOMEN EST IACOBVS) Quatuor modis priscos Latinos in proprio nomine indicando vsos inuenio. Dicebant enim. Est mihi, est illi nomen Fabius, Fabij, Fabio. Qui quidem tres modi in vulgo noti sunt satis, quartus non aequè, accusandi casu nimirum. Liuius lib. 1. cui parentes Ascanium dixere nomen. Eodem libro Lucium Tarquinium Priscum edidere nomen. Gellius quoque lib. 15. cap. 29. fatetur hanc nouam figuram esse, adducit quæ ex annalibus Pisonis hoc exemplum. L. Tarquinium collegam suum, quia Tarquinium nomen esset, metnere: eum quæ orat, uti sua voluntate Romam


contendat. Hoc perinde est, inquit, tanquam si ego dicam: mihi nomen est Iulium Virg. 3. *Æneid.* *Æneadas* quæ meo nomen de nomine fingo. Quasi dixerit: impono illis nomen *Æneadas*. Servius in 1. *Æneid.* Dicimus est mihi nomen Cicero, Ciceronis, Ciceroni, Ciceronianum.

QUOTVM AGITAS ANNUM?) Verbum agitare, Sallustius in ore habet quàm sepius. Vita hominum sine cupiditate agitabatur. Agitabatur magis magisq; in dies animus ferox. Beneficijs magis quàm metu imperium agitabant. Gaudium atque letitiam agitabant. Multa agitati nihil processit. Rempub. agitauere. Cum precepta patris mei agitare. Qua mente agitaui. IN HOC MEO GYMNASIO) Loca in quibus nudi luctarentur, seseq; exercerent, dicta sunt gymnasia, ἡ γυμνασία nudo. ipsa exercitatio palastra. Placuerunt deinde illa loca philosophis, in quibus disputationes suas habere cœperunt, quod etiam 2. de Orat. testatus est Cicero. Nunc pro quibuscunq; locis ad docendas literas destinatis ista vox capitur. VENIENTIBVS ANNIS)

Horat. ad Pison. Multa ferunt anni venientes commoda secum. Multa recedentes adimunt. Veniunt anni dum ad æuum iuvenile viuendo progredimur: recedunt dum ad senectutem tendimus. Seu, anni venientes sunt ab infantibus vsq; ad mediam, & virilem ætatem: recedentes, à virili ætate ad sepulchrum. QVOMINVS ILLI CESSARE) Cic. 1. de nat. Deor. Profectò Epicurus quasi pueri delicati, nihil cessatione melius existimat. At ipsi tamen pueri, etiam cum cessant, exercitatione aliqua ludicra

electantur. POSTQVAM LVXERIT) Simulat-
 que calum albescere coeperit, seu, vt Caesar i. de bello ci-
 nili, albente calo, & lib. 4. de bello Gall. orta luce. Cū
 primum dies orta fuerit. Primum auroa nouo cū spar-
 git lumine terras. Cū sol ortus sua lucē conueſtit, ac
 perfundit omnia. Dum rosea face sol inferret lumina
 calo: qua sunt Lucretij. Cum prima luce, diluculo, pri-
 mo diluculo. Hac omnia volunt, lucere: diem, inquam,
 ac lucem esse. Cic. pro Sex. Roscio. Occisus est a cœna re-
 diens. Nondum lucebat, tūc America scitum est. De Di-
 uinat. lib. 2. Vbi lucere coepisset. Epist. 4. lib. 15. expedito
 exercitu ita noctu itet feci, vt ad 3. Id. Octob. cū luce-
 sceret, in Amanum ascenderem. Catull. ad Caluū.
 Nam si luxerit, ad librariorum Curram scriñia. Plau-
 tus Milite. Priusquam lucet assunt. Apud hunc, & Te-
 rentium crebro legas, lucet hoc, luceſcit hoc: subaudi-
 dum calum, aut interuallum, quod inter caeleſtes orbes,
 terrarumque sola interiectum est, quod digito videntur
 ostendisse: vt proinde illud, hoc, δεξιτῶς accipiat. **DIVIS BENE LVVANTIBVS**) Liuium. En-
 nius dicit: cum magnis dijs volentibus. Presert Cicero.
 de Offic. Sic Plaut. Persa. Et Milite. Agite, ite, cum dijs
 benouolentibus. Vulgaria sunt illa, Deo fauete, Deo an-
 nuente. Iacobus Apostolus cap. 4. Christianos bene omi-
 nari docet in hunc modum. εἰν ὁ κύριος & θελήσῃ, καὶ ζή-
 σουμεν, καὶ ποιήσῃ μὲν τὸν τοῦ τοῦ, καὶ ἐκείνο. Si Dominus voluerit,
 viuemus, & hoc aut illud faciemus. In Xenophonte ista
 passim occurrunt. οὐν θεῶν, οὐν τοῖς θεοῖς, τῷ θεῷ θελή-
 ῃ

θεῶν συνθελόντων, θεῶν ἰλεωνόντων, ὡς θεὸς μὴ βλάβῃ;
εἰ ὁ θεὸς μὴ ἐνανποιῶ.



PROGYMNASMA

SECUNDVM.

Consimile argumentum.

MATER; PVER; LVDIMAGISTER

MA T E R. Narcissule, agetum, tectus pat-
liolo tuo actutum sequere me. P. Quò
concessura es mater? M. In locum periucun-
dum, perque aincenum, & salutarẽ. P. In hor-
tum? M. Etiam, in hortum ibimus. P. Tollam
ergo mecum corbulam meam ad poina & flosculos
colligendos. M. Non opus istis corbulis ad hæc po-
ina, atque ad istos flores, eius de quo loquor hortuli a-
sportandos: moue te ocyus. P. Non intelligo, ma-
ter, quorsum me ductura sis. M. In scholam ad Magi-
strum te ducam: ô fili: ibi latinitalis tyrocinium pones,
posteaquam intra domesticos parietes à pædagogo vs-
que ad hoc temporis legere, & fortinas literarum
quoquo modo conscribere doctus es. P. Hei, nolo
in scholam itare. M. Caue sis malam rem: debes
velle quæ pater & ego volumus. P. Virgas pertimesco,
quibus me Præceptor assiduissimè tacturus est. M.
Ne timueris, mitissimus atque lenissimus homo
est, puerosque dociles, ac dicto audientes amat vnicè.

nec eos digito attingit. P. Missum me fac isto anno : insequenti quod constitutum habes transige. M. Opprime os, & sequere. P. Sequor. M. Hem, illæ sunt ædes illic est Gymnasium, quò maturo pergere. At ipse Ludimagister eccum prodit foras. Cùm proximè accesserimus, primum nudato capite inflecte aliquantum genua : deinde dexteram manum tuam osculatus eidem porrige. Astabis autem solo fixos tenens oculos, & quàm modestissimè, placidissimeque ad interrogata respondebis. P. Ut iubes mater. L. Salve bona fœmina cum istoc paruulo tuo. M. Salve multum vir literatissime. L. Tuane isthæc soboles ? M. Mea, Deo sint laudes, cui in acceptis refero. L. Quid venis ? in meamne fidem ac potestatem permissura filiolum tuum ? M. Ea propter huc me affero, mi Domine : & te per illos quos ipse genuisti liberos, rogo atque oro, institue mihi hunc puerum literarum atque morum præceptis, pro eo ac consueuisti diligenter. Pretium tibi largè comulatèque persoluiam : & ille qui omnibus omnia muneratur Christus maioribus te præmiis in cœlo dignabitur. L. Ita spero quidem. Tibi autem affirmo me in iste puerulo informando nullam laboris partem prætermissurum. Hoc porrò fidelis, ac piæ matris est munus, quo tu perfungeris modo : optare scilicet & curare suos erudiri liberos : ne si manserint literarum imperiti atque rudes, haud minùs differant à doctis, quàm arbores infructiferae à fructiferis, equi indomiti à domitis, & à viuis mortui. Quì vocare ? mi paruule. P. Narcissus. L. Conueniunt rebus nomina sæpe suis. Perquàm
scitus

scitus puer natus est tibi, & præfagum ipse nomen indidisti. Visura es aliquando huic virtute, & sapientia florentissimum. Deum quaeso, ut vitæ tuæ superstes sit. M. Ille idem faciat, ut huic formæ mores consimiles sint, aptæque membrorum compositioni, & coloris suauitati præclara animi species olim, pulchritudoque respondeat. L. Iamne legere nō sti, Narcisse? P. Noui. L. Et ducere literas? P. Ita. L. Lege quod typis impressum cernis in hac paginula. P. *Cū & contra voluntatē meam, & præter opinionē accidisset, ut mihi cū imperio in prouinciā proficisci necesse esset, in multis & varijs molestijs, legationibusq; meis hac vna consolatio occurrebat, quod neq; tibi amicior.* L. Sufficit; perfectè legis. Libenterne frequentabis scholas? M. Permetuit virgas Domine, ut pueritiæ mos fert: alioqui non inuitus discit. Veruntamen in hoc metu illum esse haud inutile est. L. O Narcissule, habebonum animum. Nisi fueris incredibiliter turbulentus & segnis (quod minimè futurum credo) nihil graue patieris: sed priuū apud me amicitiae locum tenebis, disputatorum duces familiam; sedebis loco primariò, & quā sapissimè brauiò potiere. Nec me defectura est pomorum, ficuum, amygdalorum, & sacchari copia, unde crebra sedulitati tuæ de m munuscula. Tu, matrona, cures licet ne domi nimium lusibus vacet inter coeuiulos suos; neue mulierum ancillarum blandimentis abstrahatur à studiis. Prouideas ne absit à schola, nisi forsitan morbo teneatur. Progressus plurimū impedit absentia. M. Scilicet ita res est. Satis con-

tentè illum habeo : neque finam ut absit à gymnasio. M. Eines libellos illi ad hanc scholam necessarios, & in diebus paucis in ludum mittes. M. Etiam. L. Vale. M. Communis illi omnium magister & imperator Deus te nostræ iuuentutis inmoderatore in lectissimum, longissimo tempore viuum ac sospitem præstet.

ANNOTATIONES.

QVÆSITVM est à doctis quo tempore literis tradendum foret puer. Summus ille iuuentutis moderator Quintil. etiam ante septimum ætatis annum id fieri oportere censet. Cur, inquit, non pertineat ad literas, quæ ad mores iam pertinet? Chrysippus, ut idem scribit, cum nutricibus triennium daret, etiam tum ab illi infantiam optimè institutis informandam iudicauit. Lege cetera lib. 1. cap. 1. Alii ponitur quæstio, maiorene cum fructu intra parietes domesticos, an foris in schola, in celebritate coactorum condiscipulorumq; erudiantur pueri. Complures, & sanè quàm idoneas rationes idem Quintil. afferri lib. 2. c. 2. quamobrem publice docendi videantur, & aliud sentientes refellit. Tertio loco queri potest, eiquid extra fines patriæ institutionis causa mittendi sint. Hoc de re legendus Maphæus Végius lib. 2. c. 3. Cuius præterea consilium est cap. 2. eiusdem libri, ne subito multo discendi labore obruantur ingenia puerilia: quando nec aratores, nec equorum domitores id faciunt: illi dum iuencos iugo, hi dum equulos frano assue-

assuefaciunt. Eadem ante ipsum Quintil. cuius est illa omnibus notissima similitudo de vasculi angusti oris, quæ superfusam humorum copiam restuunt sensim autem influentibus, vel etiam instillati complentur. Præcipitur hoc quoque prudenter à Maphæo: ne Magistri pueros assidue in scholis cum ceteris morari cogant: sed spectatores magis, quam discipulos esse patiantur. Sicut vitatores periti nouellas vites non solent multum extendere, quò vinum proferant, donec in stirpem robustiorem succruerint. Denique de officio Doctorum nec pauca, & perutilia differit lib. 2. c. 7. 8. 9. 10. sparsim nonnulla etiam Quintil. lib. 1. & 2. TACTVRVS EST) Quam Græci *μείωσιν*, & *ἐλάττωσιν*, Latini imminutionem, & extenuationem dixerunt: per quam se tetigisse aiunt, qui dicto factoque grauitèr quempiam laeserunt, aut durius etiam verberarunt. Terent. Eunuch. Quo pacto Rhodium tetigerim in conuiuio. Id est, dicto aculeato vulnerauerim. Catull. velut prati vltimus flos prætereunte postquam Tactus aratro est. Propertius libro 2. eleg. 34.

Me inuict æterni possum languere corollis:

Quem tetigit tactu certus ad ossa Deus.

Vsurpatur, item tangere pro fallere, fraudare, circumuenire, decipere. Plaut. Epid. Iste adeò tetigi tetriginta minis, Et Pseudol. Si neminem alium potero, tuum tangam patrem. Sic vsus est verbo, ferire, Terentius. Phorm. Geta ferietur alio munere, EA PROPTER HVC ME AFFERO) Terentius Andr. Haud auspiatò huc me attuli.

ruli. Id est, huc veni, huc accessi, hic mestiti. Cōtrarium, auferte hinc, abi, discede. Cic. ad Tiron. similiter locutus est. Vt te Leucadem deportares. Quomodo & Sophocles Antig. οὐ μὲν ἡγουίῃς αὐτὸν στανὸν εἰς θάλασσαν. PER ILLOS QUOS IPSE GENVISTI) In obtestationibus, & obsecrationibus nominabant aut res magnas, aut ipsas charas quos obsecrabant. Cic. pro Quin. Obsecrauit per fratris sui mortui cinerem, per nomē propinquitatū, per ipsius coniugem & liberos. Plaut. Capt. Per deos atq; homines ego te obtestor Hegio, Ne tu istunc hominem perdis. Ibid.

Hac per dextram te dextra retinens manu

Obsecro, infidelior mihi ne suas, quam ego sum tibi.

PRETIUM TIBI LARGE) δίδωμι, minerval. Large autem, dignissimi enim hi operarij mercede sua. Sed reperiuntur quibus Magistri nimis grande minerval exigere videantur, quique mille denarijs mancipium, aut iumentum malint emere. Emant, & sibi habeant duo seu mancipia, seu iumenta, ut respondit Aristippus cuidam. Plutarch. de lib. ed. EQUI IN DOMITI A DOMITIS) Aristippi est, qui prater ea interroganti, qua nā re melior esset euasurus filius, si eum instituendum literis curaret. ut nihil aliud, inquit. certe in theatro non sedebit lapis super lapidem. Quod sequitur de viuū & mortuū in dialogo, protulit Aristoteles, LEGE QVOD TYPIS IMPRESSVM) Cum pueri docentur legere, audiendus est Quintil. cuius hæc sunt verba. Incredible est quantum mora lectioni festi-

natio-

natione adijciatur. Hinc enim accidit dubitatio, intermissio, repetitio, plusquam possunt audientibus: deinde cum errarunt, etiam ijs quæ iam sciunt dissidentibus. Certa sit ergo in primis lectio, deinde coniuncta, & diu lentior, donec exercitatione contingat emendata velocitas.

FAMILIAM DUCES) Qui in re aliqua primam merentur laudem, primumque locum obtinent, ij ducunt familiam. Tralatio ab huius, qui, quod potestate, aut honore, aut scientia præstant, ceteros ducunt, & comites habent. Mur. lib. 4 c. 17. Man. in Cic. ep. 5. lib. 17. Quint. lib. 1. c. 2. ducere classem. Cic. in Phil. ducere ordinem. POMORVM, FICVVM) De genere & inflexione vocabuli, sic. lege Vallam. l. 1. cap. 4. Legitur etiam ficulus, pro fructu, apud Plaut. Stich. Meminit huius moris Hor. sat. 1. l. 1.

— Et pueris olim dant crustula blandi

Doctores, elementa setunt Et discere prima.

Qui huiusmodi crusta & crustula parant, coqui & artifices crustarum & crustularum dicuntur, Ruchelbacher. Plato in 7. de Repub. non vi cogi pueros ad disciplinas, sed ludentes potius inuitari vult: ut appareat, ad quod quisque genus studiorum natura sit idoneus. Veruntamen non debent iidem semper, & secundi quidem stare venti. Nunc pluit, & claro nunc Iupiter æthere fulget. MULIERVM QVE ANCILLARVM) Sallust. iugurth. Cum interim Hiempsal reperitur, occultans se in tugurio mulieris ancillæ. Omnis ancilla mulier, non quavis mulier ancilla. Terent. And. Mirum verò, impudenter mulier si faciat meretrix. Plaut. Menach. frater geminus.

Pæn. Lapis filex. Caesar lib. 3. de bello Gall. digitus pollex. Ibid. homo adolescentulus. Huiusmodi apud classicos scriptores sunt, terra Gallia, terra Italia, terra Græcia, terra Campania, & alia. IN DIEBUS PAUCIS) Idem prorsus valent, in diebus paucis, paucis diebus, intra paucos dies. Terent. Andr. In diebus paucis quibus hæc acta sunt, vicina hæc moritur. Cic. epist. 7. lib. 1. Paucis enim diebus eram missurus tabellarios domesticos. Catull.

Conabis bene mi Fabulle apud me

Paucis, si tibi Dii fauent, diebus.

Propert. lib. 2. eleg. 19.

Tu quoties aliquid conabere, Sita, memento

Venturum paucis me tibi luciferis.

XXXXXXXXXXXXXXXXXXXXXXXXXXXXXXXXXXXX

PROGYMNASMA

TERTIVM.

Euntes in ludum.

ANTONIUS, MARCELLVS.

ANTONIUS. Securissime, & timore expeditus in phrontisterium vadis Marcelle?
 M. Quid tibi ista percunctatione vis? explicatum, non enim satis intelligo. A. Fabor ergo apertius. Contextuisti epistolam, quam à nobis hodie requireret Præceptor? M. Contextui, & descriptam porto mecum. A. Præcurrit alacritas tua meatum tarditudinem. Quanquam haud ita pigritia me, ut chartæ penuria, qua premebar, remorata est, fecit. 7
 que

que ut meam non totam descripserim : seriùs quip-
 pe adeptus sum papyrum. M. Quid acturus, si po-
 poscerit? A. Dum vestras emendat, interea quod reli-
 quum est nullo negotio describam. Hoc concessu-
 rum mihi spes est : siquidem aliis aliàs concessit. M.
 Ostende sis tuam scriptionem. A. Hem. M. Quàm
 fœdè tu componis literas? gallinam scripsisse arbi-
 tror. Quàm item vacillant versus? A. Dummodo le-
 gi queat scriptura, parui duco tristia sint, an læta, pul-
 chra visu, an deformia elementa : versus ad amulsim
 nequeo dirigere, quantumvis coner. Atqui non tam
 valde utraque laude mihi antestas. M. Iudicium cæci.
 A. Aliter doceat me Præceptor, si ipsi displiceo cum i-
 stis illepidis, inuenuistisque characteribus. M. Abhorrent
 istæ partes ab eius munere. A. At vnde discam tandem?
 Quid tu nunc mihi auctor es? M. Aliquem peritum a-
 dolescentem, pacta pecunia conducant parentes tui,
 quem hanc ad rem magistrum capias. A. Attamen do-
 ctrina quoque spectati & clari homines plerumq; insci-
 tæ, & indecorè efformant figuras istas. M. Dici alter
 non potest : verum non idcirco sunt docti : & tamen
 multi illorum decenter. A. Parentes mei (quod virium
 senectus affert) attentiores sunt ad rem quàm sat est:
 defraudant genium suum : vereor ut illis persuadeam.
 M. Adhibe procuratorem Magistrum, cuius vnum
 verbum huc plus valebit, quàm centum tua. A. Ro-
 gabo ut hanc mihi opellam surripiat. M. Cætè-
 rum, quæ heri explicata sunt in Cicerone, si te forte
 nominauerit, poteris né repetere? A. Nisi ipsemet opi-
 tuletur, parum bene : oblitus enim sum quorundam, &
 quem

quem domi interrogem, habeo præter parietes neminem. M. Hærenti subueniet. Ego insuper, quoad eius facere potuero, tibi opem feram. A. Mi optime Marcelle. M. Sponden' te mutuum esse facturum mecum, si in eodem luto hæsitauero? si necessitudo postulauerit? A. Spondeo firmiter. M. Salua res est.

ANNOTATIONES.

TIMORE EXPEDITVS) Quemadmodum apud probatos scriptores legimus curis expeditus & curis expeditis, curis solutus & solutis, soluere animum cura, soluere curam, ita licebit dicamus, timore expeditus, timore expedito, &c. Possunt etiam prænomen accusandi casu, & præpositio interponi. Expedire se arumnis, expedire se ab occupationibus. Dicimus item expedire negotium, nodum, &c. IN PHRONTISTERIVM) à verbo $\Phi\rho\omicron\nu\tau\iota\zeta\omega$ cogito, meditor, commentor, defleßitur, $\Phi\rho\omicron\nu\tau\iota\sigma\tau\epsilon\rho\omicron\nu$, locus ad commetandum, meditandum, cogitandum. Locus nempe, in quo cogitationes & sensa nostra explicamus, atq; ad audientes proferimus. Accommodatur ad scholam: ibi siquidem Magistri discipulis sua, & auctorum quos interpretantur cogitata mentemque explanant. $\delta\iota\delta\alpha\sigma\kappa\alpha\lambda\epsilon\iota\omicron\nu$ quoque dici potest, à docendo: $\delta\iota\delta\alpha\sigma\kappa\omega$ namq; est doceo. $\chi\omicron\lambda\eta$ est otium & cessatio. Hinc schola, quod à cæteris negotijs omnibus vacui atque liberi, in ea vnus tantum studijs impertiri nos debeamus. Eodem vocabulo disputationes, & controuersia inter doctos agitata, & quæstionum denique

non

non leuium tractationes significantur. Gellius cap. 26. lib. 1. diatribam nominat, græca item voce: ob studium scilicet, operamque liberalem, qua tempus discendo atq; audiendo consumimus. Latine auditorium, Sueton. Item ludus, quoniam generatim locus in quo quis exercetur, sic dicitur Ludus gladiatorius, ludus musicus, ludus fidicinus, ludus palaestra. Ac merito quidem ludus, quando, ut 3. Off. Cicero ait, discendi voluptas potius est, quam labor. Addimus interdum, literarius. Hinc ludum aperire. Cic. 1. Tuscul. loquens de Dionysio: quod parum latine quidam: professionem suscipere. GALLINAM SCRIPSISSE) Plautus initio Pseud. huiusmodi lepidas literas, lepida conscriptas manu irridens, inter cetera.

An obsecro hercle habent quoque gallina manus?

Nam has quidem gallina scripsit.

VACILLANT VERSVS) Quid hoc sit, sequentibus statim verbis de amussi declaratur. Cic. epist. 15. l. 16. Accepi tuam epistolam vacillantibus literulis. Nec mirum, tam graui morbo. Vacillare memoria, ad Articum. DOCTRINA QVOQVE CLARI) Vulgata ac promodum vera opinio. Isti huc enim negotium illi & πωόντι τῆς Φερονίδος, quemadmodum Anacreon Polyerati Samiorum tyranno quinque talenta, quibus ab eo donatus fuerat, & ob qua duabus noctibus somno caruerat, restituens dixisse fertur. Theodosium minorem, Arcadij F. iam ad clauum sedentem Nicephorus cap. 3. lib. 14. describendū librum mire delectatum, & καὶ τὰς ἀλλὰ φέ-

ΤΕΤΥ,



τοῦτον, multaq; eius manu exarata ad suam aetatem per-
mansisse potuisseq; ipsum ea scientia vita sumptum tole-
rare commemorat. QVOD VITIVM SENECTVS)
Tenacitas, & avaritia senū, effusio iuuenum est. Illi quæ-
runt, & inuentū miseri abstinent, ac timent vti quoque
minus restat viæ, eò plus corrādunt viatici. Nihil absur-
dus. Hi vitilium tardi prouisoires, prodigi aru, vt inquit
ad Pisones Horatius. NECESSITVDO POSITVLA-
VERIT) Neccssitas & necessitudo, si ut suauitas & sua-
uitudo, sanctitas & sanctitudo idem sunt, & vtrāq; vox
coniunctionem beneuolentia seu familiaritē amicitia,
consanguinitatem; & id quod necessum est significat,
Gell. lib. 13 c. 3. apud Sallustium quidem posterius fre-
quenter sanē. Vide insuper Manut. in epist. vlt. lib. 2.

XXXXXXXXXXXXXXXXXXXXXXXXXXXX

PROGYMNASMA

QVARTVM:

Tardè ludum petentes.

EMMANVEL, EVSTACHIVS.

EMMANVEL. Saluus sis Eustachi. EV.
Eo salue Emmanuel. Quò ire intendis? EM.
In scholam. Quò te pedes? EV. Eòdem.
EM. Vbi libri? vbi attramentarium? EV. Sub
pallio & axilla gestito. EM. Audiuisti n' primam? EV.
Pridem. EM. Ain' tu pridem? Væ nobis. EV. Quid
con-

consternaris: aut quid metuis? E M. Quid metuam? quod solent serò venientes. ah. E V. Ego sanè probabilem excusationem adducam. E M. Obsecro, quam? E V. Mater me cum mandatis ad sororium misit, cuius responsum renuntiandum fuit domum; & absunt illius ædes à nostris longius: eò tardiùs venio. E M. Quid si hanc rationem tanquam commentitiam repudiet? E V. Fiducia est id minime facturum. Nam me ab huiusmodi mendaciunculis temperare non rarò expertus didicit. E M. Me miserum, malique fati: quid machiner? quid confingam, cum (ut hoc æstium, & pomeridianum tempus etiam magno natu homines invitare solet) somno captus obdormiuerim super libro? in extremo sitæ sunt fortunæ meæ, nec quid agam certum est. E V. Si rem ipsam ingenuè confitear, forsitan delicti gratiam faciet. Quid forsitan? certè faciet: exonera te metu. E M. Obtemperabo bene monenti: absterfisti metum. At enim ecce aliud mihi timorem obiiçit. E V. Aliud? dic quæso. E M. Formido malè, ne hîc elapsus, alibi in casses incidam. E V. Vbi? E M. Quæ memoriter pronuntianda præscripsit, haud teneo absolute. E V. Suspiciari fas est, non te inter primos interrogatum iri: tum ego qui secundus tibi sedeo; oblita insussurabo dissimulanter & fideliter. E M. Id, amabo, adiuta me. Summum tibi beneficium debuero, hoc si perfectum dederis: nam nunc spes, opesque meæ omnes in te sunt sitæ. E V. Ambulemus contentiùs. E M. Tam strenuè te consequi vix possum.

ANNO.

ANNOTATIONES.

QUOTE PEDES?) Virg. Eclog. 9. Quò te Mæri pedes? an (quò via ducit) in urbem? Subaudimus, ducunt, portant, aut simile quid. **AIN' TV PRIDEM?**) **Ain' tu?** & **ain' tandem?** dicere consuevimus ea de re interrogantes, quæ ab alio dicta, admiratione nos affect. Cicer. epist. 21. lib. 9. **Ain' tandem?** insanire tibi videris, quod imitere verborum meorum, vt scribi fulmina? Ad Att. lib. 4. epist. 5. **Ain' tu?** an me existimas ab vllò malle mea legi, probarique, quàm à te? Et epistol. 1. lib. 6. ad famil. **Ain' tu?** Scipio hic Metellus proauum suum nescit censorem non fuisse? Terent. Andr. **Ain' tandem?** ciuic Glycerium est? Hecyra. **Ain' tu** tibi hoc incommodum euenisse iter? Plaut. Afinaria. **Ain' tu** meum virum hic potare? Manut. in epist. 21. lib. 9. **POMERIDIANVM TEMPVS**) De meridiatione, seu somno meridiano nos quadam differemus secunda voluminis tertij. cum dere medica & morbis agemus. Plaut. Mostell. Non bonus somnus est de prandio. **SOMNO CAPTIVS**) Varias & elegantes locutiones creat adiectiuum captus, per metaphoram. Exempla sint hæc, Captus mente, pro deliro, captus amore, errore, dolis, verbu, voluptate. Illa de valetudine prostrata, & offensione partium humani corporis quam venusta sunt? Captus membris omnibus, captus oculis, captus pedibus. Auderem quoque dicere, captus auribus, captus manibus, captus lingua, captus naribus nō auderem. Etiam oculis
captus

captus is dicitur, qui rei alicuius specie captus est, & affectus, ut eam vehementer concupiscat, & habere ardeat. Cic. 6. in Verr. Tametsi ne oculi quidem captus in hanc fraudem tam sceleratam, ac nefariam decidisti.

PROGYMNASMA
QVINTVM.

Redeuntēs à gymnasio.

ANDREAS, LUDOVICVS,
TIBVRTIVS.

ANDREAS. Portenti ac prodigii simile numerandum. Hodie nullus ploravit in schola. L. Post meridiem fortassis eueniet, ut tu princeps fleas. T. Quid si uterque vestrum? A. Nos fleamus? quare fleamus? quid offendimus? L. Crimen aliquot fabricatus es, nisi aberrat suspicio, quod nobis inferres: ibi si litem perdiderimus, tu in nostra incommoda, & afflicta fortuna triumphabis gaudio. Si me audias, te ipsum consulas, ad te prius referas, quid moliare? inest & fornicæ suæ bilis. T. Minime gentium ego quidem: vestra vos singularis, eximiaque virtus ad tribunal reos citabit. Dixi. A. Ille Harpocrates indignissime patitur, Ludouice, nos conferre capita, & interdum sermones communicare in auditorio. Tanto magis confabulabimur, ut tibi oculi doleant. Ecquid intellexisti? T. Vro hominem. Incedit laneis pedibus

E

noster

noster doctor, & quò tardiùs, hoc grauiùs vindicare solet in noxios. Ecquid intellexistis? Quando autem excellenter vapulantes præ acerbitate plagarum miserrimè ululabitis, duplicesque ad sidera palmas tendetis, tum scilicet cognosceinus, quibus malè sit, mihiñe an vobis. L. Tun' optas virgis nos percuti? T. Opto vos cum silentio discere: si id contemnitis, opto condignis decorari præmiis, vt metatis nimirum, quemadmodum sementem facitis. A. Et quod lucellum ad te redibit, pessime, si nos diuerberabimur? T. Lucellum? imò enimuerò quàm plurimum lucri. L. Quòdam est istud lucrum, quod iste somniat? nequeo perspicere. T. Vt gaudeam de conseruata iustitia, quæ cuique quod suum est tribuit. A. Hoccine illud immensum, infinitumque compendium? credebam te exspectare tot talenta, quot Alexander Rex Phocioni Atheniensi misisse dono fertur. L. Estné aliud quod nobis exprobres maleficium? T. Est fanè. A. Quindicis? T. Dicam liberrimè. Tantum non quotidie, cum è memoria recitandus est Cicero, libros veloci oculo inspicitis, & suggeritis inuicem, in quibus vacillat memoriam, ea astutia, vt Magister vix aduertat. L. Non me fefellit, te istuc exprompturum. Quid tua (malum) interest quomodo nos geramus? nunquam tu huiusmodi præfidiariis indiguisti? T. Studiosus nunquam, desidiosus sæpissimè. A. Quis potest, nisi capite ferro, & visceribus æneis vsque adeò se macerare studiis vt tu? L. Diligit se Tiburtius, & magnificè circumspicit: albæ gallinæ filius. Vtcunq; merebitur, non consulet in ipsum paulò duriùs Præceptor. T. Quanto
 recti.

fectius, si conaremini vos quoque penitus intrare
in eius amicitiam: at bonis artibus, modestia nimirum
atque industria, quas ille amat, cum discipulos a-
mat. A. Mortem habes deferendi condiscipulorum
nomina, & es clandestinus noster Iudas: propterea
nempe blanditur tibi. Phry. T. Tu ut me tam male-
dicè appelles? non hoc tibi sic abibit, non. Haud
feres tacitum: ad Magistri aures perueniet. L. Ne fa-
xis Tiburti. Meministi, ob conuitium non dissimile
in Lambertum pronuper iactum, quàm atrocem pœ-
nam sustinuerit. T. Cur ergo (nefas) ictus piscator non
sapuit. L. Quid vis? lingua mentem anteuertit. Rogā
veniam Andrea: alioqui cribrum carnificinum futurus.
T. Parum etiam præ ut futurum est prædicas. A. Eia i-
gnosce Tiburti: & istuc insipienter à me factum sapien-
ter ferto: præ vibicibus etiamnum vix possum sedere.
T. Itaque iam tergum dolabitur fustibus, quoniam ali-
bi recentibus plagis, ut te affirmantem audio, non est
locus. A. Obtestor te per fortunas meas, charissime Ti-
burti, si vnquam post hac. T. Tam subito ex Iuda factus
sum huic conuiatori charissimus? quis risum te-
neat? L. Quid quassas caput? sine te placari. T. Ego:
ne ut contumeliā tam insignem in me accipiam?
A. Per Christum te rogo, ne inaudiat Præceptor. L.
En quàm suppliciter. Ne sic te obfirmaueris. Adeo-
ne ingenio te esse inexorabili, ut precibus istis molli-
ri non queas? an vis ut tibi flens muliebriter, ad
pedes accidat? At meæ saltem voluntati, ac pre-
cibus iniuriā istam, doloremque tuum condona,
eiusque memoriā abiice. T. In Christi gratiam tacebo

nunc quidem. A. Aspersisti aquam, rediit animus. T. In eiusdem gratiam, si denuo tale quid, siue aduersus me, siue aduersus alium quemcunque euomentem te audiuerō, Præceptori palam faciam, ne inultum auferas. Satin' hoc planè, satin' disertè sum locutus? L. Cauto opus erit, Andrea.

ANNOTATIONES.

PORTENTI SIMILE) Cic. 1. de Diuinat. Quorum quidem vim, ut tu soles dicere, verba ipsa prudenter à maioribus posita declarant. Quia enim ostendunt, portendunt, monstrant, prædicunt, ostenta, portenta, monstra, prodigia dicuntur. **PRINCEPS FLEAS**) Vocabulum princeps, apud maiorum gentium Latinos auctores frequentissimè non dignitatis, sed ordinis est. Atque inde natum arbitror, ut dignitatem quoq; sonaret. Etenim qui aliquo in ordine primi sunt, ferè etiam ceteris antecellunt. Cic. de Inuent. Exordium princeps omnium debet esse. Idè ad Attic. lib. 2. Ego princeps in adiutoribus, ego secundus Et Accusat. lib. 2. Omnium nationum princeps Sicilia se ad amicitiam, & fidem populi Romani applicuit. Caesar. lib. 1. de bello Gall. Ea pars princeps pœnas persoluit. Lucretius lib. 1. de Iphianassa, seu Iphigenia Agamemnonis.

Nec misera tali prodesse in tempore quibat,

Quod princeps patrio donarat nomine Regem.

Id est, quod prima patrem fecisset Agamemnonem, cum ante sorores, & ante fratrem esset progenita. Horat. Ode 16. lib. 1.

Fertur

*Fertur Prometheus addere principi
Limo coactus particulam Undique
Deſectam.*

Principem limum vocat lutum, ſeu argillam, e qua poë-
ta fictum primum hominem à Prometheo lapeti filio ſa-
bulantur. Ouid. lib. 1. Metamorph. Rurſum Horat. Ode
vlt. lib. 3. Princeps Æolium carmen ad Italos Dedu-
xiſſe modos. Ait ſe primum inter Latinos Lyricum ex-
tiſſe, ante ſe nullum. Virgil. 5. Æneidos de nauibus
Ænea.

*Princeps ante omnes dēſum Palinurus agebat
Agmen, ad hunc alij curſum contendere juſſi.*

Plura teſtimonia, pluresq; auctores mitto prudens, ne
paullò humaniori videar ſolè lumen inſerre. FLEAS)
Lamentari propriè mortuos dicimur, & mulieribus hoc
verbum magis conuenit. Terent. Andr. Quia tum mihi
lamentari præter ceteras viſa eſt. Et Phorm. Miſeram,
ſuam matrem lamentari mortuam. Cicer. de Orat. Ma-
trè inne vt miſeram, lamentantemq; videam? Pacuius.
Conqueri fortunam aduerſam, non lamentari decet. Id
veri eſt officiū. Fletus muliebri ingenio additus. Flere
eſt emittere lacrymas & vocem: plorare lacrymas tan-
tū. Gemere in pectore. Eiulare eſt ſublata voce ſlere,
quod ad mulieres pertinet. Lamentari eſt voce querula
& triſti oratione calamitatem teſtari ſuam. Hec Mu-
ret. in Terent. DIXI Lepidè, quaſi contra eos egiſſet in
iudicio. Nam oratores cauſa perorata addebant. Dixi.
Et hoc erat mittere in conſilium. Id eſt, iudices dimittere

ad dicendam sententiam. Lucian. εἰρηπύῳ λόγῳ. Solabant autem de consilio dimittei iudices per praconem, ita pronuntiantem. Actum est, ilicet, id est, ire licet. Concio his verbis dimittebatur. Si vobis videtur, Quirites, discedite. Senatus hac formula. Nihil vos moramur. P. C. ISTE HARPOCRATES) Deas quidam apud veteres ita effingebatur, ut primo digito labrum admoto silentium indiceret, qualis Romae Angerona Dea colebatur. De qua scriptum est apud Plinium lib. 3. cap. 5. his verbis. Namque Diva Angerona, cui sacrificatur ad diem XII. Kal. Ianuarij, ore obligato, obsignatoque simulacrum habet. Reddere, seu efficere quempiam Harpocratem, est illi silentium imponere, eum quasi mutum, & elinguem reddere. OCULI DOLEANT) Iis dicuntur dolere oculi, qui rem molestam sibi & odiosam coguntur aspicere. Iis etiam apud Graecos, qui rem pulchram atque iucundam cernerent, qua tamen frui non possent. Lege cap. 5. lib. 2. apud Victorium. LANEIS PEDIBVS, ET QVO TARDIVS) Paræmia, Dii laneos habent pedes. Qua docemur, diuinum nomen ad capiendas de sceleratis poenas non festinare. In eos tamen nec opinantes tandem animaduertere, & plerumque, quod serius, eo seuerius. Caesar l. 1. de bell. Gall. Consueisse Deos immortales, quod grauius homines ex commutatione rerum doleant, quos pro scelere eorum vlciſci velint, his secundiores interdum res, & diuturniorem impunitatem concedere. Tibull. l. 1. Seta tamen tacitis poena venit pedibus. Valer. lib. 1. c. 1. Lento enim gradu ad vindictam sui diuina procedit ira: tarditatemque

sup.

supplicij grauitate compensat. PHOCIONI ATHE-
NIENSI) Centum talenta misit Rex Phocioni. Idem
Xenocrati quoque magnam vim pecuniae. Ad C. Fabri-
cium, & Curium Romanes, Samnites multum auri at-
tulerunt. Hi omnes quæ animi magnitudine oblata re-
cusauerint quidq; fecerint ac responderint, vide Plutar-
chum in Phocione, & in apophthegmatu Regum, ac Du-
cum. Cicer. in Catone. & in Off. & V. Tuscul. Athenaeum
lib. 10. c. 5. Ælian. lib. 1. c. 25. Lærtium in Xenocrate,
Gellium lib. 1. c. 14. VISCERIBVS ÆNEIS) χαλ-
κέντερος, id est, anea seu ferrea intestina habens. Sic co-
gnominatus est Didymus Grammaticus, quem librorum
4. millia scripsisse affirmat Seneca epist. LXXV III.
vbi etiam docet, quàm inanes quæstiunculas sit persecu-
tus. Propter indefessum in studijs, scribendû quæ libris
animum, etiam Origenes dictus est Adamantius. AT
BONIS ARTIBVS) Latini & virtutibus, & vitijs
artium nomen tribuunt. Terent. Andr. Nihil istac opus
est arte ad hanc rem quam paro: sed his quas semper in
te intellexi sis, fide & taciturnitate. Plaut. Trin. Aut.
si agrotant in te artes antiqua tua. Sallust. Catil. Nam-
que auaritia fidem, probitatem, ceterasquæ bonas artes
subuertit. Et paullo supra. Agitabatur magis magisque
in dies animus ferox inopia rei familiaris, & conscien-
tia scelerum, quæ utraque ijs artibus auxerat, quas su-
pra memorauimus. Cicer. pro lege Manil. Sed multa sunt ar-
tes eximia huius administra, comitesq; virtutis. Ac pri-
mum, quanta innocentia, &c. Est ergo vnum hoc de

cōmanibus, anticipitibus, medijs vocabulis: ut tempestas, valetudo, facinus, dolus, gratia, industria, periculum, venenum, contagium, pretium, fortuna. Gell. lib. 12. c. 9. In hunc ordinem referenda sunt, honesta turpitudine, felix scelus, & alia nonnulla cūm græca, tum latina. NON HOC TIBI SIC ABIBIT, NON) Eleganter geminata negatio. Catull. Non, nō hoc tibi salse sic abibit. Propert. Non, non humani partus sunt talia dona. Apud Terent. quadam interijciuntur. Adelph. Non aequum dicis, non. Et apud Cic. ad Atticum epist. 9. lib. 1. Non sunt ab obsequio nostro, non: suas radices habent, sic enim legendum censuit Manut. pro, nam: qui in eiusdem epistola comment. exempla plura huius figura loquendi ex Cicer. collegit. Eadem vis sentitur in voce. nihil. Agraria 2. Nihil sibi appetit præcipue Pompeius, nihil. LINGVA MENTEM ANTEVERTIT) Præceptum Isocratis ad Demonicum. πᾶν ὃ, τι αὐτὸ μέλλῃς λέγειν, πρὸ πρὸν ὀπισκοῦται τῇ γνώμῃ. πῶποῖς γὰρ ἡ γλῶττα πρὸ τῆς νοῦς. Quicquid dicturus es, prius expede apud animum. Sunt enim non pauci, quorum cogitationibus lingua anteuertat, CRIBRVM CARNIFICINVM) Plaut. Mostell.

O carnificinum cribrum, quod credo fore.
Ite se forabunt patibulatum per vias
Stimulis, si huc reueniat senex.

Indicat loris, flagris, & virgis eius pellem ita laceratum, perforatum, ac pertusum iri à lorarijs tanquam carnificibus, furcam in collo per viciniam gestantem, prædicantemq.

semq, delictum suum, quod seruū alicuius facinorū com-
 pertu siebat, vt cribri speciem exhibere videatur. Lam.
 PERFORIVNAS MEAS) tuas, nostras, &c. genus
 obtestationū in re misera, nec vnquam sine dolore, quod
 omnia vndique ex antiquū librū collecta exempla testa-
 buntur. Manut. in epist. 20. lib. 3 ad Att. Idem tamen in
 epist. 7. l. 10. ad eundem. Vsurpatur hic loquendi modus
 cum dolore, aut certē cum summa cupiditate obsecran-
 tū, &c. NE INAUDIAT PRÆCEPTOR) Huius
 verbi, inaudire, vñ hac est, vt nō nisi in rebus occultis po-
 natur. Vt in epistola ad Patum. Aquini & Fabrateria
 consilia sunt inita de me, quare video inaudisse. Et apud
 Plautum, aliosq, eiusdem generis sunt exempla. Manut.
 in epist. 1. lib. 9. ad Attic. AD PEDES ACCIDAT)
 Germana huic: ad genua seu genibus accidere, procumbe-
 re ad genua, ad genua se alicui summittere, ad pedes se
 abijcere, prosternere, ad pedes procumbere, procidere, ad
 pedes se prouoluere. Graci προσκύνειν. Cur autē suppli-
 cantes ad genua caderent, easq, tangerent, causa asser-
 tur, quod illi consecrata essent misericordia, vt dextra fi-
 dei, aures memoria frons pudori, seu Genio, digiti
 Minerva. Seruius in Eclog. 6. Iunius Ani-
 mad. lib. 2. cap. 12.

os(o)so

E 5

PRO-

PROGYMNASMA
SEXTVM.

Excusatio absentia.

MAGISTER, ANIMADVERSOR, ANTONIVS, IOANNES, MARCVS.

MAGISTER. Euge animaduerfor, adedum. A. Adsum, impera. M. Quinam hesterno die scholam non obierunt? A. Qui? Antonius Niger, Ioannes Faber, Marcus Syluius. M. Perpaucos memoras. A. Reliqui ad vnum omnes coram praesentes affuerunt. M. Extra eos videlicet, qui munusculis te elinguauerunt. A. Hoc quidem aliàs cum tentarent nonnulli, semper Austrum perculerunt. M. Probatus es adolescens, & Magistro tuo fidebis, Heus, prodite vos in medium, repente, statim, sine mora. An nondum etiam? confestim, inquam, aduolate. Quid habes Antoni dicere ad excusandam absentiam. A. Ingens quidam, & intolerabilis, dolor occupauerat sinciput meum. Quocirca mihi in mandatis dabat mater, extra aedes pedem ne usquam ponerem. F. Fabula. Tibi ut credam? non ego te noui? A. Si verbis meis exigua apud te est fides, certum hominem ad matrem, & familiares indagatum allega. M. Logi. A. Haud secus reperies. M. Somnium. Quasi verò tu, ut es callidus, & versipellis, hoc tuis non imposuisses, tibi nimirum condo-
lere

lere caput : Studebas verberationem effugere, quæ
 propter segnitiam te manebat. A. Neutiquam. Præ-
 ceptor : non imposui profectò : reuera nihil finxi.
 M. Poterone hodie verum ex isto puero exsculpere ?
 Cauem mihi mendacii quidquam. A. Vera loquor. Si
 aliter fuerit ac dixi, causæ nihil erit, quin tibi dein pœ-
 nas. M. I sessum : rem ego nunc quidem in medio
 relinquam. Tu bone Faber, quo negotio implicatus
 tenebar ? I. Pater quopiam profectus ad animum
 suum relaxandum, remittendumque, me perduxit illuc
 secum. M. Quò profectus ? L. In villulam nostram,
 quæ aliquot millia passuum ab vrbe distat. M. Cur pri-
 die à me copiam non petebas ? I. Noctu hac de re
 deliberauit pater : tum multo manè in viam nos dedi-
 mus, vt ad te adire nequiuerim, nec voluerim, quòd
 verebar vt cubitu surrexisses. M. Dictum inopinatum
 atque mirabile : te alioqui somniculosissimum, id
 temporis, sub galli cantum scilicet, experrectum. Mon-
 stra, ac portenta loqueris. I. Videre me somnum haud
 sinebat gratissimæ promissionis expectatio. M. Quin
 tu exoraueras patrem, vt hoc promitteret ? I. Factum
 est vt patre secundo villam amœnissimam petiuerim,
 ibique animum studiorum perpetuitate fatigatum
 triduo isto instaurauerim. Proinde, amabò mi Præ-
 ceptor, parce vltra quærere : quandoquidem te
 clam non est, quanto me opere schola delectet, nus-
 quam vt sim libentius. M. Qui tibi incessit metus
 plagarum insolitus, hic de improviso oratorem te
 reddidit. Nunc cõdonabitur erratum. Posthac nisi quo-
 quo modo de absentia certiorem me feceris, verberi-
 bus

bus te cædam, vt si in pistrino moleres. Percepisti? I. Planissimè. M. Restat vt te quoque purges, solute adulescens, & omnium inertium inertissime. Quid egisti? aut vbi fuisti? aut quare in ludum non venisti? Quid est Sylui? quid taces? M A R. Existimabam esse ferias literarias. M. Ridiculum. Hóccine os tuum? istáne frons tua? Ecquid, ô insulse, nudius tertius, aut quartus primum auditiones obire cœpisti? quomodo? an tu nesciebas vacationi diem Mercurii consecratum? Hic ego te manifestum mendacii teneo. M A R. Ast mihi occurebat heri Mercurius. M. Ast ego faxo tibi hodie Tisiphone accincta flagellis occurrat. Lepidum capitulum. Tene errare in isto negotio tam antiquo, tam noto, tam vulgato? Quamobrem autem horis antemeridianis saltem non comparuisti in hoc loco? Prætexis culpam hoc figmento: non sit mihi verisimile quod ais. Illi illi sodales & congerrones tui aliquò te ambulatum, aut lulum auocarunt. Para: mox tibi virgis corium conscribam. M A R. Miser, ah miser, cui tam malè vertit dolus. Sed te obtestor, vnā hanc dimitte noxiam: si quando rursus admisero, tum occidito. M. Nihil agis.

ANNOTATIONES.

ADES DV M) Ades, imperatiuum est, dum πείλω. Est enim productio, & adiectio syllabæ, vt Ehdum ad me. Donat. in And. Non tam verò significat, veni huc, quàm hic esto, hoc age, attende, ades animo. Q V I) Festiuè per verbum eius quī cum loquimur, ac præsertim extremam respōdētiū, aut interrogamus,

ταυτο-

ταυτολογικῶς scilicet. Cuius festiuitatis exēpla in Plauto, & Terentio sexcenta, & in hisce quoque dialogis nō pauca. Adducamus tamen aliquot. Terent. And. Factum est hoc Daue? D. factum. Ibidem. Aut si tibi nuptiæ hæ sunt cordi. P. Cordi? Idem Phorm. Scisne hoc certo? G. Certò. Plaut. Amphit. In eodem lecto? A. In eodem. Ain tu geminos? B. geminos. Cicer. ad Att. lib. 7. Coronatus Quintus noster Parilibus? Parilibus. & pro Sex. Roscio. Patri, inquit, non placebat. Patri non placebat? A D MATREM, & C. ALLEGA) Quæ sit proprietas & vis horum trium, allegare, legare, ablegare, quidq; differant. Cardinal. QVIN TIBI DEM POBNAS) Idem est quod dare alicui supplicium, puniendum, se præbere scilicet. Terentius And. Eunuch. Plaud. Epid. Catull. SOMNVM HAVD SINEBAT) Cura vehemens, & affectus ingens insomniam cōciliant. Quare sub noctem defaciendus est animus, vt sopor suavis oculos operiat: quo se priuatum propter immodicam ex versuum eius elegantia conceptam delectationem. Catull. ad Licinium conqueritur. Et Cicer. ad Att. lib. 9. epist. 12. Sed cū me ægritudo nō solum somno priuaret, verū ne vigilare quidem sine summo dolore pateretur. PATRE SECVNDO) Elegans huius vocula vsus est pro fauente, amico, beneuolo, felice ac prospero. Horatius Ode. 10. lib. 2. Sperat infestis, metuit secundis. Alteram fori bene præparatum Pectus. Sic apud eundem rumore, omine, Aquilone secundo. Secundis, & aduersis auribus aliqui accipere, Liuius. Secunda admurmurationes, fortuna secun-

da. Cic. Existimatio secunda, Sueton. Clamor secundus
 cursus secundi, Virgil. TISIPHONE) Furias Ache-
 rontis, ac Noctis filias tres inducunt Poëta, Tisiphonen.
 Aleto, & Megaram, de quibus Ouid in 4. Metamorph.
 & in 6. Æneid. Virgil. TENEERRARE IN ISTO)
 Istiusmodi orationes per modum infinitiuium cum accus-
 casu ad animi affectum vehementiorem exprimendum
 apta sunt, subauditurque, oportet? aequum est? credibi-
 le est? censes? putet, credat aliquis? patiar? pare est? ve-
 rum est? &c. Cicer. epist. 1. lib. 14. Me miserum, te ista
 virtute, fide, probitate, humanitate in tantas arumnas
 propter me incidisse? epist. 2. eiusdem lib. Hem mea lux,
 meum desiderium, vnde omnes opem petere solebant, te
 mea Terentia, sic vexari, sic iacere in lacrymis & sordi-
 bus? lib. 2. ad Attic. Facinus indignum: tibi hoc contigis-
 se? Virg. 1. Æneid. Mene incepto desistere victam? & paul-
 lō post. Mene iliadis occumbere campū. Non potuisse
 tuāque animam hanc effundere dextra? Plaut. Persa.
 ficcine hoc te mihi facere? Amphit. Ita me probri, stupri,
 dedecoris argutam à viro meo? HORIS ANTEMERI-
 DIANIS SALTEM) De vi, & origine vocis, saltem,
 lege qua tradit Gellius lib. 12. c. 14. & Donat, ad illud
 Terentius And. Vt aliquot saltem nuptijs prodant dios, &
 Adolph. ad illud. Meum mihi reddat, saltem quanti em-
 ptus est, Syra. Barbari dicunt, ad minus. CORIVM
 CONSCRIBAM) Plautus dixit, virgis dorsum scribere.
 Corium autem humani corporis pellem sapius per iocum
 nominat, Pseud.

Quasi

*Quasi in libro cum scribuntur calamo literæ,
Stilis me totum &sq; ſcilmē conſcribito.*

Amphit. Eius ornamenta, & corium vti conciderent.


Huc etiam facere tranſtulit verbum pingere. Epid.

*Ex tuis verbis meum futurum corium pulchrum prædicat,
Quem Apelles, atq; Zeuxis duo pingens pigmentis ſcilmē.*

Catull quoq; ad contubernales. Namq; totius vobis Frontem taberna ſcipionibus ſcribam, & ad Thallum, à quo pallium ſibi & ſudarium ſurreptum indignatur.

*Qua nunc tuis ab ſingulis reglutina & remitte,
Nec lanēum laſuſculum, manuq; mollicellæ
Inuſta turpiſter tibi flagella conſcribilent.*

Hoc verbi, conſcribillo, ex Varrone iterum affert Nonius.



PROGYMNASMA SEPTIMVM.

Calami apparatus.

VEDASTVS, BALTHASARVS.

VEDASTVS Cū haud inueniſſe exares elementa, doleo tibi nec chartam eſſe bonam, nec calamos aptos. **B.** Ab his ſingulis fateor me inopem. Charta nec candida multū, nec firmam & plana: ſed aſpera, ſcabra, & pilis paruiſſimis plena: quos cū à calami crena detraho, mora ſcriptioni affertur: quod ſi non detraho, ſcis ipſe quales efformentur literæ. Sed quod intolerabilius mihi accidit, etiam perfluit: verū hæc culpa ſit atramenti potiùs, quod cū eſſet heri ſpiſſum.

spissum valde, aqua nimia effecit dilutissimum, & subalbidum. Calamos ad usum accommodare cultello prorsus nescio: & te etiam atque etiam, vehementerque rogo, ut hanc rem me doceas, si ipse scias. V. Miseret me tui, qui pæne solus ignores, quod condiscipuli tui didicerunt magnam partem. B. Libera tu me ista ignorantia. V. Ausculta igitur. Anserinæ pennæ sunt ad scribendum inprimis appositæ, iisque plures utimur, ac sæpius quàm pavonum, aut cygnorum: quarum illæ nimis sunt duræ, hæ nimis amplæ: quanquam diutius bonæ permanent atque anserinæ. B. Teneo. V. Ex his ipsis anserinis meliores iudicantur, quæ sunt pellucidæ, mediocriter dure, cauo longiore, ampliore, firmiore. Quæ autem habent cavum breve, angustum, & sunt admodum duræ, ut quæ inhaerent extremæ alæ, non probantur. B. Iam nouerim diligere pennas. V. Vbi delegeris, ita apparabis. Rescindes caudam, plumulas utrinque detrahes, scalpelli tergo cavum penæ leuigabis, extremum caui, seu caput rescindes ex utraque parte, antrorsum & retrorsum: hoc modo, ut fiat bifurcata (aspice.) Tantum porrò ressecabis, quantum latus est unguis auricularis digiti, & medullam extrahes. B. Meminero. V. Post hæc in dorso crenam facies: id est calamum cuspide cultelli, siue extremo cultello iuste per medium scindes, sic, ut fissio seu incisura diametro dorsi pæne æqualiterque respondeat. Tum ubi adhuc aliquantillum deorsum à fronte exsecueris, à dextris, & sinistris acuere calamum, & mucronem facere perges: seu æquabis duos illos pediculos, siue cracula. Nunc me vide, quomodo indita crena utrumque horum

horum absoluat. B. Obseruo. V. Rastellum hoc, quem mucrone in antea vocavi, temperatæ gracilitatis esse debet, de quo quanto plus abscideris, tanto habebis calami obtusioris, & grandioribus notis ducendis aptiorem: dextera tamen pars, in quem calamus dum scribimus incumbit, sit aliquanto altior sinistra, quod discrimen adeo sit minutum, vix ut perspiciatur. Age experiamur hunc nostrum. Accipe, vide an placeat. Quare sic eum capis? B. Sic assueui. V. Tene pollice, & medio digito, molliterque superpone indicem, sic ita minus vacillabit manus, & firmitus eam chartæ imprimes. Sit autem brachium usque ad cubitum liberum dum scribis, & pondere suo tabulæ, seu pluteo innitatur, tota autem manus auriculari. Intuere me scribentem. B. Imitabor te ad vnguem, & quibuscunque officiis potero, tuam erga me humanitatem aut obsequium, aut exequabo.

ANNOTATIONES.

PARVISSIMIS) Hoc superlatiuo semel, iterum, ac tertium usus est Lucret. lib. 1.

Præterea nisi erit minimum, parvissima quaque Corpora constabunt ex partibus infinitis.

Usus etiam Varro, lib. de re rust. A CALAMICRENA) Subtilem illam, & parvam sectionem in dorso calami, quo id atramentum remittat, similitudine quadam crenam vocemus licet. Nam extremum sagittæ cui nervus inseritur, & summa arcus cornua, quibus extrema nervi aptantur, crenæ dicuntur à sectionibus, & incisuris. Et crenata quadam herbarum folia. Nosse porro quæ charta

F
proba,

proba, quæ non proba: quomodo rectè apparetur calamus scriptorius, & quæ sint eius genera: quæ ratione excellens coquatur atramentum: quis sit modus venustè literas figurandi: quæ studioforum deniq; instrumenta ad vsum commodiora, hæc, inquam, & similia nosse haud indecorum est adolescentibus ijs, qui ad artes ingenuas omnem suum studium cōtulerunt. Ea etiam ratio de ijs rebus puerè, ac propriè loquendi paucū nota: quandoquidem & simplices earum voces, & coniunctionem plurimi penitus ignorāt. Quorum ignorantia toto hoc volumine conabimur succurrere. Sciendū nihilominus, in talibus circuitionem, metaphoram, catechresin esse necessarias. AVRICULARIS DIGITI) Habent sua cognomenta digiti vtriusq; manus, quorum satis est manifesta significatio. Lege nihilominus Isidorum lib. 2. cap. 1. & Torrent. in Sueton. Aug. c. 80. qui cur indicem dexterae manus digitum salutarē nominet, causam adhuc nescire me fateor. Sed quare is qui minimo, siue auriculari est proximus, annularis dicatur, seu potius quam obrem annulo decoretur (nam inde adeptus est id nomen) causam explicant. Gell. lib. 10. cap. 10. Macrob. lib. 7. cap. 13.

PROGYMNASMA
OCTAVVM.

Elementorum confirmatio.

IOSIAS,

IOSIAS, EXUPERIVS.


IOSIAS. O scitissimum archetypon, o speciosissimas literas, o illecebras. Diuina, quod a-
iunt, virgula adeptus es hanc elegantiam. Sed vnde?
E. Meus germanus patris iussu manu sua mihi confe-
cit. I. Vbi porro ipse didicit ductus hosce bellissimos?
E. Semper huius artificii cupidus fuit, & in quendam
magistrū anno proximo superiore incidit, qui Latinas,
Græcas, Germanicas figurabat excellentissimè. I. Ex-
emplar, & prototypon quoddam mihi quoque datum
est muneri ab amico: verūm præ tuo sordet. En. E.
Quare contemnis? si ad istum modum ac formam
effinxeris elementa, uti in hac tua papyro efficta con-
spiciuntur, iudicabo te oleum non perdidisse. I. Atqui
optima imitandi cupido assiduè versat animum meum.
E. Atqui hîc non quæritur optimum. I. Laudatur
tamen. E. Non nego, I. Ostende sis mihi tuam ma-
num. E. Ecce. I. Quasdam formas propemodum perfe-
ctè: quasdam non assequeris, quod pace dixerim tua.
E. Paulatim, & consuetudine imitandi assequar. I. Prò
quàm docentia f. quàm decora p. q. & omnes deniquè
caudatas literas facit ille frater tuus? E. Quid notas
grandiores? nonne amas? I. Mirificè E. Aspice
A. vide D. & M. tanquam si ex typis æneis in chartam
essent impressæ. I. Ipsa verò quæ alphabeto subie-
cta est scriptura, quàm ad lineam rectam sine linea
directis versibus? quàm æqualibus sursum, ac deorsum
elementis? Vnum te volo. E. Vel decem. I. Non-
ne tibi præcepta dat formandi, & lapsus corrigit? E.
Certè: & nonnunquam sua manu meam, tenentem

calamum comprehendit, atque alienis digitis rem peragit, ut ego figuris probe conficiendis hac ratione assuescam. I. Inires à me non vulgarem gratiam: si exemplum à fratre mihi curares. E. Difficulter inducam. Nihilominus quoniam te tanto studio pulchrè exarandorum characterum ardere animaduervero, curabo, ut voti compos fias. I. Quotum intra diem polliceris daturum in manus? E. Intra quartum. I. Perlubenter gratissimum hoc donum tamdiu expectabo, cogitaboque interim quo te honorario remunerer. E. Sic habeto me gratuito hoc operis non esse facturum.

ANNOTATIONES.

TVAM MANVM) Dicta est manus, ut vult Isidor, quod sit totius corporis munus. Ipsa enim cibum orī ministrat, ipsa operatur omnia atque dispensat: per eam accipimus, & damus. lib. 12. c. 1. Sunt autem notiones huius vocis diuersæ, quæ ut modò recenseantur, nō est necesse. Tantum hoc breuiter monendū, capi pro figura ipsa literarum, quas alij aliter, & quidam pulchrius, alij deformius ducere solemus. Sic verò Ciceroni exemplo loquimur. Hoc est aliena manu, mea, tua, sua manu, subaudi scriptum. Hac est librarij, Petri, mea, tua manus. Amo te de ista manu, seu, amo manum tuā. Scripsi istuc mea manu, nō propria manu. ET CONSVETVDINE IMITANDI ASSEQVAR) Quid nī tantillam rem assiduitate, & diligentia consequamur, quando vel difficillima, & vix sperabilia nō aliter consequimur. De quo dice-

dicerem, nisi id alijs locū arbitraret fieri posse cōmodius. Nunc, quoniam proximum est nomina scribere, postquā literas cœperit effingere puer, auscultemus Quint. illumq; hanc operam in vulgaribus, & fortè occurrentibus perdere ne sinamus. Plura dialogo sequenti.



PROGYMNASMA NONVM.

Eiusdem materia.

DAMASVS, ALBANVS.

DAMASVS. Tam artificiosè tamq̃ue graphicè characteres Romanos efformare, tanta proportionè, & tam compositè mutuò respondentes, versibus præterea paribus interuallis à summa pagina ad imam vsq; diremptis, & nulla omnino in parte vacillantibus, dic fodes quid tandem utilitatis affert? A. Modus ipse quærendi tuus, clamat te istuc in quæstione ponere non debuisse. D. Quid ita non? A. Quoniam ostendit non displicere tibi hanc manus meæ elegantiam. Atque vt agam apertiùs: delectarísne, si quando quidpiam à me exaratum aspicias? D. Ac multum profectò, non secus, quàm si nitidam, & collustratam picturam inuerer. A. Hæc igitur vna est utilitas, vt mearum literarum veluti pictura tuis, aliorumq̃ue oculis blandiatur, lectoresq̃ue meos voluptate quadam nec illiberali demulceat. D. Bene tu quidem hætenus: sed plura desidero. A. Ego ipse quoque (id quod

omnibus mei ordinis usu venire existimo) propter
 ea libentiùs, faciliùs, maioreque cum iucunditate
 scribo. Adde quòd lectu expeditior est venusta,
 quàm rustica, indocta, imperitaque manus : nec aliud
 in causa est, quare tantoperè typis descriptos libros
 amplectamur, nobiscumque feliciter actum credamus,
 si calamo ad illorum typorum venustissimam speciem
 quàm proximè accesserimus. D. Negari non potest, ma-
 num tuam exquisitam, probè distinctam, & luculentam
 esse. Nunc da, qua via & ratione ad huius scientiæ fa-
 cultatem perueneris. A. Quorsum id nosse expetis?
 D. Etiam tu hoc rogas? Vt facere queam similia. A. Si
 animum huc aduertas, narro tibi. D. Asto audisti inis
 auribus. A. Principiò percommodum fuit exemplar,
 in quo erat alphabetum maioribus minoribusque literis
 compositum. Nec ibi solùm completæ & integræ, ve-
 rùm etiam imperfectæ, partesque, & frustilla earum vi-
 sebantur. Ostendabatur item, quo pacto illa fragmen-
 ta coagmentanda essent, vt absolutum literæ corpus ef-
 ficeretur. Verbi causa: ducebatur ab alto virgula ad
 hunc modum l. appingebatur minutus semicirculus
 dextrorsum, seu inuersum c, sic, 3, vt doceretur b com-
 ponere, si illi porrectæ deorsum ad angulos rectos li-
 neolæ hanc notam copulassent. In d. idem præstabatur,
 præposito c. sic tamen, vt postquam c. illud cum vir-
 gula coiunxisset, puncti instar de infuno eius extrà emine-
 ret. In maiusculis eadem planè ratio custodiebatur.
 Sed vt rem clariùs cognoscas, ipsum tibi prototypon
 demonstrabo, si fuerit occasio. D. Optatissimum
 acciderit. A. Posthæc binæ, ternæ, quaternæ connecte-
 ban.


bantur, vt, ab. do. mu. ptu. flo. gram. trum. Subi-
ciebatur adhuc vocum series, quæ aliquam animantem,
arborem, herbam, morbum, instrumentum indica-
rent, eæque haud ita vulgatæ ac tritæ. Tandem breuior-
es sententiolæ, vt illæ (nam edidici, sicuti vocabula
de quibus dicebam) *Vacare culpa, magnum est solati-
um. Medioturnus ibis. Festina lentè. Nescis quid
vesper serus vehat. Homo bulla.* D. Videtur Magister
hoc exemplar ineditatus confecisse. A. Credo. D.
Quid erat nouissimo loco? A. Longior scriptura,
sex, septem versuum scilicet, quæ ad virtutem excolen-
dam me hortabatur. Ex Platone, Tullio aut Seneca,
vt reor, deprompserat. D. Nec illius te capere debuif-
set obliuio. A. Non cepit. Erat autem concepta his
verbis. *Altum quiddam est virtus, excelsum, regale, in-
uictum, infatigabile: voluptas humile, seruale, imbecil-
lum, caducum, cuius statio ac domicilium fornices & po-
pina sunt. Virtutem in templo inuenies, in foro, in cu-
ria, pro muris stantem, puluerulentam, coloratam, cal-
losas habentem munas: voluptatem latitantem sapius,
ac tenebras captantem: circa balnea ac sudatoria, ac lo-
ca adilem metuentia, mollem, eneruem, mero atque vn-
guento madentem, pallidam, fucatam, & medicamen-
tis pollinctam.* D. Quid? tantumne sæpius inspectan-
da hac formula perdidicisti hoc tuum artificium? A.
Non. D. Quid egisti hoc amplius? A. Sua manu Præ-
ceptor meam complexus moderabatur ac dirigebat.
Ludebat item tenuissimæ, ac subtilissimæ papyro mem-
branam substernere, in qua inessent festiuissimè efficta

elementa, cum egregiè concinnata scriptura, & calamus super literas per chartam satis tralucens ducere, ut sic ductibus earundem æmulandis assuescerem, & habitu quodam confirmarer. Quinimò stylo plumbeo interdum literas cum exarâset, eas me atramento tegere, & de liuidis nigras reddere volebat. Cæterum ne facerem inæquales, eas, inquam, quæ vel sursum lineas non proiiciunt, vel infra non deinittunt, ut vocales, & consonantes c. m. n. r. &c. applicata regula trahebat lineas duas angusto spatio distantes: intra has mandabat mihi ut scriberem aliquid. Idem in grandioribus seruauit, quarum inter se omnium æqua est magnitudo. His ego exercitationibus usus, quantum cernis processum effeci. D. Si nancisci possem magistrum æquè scientem ac peritum, discerem hanc artem sanè. A. Si sollicitus quæras, puto te inuenturum. D. Difficillimè: paucorum est enim bella manus: contrà, deformiter scribentium numerus infinitior quàm frondium in syluis, piscium in undis.

ANNOTATIONES.

QUID TANDEM UTILITATIS) *Duæ utilitates καὶ ὠφελίας, infra ponuntur & ab illo loco: Principio per commodum fuit, rationes quinque enumerantur, quibus pueri elementa ductu calami cōficere docebuntur. Quint. Non est alienares, quæ ferè ab honestū negligitur, bene ac velociter scribendi. FESTINA LENTE) August. Imp. & dicere in sermonibus, & scribe.*

scribere in epistolis solebat, *αρεῦδε βραδέως*. Per quod monebat, ut ad rem agendam simul adhiberetur & industria celeritas, & diligentia tarditas. Gell. lib. 10. c. 11. Atq; hoc dictum nummū quoq; suū exprimebat, cum terminum fulmini coniungeret, sicuti anchoram delphino Titus Imp. sic, ut eius medium velut remonē delphin obvolutus complecteretur. Crebrò etiam iactabat illud: sat celeriter fieri, quidquid fiat sat bene. Suet. Octavio. c. 25. Catonū quidem est: sat citò si sat bene. Quint. lib. 1. cap. 1. versus huiuscemodi morales pueri ad imitandum in scriptura proponendos suadet. Non otiosas velim, inquit, sententias habeant, sed honestum aliquid monentes. Prosequitur hac memoria in senectutem: & impressa animo rudi, vsque ad mores proficiet. NOVISSIMO LOCO) Gell. lib. 10. c. 21. hoc verbum Ciceronem fugisse narrat, uti etiam adverbium, nouissimè, (quibus tamen plures illa etate vterentur) quod ea veluti non latina haud p̄baret. Priore nihilominus vsus est pro Q. Roscio. Alterum inuenias epist. 24. l. 10. Planti ad Ciceronem. SVAMANV PRÆCEPTOR MEAM) Vide quæ sint hac de re apud eundem eodem capite, quo superiora, Quintilianum inquam.



PROGYMNASMA.

DECIMUM.

Orthographia.

F 5

SE-

SEPTIMIUS, ANSELMVS.

S EPTIMIUS. Si tibi faciendum videtur, Anselme, conferamus inter nos, quæ ante meridiem à Magistro de orthographia accepimus. A. Ordire, ego cœpta persequar. S. Tu maior, & plura tenens memoria. Si quid effluerit iam tibi, fortassis id mihi occurret, tum repentè subiiciam. A. Affirmabat igitur, illam se statuere orthographiam probatissimam, & præcipuè complectendam, quæ constaret per bene formatis literarum figuris: quæ haberet versus ad amussim extensos, minimèque velut à recto tramite vsque deflectentes. S. In hisce duobus ipsemet magno nobis exemplo est: quis enim eo literas ducitatis speciosius? quis tam recta linea? verùm hæc potius ornamenta sunt quædam orthographiæ, quæ ne doctis quidem singulis contingunt; nec illi magnoperè inflammato eorundem studio rapiuntur. A. Sic est ut ais. Attamen cum ornamenta hæc amemus, & admiremur in aliis, quid est quod ipsi non consecramur? S. Quod erat tertium? A. Quod? scire quæ cum Latinæ ac Romanæ, tum Græcæ, hoc est, è fontibus Græcorum in latinatatem deriuatæ transfusæque voces (quarum innumerabilis est multitudo) diphthongo: quæ vocali, & quam scriberentur: quibus consonantibus ubi addendum aspirationis indicium. Quid sequebatur? S. De voculationibus, seu accentibus nescio quid. A. Iam recordor. Nosse etiam quo tono, acuto, graui, inflexo ubi vtendum. Adhæc de interpunctionibus, quæ videlicet nota hypodiasioles disiungenda, quæ per ψ , & coniungenda; quando demum syllabæ
por-

porrecta super se pusilla linea insignienda: quando semilunula inferiore ad breuitatem indicandam: quando comma seu incisum, quando puncta, quando bina puncta, seu colon, quando interrogationis signum, quando parentheses nota adhibenda. S. Dicebat in orthographia locum esse non deriuationibus duntaxat, notationibus siue etymologiis, originibus, sed consuetudini etiam: videndumque quid solerent eruditi: qui si discreparent, & alii hoc, alii alio modo verbum idem scriptitarent, plurimum valere oportere iudicium. A. In reprehensione denique vocabat eos, qui cum peruicacia manuscriptis codicibus, faxis ac numismatis vetustis adhærerent: quoniam illi sculptores, scalptores, monetarii sæpius illiteratissimi fuissent. Locutos quidem latinè, uti nos omnes patria lingua Teutonice loquimur, non tamen idcirco scisse Grammaticam: & ita falso putari mysterium, atque auctoritatem grauissimam, quæ esset alicuius idiotæ opificis mera inscitia. S. His addebat, inspiciendos crebro decoris typis in typographeo descriptos libros, illosque imitandos. A. Vltimum proponebat hoc præceptum. Non solum formas literarum decoras studiosè contemplari: Sed astare etiam scriptoribus librariis, & ductus atque tractus quàm diligentissime obseruatos intimis sensibus mandare. Hoc quale esset, similitudine ante oculos pondebat. Ut enim viuæ vox magis nos afficit quàm lecta in libris & muta: sic ipsa manus scriptoris multò vehementius inprimit in animo ideam elementi: seu potius rationem ipsius conforinandi, quàm

quàm ipsum solum iam in charta absolutum, & relictum
elementum. S. Hæc ferè audiuius hodie : cras &
deinceps reliqua expectemus. A. Non omittendum
illud præterea consilium quod dabat. Vt orthographi-
cos libellos Aldi Manutij Pauli F. aliorumque volue-
rimus. S. Diu est cùm hoc facito.

ANNOTATIONES.

HOC progymnasmate aliquot, & quidem, vt vide-
mur, bona, nec difficilia orthographiæ præcepta
complexi sumus, quæ Magister industrius distinctè disci-
pulū, & paucioribus verbis ediscenda commendabit. No-
stri autem propositi non est hæc & similia ex instituto
persequi. Quin autem nonnulla ὁδοῦ πείραγμα, & tan-
quam aliud agentes tractemus, fatere nequimus: quan-
doquidem latinatē in re literaria Ἀγλογισμῶν perse-
quimur. IN TYPOGRAPHEO τυπογραφικὸν locus
est, in quo formæ ancī libri describuntur, inuento duo-
rum fratrum Moguntia: primiq; omnium excusi Lactan-
tius Firmianus, & Augustinus de ciuitate Dei. Typogra-
phia, ipsa descriptio, seu γραμμικὴ τέχνη. Ineptè igitur ac
falsò, In typographia fui, si locum intelligas. Verū hæc
& alia id genus infinita, quæ in lingua latina quasi her-
ba irrigua succreuerunt vberimè, quorumq; licet mes-
sem metere maximam, vt est apud Plautum, curiosius
emendare velle ac diligentius, vereor ne sit apud si-
mum odorem spargere, & boues inuitos
plaustro subiungere.

PRO-

PROGYMNASMA
VNDECIMVM.

Dimissio improuisa.

GORGONIUS, THEOBALDVS,
EVSEBIVS


GORGONIUS. De scholane ? T. De schola.
G. Proripuistis vos inde, an potestatem ab-
eundi obtinuistis ? T. Neutrum. G. Quid
igitur exeundi tempus ante capitis ? nec dum enim
secundam audiuius, & exiri solet ad quartam de-
mum. E. Quin taces ? non displicebit tibi, simul rem
intellexeris. Bonum factum te in nos incidisse, lætitia
& lubentia onusti incedimus. G. Expedite breui. E.
Præceptor nos dimisit lusum. G. Hui, lusum ? Dies
Mercurij præstitutus est, ad quem exerceantur ludi, non
dies Martis. T. Sciscitare ex aliis si lubet, & si inueneris
fecus, mentitos dicito. G. Ain' tandem ita esse ut di-
cis ? T. Quidni aiam ? G. Quapropter dimisit hodie ?
quid natum est noui ? quid viro in mentem venit ? E.
Duplex causa. G. Cedò. E. Vnà, quia misit san-
guinem è brachio dextro, quod videbamus illum
gestare in mitella bombycina, & nigra. T. Altera,
quia hodie dabit natalitia. G. Malsa loquimini : iam
assentior. Est enim vtraque causa perquam verissi-
mis : & in memoriam regredior, alias quoque nos id-
eo iussos redire domum, quia cum amicis diem suum
natalem acturus erat. T. Nobis nec opinantibus hæc
fortu-

fortuna obtigit : siquidem ita ingressi eramus gymnasium tanquam veteri more exituri. G. Eu, probe. Nemo igitur hanc gratiam extorsit. E. Nemo, quod sciam : sponte sua benefecit bonis. G. Omnium quantum est qui viuunt hominum optimus est homo. Verum in isto concessu, seu liberalitate sui magis quam nostri rationem duxit : nam hæc lux, qua ipse primum lucem hanc aspexit, & vitales auras hausit, omnino hilaris ei, & sine vlla perturbatione, molestiaque sumenda est. E. Nos lusum vadimus rectè. G. Siccine est sententia. E. Sic. G. Celeriter reuertar, & adiungam me vobis tertium. T. Vola curriculum : hunc diem suauem & amœnum agitabimus.

ANNOTATIONES.

BONVM FACTVM TE) *Plinius de viris illustribus, vbi de Scipione Africano. Bonum factum si in Capitolium eamus, Sueton. Vitellio c. 14. Et Chaldaeos dicere, bonum factum ne Vitellius Germanicus intra eundem Kalendarum diem vsquam esset. Plaut. Pœnulo. Bonum factum est, edicta vt seruetis mea. Horum verborum vsus erit propriè in edictis, quib. illa veteres boni omnis causa præponere, ac præscribere præfariq; solebant. Tertull. Edictum, cui adscribi non poterit, bonum factum; Turneb. lib. 3. cap. 22. & alij. EV, PROBE) Particula approbantis seu laudantii, Græcè εὖ, bene, rectè, optimè. QVANTVM EST QVI VIVVNT HOMINVM) Catullus creber est in illis. Et quantum est hominum venustio-*

naſtiorum. O quantum eſt hominum beatiorum , pro
quotquot ſunt , ſeu quàm multi ſunt homines venuſti,
beati. Sic Plaut. Perſa. Exi è fano quantum eſt hominum
ſacrilegiſſime. Idem, niſi fallor, alibi. Omnium quantum
eſt qui viuunt hominum homo honoratiſſime.



PROGYMNASMA

DVODECIMVM.

Serus in ludum aduentus.

MAGISTER. DISCIPVLVS.

MAGISTER. Quouſque tandem hoc feſtiuiſ-
ſimum, lepidiſſimumque fruſtum diſcipuli ad
me audiendum, multò iam die, vltimum omnium
uentitabit?

Tota mihi dormitur hyems, & pinguior illo

Tempore ſum, quo me nil niſi ſomnus alit,

inquit apud Martialem glis. Eho, aspice ad me, ſomni
mancipium. Videte vt illi turgent oculi, vt ſoporis adhuc
pleni ſunt. Impexum eſt caput, illota facies, non apparet
circum collum intima tunica , pendet indecore in ſini-
ſtrum latus pallium. Quid eſt quod ſtata hora nunquam
expergiſceris? auſcultate, vt componet ſycophantias,
& opplebit aures meas vaniloquentia. D. Credas mihi
affirmanti, tam matutinus hìc adeſſem , quàm iſto-
rum vllus , ſi quiſpiam domesticorum è ſomno me
veller excitare. M. Eia verò, quia laudator deeſt, ipſe

te

te lauda. Quid tu ais? non te ad quintam, serò utique, capit dormiendi satietas: ut è lecto allubescat surgere, explicata relegere, ediscenda ediscere, quò paratior scholam intres? D. Enimuerò non possum profectò ultro expergisci. M. Nullus ergo domi tuæ seruus, nulla est ancilla, quæ te stertentem expergeficiat? D. Sunt famuli, sunt ancillæ: at enim ne ipsi quidem primo diluculo suos lectulos deferunt, somnòque, ut nos pueri, æquè pascuntur. M. Vah, ista ratio ponderosa est. Parentes autem quî tandem hoc patiuntur? D. Nescio, conniuent. M. Ausim sponsione in facere, ni tu ab illis excitère. Sed illa ipsissima causâ est: è strato, vbi concaluerit, inuitissimè te moues, nunc potissimum summa hyeme, ne congelacies. D. Ama me, illa verissima causâ est quam exposui, nec alia. Proinde iram tuam mollire velis, & animum in me quietiorem accipere. M. Tu igitur (turpè) ex tanta discipulorum frequentia repertus es vnicus, qui neque per te euigiles, neque per alium. Quàm timeo ne mihi verba des. D. Non te circumuenio. M. Dedam alicui negotium, qui domi quærat num ita sit, ut tute narraisti modo. Si mentitum deprehendero, neque fidem in posterum dictis tuis tribuam, & pro fallacia ista meritam tibi mercedem dabo. Iam ne hoc tenes? D. Oppidò. Fortassis non fatebuntur illi culpam suam. M. Immo fortassis fatebuntur culpam tuam, & dicent te ab ancilla clarè inelamatum nihil consueisse respondere: similiter ac si etiam tum arètè, & grauiter dormires. Quòd si iteratò clamet, & minetur, te non nihil furrigere caput, & stridulo gutture quidpiam inurmurare, velut ianuam in cardine:

dine: rursusque super puluinem illud demittere, ac placide, ut antea, sopori indulgere: & hanc esse vigilantiam tuam, viderique aut præacutis sudibus te fodiendum, aut faces tibi adinouendas. D. Quod libido eorum feret cominiscantur: ipsi tamen gallos canentes nihil morantur: non surgunt. M. Tu verò ne post crebram, quidem ancillarum vociferationem, potes somnum excutere, ô pigerrime homuncio. Sed nunc intempestive de somnolentia tua longo sermone utimur, diemque conficimus. Cognoscam de domesticis tuis. Si fueris verax, rem tuam feceris meliusculam: sin erit, ut vanitatis in te culpam admiseris, tuipse clamore tuo omnes Endynionas vigilantissimos præstabis. Assequeris, puto, quorsum hæc spectet comminatio. D. Admodum, Præceptor.

ANNOTATIONES.

FRUSTVM DISCIPVLI) Qui non est integer, qui non est totus discipulus, non verus, non germanus discipulus. Causa patet. Plaut. Rud. proprie, & per hyperbolen. Loquere tu etiam frustum pueri? Id est, qui propter brevissimam staturam tuam magis dicendus es pars pueri, quam puer. INTIMA TVNICA) Sic Gellius lib. 10. c. 15. Valerius, interior tunica. Græcè ἡ τῶν νιῶν ἐν ἑσάρῃ. Vide Brod. lib. 6. cap. 7. Vulgò indusium, subucula. De quibus ita Varro lib. 4. Subucula quod subtus: indusium quod intus, subaudi gestatur. Nonius sic. Indusium est vestimentum, quod corpori inter plurimas vestes ad-

baret, quasi intusum. Quidam nō insulse, linea, & linea tunica. AVSTM SPONSIONEM FACERE) Quid sit sponsio, quibus verbū conciperetur, vide Sigonium lib. 1. de iudicijs, c. 21. & Budaeum in Pandect. Exponit etiam, quid sit sponsione, & sacramento contendere Mānut in epist. 21. lib. 7. NE CONGLACIES) Verbum glaciare tanquam actiuum extulit Horat. Ode 10. l. 3. & positas ut glaciēt nives Puro numine Iupiter Cic. conglaciandi verbum absolute 2. de nat. Deor. Tum aqua declarat effusio, quae neque conglaciaret frigiditas, neque niue pruinae concreveret. Calius ad Cic. Curioni nostro tribunatus conglaciat. GALLOS CANENTES) Martialis lib. 14. Cristatas lucis aues pulcherrima periphrasi appellat.

Surgite, iam vident pueris ientacula pistor.

Cristataq; sonant undique lucis aues

Ouid. autem 2. Fast. iam dederat tantum lucis prae-nuntius ales. Plinius l. 10. c. 21. Proximè gloriam sentiunt & hi nostri vigiles nocturni, quos excitandis in opera mortalibus, rumpendoq; somno natura genuit. Nocturne sidera, & ternas distinguunt horas interdiu cantu. Cum sole eunt cubitum, quartaque castrensi vigilia ad curas laboremq; reuocant. Nec solis ortum incautis patiuntur obrepere, diemq; venientem nuntiant cantu, ipsum verò cantum plausu laterum. Et alia ibidem pulchra de gallis gallinaceis. iam verò caussam, cur ante lucem galli cantant, ex Democrito his verbū reddit Cicero lib. 2. de Diuinat. Depulso enim de pectore, & in omne corpus diuiso.

*Et modificato cibo, cantus edunt, quiete satiati: qui quidem silentio noctis, ut ait Ennius, fauent faucibus. Lege fabulam Æsopi de muliere vidua & ancillis quas ad gallorum cantus excitare ad opera consueuerat. ENDYMIONAS) Canunt poëta Endymionem à Ioue somnum petisse perpetuum, & captum amore Luna, quoniam hominum primus, ut ait Plinius lib. 2. cap. 9. motus eius varietatem, ac dissimilitudinē deprehendit. Cicero 1. Tusc. Quasi verò quisquam ita nonaginta annos velit viuere, ut cum sexaginta confecerit, reliquos dormiat. Ne sues quidem id velint, non modò ipse. Endymon verò, si fabulas audire volumus, nescio quando in Latmo obdormiuit, qui est mons Carie, nondum (opinor) ex-
perrectus.*

PROGYMNASMA
DECIMUM TERTIUM.

Silentium & attentio.

SIGISMVNDVS, CAELESTINVS.

SIGISMVNDVS. Dupliciter peccatur in
Gymnasio quotidie, ab aliis hoc, ab aliis illo modo.

C. Quæ sunt ista peccata? S. Confabulari, &
Præceptorum non attendere. C. Qui prius designant,
viroque tenentur. S. Ita prorsus existimo. Ve-
rùm qui aliud agunt, alibi oculis curiosè diuagari-
tur, pingunt animalia, equites, stultos, libellos ineptos
legunt.

légunt, chartas & scamna conscindunt, illi in posteriore genere culpam castigabilem committunt. C. Verè dictum sentio, & noui quorum ista est consuetudo. S. Tu ipse vnus de illis es. C. Egone? S. Ita, nã. C. Falsò hoc in ine vitulum confers. S. Mentiri non est meum. C. Attentissimè audio. S. Non semper. C. Si quando eorum quæ tu commemorasti aliquid ago, quasi si quid per transennam inspicerem, & leui brachio id fit. S. Vt eleuat hic peccatum suum? C. Haud eleuo: vt loquor, ita res est. S. Quin est quando sermunculos seris cum proximis. C. Demior tantum tibi esse otii à rebus tuis, vt aliena cures. S. Tam sine pudore id perpetratis, vt non possim non notare: videret vel cæcus, audiret etiam surdus. C. Vicissim te captabo. S. Capta, non capies tamen. Sed extra iocum: desiste, si te amas, ab huiusmodi virtutibus, & noli cum te ipsum priuare tantarum vtilitatum fructu, tum alios impedire. C. Quos alios impedio, cum tenuissimò sono loquar? S. Qui propriis tibi assident, dextrà, sinistrà, & à tergo. C. Apage cum supersticiosa ista religione tua. S. Amicè monenti volens obsecunda, & boni consule: alioqui coactus, non mihi, sed Magistro flagris te operienti obsecundabis. C. Adeò infanda hæc tibi peccata videntur? S. Magna procul dubio suo in genere. Nam quid indignius, ac turpius in schola delinqui possit, haud dispicio. C. Nisi aut ego mutus fiam, aut tu obsurdescas, difficile pax inter nos erit. S. Tu considera quorsum eas, & quid tibi futurum sit. Auceps quando concinnauit aream, offundit cibum; aues assuescunt, sæpe edunt: semel si sunt captæ,

captæ, rem soluūt aucupi. C. Intelligo parabolam. Ope-
re maximo dabitur opera, ne fraudi sit hoc aucupium.

ANNOTATIONES.

PER TRANSENNAM) Prouerbiū, ortum à ne-
gotiatoribus & mercatoribus, qui cancellos vimini-
neos, aut ligneos mercibus obijciunt, qua transfenna di-
cūtur, quòd per eas aspectu transeat. Per huiusmodi igitur
transennas non sigillatim, sed summatim, nec propè,
sed procul res videntur. Cic. 1. de Orat. Quin tu igitur
facis idem, quod faceres, si in aliquam domum plenam
ornamentorum venisses? si ea seposita, vt dicis, essent, tū-
que valde spectandi cupidus esses; uon dubitares rogare
dominum, vt proferri iuberet, præsertim si esses familia-
ris: similiter nunc petes à Crasso, vt eam copiam orna-
mentorum suorum, quam constructam vno in loco qua-
si per transfennam prætercuntes strictim aspeximus, in
lucem proferat, & suo quidq; loco collocet. Vt igitur per
transfennam aliquid inspicere, est non propè, nec diligen-
ter, & in transitu inspicere: sic quasi per transfennam
aliquid agere, erit id ipsum agere obiter: translatione ab
oculis ad sensu alios, id quod sepe fit. LEVI BRA-
CHIO) Hoc, vt etiam illo, molli brachio, opera indili-
gens significatur. Hinc molli brachio aliquem obiurgare,
leui brachio aliquid agere. Cicero ad Atticum. Transla-
tum à parentibus & magistris fortasse, qui remissiùs fi-
lios ac discipulos verberant. QUID TIBI FVVRVM

SIT) Quod admirantes, aut de malo aliquo siue accepto, siue accipiendo interrogantes dicere solemus, quid illi contigit? quid de illo fiet? quid mecum agetur? quid de isto faciam? & similia, Latini sic multò venustiùs: quid illi, quid mihi fiet? quid illi, aut, illo factum est? per dandū scilicet atque etiam auferendi casum, omissa prepositione. Cic. epist. 1. l. 14. Si nos premet eadem fortuna, quid puero misero fiet? Ibidem epist. 4. Quid Tulliola mea fiet? In Verr. Quod hoc homine facies? Terent. Andr. Quid me fiet? Plaut. Trinum. Si quid eo fuerit. **NE FRAVDI SIT HOC AVCPIVM**) Fraus pœnam quoque, damnum, periculum & incommodum veteribus significat: non modò deceptionem, fallaciam, atque dolum. Liuius lib. 1. Rex, facisne me tu regium nuntium popul. Roman. Quiritium? Quod sine fraude mea, populique Romani Quiritium fiat, facio. Cicero ad Lentulum ep. 5. Si quid ex his rebus, quas tibi fortuna largita est, nonnullorum hominū perfidia detraxerit, id maiori illū fraudi quàm tibi futurum. Et pro Cluent. Quæ res nemini vnquam fraudi fuit. Id est, nunquam pœna dignam existimarūt, vel, nunquam damno fuit. Terent. Heaut. In eandem fraudem ex largitate nimia, atque ex parsimonia incidet. Id est, vtrumque perinde damnosum est. Sed prioris illius significatus sunt duo bellissima loquendi genera apud Lucretium, dare fraudem alicui, & induere se in fraudem; quomodo dicimus inducere se in plagas, in laqueos.

PROGYMNASMA
DECIMVM QVARTVM.

Suggestio.

MAGISTER, STEPHANVS discipulus.

MAGISTEER. Sæpenuerò cum minis
seuerissimis interdixi vobis pueri, ne subue-
niretis recitantibus, vbi eos deserit memoria:
vos nihilominus, qui mos est vester, idem peccatum
peccare non desinitis, & patientia mea nimium abu-
timini. Iam postremum moneo, prædico, & antè
denuntio, tibi præsertim capillate, tibi bone Stephane,
quem obseruaui præter cæteros in ista noxia contra-
henda diligentissimum, nisi temperaueritis ab ista in-
tempestiua beneuolentia, non ego mihi temperabo ab
iracundia. S. Non soleo tam frequenter. M. Non so-
les? nemo quisquam frequentius. Prospice rebus tuis:
nam acriter vliscar te, si vel semel ampliùs suggeren-
tem conspexero. S. Spero mitiora. M. Spera quæ vis,
quod acciderit patienter ferto. S. Oportet me gratum
esse aduersus bene meritos. M. Etiam tu taces?
Illa merita tua merebuntur, quod dixi, præmium.
Itaque nisi finem datis inutuò bene merendi, & im-
perium meum ininuendi, faciam ego vt huius diei,
locique, meique in omnem vitam memineritis. Et
ego quidem verberando, vos vapulando defatigabi-
mini. S. Crudele promissum. M. Nihil hoc genere
puerorum perniciosius in schola. Quid enim? dum

hinc inde, dextrâ leuâque, antrorsum, retrorsum, recitantes subueniunt, ubi eos memoria fugit, illos reddunt ignauissimos, & ipsi expectatione similis benefici socordia socordiores fiunt. Quisque sui memor, ut poenam ne sentiat, punienda ne designet.

ANNOTATIONES.

IDEM PECCATVM PECCARE) Atticismus est χαίρειν χαίρειν, φόβον φόβεισθαι, ἀνόνδας ἀνένδεσθαι, Æschyl. Promet. εἰα με νοσεῖν τλῶδε τλῶ νόσον, & similia multa, quæ etiam non luculenter græcè doctus nouit. Latini eodem modo, furere furorem, gaudere gaudium, canere cantilenam, currere cursum, somniare somnium, metere messem, pugnare pugnam, ludere ludos, aut ludum, quo postremo vsi sunt Plaut. Mostell. Terent. Eunuch. Horat. Ode 29. l. 3. CRUDELE PROMISSVM) Hoc quasi non audiente magistro, summissa voce, aut a uerso ad condiscipulos vultu dici intelligendum est, ut sepe fit apud Comicos. Tale fuit, quod dialogo sexto in extremo posuimus, cum puer mendax iam cadendus ita loquitur. Miser, ah miser, cui tam malè vertit dolus.

PROGYMNASMA DECIMVM QVINTVM.

Absentes.

BENE.

BENEDICTVS, AVGVSTINVS.

BENEDICTVS. Multorum dierum intervallo non te vidimus in gymnasio, Augustine; nec tamen fuit, quod miratus sum vehementer, cum præceptor te requireret, aut mitteret, qui, ubi esses, & quid ageres inuestigaret. Cur absuisti? A. Malè me habebam: idque ut ne lateret Magistrum, curavi, quò bona cum eius venia, & tutò abesse liceret. B. Meritissimò non apparuisti: si quidem est, ut autumas. Conuulsi sine? A. Nondum planè me confirmaui. B. Quamdiu ægrotasti? A. Quamdiu me in schola non conspexisti. B. Haud equidem recordor quantum temporis abieris. A. Dies còpluscùli, vndeuginti omnino. B. Quid erat morbi? A. Febricula. B. Quo medicamento ei subuenisti? A. Inedia probè sola, qua maximos quosque morbos, & grauissimos depelli solere, aiebat Magister auctores in medicìna claros & nobiles afferrere. Vacuus mihi venter crepitare: ego floccipendere. B. Facili negotio consequère, quæ interim præcepta nobis & explicata sunt. A. Sic mihi persuasi: & in eam rem, si non recusas, utar tuis suppetiis. B. Repetam tibi omnia, & rectissimis tuis atque optimis studiis non grauati obsequar. Quanto te rediturum censes? A. Secundum natalia Domini. At tu quid vagaris? cur non es in ludo? B. Eram in itinere cum libris: ecce tibi, pompa procedit ferentium instrumenta gladiatoria, siue athletica. Ego illos sequi in aulam curiæ: ibi ludicrum illud certamen certantes spectavi voluptate mirifica. Nam ubi ætas maturuerit, eandem artem addiscere cogito: quandoquidem disciplinis liberalibus non est

aliena. Noui per plures literatos, eosdemque athletas non spernendos. A. Craftina luce quam expurgationem habebis? B. Intendenda erit aliqua fallacia, quæ me virgarum periculo eximat: nox dabit consilium. Si mendacium dixerò, solens meo more fecero. A. Timeo ne aliorum cadat res, & tu propter hanc curiositatem spectandorum gladiatorum sine vibicibus à Magistro non dimittare. B. Euasi non semel, confictis causis absentiae. A. Bestiae quaedam cum canibus bis, ter, elapsae fuerint, tandem capiuntur & pereunt. B. Oh, non adimet mihi vitam ista verberatio. Gymnasium flagrorum me appelles licet, quibus mea cutis induruit, ut si ad fumum pependisset. A. Tua res agitur. In quem exempla fient, quique clamauerit usque ad rauum, illi, puto, aliquid dolebit.

ANNOTATIONES.

VNDE VIGINTI) Sic vndetriginta, vnde quadraginta, vnde quinquaginta, & deinceps. Vnū de viginti si auferas, manent decem & nouem: ita in alijs. Simili modus est, duodeviginti, duodetriginta, duodequadraginta. Vtraque ratione dicendi crebrò boni auctores vtuntur. QVO MEDICAMENTO EI) Primum est cauere, ne in morbum dilabamur. Cauebimus si seruemus quæ de tuenda valetudine Plutarcho, à Marsilio Ficino, & ab alijs scripta sunt. Proximum, ut ex illo conualescamus: quod quidē si non per inediam solam, at certè nunquam
sine

sine inedia videmus fieri. Caussa enim sublata, etiam effectus tollitur. Atqui morborum caussa quae sunt aliae, nisi humores vitiosi, ac nimij? humores autem unde nisi e cibis oriuntur? Quorum moderationem ac delectum qui adhibent, & rariùs agrotant, & citiùs curantur. VENTER CREPITARE) Plaut. Menach.

MED. Dic mihi, an Enquam tibi intestina crepitant, quod sentias?

M. Vbi satur sum, nulla crepitant: quando esurro, tum crepitant,

Horatius sat. 2. l. 2. latrantem stomachum sale & pane bene leniri affirmat. NOX DABIT CONSILIUM) Plutarch. lib. de Curiosit. noctem (velut amicam intelligentia) vocabant euphronem: videlicet arbitantes quietem & assiduitatem illam, nullis interpellantibus aliarum rerum curis, multum habere momenti ad inuentionem eorum quae inquiruntur. Cicer. 2. de Orat. Nox te nobis, Antoni, expoliuit, hominemque reddidit. SEMENDACIUM DIXERO) Inter mendacium dicere, & mentiri Nigidius apud Gellium hoc interesse vult, quod qui mentitur, ipse non fallitur, sed alterum fallere conatur. Qui mendacium dicit, ipse fallitur. Vir bonus prestare debet ne mentiatur, prudens ne mendacium dicat. Nihilominus haec saepe confunduntur. NON ADIMET MIHI VITAM) Exemplum proiecta in puero audacia. Tax tax tergo meo erit, inquit ille in Persa, non curo. GYMNASIUM FLAGRORVM) hominem in quo assidue verberando flagra & virga exerce-

ercentur. Salutatio duorum seruorum in Plauti *Asin.*
 hac est. L E. Gymnasium flagri salueto. L I. Quid agis
 custos carceru? L E. O catenarum colone. L I. O virga-
 rum lasciui. T V A R E S A G I T V R) Genus loquendi
 haud inelegans, cum dicimus alicuius rem, famam, di-
 gnitatem gloriam, salutem, caput, rem agi. Id est, in di-
 scrimine, periculoq; versari. Cicer. pro lege Manil. Agun-
 tur bona multorum ciuium. De Orat. Agitur non solum
 ingenij nostri existimatio. In Philipp. libertas agitur po-
 puli Romani. I N Q V I B U S E X E M P L A F I E N T) Pu-
 niendorum peccatorum rationes tres adducit Gellius lib.
 6. c. 14. Tertiatio vindicta est, inquit, quae ἀποδιδύ-
 μω a Graecis nominatur: cum punitio propter exem-
 plum necessaria, ut ceteri a similibus peccatis, quae prohi-
 beri publicitus interest, metu cognita poena deterrean-
 tur. Idcirco veteres quoque nostri exempla pro maximis
 grauissimisq; poenis dicebant. Iam Latini dicunt exem-
 plum prodere in aliquo, ut Cic. pro Flaco. In aliquo ex-
 emplum statuere, ut idem in 4. Verr. Exempla cruciatus
 edere in aliquem, ut Caesar 1. de bello Gall. Exempla ede-
 re, ut Terent. Eunuch. Exempla faciam ego in te: aut
 sine praepositione (ut quidam legunt) est
 apud Plaut. *Moscell.*

os(o)oo

PRO-

XXXXXXXXXXXXXXXXXXXXXXXXXXXX

PROGYMNASMA

DECIMVM SEXTVM.

Accusationes.

HIERONYMVS, FELIX, MAGISTER, ALEXIVS, PANTALEON, BERNARDVS, EVARISTVS, GERVASIVS, CYPRIANVS, DAVID, IONAS.

HIERONYMVS. Papæ, quid tu audacissime locum alienum occupas? F. Alienum? H. ita loquor, alienum. F. Tuumne? H. Meum, inquam. F. Non est hic locus tuus. H. Cuius est? doce-me. F. Meus. H. Age si quid agis. F. Quid ego agam? H. Restitue meum mihi locum, quem inuolasti. F. Si tuus sit, restituam. Aufer hinc iurgium, si sapis. H. Præceptor, iste mihi iniuriam infert. M. Quid illic clamoris exoritur? H. Felix, dum ego aliquanto post tempus venio in scholam, impudenter vendicauit locum meum. F. Falsò me accusat: teneo locum meum. M. Quid tu ad hæc? H. Quia honoratior est locus, idcirco me absente ausus est in alienam possessionem irruere. F. Non irrui. H. Irruisti: restitue debitum. F. Nihil debeo. M. Dirimam litem. Meridianis horis parati instructique ad concertationem eritis. Tum si tu Felicem, Hieronymum, disputando viceris, infimo ipsum loco, prope ianuam collocabimus, ut ei tutelam gerat, & humilietur qui se nouo exemplo exaltauerit. Sin ipse te superârit, retinebit hunc locum,

cum : quoniam te dignior omnium punctis censebitur qui hic sedeat , & iuste eum repetere non poteris , mea quidem sententia . P. Aequa conditio . H. Non detrecto hanc pugnam . Commutabo tibi nomen hodie , si viuam , ut pro Felice Infelix vocer . P. Minas tuas floccipendo . M. Quos ego post tergum meum confabulantes audio ? Heus , quoniam modò inter se confabulati sunt ? A. Pantaleon & Bernardus . M. Linguati pueri , quare non silentio ediscitis , quæ mox recitetis ? P. Non sumus confabulati . A. Estis , & diu factis . B. Reuera non garriuimus . M. Quid fuit igitur ? P. Interrogabam nonnulla Bernardum , quæ minus intelligebam . M. Qua in re ? B. In Catechismo . A. Hoc se facere simulabant illi quidem , verè autem de suis quibusdam nugis sermonem miscebant . P. Te tam audacter asseuerare ? M. Hem astutiam : faturne rem Alexius ? B. Certe hinc minime . A. Conuincam vos argumento palam : etenim sententias quasdam retineo de sermunculo vestro . M. Premit aduersarius , Fateamini quod res est , & culpa vos soluam . Si pergitis inficiari , virgas cernitis : iis non tam ob ruptum silentium , quàm ob mendacium tangam vos usque ad necem . B. Fateamur : de prandio hesterno , in quo simul accubuius , colloquebamur . M. Cauete , aliòqui pessimè cœnatos dimittam . E. Est quod exponam , Præceptor . M. Expone . E. Heri Cieruasius , & Cyprianus se conuitiis alternatim consectabantur , vicissimque pugnis onerabant egregiè . M. Vidistin' ? E. Vidi cum fortè fortuna in eos ambulans incidissem . M. Quo tempore ? E. Haud multò post , quàm solutæ sunt scholæ . M.

Quo

Quo in loco? E. In publico, ante domum Cypriani. Mirabantur prætereuntes, & consistebant. Quin his auribus audiui qui dicerent: ô pueros malè moratos. Utinam aliquis Magistro rem indicet, ut is ambobus pro dignitate stipendium numeret. M. Tantumne est? E. Tantum. M. Facinus improbum. Surgite, & procedite in medium bellicosi homuli. Hæcine disciplinam aut à parentibus vestris, aut à me percepistis? hæcine vos flagitia consciscere? contumelias intorquere, & obferere pugnis sodales suos? G. Coëgit me Cyprianus. C. Tu me coëgisti. M. Vtrumque nequitia sua coëgit: ambo furore & amentia impulsus ab officio discessistis; de hoc nulla est quæstio. Me tamen cogitis vobis pro isto conflictu mercedem liberalem, præsentem, & probatam pecuniam tribuere. Expedito mihi virgam, Euariste, de virgis melioribus, actutum. E. Curabitur. M. Quæ porro controuersia conflauit hoc duellum? G. Irridebat me suspensio naso Cyprianus, quod per femoralia indusium dependebat, & risu pene emoriens, multis, qui fortè circumstantibus: en, inquit, iste tam audè cibum vorauit, ut ipsas quoque inappas deglutiuerit. M. Magna verò, & sine dubitatione intolerabilis iniuria. Cur ad sartorem subligaculum reficiendum non deportasti? G. Non aduertit esse lacerum. M. Non aduertisti? Sat argumenti, te morum ciuitatem non attigisse vel extremis digitis. Ad rusticanos cum isto Geruasio: qui cum vrbani sit, vrbani nihil habet. Iam, quas tibi contumelias imposuit? C. Nebulonem, & proditorem me appellabat. M. Quibus tu
Gerua-

Geruasium epithetis contrà cohonestasti? G. Subul-
cum, & asinum me nominabat. M. Hoc fuit tuis ceci-
nisse; deinde extemplò secutum est prælium, ventum
ad manus, contudistis alterutrum: nonne? G. Factum.
heu. C. Ac nisi me in pedes dedissem, cerebrum mihi
diminuisset: sic iracundia & furore exarserat. M. Ego,
vt magnificus Imperator, istis duobus tam strenuis bel-
latoribus propter generosissimam velitationem dabo
donatiuum. Et quia Geruasius ob causam leuiorem
tantoperè non debuit excandescere, dabo illi maius. Te
quoque docebo Cypriane, huiusmodi scurrilibus iocis,
& intempestiua dicacitate abstinere de cætero. Itè, &
ad præmia capienda resolutis ligulis vos comparate.
P. Præceptor, Alexius pingit. M. Alexi, quid facis? A.
nihil. M. nihil? at iam faciam tibi aliquid. Exhibe
chartam. A. nihil est. M. Ostende sine mora. A. Quæ-
so. M. Videam. O Alexi, ecquando in ludum pictoris
iuiisti? quam graphice adumbras canes & ceruos? Sup-
pone sinistram ferulæ: suppone, ecquid audis? A. ah,
ah, M. Concerpito. Si rursus deprehendero pingentem,
scis quid tibi depicturus sim? A. Scio. D. Præceptor,
licetne pauca? M. Quid dicturus? D. Ionas non ha-
bet librum. M. Vbi est liber tuus? I. Amisi. M. Sicci-
ne rem tuam custodis? Domine, an in schola, an in via?
I. Nescio. M. Quæsiuisti? I. Tanquam si aciculam quæ-
rerem. M. Nisi tu ante noctem repereris, cras in te
exemplum edetur, vt ne quis deinceps
perdat libros suos.

ANNO.

ANNOTATIONES.

OMNIUM PUNCTIS) Horatius ad Pisones.
 Omne tulit punctū qui miscuit utile dulci. Omne
 punctum ferre, est omnibus omnium sententijs atq; suf-
 fragijs aliqua re dignum, seu in aliquo praestantem iudi-
 cari, seu placere vniuersis. In suffragijs, in quibus magi-
 stratus, vel leges, vel tale quid rogabatur, bina, nisi sal-
 lor, tabellae singulis suffragium laturū dabantur: qua-
 rum altera punctum sine dubitatione, altera nihil, vt
 ego puto, scriptum habebat. Itaque qui fauebant, ta-
 bellam puncto inscriptam: qui aduersabantur, alteram
 in cistam conieciabant. Hinc Cicer. pro Plancio dixit tri-
 bus nonnullas punctis totidem tulit. Idem Tusc. 4. Quid
 de nostrū ambitionibus, quid de cupiditate honorum lo-
 quar? Quae flamma est, per quam nō concurrerint ij, qui
 hac olim punctis singulis colligebant? Corrad. in Brut.
 PUGNIS ES ONERABANT) Plautus Amphit.
 Onerandus est pugnis probè. Sic onerare maledictis in
 Pseud. Onerare letitia senem, in Cap. Cicer. ep. 10. lib. 3.
 Onerare aliquem mendacijs. Plauti sunt etiam, pugnū
 impingere, Bacch. Pugnū aliquem contundere, ibidem.
 Pugnū in os impingere, pugnū pectere, pugnū aliquem
 incurfare, Rūd. & Pseud. Pugnū cadere, Amphit. Pugnū
 concisus, ibidem. DABO DONATIVUM) Mu-
 nus, seu donum quod populo dat Princeps. seu Imperator,
 dicitur Congiarium, de quo Sueton. in Octauio, Cap. 41.
 & Caligula cap. 17. Quae autem largitio sit in milites,

ultra stipendia, videlicet ob victorias, adoptiones, inaugurationes Casatum, ea donatiuum vocantur. Budæus in Pandect. Steuechius ad cap. 20 lib. 2. Vegetij. Attamen idem Suetonius, non malus Latinitatis auctor, libello de claris Rhetorib. c. 3. cum de Sex. Clod. agit, vocem, congiarium, pro dono usurpat, quo quæ priuatim à Principe afficitur, huius verbis. A quo (Antonio) mox Consule ingens etiam congiarium accepit, ut ei Cic. in Philippicis obijcit. Eodem modo in Iulio cap. 27. Et in Vespasiano cap. 18. & Calius epist. 1. l. 8. Plancus, inquit, magno congiario donatus à Casare. Seneca item ep. 29. Si rutabitur scholas nostras, & obijciet philosophis congiaria, amicas, gulam. Sic videtur Cic. usus, epist. 6. lib. 10. ad Att. ANTE NOCTEM REPERERIS) Quod Grammatici quidam ex versu Ovidij 1. Metamorph. Tu non inuenta reperies, inter inuenire & reperire hoc discriminis esse volunt, ut illud sit cum labore diu quasitam rem assequi: hoc, fortuito oblatam nancisci, istuc nihil est. : Nam & reperio clarissimi scriptores dixerunt pro eo, quod est opera studioque adhibito adeptus sum : & inueniri ab iisdem dici videas, quod non est quasitum. Legendus Alex. ab Alexand. & in eum Tiraquellus lib. 4. cap. 17.

XXXXXXXXXXXXXXXXXXXX
 PROGYMNASMA
 DECIMUM SEPTIMUM.
 Petitio lusus.

PHILIPPVS, MAGISTER; PVERO.
RVM TURBA.

PHILIPPVS. Memoriter memini, Præceptor;
dixisse te aliquando nobis, necessariam esse
in rebus vicissitudinem, nec durare posse, quod
alternâ requiæ careat. M. Quid tum postea? quam
ob causam tu id mihi nunc subiicis? P. Haud sa-
nè inconsultò, ac temerè tuam hoc loco repetiui senten-
tiam. M. Ergo quid te mouit? dicito. P. Quoniam
res quædam est, quam me à benignitate tua impetratam
auferre volo. M. Memora puer. P. Si molestè
non es laturus. M. nisi tu iniustum quid à me petàs, in-
dignè non feram, quidquid petiueris. Nam vt iusta ab
iniustis petere insipientia est: sic iniusta à iustis impe-
trari non decet. P. Ne tibi lubeat sinistrum suspicari. Iu-
stè ab iustis iustus sum orator datus, & aduenio omni-
bus lubentibus, vt quod in rem nostram comunem
sit, hoc à tua lenitate obtineam. M. Eloquere, quid est
quod obtinere gestis? P. Paullum est. M. Quin tuo vno
verbo dic, quid est? P. Iam dies effluxere complures,
ex quo libris semper affixi fuimus. M. Trabalibus cla-
uis, opinor. Subolet quorsum euasurus sis. Benè ha-
bent tibi principia. Pertexe telam, sed aptè; vt ne
compellam te retexere. P. Et exercitationibus auditi-
onum, scriptonum, recitationum, concertationum
pænè exhausti fuimus. M. Itane verò? Exhausti?
O me in discipulos atrocem, ô crudelem. P. Nec
vnquam nobis vel ad moimentum respirare, viresque
fessas reparare datum est. M. Vt res suas exag-
gerat: quodque contritum est vetustate prouerbiū: ex

musca elephantum. P. Quare vehementer & summissè te rogamus, Præceptor noster, pomeridianis horis ad lusum remissionemque animi descendere tuo concessum licitum sit. M. Aequissimum postulas. Verùm ego his conditionibus hanc potestatem largior. Vt absque tumultu ludatis, nèue quis alteri turbas ciere insistat. Vt ante quintam ad libellos redeatis. Vt deinceps manibus pedibusque, cum hasta, cum scuto, quod aiunt, ad vestra studia incumbatis. P. Iustæ conditionis: accipimus, vt pro tota schola respondeam. M. Capesse cursum: condiscipulos affice tam bono nuncio. P. Gratias magnas, ingentes tibi agimus, humanissime atque optime Præceptor. Heus heus pueri. PV. Nunquid nam apportas noui? frontem exporrexisti, hoc omen placeat. P. Oneratum lætitia pectus apporto. Ego vester hodiè orator & exorator fui apud Magistrum. P V. In quo? P. In ludendi venia. P V. Voluptatem magnam nuntias. Habemus ergo rem factam? P. Factam. PV. Bene factum, & volup' est. Deus te bene amet. Ludeamus igitur? P. Nisi mauultis inhærere libris. PV. Valeant libri. Ludamus; focii, euge ludamus. P. Silete, non permittit gratis ludere. P V. Qua mercede? P. Vt absque inconditis clamoribus, absque strepitu, crepitu, fremitu: sic enim interpretor quod dicebat de tumultu & iurgio vitandis. PV. Fiet. P. Vt ante quintam ad libros nos recipiamus. PV. Fiet. P. Vt deinceps neruis omnibus discamus. P V. Hic melius est respondere, fiat, quàm fiet: optare, quàm promittere.

ANNO.

ANNOTATIONES.

PETITIO LVSVS) Quomodo stirpes mediocribus aquis aluntur, abundantibus suffocantur: sic animus moderatis crescit laboribus, nimis obruitur. Danda est ergo pueris à cōtinentibus laboribus respiratio: idq; in animo habendum, totam vitam nostram in remissionem esse. seruiumq; studium diuisam. Plutarchus de lib. educant. Quintil. lib. 1. cap. 3. Danda est tamen omnibus aliqua remissio: non solum, quia nulla res est, quæ perferre possit continuum laborem, atque ea quoque, quæ sensu & anima carent, ut seruare viam suam possint, velut alterna quiete retenduntur: sed quod studium discendi voluntate, quæ cogi non potest, constat. Plura ibidem de lufibus puerorum. NECESSARIAM IN REBUS VICISSITUDINEM) Seneca epist. 36. Obserua orbem rerum inter se remeantium. Videbū in hoc mundo nihil extinguī, sed vicibus descendere ac resurgere: Æstas abit, sed alter annus illam adducit. Hyems cecidit, referent illam sui menses. Solem nox obruit, sed ipsam statim dies abiget. Stellarum iste discursus quidquid praterierit, repetit. Pars cali leuatur assidue, pars mergitur. Plutarchus de lib. educand. Quamob causam non vigilia modicā, sed & somnus inuentus est, neq; bellum duntaxat, sed & pax: neque sine serenitate tempestas: neq; seria negotia tantum, sed & seria. Utq; in vnam summam contrahamus, requies laborum est condimentum, & quæ sequuntur. ALTERNA REQUIE CA-

REAT) Ouid. *Quod caret alterna requie durabile nō est.*
 Pub. Syr. *Iucundum nihil est, nisi quod reficit varietas.*
 MEMORA PVER) Vt Gracū παῖς, sic Latinis puer pro
 seruo, pro filio, pro eo, cui contrarium est puella, pro eta-
 te, annisq; primis capitur. Numero autem multitudinis
 vtrumq; sexum comprehendit Gell. TRABALIBVS
 CLAVIS) Clauitrabales grandes clauī sunt, quib. con-
 figuntur trabes. Figere aliquid trabali clauo, proucrbiū.
 Cic. in Verr. vt hoc beneficium (quemadmodum dicitur)
 clauo trabali figeret: id est, confirmaret & constabiliret.
 Telum trabale 12. Aeneid. est ingens & magnum telū,
 instar trabis. NE COMPELLAM TE RETEXERE)
 Allusum ad dictū vetus, Penelope telam retexere, id est,
 inanem operam sumere, & destruere q̄ effeceris. Hom.
 Odyss. 2. castissimā illam & fidiissimā viro suo Penelopem
 procos connubiū, eius flagitantes, & impotenter iam in-
 stantes hoc modo eluisse fingit. Promittit se rupturam,
 vbi telam, quam tum haberet in manibus, pertexuisset.
 Quam conditionē cum illi non repudiassent, callida mu-
 lier, quod per diem texuerat, per noctem dissoluebat. Bel-
 le autem ea de Propert. eleg. 9. lib. 2.

*Penelope poterat bis denos salua per annos
 Vivere, tam multis sœmina digna procis.
 Coniugium falsa poterat differre Minerva,
 Nocturno soluens texa diurna dolo:
 Visura & quamvis nunquam speraret Ulyssē,
 Illum expectando sc̄ta remansit anus.*

NVM QVIDNAM) Terent. Andr. Vt sciam nunquid-
 nam hac turba tristitia asserat. Nunquidnam amplius
 tibi

tibi cum illi fuit? & aliàs quoq; Cicer. 2. de Orat. Quid vos tandem, Crassus. Numquidnam, inquit noui? IN LVDENDI VENIA) Hæc vox non semper ad culpam refertur, nec perpetuò ea vi effertur, quæ in Amphitruone Plautus, ut hoc pro sexcentis adducam.

Per dexteram tuam te Alcumena oro, obsecra,

Da mihi hanc Veniam, ignosce irata, ne fies.


Sapius etiam potestatem, & petitionu concessionem approbationemq; notat. Cic. pro Archia. Quaeso à vobis, ut in hac caussa mihi detur veniam. 1. de Orat. Date nobis hæc veniam, ut ea, quæ sentitū de omni genere dicendi, subtiliter persequamini. Cornific. in 4. ad Herennium. Veniam ad vos, si mihi senatus det veniam. Plaut. Trin.

LY Ob eam rem hæc, pater, autumaui, quia res quædam est quam volo,

Ego me abs te exorare. PH. Quid est? Veniam iam dare gestio.

Æmilius Probus in Themistocle. Huius Rex animi magnitudinem admirans, cupiensq; talem virum sibi conciliare, veniam dedit. Annum videlicet ei concessit, quem petebat, ad discendam linguam Persicam. Iterum in Pausania. Quod si eam veniam sibi dedisset. Sic, cum verbum, licentia, in vitio semper putetur esse, proferatur quæ est Terent. Deteriores omnes sumus licentia, id secus est. Aliquando enim honestam potestatem significat, & dare licentiam est, ἐξουσίαν δίδωαι. Cicer. 1. Offic. Nec quenquam hoc errore duci oportet, ut si quid Socrates, aut Aristippus contra morem cōsuetudinemque civilem fecerint, locutiue sint, idem sibi arbitretur licere. Magnis

enim illi, & diuinū bonū hanc licentiam assequebantur. Et in 3. Nobis autem Academia nostra magnam dat licentiam, ut quodcunque maximè probabile occurrat, id nostro iure liceat defendere. Hū duobus locū haud existimo rectè facturum, si quā licentia nomen immoderatam libertatem, impunitatemq; interpretetur.



PROGYMNASMA DECIMUM OCTAVVM.

Idem argumentum.

PHILIPPVS, MAGISTER.

PHILIPPVS. In memoria mihi est, commendasse te aliquoties nobis requietem, & otium à continuatis studiorum occupationibus, cum, haud scio ex quo poeta, versiculum illum recitares, Interpone tuis interdum gaudia curis. M. Optimum est: vellem perinde fixisses animo tuo alia permulta, quæ non semel de me audiuisti. P. Compactò ad te venio. M. Quapropter venis? P. Ut quidpiam abs te auferam. M. Ut aliquid auferas? hem. Ergo furatum hunc venisti, quantum intelligo. Scin' quomodo se tibi res habet? tute auferaris faxo, cum te in manifesto facinore prehensum, loris adeò benignè cooperuero, ut vestigium facere non possis. P. Ridicularia nihil moror: alio, & interiore significato hoc verbum cepi: quod prateruectum est mentem tuam. M. Impetrabundus, ut sic dicam, ingressus es. P. Facultatem ludendi

dendi vt abs te impetrarem, ideo huc aditum tuli. M. Morem antiquum, atque ingenium hic adolefcens obtinet: magis de ludo & fomno, quàm Alexander Macedo de orbe terrarum sub imperium subiungendo cogitat. Cùm dies status venerit, tum ludes ad lassitudinem, contradicente nemine. P. Mi Præceptor, sine nos lusitare secundum meridiem. M. Non sino, neque tu istam rem in spe aliqua habueris. P. Quare tam præfractè recusas? M. Quod vos similiter satis præfractè indiligentes, & ignaui estis. P. Iminò certè diligentes. M. Quàm iniquè comparatum est, vt nemo vñquam libenter semetipsum fateatur malum? omnes sese amant. P. De reliquo senties nos quàm studiosissimos. M. Quod promittunt pueri, in vento & rapida scribere oportet aqua. P. Obscramus (nam ego totius scholæ personam recepi) ne te hodie inexorabilem præbeas. M. Res ex composito geritur, quod sentiebam equidem à principio. Actum agis, abi. Tempus discendi, tempus ludendi. P. Hodie sudum ad deambulandum per amœna camperum, & vmbrosa vallium nos inuitat, qua commoditate hoc toto mense caruimus: quippe cùm in singulos pænè dies pluuiam tolerauerimus. Opprimenda videtur quæ præter spem obuenit occasio. M. Non moriemini, Philippe, hac quidem de caussa, si lusionem differatis in perendinum. P. Sed si rursus cadant pluuiæ, & cogamur domi residere, tanquam si dati simus in carcere? M. Tum vòs indignissimè vexatos prædicabunt etiam ipsi lapides. Licet domi quoque sub tecto, & securius ludere. P. Licet sanè quidem, at foris sub dio longè iucundiùs: vbi

certamus cursibus in stadio, ut Olympionicæ, & venationes instituiamus, aliæque delectamenta, quæ præsens sæpe vidisti. M. O importunum flagitatorem. Sit potestas ambulandi foras, & ludendi. Dicite Hypodida scalo verbis meis, uti vos prosequatur, prospiciatque sedulo, ne quid postea querimoniarum ad me deferatur. P. Deus det tibi, Præceptor integerrime, quidquid voles.

ANNOTATIONES.

I NTERPONE TVIS INTERDV M) Danda est remissio animis, meliores acrioresque requiete surgent. Vercilibus agris non est imperandum: citò enim exhauriet illos nunquam intermissa fecunditas: ita animorum impetus assiduus labor frangit. Vires recipiet paulùm resoluti & remissi. Nascitur ex assiduitate laborum animorum hebetatio quadam & languor. Lege c. 15. Seneca, de Tranquill. animi. ADEO BENIGNE) Vsum quendam reconditum & elegantem huius adverbij, cum videlicet ei, qui nobis aliquid offert, significare volumus, gratiam quidem ipsi habere nos, sed tamen eius dono nullo uti explicat Muret. ex Horat. annotat. in Eunuch. Terent. IN VENTO ET RAPIDA) locus erit in promissis, & rebus inconstantibus, quæ nihil habent firmitatis. Gracis ἐπιφύκειν in cinere scribere. Nam & cinis à vento facile dissipatur, & commissæ non retinet. Contrarium est, in mente insculpere, quod Cicero sapius, & Graci dicunt ἐν φρεσίν, Æschyl. Prometheus. ἐς χάρακα δὲ μνήμοσιν δέλτοις φρεσῶν. Inscribe tabulis mentis

memo-

memorū. Vide scholiasten ibid. Terent. And. etiam nunc
 mihi scripta illa dicta sunt in animo Chrysidis. Victor. l.
 9. c. 13. Sed de superiore locutione pergamus dicere. Ca-
 tull. ad Ortalum.

Netua dicta Sagis nequicquam credita Gentis.

Effluxisse meo forte putes animo.

Tibull. eleg. 5. lib. 1.

Hac mihi singebam, qua nunc Caurusq; Notusq;

lactat odoratos Gota per Armenios.

Lucret. lib. 4. Tu fac ne ventū verba profundam, Virgil.

Æneid. 9. Sed aura Omnia diserpunt, & nubibus irrita
donant. Et 10. Nec ferre videt sua gaudia ventos. Horat.

Ode 26. lib. 1.

Musis amicus tristitiam & metus

Tradam proteruis in mare Græticum

Portare Gentis.

Ouid.

Quæ tibi sunt facienda tamen cognosce, nec Euris

Da mea, nec tepidis Verba ferenda Notis.

Existimabant enim antiqui, ventos interpretes & nun-
 cios esse, nostrasq; preces & vota ad deorum aures defer-

re, & nostra verba, in summa omnia. Hinc eclog. 3. Par-
 tem utinam venti diuūm referatis ad aures. Et Ouid. 10.

Metamorph. Detulit aura preces ad me nō inuida blan-
 das. Quæ autem vota non eueniebant, & irrita cadebāt,

ea ad deos non esse perlata à ventis, sed vel dissipata, vel
 procul in regionem longinquam aucta arbitrabantur.

Hinc: quæ nūc Caurusq; Notusq;, &c. atq; his affinia. De-
 niq; quidquid euenire nolebant, aut auersabantur & ab-

omina-

ominabantur, vento differri disiciq; optare solebant, aut pernici cursu procul amandari & asportari iuebant. Tibull. lib. 3. eleg. 4.

Hæc Deus in melius crudelia somnia vertat,

Et subeat tepidos irrita ferre Notos.


Turneb. lib. 1. c. 23. Victor. lib. 30. cap. 8. SVDVM) Si ne vdo, calum serenum, sine nubibus, aut certe non pluuium. Nonius. Sudum dicitur quasi semiudum, ut est aer post pluuias, serenus & liquidus Cicer. ad Tironem lib. 16 Horologium mittam, & liberos, si erit sudum. Plaut. Milite.

Curate ut splendor meo sit clypeo clarior,

Quam solis radij esse, olim cum sudum est, solent.

Idem Rud. Quin pertegamus villam dum sudum est. Virgil. 8. Æneid. Arma inter nubes cali regione serena, Per sudum rutilare vident. Omittant ergo adolescentes dicere: est pulchrum tempus, est bona aura, iam splendet sol, similesque modos inquinatissimos. AMOENA CAMPORVM) Græci substantiuum patrio casu solent efferre ἀπουδαία τῶν περὶ γυμνάτων, μὲν ἄλλα τῶν ξύλων, οἱ ἱεροὶ τῶν ἀνδρῶν, αἱ πλεῖσαι τῶν πόλεων. Huiusmodi apud Poetas quam plurima. Virg. 1. Æneid. Miratur portas, strepitumq; & strata viarum pro, stratas vias. Sic Lucret. lib. 1. Strataq; iam vulgi pedibus detrita viarum, Saxea cōspicimus. Idem, clausa, opaca domorum, rata viarū, ut Virg. angusta viarum. Apud Horatium amara curarum, vana rerum, abdita rerum. Apuleius vno loco habet hæc omnia: ardua montium, lubrica vallium, roscida cespitum,

rum, glebosa camporum. Plinius dixit, ouorum oblonga,
& nigra lanarum, c. 48. lib. 8. Liuius, subita rerum, in-
certa casuum. Vides Latinū adiectiuum mutari in genus
neutrum? idq; planè perpetuum est.



PROGYMNASMA

DECIMVM NONVM.

Ludus ex pacto concessus.

MAGISTER, PVERI VII.

MAGISTER. Nitnis crebrò ludendi co-
piam, perinde, vt si quæratibus cibum ante famem,
potum ante sitim, requiem ante laborem: vultis
enim remittere cogitationes, priusquam eas post re-
missionein rursus intenderitis. Itaque vereor ne facili-
tas mea vestros corrumpat animos. P. I. Tantummo-
do duas horas largire nobis in gratiam D. Cassiani, que
à discipulis pueris, librariis scalpellis, stilisq; æneis im-
misericorditer vita & spiritu priuatum perhibent. M.
Permittam equidem ludere, sed quæ conditione?
P. V. II. Hoc tuæ potestatis est. M. Hac nempe, vt
è vobis septem ludant ii, qui vel apophthegma, vt si-
mile, vel sententiosum ex poëta versiculum, vel Ci-
ceronis gnomicum aliquid, vel tria prouerbia, vel
Æsopicam fabellam ex memoria protulerint. P. V.
I. Ego, si placet, fabellam narrabo. M. Audio. P. V. I.
Hædus fortè à grege cùm deerrasset, eumq; lupus in-
sequen-

sequeretur, conuersus insequentem sic est affatus, Mi-
lupe, quandoquidem tibi escam me futurum scio, quod
iucundiùs moriar, quæso, primùm cane tibia, vt saltem:
Lupus canere cœpit, & saltare hœdus. Tum canes id au-
dientes, lupum acerrimè institerunt persequi. Is sese ad
hœdum vertens: merito, inquit, hoc patior: oportebat enim me, cocus cùm sim, tibicinem non agere. Do-
cet apologus, eos qui negligunt ad quæ natura sunt ido-
nei, & quæ aliorum sunt exercent, in incommoda sæ-
piùs incurrere. M. Dicat secundus. PV. II. Virg.

Optima quæque dies miseris mortalibus aut

Prima fugit: subeunt morbi, tristisq; senectus,

Et labor: & dura rapit inclementia mortis.

PV. III. Cicero. Graue est homini prudenti petere
aliquid magnum ab eo, de quo se bene meritum pu-
tat: ne id quod petat, exigere magis, quàm rogare, &
in mercede potius, quàm in beneficii loco numerare
videatur. M. Elegans, & verissima sententia. PV. IV. I-
gnis non extinguitur igni. M. Explica. PV. IV. Malum
malo non emendatur: iram non sedat iracundia,
sed lenitas: aduersos casus reddit leuiore patientia:
iniuria superatur beneficio. M. Belle: Iam secun-
dum profer, nam tria imperaui. PV. IV. Annosa
vulpes haud capitur laqueis. In eos valet, qui ob longin-
quam ætatem multarumq; rerum vsum callidiores sunt,
quàm vt arte, dolisque decipi queant. M. Optimè. PV,
IV. Canis sæuit in lapidem. In eos, qui mali sui
causam non veris auctoribus adscribunt. M. Au-
diamus iam quintum. PV. V. Nihil occurrit mihi. M.
Nihilne? hem. PV. V. Nihil prorsus. M. Ne luseris.

Sextus.

Sextus. PV. VI. Vt grauiore pœna multandi censentur, qui venenum non in vnum aliquem craterem, sed in fontem iniiciunt, vnde omnes bibunt: sic sceleratius peccant, qui Principum, quàm qui priuatorum ingenia peruertunt. M. Præclare dictum, à Plutarcho scilicet. PV. VII. Diogenes formosas mulieres, quæ pudicitiam in propatulo habent, similes dicebat mulso lætalibus succis temperato: quod afferrent quidem initio voluptatem, sed quam perpetuus dolor consequeretur. M. Sensibus hæc imis, res est non parua, reponite. Fugite fornicationem, & templa Dei ne facitote membra meretricis. Ergo omnes, dempto illo vno, qui fuit ἀσύνετολ & ad ludendum properate: veruntamen, vt postulastis, horas non amplius vnâ & alterâ. PV. I. Prægaudio vbi sim nescio.

ANNOTATIONES.

QVI VEL APOPTHHEGMA) Tale pretiū lusus à pueris magistri postulent, quo ipsi potius dantes, quàm accipientes rem faciant, atque ita etiam iudicia eorum exerceant, vt non sint quouis apophthegmate, versiculo sententioso, fabella, prouerbio contenti: sed hjs demum, in quibus plus acuminis leporis, grauitatis, vtilitatis inesse videatur. COCVS CVM SIM) Idem contigit lupo, qui aculeum roganti asino, quem deuoraturus erat, summis dentibus e pede extraxit. Cùm enim illis a calce frontem & nasum ei comminuisset, dentes quæ excussisset, & iam celeriter aufugeret: merito, inquit lupus,

lupus, hac mihi merces redditur, quoniam qui didici iu-
mentorum esse lanius, cur eorum volui esse chirurgus?
OPTIMA QUÆQUE DIES) Hos tres versus inter-
pretatur Seneca libro de breuitate vite, c. 9. hiis verbis:
Clamat ecce maximus vates, & velut diuino furore in-
stinctus salutare carmen canit. Quid cunctaris? inquit,
quid cessas? nisi occupas, fugit: cum occupaueris, tamē fu-
giet. Itaque cum celeritate temporis velocitati certan-
dum est. Velut ex torrente rapido, nec semper casuro citò
hauriendum est. Hoc quoque pulcherrimè, ad exprobran-
dam infinitam cogitationem, quod non optimam quam-
quæ ætatem, sed diem dicit. Quid securus, & in tanta fu-
ga temporum lentus, menses tibi, & annos, & longam se-
riem, utcumque, auiditati tuæ visum est, exporrigi? de die
tecum loquitur, & de hoc ipso fugiente. Lege cetera vs-
que ad finem cap. Epist. porro 108. docēs quo pacto Gram-
maticus hos versus, & quo Philosophus consideret, rursus
illos doctissimè explanat. QVI PRINCIPVM, QVAM
QVI PRIVATORVM) Cic. de leg. Nec tantum ma-
li est peccare Principes (quanquam est hoc magnum per
se ipsum malum) quantum illud, quod permulti etiam
imitatores Principum existunt. Nam licet videre quæ-
cunque mutatio morum in Principibus extiterit, ean-
dem in populo secutam, &c. Isocrates ad Nicoclem.
δέδεικται γὰρ, ὅτι τοιαύτας ἔχουσιν τὰς βασιλείας, οἷας περ
αὐτὰς αὐτῶν γνώμας ἀρξασθαι αἰσώσιν. Certum est enim,
ita sese regna ipsorum habitura, quomodo ipsi animos
suos excoluerint. PERPETVVS DOLOR) No-
tum

tum illud Demosthenis de Laide: ὅτι ἀνὴρ μνηστὴρ δ' ἀ-
 χμῶν μεταμέλει. Vulgò, pœnitere tanti non emo. Gel-
 lius lib. 1. c. 8. En quid in Prouer. Salomon sapientissimus
 de muliercula meritori. Inclinata est ad mortem domus
 eius, & ad inferos semita ipsius. Nulli autem, vt Seneca
 scribit c. 6. de breuit. vita, turpius occupati sunt, quàm
 qui nulli rei nisi vino, & libidini vacant: ceteri etiam si
 vana gloria imagine teneantur, speciosè tamen errant.
 Licet auaros mihi, licet vel iracundos enumeres, vel bel-
 latores, omnes isti virilius peccant. In vinum, & libidi-
 nem proiectorum inhonesta labes est, &c.

PROGYMNASMA
 VICESIMVM.

Nox transacta.

GABRIEL. LAURENTIVS,
 NAZARIVS.

GABRIEL. Saluere iubeo sodales meos,
 te Laurenti, & te Nazari. L. Noste vicif-
 sim. Vt vales? valustin? nam te quatuor
 ipsos dies nunquam oculis vsurpauimus. G. Pau-
 lò deterius, quàm heri, & nudius tertius, quartus,
 quintus. N. Quamobrem? G. Propterea quod
 ista nocte quæ præcessit proxima, haud placatè
 dormiui. L. Malè narras. Aliquo fragore nimirum
 iterum iterumque expergefactus. G. Fragor quidem

nullus me perturbauit: sed. N. Sed quid? G. Mirum
atque inscitum somniaui somnium. N. Quod somnium?
G. Terriculamentorum plenissimum. L.

Somnia fallaci ludunt temeraria nocte.

Et pauidas mentes falsa timere iubent.

G. Non eò dico, quia nunc metuam: sanè quidem nouo metu fractus omnino, ac debilitatus cohorruì, steteruntque comæ, & vox faucibus hæsit. Videbar enim (oblitus sum perpetrati piaculi) ad subsellia iudicum seuerissimorum raptari à lictoribus, inde condemnatus ad mortem duci. Iam carnifex romphæam distringebat, ut caput meum à cœuicibus amputaret. Amabo, quid vos animi in isto omnium grauissimo, præsentissimoque periculo haberetis? L. Ingenuè dicam quod sentio. Ego qui vel muscas præteruolantes horreo, ante mortem ipsam morerer. N. Abeant somnia in malum cruciatum: nos vota Deo faciamus, ut mala somniorum tenus, & bona quæque vigilantibus nobis eueniant. G. Quid verò vos hac nocte quieuiistis ex sententia? N. Ab octaua vespertina ad septimam matutinam iucundissimè: & toto proflabam pectore somnū. L. O factam pulchrè. Macte noua virtute puer, sic itur ad astra. Ego ad inteinpestam noctem legi, donec me lucerna deseruit. N. Tu alter Demosthenes eris. Prò discendi ardorem insolitum. L. Tibi insolitum, & gregalibus tuis, qui libidinem in somno habetis. N. Parcids ista viris tamen obiicienda inemento. Laurenti, nos, ut nôris, quieti noctem, labori diem impendimus, ad naturæ præscriptum scilicet: cui repugnare, quid est aliud, quàm gigantum more cum diis bellare?

ait.

ait apud Ciceronem Cato. L. Apage cum istac propu-
gnatione ignauia tuae. Nam hoc, crede mihi, nunquam
obtinebis, vt te somniculosum, & laboris fugitantem
ne iudicem. N. Quod lubet. Ideone aut ero qui non sum,
aut non ero qui sum? G. Qui deinde, mi Laurenti, so-
mnum inire potes, cum ita peruigiles? L. Coena terre-
stris est mihi: quocirca inter me & somnum perbene
conuenit: cum volo, me obtinet: cum nolo, me relin-
quit. G. Malim equidem tuas vigiliis, quam huius rhon-
chos. N. Ecce autem secundum aduersarium. Noli tu
quoque, Gabriel, me ludos facere, cum hoc Lauren-
tius affatim praestiterit, & in isto officio te anteuertit.
Quod nisi desistitis, Magister mox aderit, quo discepta-
torem bellum utrique indicam. Ibi cognoscetur, quan-
tum vestris peruigilationibus consecuti sitis. G. Caueto
ne istos tibi spiritus comprimamus. N. Vestras ego lin-
guas ita occludam, vt de somno meo ne mussare qui-
dem audeatis. L. Eris mihi magnus Apollo. G. Res ipsa
iam erit testimonio. Audione aduenientem quempiam?
Praceptor est, verè est, ipsius est.

ANNOTATIONES.

QUATVOR IPSOS DIES) *Quatuor integros
dies. Locutio usitata. Cic. ad Att. lib. 3. epist. 21.
triginta dies erant ipsi, cum has dabam literas, & epist.
ad Calium. Ego cum Athenis decem ipsos dies fuisset.
Et epistol. 8. lib. 6. ad Attic. Detrahit viginti ipsos dies.*
MALE NARRAS) *Cum quid latum & animi gratum
nuntia-*

nuntiaretur, dicereturque, bene narras dicebant: cum triste aut quod nollent, male narras. Item ubi quid accidisset prospere & optato. O factum bene. Bene factum, & gaudeo. Factum optime. In contrariis O factum male. Male factum. Exemplamulta in Plaut. Terent. Catull. SOMNIAVI SOMNIVM) de somnijs & somniorum generibus consule Macrobius in Som. Scip. lib. 1. cap. 3. Valerium lib. 1. cap. 7. Alexand. ab Alexand. lib. 3. cap. 26. Nihil autem tam prapostere, tam incondite, tam monstrose cogitari potest, quod non possimus somnare. Cicero: 2. de Divinat. Vnde somnia terra, ex Platone eadem l. 1. explicavit. Somnare nos autem ea plerumque, quibus dediti sumus, & in quibus animo, cum vigilaremus, occupati fuimus, docet his versibus ornatissimis Lucretius lib. 4.

*Et cui quisque ferè studio deninctus adheret,
Aut quibus in rebus multum sumus ante morati,
Atque in qua ratione fuit contenta magis mens,
In somnis eadem plerumque videmus obire.
Causidici causas agere, & componere leges,
Endoperatores pugnare, & praelia obire,
Nanta contractum cum censis cernere bellum,
Nos agere hoc autem, & naturam querere rerum
Semper, & inuentam patrijs exponere chartis.*

NOVO METV) Servius in Eclog. 3. ad illum versum: Pollio & ipse facit nova carmina, exponit (nova) magna & miranda. Et rursum Eclog. 9. novas lites, id est, magnas. Eadem vis est verbi huius in illo 4. Greg. Huic perclusa nova mentem formidine mater, Cicero. Novum

cum vocibus inauditum, inusitatum, admirabile cōiungit. ANTE MORTEM IPSAM MORERER) talia dicuntur ὀξύμωρον, id est sententia, quæ ita sunt acuta, ut videantur fatuæ. Apud Græcos frequenter occurrunt. Eurip. Hecuba. νόμῳ φωνῶν ἀνυμῶν, παρθέων ἀπαρθέων Sophoc. Aiace. ἐχθρῶν δῶρον ἀδῶρον, Aristoph. Βίσις αἰσῶτος, Huiusmodi sunt Ciceroni, Cum tacent clamant. 1. Catil. In sepulta sepultura 1. Phil. Ipsam victoriam vicisse videris, pro Marcello. Eloquentia obmutuit, in Brut. Insaniens sapientia, Horatio Ode 34. lib. 1: Magnas inter opes inops. Ode 16. l. 3. Concordia discors epistol. 12. lib. 1. Plaut. Aulul. In opibus magnis pauperes, Et sitibundos in medio Oceani gurgite. Ouid. de fortuna. Et tantam constans in leuitate sua est. Vide Victor. lib. 10. c. 12. ALTER DEMOSTHENES) Vigilabat multum Demosthenes, & ad lucernam orationes suas diligentissime elaborabat. Id cum ei Pythias per iocum obijceret, ac diceret orationes ipsius ἐμύχνιον ὄζειν, lucernam olere, respondit: melius hoc quidem, quam si hircum. Idem interrogatus quo pacto tantam sibi eloquentiam comparasset: plus olei, inquit, quam vini consumpsi. Celebrantur præterea lucernæ Aristoph. Grammat. & Cleanth. Epicteti autem Stoici lucernam fictilem tribus drachmarum millibus emptam tradidit Lucianus. Ac solent certè inter studiosos literarum qui ardentius amant suas artes, atque in ijs cupiunt excellere, ad lucernam lectitare & scribere. Hinc Prouerb. de remeditata, magnaque cum sedulitate facta: lucernam olet. Nisi forte à De-

mosth. aliorumq; lucernis natum est. Non queo praterire, quod Niceph. de Theodosio iuniore scriptum reliquit: cap. 3. lib. 14. Sacrorum librorum eorundemq; interpretum congerendorum adeo fuit studiosus, ut ea laude Ptolemaeus inferior non esset. Noctu eis legendi operam nauavit, lucerna se sponte sua, machinula quadam mouente: sibiq; ipsi oleum infundente: ut ne qui ministrorum eius in laboribus huiusmodi molestiam quamptiam subiret, neque vim natura cum somno colluctans inferret. IDEONE AUT ERO) Aristoteles libro de interpretat. εἰ ποῦ ἂν γὰρ κατὰ φάδλῳ αἰ, ἢ ποῦ φάδλῳ αἰ ἔσαι, ἢ ποῦ ἔσαι. Non quia affirmatum, aut negatum sit, ideo res erit, aut non erit. Apud Plaut. in Capt. cum Hegio senex mortem Tyndaro serao minaretur, a quo delusus fuerat, illegq; subiecisset: Qui per virtutem peritat, non interit, excipit senex:

*Quando ego te exemplis excrucia uero pessimia,
Atque ob sutelas tuas te mortis misero,
Vel te interisse vel perisse pradicent,
Dum pereas, nihil interdico, dicant sinera.*

COENA TERRESTRIS) δειπνον αἶμα γὰρ ἔχον, cœna sine sanguine, constans ex ijs, quæ e terra nascuntur, ex herbis & leguminibus, vilibus dapibus instructa, ob quâ nulla cœsa animantes: eratq; pauperum, & plebeiorum hac cœna. vide Victor. l. 7. cap. 16. MUSSARE) Ex litera μῦ, u pronuntiato, ut Galli, u, fiant mutire, mussare, mussitare. Et quoniam μῦ seu mu, proprium est mutozum, qui hanc syllabam proferre solam possunt, significat illa

illa voces $\mu\omega$ seu *mu* facere, id est, tacere, obmutescere, *ba-*
rere, quid dicas non habere. Nonsus, *Mussare* est homi-
 num occulta & depressa voce loquentium, quod celatum
 velint. Nunc testes aliquot producamus, ad usum vocu co-
 gnoscendum. Plaut. Milite. Ergo si sapi, *mus*itabi. Et
 Casina. Ita omnes sub arcis sub lectis latentes metu *mus-*
sit ant. Lucret. lib. 1. Sed quia multa sibi cernunt contra-
 ria, *muss*ant. Virg. 12. *Aeneid.* *mussat* Rex ipse Latinus,
 Quos generos vocet, aut quæ sese ad fœdera flectat. Expo-
 ne igitur (ne *mussare* quidem) ut est in adagio, ne $\mu\omega$ qui-
 dem facere, quod est, omnino tacere: quanquam & $\mu\omega$
 seu *mu* dicere, est nihil loqui.

XXXXXXXXXXXXXXXXXXXXXXXXXXXXXXXXXXXX
PROGYMNASMA
VICESIMUM PRIMUM.

Virga.

VALENTINVS, SIMON.

VALENTINVS. Tunc ignoras, Simon, Magi-
 strum hesterno die pomeridianis explicationibus
 finitis, pueros aliquot virgatum misisse in suburba-
 num nemus? S. Pro dolor, qualem historiam, quam ter-
 ribilem auditu? Quis retulit? V. Ipsemet vnus fui de il-
 lo ternario. S. Multasne confecistis? V. Bene multas,
 bene crassas, bene longas. S. Væ, væ. V. Haud liben-
 ter utique in eam rem locavi operam. Sed quid agas?
 accersit, accurrendum: præcipit, faciendum: vetat.

intermittendum est. Nisi exemplò pareas , primò-
dum acris increpatio , increpationem acriores pla-
gæ comitantur. Ego verò præoptârim quamvis mul-
tas ex arboribus defringere & colligare virgas, quàm
virgarum causa virgis lacerari. S. Non improbo
quod mandanti parueris , cùm ipsemet non aliter fa-
cturus fuerim. Recentibus , & flexilibus virgis , at-
que vt tute confirmas, tam crassis peius metuo, quàm
arefactis, gracilibus, vsuque ipso detritis. Huiuscemodì
tres quatuorue elapsa hebdomade, cùm primus scho-
lam introgressus, nullum præter me conspicarer, con-
fregi, contractas in hortum de fenestra abieci. V. Nulla
te religione tactum tam periculosum fecisse facinus? S.
Haud te præterit , non fieri sine periculo magnum &
memorable facinus. Non multum intercessit tempo-
ris, cùm Magister ira inflammatus auctorem, & con-
scios noxæ inuestigauit. Negantibus reliquis, ego quo-
que negare liquidò, & fingere alia omnia. V. Cur
non es confessus veritatem? S. Cur? quia mercedem
nimis grandem huic confessioni destinatam, summum
scilicet in cruciatum me venturum esse intelligebam.
V. Ne chorda oberres eadem: nam in tales (nec
ipforum immerito) sæuire mos est Præceptoribus:
videntur quippe ofores, & inimici iustitiæ. S. Vole-
bam ista gratificatione meum honorare corpus, & vos
singulos. V. At nullus exstitisset, qui si ob commissâ
verberibus accipiendus fuisses, ipse suum corpus pro te
supposuisset. S. Rectè. Omnes sibi melius esse malunt,
quam alteri. V. Cæterùm non est quod timeas: prius
exarescent omnes virgæ, quàm tu cedere; cò tolera-
bilio-

biliores erunt. S. Equis præstabit in vel vnum diem fore tutum? frequenter vna interrogatiuncula, cui respondere nequeas, in extremum te periculum adducat. V. Quàm vellem reperiretur aliqua via euadendi istas percussiones, seu carnificinam potius. S. Alia nulla est, nisi vt discamus quàm diligentissimè, quò ab istis plagosis, & eiulantibus scholis, ad felices illas, tranquillas, & quasi beatorum insulas transferamur. V. Hoc intra triennium non erit. S. Eheu. V. Determino loco sumus. S. Attamen eo, quo fuerunt quondam, qui nunc sunt Iurecos. Philosophi, Oratores: quo fuit ipse Præceptor: siquidem in pueris fuerunt omnes. Adhæc non est nobis dedecori inultari virgis à doctolibus in gymnasio. Populo inspectante per vias oppidorum cædi atrociter à carnificibus ob edita scelera, hoc est inturpissimum sempiternumq; dedecus incurere. Quòd si vocifereris elatissimè, minus sentiuntur ictus. V. Tantò ferit ille validiùs, quantò tu clamas horribiliùs. S. Ob clamoris magnitudinem cessare interdum cogitur. V. ô vafritiem. Caue ne os tibi obturet, aut lignum transversum inserat. S. Hic esset Phalarissimus, meo quidem animo. Preces & obtestationes item non mediocri emolumento sunt illo tempore. V. Assentior: & nunc redeo in memoriam, te non ita multos ante dies ideo percussum leuiter, paucisque ictibus, quòd te statim moriturum clamares, & per diuina humanaque omnia, perque extremi iudicii diem, vt temperaret obsecrares. S. Vnde vnde auxilium, Valentine, in tam horrendo discrimine accersendum est. Ego met mihi, sibi quisque est charus.

ANNOTATIONES.

VIRGATVM) *Ut aquatum, lignatum, pabulatum, frumentatum, quæ sunt boni scriptoribus familiaria. Nouauimus igitur hoc verbum similitudine. Sic virgatores. Plautus. Afin. Caesar. lib. 1. de bell. ciuil. Cuius etiam sunt, lignator, aquator: vt Liuij pabulator. Rursus Plauti virgidemia in Afin. FINGERE ALIA OMNIA) Dictum. vt, ire in alia omnia, quod est epist. 2. l. 1. Et apud Calium l. 8. ad Ciceronem. Sic præco clamabat boni omnis causa, pro, qui non censesis. vide explanat. Manutij. OMNES SIBI MELIUS) Terent. Andr. Plato 5. de eleg. Hoc est quod dicunt, vnumquemque sibi naturâ amicum esse, idq, rectè fieri. Aristot. Et hic. lib. 7. Nonnulli videtur quemque sibi potissimum amicum esse. PRÆSTARE) Præstare interdum iurecos. pro exitum rei in se recipere, vel aliena culpa dispendium velle luere: vt præstare euentum, præstare promissum alienum. Sic Cicero ad Vatinius epist. 11. l. 5. De seruo Dionysio, si me amas, confice: quamcunque ei fidem dederis, præstabo. Et 1. de Orat. Perge verò, Crasse: istam enim culpam, quam vererè, ego præstabo. Id est, ego in me recipio. Græci ἰσχυρόν. Budeus in Pandect. BEATORVM INSVLAS) Plaut. Trinum.*

*Sicut fortunatorum memorant insulas,
Quò cuncti qui aetatem egerunt caste suam
Conueniant.*

*Vbinam sitæ sint istæ insulæ, & qualis earum natura,
Muretus politissima descriptione docebit, cap. 1. l. 5. Ho-
rat.*

rat. Ode 16. Epod. Homerus Odyss. 4. Strabo lib. 1. Plinius lib. 6 cap. 32. MINVS SENSIVNTVR ICTVS) Clamore corpus intenditur: intenta autē quam remissa magis resistunt plagis, & pulsibus. Etiam qui armis & ferro concurrunt, hanc caussam habent, cur vociferentur. Nobiscum faciunt illa Cic. Tusc. 2. Nec verò vnquam ne ingemiscit quidē vir fortis, ac sapiens, nisi forte vt se intendat ad firmitatem: vt in stadio cursores exclamant, quam maxime possunt. Faciunt idem, cum exercentur athleta. Pugiles verò, etiam cum feriunt aduersariū, in iactandū castibus ingemiscunt: nō quod doleant, animo-ue succumbant: sed quia in profundenda voce omne corpus intenditur, venitq; plaga vehementior. PERQVE EXTREMI IUDICII DIEM) Videamus num istud (extremus dies, siue extremum iudiciū) pluribus, & ornatiū, planeq; oratoriē dici possit. Dies ille formidolosus, quo die vniuersi mortales in iudicium vocabūtur, totius vitæ rationem reddituri. Dies ille, quo hominū corpora e somno mortis ad lucem alterius vitæ excitabūtur. Dies, quo nobis omnibus iterum dabuntur vitæ lumina, & ad Christi omnes tribunal sistemur. Quando ad vitā reuocatis quotquot vnquā nati sunt, Dei filius e calo ad iudicium exercendum, sententiāq; pronuntiandam descendet. VNDE VNDE) Huius ordinis sunt, vt vt, vbi vbi, qua qua, qualis qualis, quantum quantum, pro vnde-
cunque, vtcunque, vbicunque, quacunque,
qualiscunque, quantuscunque. Do-
nat, in Andr.

PROGYMNASMA
VICESIMVM SECVNDVM:

Colloquium in schola.

GEORGIVS, THOMAS.

GEORGIVS. Oho Thomas, iam vlti-
scar me. Frequenter abs te accusatus, paria
reponam. T. Aliquoties accusavi te, non eo
inficias: sapius, nego. G. Quare autem vel ali-
quoties? T. Quod commerueras, & mihi quoque
non plus est parum ab aliis. G. Nunquam te
læsi. T. Imò reum me fecisti. G. Nunquam. T. Quid est
porrò quod me cogitas accusare? quid culpæ contraxi?
G. Scamnum cuktello scriptorio conscindis, quod
prohibuit Præceptor: & tuum nomen incidis, quod
gravius prohibuit: eaque de re flagris alios acce-
pit. T. Oro te, tace: cera complebo sulcos illos, aut
radam lingnum, ne appareant literæ. G. Hui consilium
callidum. Quid dabis in loco mercedis? T. Summis-
sè, ne audiat Magister. Pulcherrimum de globulis meis,
G. An tulisti tecum? T. Non omnes. G. Quot ha-
bes? T. Septem. G. Monstra, si placet. T. En. G.
Sunt elegantes. Facisne mihi copiam eligendi quem
præcipue probauero? T. Facio. G. Hunc eligo. T. I-
stum eligeres: in eo enim iudicio relinquit alterum pro-
stantia. G. Non tam aptus est ad manum meam propter
magnitudinem. T. Ergo istum, paullo minorem. G. Si-
ne, tentem. Nimum parvus est. T. Retinebis igitur,
quem

quem primum omnium sumpseras. G. Ita faciam. Quàm venustè nigro alboque distinctus venulas quasdam ostentat? Emistine, an lucro acquisisti? T. Lucro. G. A quo? T. A Leonardo nostri vicini filio, qui cum persæpe ludo. G. Si tam scitè factis abundat globulis, prouocabo illum ego similiter ad certamen. T. Vix aliquando vincitur: peritissimus enim huius scientiæ puer est. G. Et me lusorum non vltimum esse cognoscet. Atat, comprimamus orationem: Præceptor de cathedra descendit, ne confabulantes inueniat, & ad pœnam vocet. Profectò haud inultum abest à nobis infortunium.

ANNOTATIONES.

NATVRÆ puerilè & in hoc, & in alijs præterea quamplurimis vtriusq; voluminis dialogis spero à me adambatam, si minus expressam, & depictam imaginem. Mirum sanè, quàm illa iniuriarum impatiens, ad par pari referendum, ad delicta celanda, ad ludendum ingeniosa atque prompta sit, quæ quidem hoc loco à nobis insinuata sunt. Quæ autem alijs, & sparsim, eorum testem aduocare visum est Cicer V. de finibus. Eos, inquit, parui agnoscunt, à quibus educantur: deinde aequalibus delectantur, libenterq; se cum his cōgregant, dantq; se ad ludendum, fabellarumq; auditione ducuntur, de quæ eo quod ipsis superat, alijs gratificari volunt: animaduertuntq; ea quæ domi sunt, curiosius, incipiuntq; commentari aliquid, & discere: & eorum quos vident nolunt igno-

ignorare nomina, quibusq; rebus cum aequalibus decer-
tant, si vincunt, offerunt se latitia: victi debilitantur, a-
nimosq; demittunt, & quæ sequuntur.

XXXXXXXXXXXXXXXXXXXXXXXXXXXX
PROGYMNASMA
VICESIMVM TERTIVM.

Arma scholastica.

MICHAEL. AMBROSIVS.

MICHAEL. Scholam petentibus nobis in
dies singulos, ac pænè incolentibus, cum
instrumentis, vt aliis cuiusvis generis artifi-
ciis, sua necessaria sint, illorumque appellationes
quædam mihi exciderint, obsecro, quod sine molestia
tua fiat, redige illas in memoriam meam, & velut sub
vnum aspectum subice vniuersa. A. Forsitan non subi-
bunt animo omnia: quanquam adeo multa non sunt.
Verum si quid nesciero, ait Plautinus Pseudotyn-
darus, id nescium tradam tibi. M. Non vertam vitio,
aut non recordari, aut nescire te, quod ipsemet vel ne-
sciam, vel non meminerim in præsentia. A. Interro-
ges licet, quò commodius accipias, quæ cupis. M. Sic a-
gam, & ad duo capita, quò distinctius res agatur, argu-
mentum totum reuocabo. A. Ad quæ? M. Scholasticæ
aut legunt, aut scribunt: quocirca duorum generum in-
strumentis indigent: vnis quæ ad lectionem ipsis inser-
tiant: alteris quæ ad scriptionem. Videor ne opportune
distribuisse, A. Et valde quidem. M. Enumera iam
quæ

quæ referuntur ad primum genus. A. Liber, libellus, quò spectant pagina, pagella, margo seu oras libri, inuolucrum, seu operculum, quo vestiuntur libri, vt ab iniuria vetustatis, vt puluerum conseruentur. Huc filum, acuin, ceram, quorum apud nos non infrequens est vsus, referre potes. Eodem pertinet pluteus. M. Quid est pluteus? A. Pluteorum alius dicitur armarium, siue repositorium librorum, qui etiam in forulis reponuntur. Alius est tabula, seu scrinium, quod sibi scribentes subiiciunt: barbaris pulpitem. M. Habeo ista: procede ad cætera. A. Restant nomina secundæ ordinis. M. Quænam illa? A. Charta siue papyrus. Iam chartarum alia vocatur augusta, tenuis nempe & candida ad epistolas accommodata: appellata sic est ab Augusto. Alia dentata, alia bibula, quæ transmittit literas, alia Claudiana, regia, imperialis, amplo folio, & crassa, alia emporica mercibus inuoluendis idonea, unde cuculli fiunt, alia charta virgo, ex qua nullum est descriptum exemplar, alia pura, in qua nihil est literarum, alia pergamena, quoniam apud Pergamum Asiæ vrbe inuenta sit: etiam membrana dicitur. Hæc de chartarum generibus. Atramentum scriptorium, siue librarium. M. Cur addidisti scriptorium siue librarium? A. Quòd aliud est atramentum fuligineum, quo vtuntur typographi, aliud futorium: quamquam consuetudo, quæ est verborum domina, nihil solet adiciere. Atramentarium, calamus absolutè seu calamus scriptorius. Cultellum graphiarium, seu scalpellum, scalprum librarium vocat in Vitellio Suetonius, vt docti annotarunt. Theca calamaria, seu graphiaria,

theca

theca, siue pixis pulueraria, siue arenaria. M. An non putas aliis quibusdam armis nos indigere? A. Immo: sed præcipua recensui. Sunt ergo insuper forfices, clepsydra, regula, circinus æneus, & nonnunquam, præsertim in æstate, cum Sirius ardor findit agros, & versiculi componuntur, moderatus vini haustus.

Ingenium potis irritat Musa poetis.

Bacche soles Phœbo fertilis esse tuo.


inquit Propert. M. Optatissimum verò instrumentum: nominasses hoc primo loco. A. Nam quia carmina lætum sunt opus, ut cecinit Ouid. vinum exhilarat animum. Et sæpe audisti illud Ecclesiasticæ *Vinum latificat cor hominū*. M. Probabilius dixisses, pecunia quoque in instrumento opus esse scholasticis, idque non interdum, sed continenter: qua suppeditante, multò hilarior fit mens, quàm vini potus: & pecunia vinum emi potest, vino pecunia non emitur: eini certè quidem non dicitur. Nunc de hoc in me collato beneficio multum te amo, tibi que gratias ago.

ANNOTATIONES.

A R M A S C H O L A S T I C A) *Armorum nomine non bellica modò, verum etiam quarumvis artium atque rerum instrumenta intelliguntur. Agricolarum arma sunt ligones, sarcula, plaustra, vomeres, &c. Nautarum rudentes, vela, antennæ. Virgil. Georg. 1. Dicendum & quæ sint duris egestibus arma. Æneid. 5. Colligere arma iubet, validisq; incumbere cremi. Et sua item pistorum.*

florum. *Aeneid.* 1. Tum Cererem corruptam vndis, cerea-
liâque arma, Expediunt fesi rerum. Cocorum olla, sar-
tagines, cochlearia. Studioforum libri, calami, &c. Sa-
cerdotum breuiaria quæ vocant, missalia, calices, &c.
Cic. in Bruto, ingenij, auctoritatis: in Oratore, pruden-
tia: in Catone, arma aptissima senectutis artes & exer-
citationes? Quintil. arma facundia dixit. IN FORV-
LIS RESPONVNTVR) Meminit forulorum in O-
ctauio Tranquillus, c. 3 1. in hac verba. Quidquid sati-
dicorum librorum Græci, Latinique generis, nullis vel
parū idoneis auctoribus vulgò ferebatur, supra duo mil-
lia contracta vndique cremauit: ac solos retinuit Sibyl-
linos. Hos quoque delectu habito: condiditq; duobus fo-
rulis auratis sub Palatini Apollinis basi. ALIA VO-
CATVR AVGVSTA) De hoc, vt item de alijs charta-
rum generibus, Hieratica, Linia, Saitica, Teneotica,
Corneliana, Fanniana, legendus Plinius lib. 13. c. 12.
& Turneb. lib. 7. cap. 2. ALIA DENTATA) Apri, aut
etiam equi dente leuata. Quod item nunc, vbi quid
scribimus accuratiùs, facere solemus, ad inæqualitatem
chartæ complanandam: quod calamus quasi currat expe-
ditius. Hac Manutius in epistol. 14. lib. 2. ad Q. F. Re-
prehendit deinde Erasmus, qui charta dentata, pro a-
cerbè, & iracundè scripta interpretatus sit. ALIA EM-
PORICA) Hac mercatores vtuntur pro inuolucris &
integumentis mercium, tanquam ad scripturam inutili,
& crassanimi. ALIUD SVTORIVM) χαλκανθ &
Grucis, à quibusdam vitriolum. Galenus inter maximè

noxia pharmaca numerat nec tutò ijs medicamentū admiseri putat quæ per os assumuntur. Significat item colorem quo corium sutores ad calceos faciendos imbuunt. Cic. epist. 21. lib. 9. Hoc verò qui Lilybæ à Pompeio nostro interfectus est improbius nemo, meo iudicio fuit. Iam pater eius accusatus à M. Antonio, sutorio atramēto absolutus putatur. Quem locum aliter explanat Manut. aliter Turneb. lib. 6. cap. 1. SIRIVS ARDOR FIDIT) Canticula exortu accēdi solis vapores quis ignorat? cuius syderis effectus amplissimi in terra sentiuntur. Plinius lib. 2. cap. 40. MODERATVS VINI HAVSTVS) Vinum parcè ac moderatè sumptum, ingenium acuit, vt alia multa bona quæ affert omittā. Immodicè, immoderateq; haustum rationem perturbat, intellectum hebetat, memoriam imminuit, omnem animi vigorem quodammodo enervat atque interficit. De hilari autem animo ad versus pangendos necessario, & de enthusiastico in hunc modum Cicero ad Q. F. epist. 4. lib. 3. De versibus quos tibi à me scribi vis, deest mihi quidem opera, quæ nō modò tempus, sed etiam animus vacuum ab omni cura desiderat, sed abest etiam ἐνδραστήμιος. Non enim sumus omnino sine cura venientis anni. Epist. 5. Opus est ad poēma quadam animi alacritate, quam planè mihi tempora eripiunt.



PROGYMNASMA

VICESIMVM QVARTVM.

*Inuitatio Magistri.**DISCIPVLVS. MAGISTER.*

DISCIPVLVS. Pater mihi pro imperio dixit, a
 inantissimè doct̃or, vt simul ac docendi finis esset
 factus: & dimissus auditorum cœtus, nec latum
 pedem abs te discederem, nisi mecum ires domum no-
 stram ad prandium. M. Præter opinionem ista vocatio,
 penitusq; insperata mihi accidit. Egone ad prandium?
 Renuntia salutem à me patri tuo: tum isti eius humani-
 tati verbis meis gratias age, & narra: Præceptorem tuū
 de veterib. amicis in hunc ipsum diem expectare quen-
 dam inuitatum ad prandium: timereq; ne ille postea in
 se illusum arbitretur, si inuitatorem suum non inuen-
 rit. D. Legitimam excusationem tuam haud contemnet
 pater, vt reor. Veruntamen vt vnà esse velis hodie in
 cœna, te impensè, mi Præceptor, rogamus. M. Alie-
 num est moribus meis cœnare foris, nisi quàm rarissi-
 mè, & si quis precibus me fortè expugnauerit. D.
 Quædè caussa? M. Rogas? Quoniam cùm non
 plus ferè quàm acetarium cum minutis pisciculis, cum
 frustulo aginæ, aut vitulinæ cœnitare consueue-
 rim, vereri soleo, ne conuiuiis hilarioribus ob istam;
 vt apparet, Xenocrateam victus moderationem
 aliquid molestiarum aspergam: sapius item stoma-

ehi auersionibus laboro. D. Vt ita sit, & te sine
 arte mensa delectet, tamen (quod ex ore tuo audi-
 ui plus millies) sermo festiuus, qui in conuiujs adhi-
 betur, etiam quidam cibus est, quo velut condimen-
 to epularis illa amicorum accubatio commendatur.
 Proinde si comedere de patinis omnibus minùs li-
 buerit: at patrem, & qui vnà discubuerint tuorum
 leporum suauitatibus, illisque rerum gestarum, qui-
 bus multum dedisti studium, vtilissimis iuxta, atque
 desideratissimis commemorationibus recreare etiam
 atque etiam, & hilares opera aduentuque tuo hilariores
 reddere poteris. M. Gaudetne parens tuus rerum anti-
 quarum notitia? D. Vt qui maximè. Quidquid ipsi
 vacui, ac liberi temporis conceditur, perire non sinit, hi-
 storiis legendis consumit. M. Pluresne affuturi sunt in
 coena, & qui? D. Cur istud quæris? M. Imitor Chi-
 lonem, quem narrat Plutarch. cum vocaretur, non antè
 foras promississe, quàm eorum qui eodem inuitarentur
 nomina singulatim cognouisset. D. Cur ita tandem? M.
 Dicebat quibusdam necesse esse vnà nauigare, aut
 militare, eorum etiam molesto comitatu atque con-
 tubernio vtendum esse. Vltro autem quibuscunque
 se admiscere conuiujs, non esse sani hominis. P. Præ-
 ter patrum, auumque maternum, qui crebrius ad-
 sunt, nemo mortalium. M. Qui vtrumuis nôrit, am-
 bos nouerit: viri sunt honesti, & graues. Referes er-
 go patri, me hominem esse non multi cibi, sumptuo-
 sisque cœnis non amicissimum: atque ad enim, quan-
 do ita vult, colloquendi potiùs, quàm edendi causâ
 sub vesperam esse venturum. D. Quacunque gratia ad
 domi-

domicilium nostrum accesseris, tuo aduentu omnibus nobis magnam es lætitiā oblaturus.

ANNOTATIONES.

VOCATIO) Vocare dicebant veteres, nihil adijciētes, cū ad cœnam, seu prandium subintelligerent. Plaut. *Asin.* Vocet conuiuiam neminem, illam tu voces. Maneb. Qui neque vocantur neq, vocant. Cic. *epist.* 20. lib. 9. Nos iam tantum habemus, vt Verrium tuum & Camillum, quam munditia homines? qua elegantia? vocare sepius audeamus. Catull. *ad Fund.* Qui tunc vocat me, cū malum legit librum. Vocatores quoq, seruos nominabant, quorum opera in vocandis conuiuiis vterentur. Ipsam præterea inuitationem vocationem. Catul. *ad Porcium & Socrat.*

Vos conuiuiū laeta sumptuose

De die facitis, mei sodales

Quarunt in triujs vocationes.

Sic Græci καλεῖντες, subintelligentes ὅτι δ᾽ ἐπὶ πρὸν, & καλεῖσθαι ipsas vocationes, seu inuitationes huiusmodi. Victor. lib. 5. cap. 17. Vocandi verbo è regione respondet, reuocare: id est, eum apud quem cōuiuiū acceptus hilarè fueris, vicissim ad te inuitare. Cetera Ianus Gulielmus *Quæst. in Amphit.* Plaut. cap. 8. VT VNA ESSE VELIS) Donat. illud Terent. *And.* fortè (ita vt sit) filium perduxere illuc secum, vt vnà esset, meum, exponit: vt simul cibum caperet, priore natura producta, à verbo edo. Sic in *Eunuch.* vt de symbolis essemus, id est, vt commessaremur. Apud aliquem autem cœnare, non est cum illo cœnare;

sed in eius adibus. Et potest aliquis cum aliquo, nec tamen apud eum cœnare. Plura Manutius in epist. 13. l. 4. ad Attic. CUM FRUSTULO AGNINÆ) Imbecillo stomacho omnes panē cupidi literarum. Cels. l. 1. cap. 1. Illi itaque cibi ad concoquendum difficiles dādi non sunt Arnobius lib. 7. Ne stomachum fatiget inualidum, hic bubulam duritiem vitat, & lactentium lenitatem, quod digerat expeditius, sumit. Negavit Cleanthes vllum cibum esse tam grauem, quin is die ac nocte concoquatur. cuius etiam in reliquijs inest calor ijs, quas natura respueris. Cicer. 2. de natura Deor. XENOCRATEAM VICTVS) Singularis fuit philosophi huius frugalitas, qui sapius obsonia iam rancida facta abiecit: nec raro cum cadum aliquem vellet relinere, vinum acidum factum inuenit. Prouerbiū, Xenocratis caseolus: quod non ad cibum duntaxat, sed ad vestem, libros, aliasq; res, quibus ita parce cauteq; vtimur, vt quā diutissime darent, accommodabitur. Laudatur & moderatio Platonis. Qui cum in Academiam inuisset Timotheum Canonis filium, principem in Atheniensium Republica frugali eum cœna accepit. Itaq; videns sequenti luce philosophum Timotheus: vestra cœna, inquit, non in praesens modò, verum in posterum quoque diem sunt iucunda. Alianus lib. 2. cap. 12. reuersum à cœna suis dixisse tradit. Qui cum Platone cœnant, etiam postero die bene habent. Ipsi autem Platoni postea luce. Vos, ô Plato, melius cœnati sequenti die, quā praesenti. Meminit etiam Cic. Tuscul. 5. Plutarchus de tuend. valetud. Victor. l. 18.

cap. 3. SINE ARTE MENSA) Hoc vnum ex illis est, quæ pulcherrimo carmine vitam beatiorē facere canit Mar-
tialis lib. 10.

PROGYMNASMA
VICESIMVM QVINTVM.

Ludimagister defensus.

KILIANVS, IOACHIMVS.

KILIANVS. Etiamnum, Ioachime, co-
rium doleo, ita me blandis modis permulsi-
Magister. I. Mihi verò vola toties impacta fe-
rula adhuc feruet. K. Quantum datur perspicere,
morosus est homo iste, & infestus tardioris ingenii
pueris. I. Non, sed tardioris diligentiae pueris, Et certum
scio, sancteque adiurare possim, suapte natura ad man-
suetudinem esse propensissimum, ac personam tetri-
cam, vultuosamque induere nosse, vicissimque depone-
re, cum vsus venerit. Non solum enim multa doctrina,
sed plurimo etiam rerum vsu, summaque prudentia
est. K. Sæpissimè cholera incensum, ac frementem
notaui. I. Quia nimirum sæpissimè exstiterunt, qui
ipsi bilem tuerent: parca ac moister caetello qui ira-
scitur. K. Mihi Deum satis fuisse iratum scio, qui hunc
virum nactus sum, à quo acciperem disciplinam.
Qualis qualis sit, utinam meus Præceptor non sit. I.
Garris, cur istuc precaris tibi? K. Quia præstat verbis,

quàm verberibus puniri. I. Præstat : atqui vtrumque vsurpandum est , cum alterutro nihil efficitur. K. Quo tandem inodo Ioachimæ. I. Est apud quem verbis , est apud quem plagis uti , est quem acrius obiurgatum nihilominus virgis pulsare necesse sit. K. In illis primis profiteor nomen meum. I. Existimo totam rem doctoris iudicio reseruandum esse: qua scilicet ratione nos erudiat , & merentibus pœnam irroget. In sua causa nemo incorruptus arbiter. Ac Senecæ quidem nulla videtur dura curatio , cuius effectus est salutaris. K. Vereor ne aliquà ad familiam hoc permanet , me percussam in Gymnasio , & ita insuper irridear , ut malum malo geminetur. I. Quod tu times , propulsabo facile. Nullus mortalium indicium faciet , nisi fortè insaniat. K. Valde abhorret à me voluntas hominis : acerbè odit me , inquam , Præceptor : nunquam tamen sciens conuincui , ut illum meritò caperet odium mei. I. Quo argumento id affirmas. K. Toties ingerit verbera. I. O Chrysippeum acumen ; perinde quasi non etiam parentes filios dicto minus audientes pulsant frequentissimè , quos nihilominus amant , charosque habent. Nunquam pater pugnus tergo incussit. K. Etiam in capillos inuolauit frequens , meumque caput impleuit fustibus. Postulas ergo , ut cum pœnas à me repetit Magister ; ego hoc signum amoris interpreter. I. Certè. K. Si Suadæ medulla sis , non persuadebis. I. At saltem signum sollicitudinis. Nam si neque amaret , neque nostri cura tangeretur , haud aliquando interrogaret nos , haud vnquam errantes corrigeret. K. Tu quantus quantus nihil nisi sapiens.

sapientia es. Agē, iam credo non sine caussa ipsum virgas tam crebro in meam pellem expedire. De cætero studebo, vt ne tanto in me amori occasionem fœuendi offeram. I. Si plusculum sedulitatis in discendo susceperis, tute tibi consules; alioqui nugas magnas egeris. K. Vel ad mortem discam, dum istis execrabilibus virgis corpus meum eripiam. I. Fac sis verba ad rem conferas, ne audias: Promissis diues,

ANNOTATIONES.

TO TIES INGERIT VERBERA) Lege historiam planè grauem & iucundam quam de Plutarcho & seruo philosopho verberari iussu Taurus eiusdem Plutarchi discipulus Gellio auditori suo narrauit, lib. 1. cap. 26. & discite quo pacto similiter conquerentibus respondereas. **C**H R Y S I P P E V M A C V M E N) Ingeniosissimus, & acutissimus fuit Chrysippus, atque in dialecticis aded excellens & insignis, tantæque apud omnes opinione, vt pleriq; dicerent: si apud Deos esset vsus Dialectica, non aliū quam Chrysippeæ futurum. Laërt. **S**I S V A D Æ M E D V L L A S I S) Ennius M. Cornelij Cethegi eloquentiam pradicans, post cætera de eodem ita scripsit: Flos delibatus populi, suadaq; medulla. Vocat medullam, qua voceres recõditas & suaues solemus appellare, quod quæ talia sunt, natura intimè recõdat, vti medullas. Suadam porrò Græci πείρα, Quintilianus persuadendi Deam, Horatius suadelam, Cicero lepõrem. Simile est illud Aristophani. & ᾧ πείρεis, & ᾧ αὖ ἐι πείρεis. Non

K. 5

per-

persuadebis, ne si persuaseris quidem. Vt ne tanto in me) vt ne, eandem vim habet, quàm, ne. Cic. Fides tua patietur, vt socrus adolescentis rea ne fiat. Plaut. Mercat. At ego expurgationem habebo, vt ne succurrat. Ter. And. Si poterit fieri, vt ne pater per me stetisse credat. Eunuch. Vt ne impune in nos illuseris. PROMISSIS DIVES) Versiculus est Ouid. Promissis diues quilibet esse potest. Mos est Cicroni, quos ex auctorib. adducit locos, primis duntaxat verbis indicare, quem licet imitemur, ubi tamen legentibus nostra loci illi noti fuerint. Obseruauit hoc Manut. in epist. 18. quæ est ad Leptam, lib. 6.

PROGYMNASMA
VICESIMVM SEXTVM.

Dies remissionis

POLYCARPVS, IGNATIVS.

POLYCARPVS. O dies Mercurialis, credibile non est, quàm optatus, & charus illuxeris, vt aliàs in hebdomadas singulas. Celebritatis, venustatisq; plenus es. I. Pernoui cogitationes tuas. Quia lusus es, idcirco tam amicè salutas præsentem diem. P. Vellem alternis reuertere: nam continens biduum nauseabundus tracto literas. I. Votum asinorum: qui, si loquerentur, optare se dicerent cum Polycarpo meo, vt alternis tantum dorsa onerati inciderent. P. Non ego hoc solus, Ignati, complures mecum desiderant. I. Nempe

pe

pe sic est profectò vt dicam tibi : multi tecum magis amant catellos suos, quàm studia bonarum artium, creduntque sibi dormientibus omnia confecturum Deum. P. Dum latine loqui sciam modò, Aristotelem, & Euclidem tibi & aliis relinquam. I. At tu ne latine quidem aliquando disces, si audiendi, legendi, loquendi, scribendi quandam perseverantiam non adhibeas. P. Quorsus hæc tetrica, & iucunditatis pinnis expertia, vt Catones aliqui fabulamur? Hodie insigniter ludendum esse aio, instaurandasque vires, quas labor tam longus delassauit. I. Nec Ignatius ludum quietemque necessariam recusauerit : quin paratus sum hac ipsa hora tibi colludere: nulla tibi hoc quidem in negotio à me difficultas erit. Remissiones crebras, & extraordinarias odi : siquidem honestis moribus, optimarumque artium studiis detrimetosa sunt. P. Tu fac, & senti quod collibuerit : mihi indulgentia vacationum nihil potest contingere gratius. Magistri viderint quid, quibus, quando indulgeant : nostrarum partium esse statuo, quod conceditur non inuitos accipere, quotiescunque conceditur. I. Olim cognoscere te nimium luisse. P. Et tu perspicies olim, te nimium studuisse; quando, inquam, oculi caligabunt, ventriculus cibum malè concoquet, corpus totum pallor, & macies obsidebunt. Nimia omnia nimium exhibent negotium hominibus. I. O falsidicum vatem. Haud ita me intemperanter iniurgito literis, vt istas præsensiones formidare oporteat. Audiui etiam eruditos plurimos ad decrepitam ætatem æuam extendisse, cum assidue in libris literisque essent.

volu-

volutati. P. Ipse Thales ad sapientiam tuam merus nugator est. Desine philosophari: hæc lux hilariter consumenda est. I. Qua tandem ratione consumenda? F. Visne in prætā virentia concedamus, ibiq; pila experiamur palinaria? I. Volo sanè, vtile & iucundū est hoc ludendi genus. Ascende è vestigio in conclaue, & defer amborum pallia cum pila. P. Vbi est pila? I. In pluteo, aut certè in capsâ ductili sub mensa. P. Eo vt afferam. I. Actutum redi, hîc te expectauero. P. illic sum, atq; hîc sum.

ANNOTATIONES.

SIBI DORMIENTIBVS OMNIA) *Allusio ad picturam, qua pingebant inuidi dormientem Timotheum Cononis filium fortunatissimum Atheniensium ducem, & vrbes vltro in ipsius nassam se induentes. Quā rem iniquo animo tulisse fertur, cum sua egregia facinora, victoriasq; non fortune, sed virtuti adscribenda putaret. Refert Plutarch. in apophthegmat. Regum & Impp. additq; hoc dictum illius. Si tantas ego vrbes per somnum capio, quid me vigilantem putatis facturum? Item ad poetarum commentum, qui se ex somnijs Hesiodi, & Ennii fabulantur in monte Parnassa dormientes vna nocte poetas fieri. Nihil hoc somno celebratius. AUDIENDI, LEGENDI, LOQVENDI, SCRIBENDI) Alit lectio ingenium, & studio fatigatum non sine studio tamen reficit. Nec scribere tantum, nec tantum legere debemus. Altera res contristabit & vires exhauriet: de stylo dica;*


dico: altera soluet ac diluet. Inuicem hoc illo commutandum est, & alterum altero temperandum, vt quidquid ratione collectum est, stylus redigat in corpus. Seneca epistol. 84. VT CATONES ALIQUI) Vtriusq; Catonis, Censorij, inquam, & Vticensis grauitas, sapientia, & virtus nota est. Posterior in Stoicū numeratur, & à Cicerone pro Muræna in eum, sectamq; eius multa iocose dicuntur, soletq; hoc nomen pro seuero & rigido usurpari: quemadmodum illa philosophica disciplina terrena ac morosa fuit. VENTRICVLVS EIBVM) Medicorum sententia, qui in studijs acres & assidui sunt, stomachos habent debiliores, parumq; calidos, quod illa cogitationum & animi contentio calorem dissipat, & labefactat. PLVRIMI AD DECREPITAM ÆTATEM) De Platone, Isocrate, Gorgia, Cicer. de Senect. in hunc modum. Est etiam quiete, & pure, & eleganter acta ætatis placida ac lenis senectus: qualem accepimus Platonis, qui vno & octogesimo anno scribens mortuus est: qualem Isocratis, qui eum librum qui Panathenæicus inscribitur, quarto & nonagesimo anno scripsisse dicitur, vixitq; quinquennium postea: cuius Magister Leontinus Gorgias centum & septem compleuit annos, neq; vnquam in suo studio atq; opere cessauit. Democritus centum & quatuor annos vixisse traditur. Hippocrates quartum ultra centesimum superasse. Galenum accepimus ad centesimum quadragesimum peruenisse. Denique longauos. eosdemq; eruditos in Catone iterum adducit non paucos his verbis M. Tullius. Num igitur hunc (Sophoclem) num Homerum,

rum, num Hesiodum, num Simonidem, num Stesicchorum, num, quos ante dixi, Isocratem, Gorgiam, nū Philosophorum principes Pythagoram, Democritum, num Platonem, num Socratem, num postea Zenonem, Cleanthem, aut eum, quem vos etiam Romæ vidistis, Diogenē Stoicū in suis studijs obmutescere senectus coëgit? an non in omnibus ijs studiorū agitatio vitæ aequalis fuit? IPSE THALES AD SAPIENTIAM) Septem sapientes fuerunt. Solon Atheniensis, Thales Milesius, Chilo Lacedæmonius, Pittacus Mitylenæus, Cleobulus Lindius, Bias Prienensis, Periander Corinthius. Eorum vitam memoriæ tradidit Laërt. Dicta singulorum versibus inclusit Ausonius. Est autem locus, ad quem fit allusio, in Capteiniis hic T.

Euge pol, Thalem talento non emam Milesium.

Nam ad sapientiam huius ille nimis nuzator fuit.

Ut faceret orationem ad servitutem contulit?



PROGYMNASMA

VICESIMVM

SEPTIMVM.

Emendatio scriptionis.

DISCIPVLVS, MAGISTER

DISCIPVLVS. Perbreuem epistolam, Præceptor, ad parentem effeci, eam si tibi est otium, corrigere, quæso, ne abnueris. M. Quod

Quod est argumentum? Quæ de re scribis? D. Explico rationem valetudinis meæ: hinc argentum partim ad nomina dissoluenda, partim ad libros coëmendos peto. M. Lege initium. D. *Andreas Prætorius Nicolao Prætorio amantiſſimo parenti S. P. D. M.* Rectiſſimè, iam progredere. D. *Quanquam baud ita pridem literas ad te dedi, mi pater.* M. Vox (quanquam) indicandi ne modo, æquè vt coniunctiuo iungitur? Nōne dicendum erat: quanquam dederim? D. Probè indicatiuo iungatur. M. Profer idonei ſcriptoris teſtimonium, ſi recordare. D. Etiam plurimum. M. Tullius ad Curionem. Quanquam me nōmine negligentia ſuſpectum tibi eſſe doleō. Et pro lege Manil. Quanquam mihi ſemper frequens conſpectus veſter multò iucundiſſimus, hic autem locus ad agendum ampliſſimus, ad dicendum ornatiffimus eſt viſus. Virgil. 2. *Æneld.* Quanquam animus meminiffe horret. Terent. *Eunuch.* Quanquam illam cupio abducere. M. Sic enitere ſemper, vt quod loqueris aut ſcribis, bene latinum eſſe confiderè poſſis. Quid ſequitur? D. *Quibus te certiore reddidi.* M. Emenda, certiore feci. D. Atqui ego ſæpiùs meminini me legere, certiore reddere, & doctos ita loquentes non ſemel audiui. M. Si pro Latinis ea ducamus, quæ vbicunq; legimus, & à quibuiſ audimus, nihil erit inquinatum, nihil parum proprium, nihil barbarum: omnia nitida, propria, & quaſi ex hortulis Gratiarum delibata. Videndum diligenter, quæ verba quibus copulent Cicero, Saluſtius, Liuius, Cæſar, Virgilius, Terentius, Plautus,

tus, & reliqui auctores, qui latinitatis lautum, copiosumque patrimonium nobis reliquerunt: horum sermoni assuefacti qui erunt, etiam nolentes non poterunt nisi latine & ornatè loqui. Quare ipsorum pulcherrima simulachra ceu pictoribus ante oculos nostros in omne tempus versabuntur. Hoc primum. Deinde obseruandum studiosè, quid homines nostri, non tantum eruditi (non enim est satis) sed etiam casti illius, incorrupti, minime infuscati, & natiui sermonis periti aut amplectantur, aut aspernentur. Quare Paulus Manutius in explanatione epistol. 4. lib. 2. negat latine dici, certiore reddere: cuius viri non leuis est apud me auctoritas. Lege cætera. D. *Quibus te certiore feci de omnibus, quæ te scire velle nō dubitabam: tamen cū mihi præceperis.* M. Varia illud (præceperis.) D. Iusseris, in mandatis dederis, imperaueris, iniunxeris, imposueris. M. Perge. D. *Cū mihi imposueris, ut quàm frequentissimas ad te literas darem.* M. Duo peccata. Primum, quamuis præceperis, iusseris, & reliqua duo cum particula, ut, & Optatiuo, & Subiunctiuo non vitiosè coagmententur, tamen voces, iniungere, imponere, nisi cum accusandi casu non significant quod tu sentis: dicendum quippe, iniungere, aut imponere alicui munus, onus, necessitatem, prouinciam, seruitutem & similia. Itaque loquitur barbarè vulgus, cū ait: Philippus iniunxit mihi, ut se expectarem. Pater imposuit filio, ne noctu eat ambulatū. Alterum, cū suprà dixisses, ad te literas dedi, mutanda erat locutio, ut diceret: quàm frequentissimas, seu cre-

creberrimas ad te epistolas mitterem. Oportet enim te non solum purè, non sordidè, propriè, non impropriè verum etiam copiosè loqui, scriptaque tua verborum varietate, ac modis seu formis loquendi distinguere. Similitudo namque tedium legentibus generat, & sensus aurium est fastidiosissimus. D. *Et cum haberem certum tabellarium, omnino scribendum putavi.*

Quod ad valetudinem meam attinet, quam tibi & suavisimæ matri magna sollicitudini esse non me clam est, valeo rectè, & Christo Saluatori. M. Consiste. Offendit plerisque omnes Ciceronianus ista vox, Saluator, pro ea vtuntur Seruator. Verum accuratissimus ille Manutius commentar. in lib. 2. Act. 2. in Verrem, seu Verrinam quartam, docet non idem declarari hoc nomine, quod illo altero Christiani declarant, & Saluatoris vocè Cæcæcum Cωτης exprimi. Eum leges cum tempus venerit. Apud Arnobium lib. 2. est Sosipitator, quæ etiam in Christum conuenit. D. *Christo Saluatori gratias ago, qui me viuum ac sospitem hucusque clementissime conseruauit.* M. Commodè, suauiter, religiosè. D. *De victu vestituque meo nihil est quod cogites, pater, non egeo. Pecunia non suppeditat, qua libros studijs meis, in qua mense Octobri me ingressurum spero, oratoria videlicet, vtiles ac necessarios parare queam. Adde quod ob eam causam es alienum conflaui. Id et si paucillum est, nihilominus eo quamprimum exire cupio: atque id te quoque velle mihi persuasissimū est. Quapropter 12. aureos in prasens te rogo pater*

mi charissime. Quos si miseris (mittes autem) filium me habebis ex sententia. M. Mirificè lætus sum ista industria, quam te in discendo adhibuisse claret. Fac ne abs te ipso desciskas. D. Vale. M. Aliter. D. Valebis, cura ut valeas, valetudinem tuam cura diligenter, da operam ut valeas. M. Quo pacto adscriptisti locum & tempus? D. *Augusta, Idib. Febr. anno M. D. LXXXIX.* M. Maçtè. Ecquid legendo obseruasti, quemadmodum à nostratibus scriptoribus hoc idem variè effertur? D. Maximè. Anno post Christum natum, Christi nati, anno à Deipara virgine, à puerpera virgine, à partu virginis, à salute humana, hominum generi data, restituta, recuperata, salutis per Christum restitutæ. M. Dignus es qui lauderis laudibus, & ad cuius exemplum ceteri omnes sese componere studio sibi habeant.

ANNOTATIONES.

MACTE) Vox est, inquit Manut. in epist. 7. lib. 7. ad Atticum, quare recte facientes laudamus simul, & hortamur: exempla declarant. V. teresa & absolute, & cum nominibus vsi sint. Hac illa, & plura. Est autem maçtus pontificale verbum, quo in sacris, & libationibus utebantur, valetq; magis auctus. Vide Isidor. lib. 10 Turneb. lib. 11. cap. 5. NEMO nos iure accuset, opinor. si, cum in hoc progymnasmate, & deinceps sequenti Præceptorè breuiter doceamus, quo pacto is suorum scripta emendet, & aliquot super hoc officio leges, à nobis è doctissimorum

com-

commentarijs de ratione docendi studiosè collectas, hoc loco, ubi id quàm commodissimè videtur posse fieri, in medium proferamus.

1. Inter emendandum vacet omni acerbitate, & contumelijs Magistri oratio.

2. Si quis emendatus irascetur, ipse nihilo secius emendet: ceterorū enim ducenda est ratio, qui recta censebūt esse, quæ Magister non emendat, reliquerit.

3. Condonandum aliquid ætati, & ad vitia quædam conniuendum, quoad ingenium, iudiciūq; confirmentur: ne videlicet ob emendationū seueritatem desperent, doleant, & exercitationem cum Magistro oderint: dumquæ omnia timent, nihil conentur. Non adhibent teneris frondibus falcem agricola.

4. Sit hilaris, & iucunda emendatio, vt remedia alioqui insuauia, parumquæ grata leniantur. Quædam commendet, alia mutet, alia ferat, alia illuminet, nonnunquam sua interponat, rationem etiam facti aliquandō reddat. Sed quæ bene posita fuerint, ea interdum laudet palam: quod & ipsi adolescentes hac gloriola deleniti in cursu alacriores fiant, & reliqui eiusdem honoris expectatione, exemploque ad diligentiam incitentur.

5. Consueuerunt medici nonnulli in agrotū laudare, non quia talia sunt, sed quod facilius talia esse possint. Itā conuenit Magistrum tardiores, negligentioresquæ nonnunquam hyperbolicū laudationibus ad acrius bene scribendi studium inflammare.

6. Dum vnius epistolam, seu scriptionem corrigit, aliquando deimprovisò alios de ijs quæ in manu sunt interroget: quo & iudicium ipsorum cognoscat, & attentos faciat, eademq; opera consequatur, vt interim in suis ipsi scriptionibus aliquid emendent.


7. Qui tam segniter, vitioseq;, & ineptè, ineleganterq; scripserit, vt emendari scripta nò possint, eū eadem de re de integro scribere iubeat: data significatione spei, illum, si diligentiam modò adhibuerit, meliùs scripturum.

8. Sunt quadam vitia, quæ in adolescentibus displicere Magistris non debent, vt sublimior spiritus, verborum luxuries, nimium exquisita vocula, sublecta hemistichia, aut integri versus, apertior imitatio, parua quadam furtiva, compositio curiosè numerosa, & similia. Dicendum, laudare nos ista adhuc, venturum tempus, quo ea non concederemus. Sic & ingenio gaudebunt, & iudicio non errabunt.

9. Seu quid laudes, seu quid reprehendas, vtrumvis modicè, & varie. Lauda in hoc sermonis puritatem, in illo perspicuitatem, in alio leporem, in quibusdam inuentionem, in alijs dispositionem, in his grauitatem: in illis ornatum, Contraria in vituperatione seruabis.

10. Quorundam illiberalibus ingenijs, ac rustico pudori blanda, & priuata monitione succurrendum.

11. Ne celeritatem compositionis requirat Magister. Danda opera, vt quàm optimè scribamus, celeriter deinde vt scribamus, consuetudo dabit. Et citò scribendo non fit vt bene, bene scribendo fit vt citò.



PROGYMNASMA

VICESIMUM OCTAVVM.

Diuerſarum ſcriptionum emendatio.

MAGISTER, DALMATIVS, GERARDVS
RVDOLPHVS diſcipuli.

MAGISTER. Quæ præterito die, Luna
super varietate exercitationis in vtraque o-
ratione, ſoluta nimirum ac libera, & pe-
dibus deuincta ſuæ ligata à me diſputata fuerunt, ea
ſi minùs vniuerſa, aut complura meminiffe vnum-
quemque veſtrum exiſtimo. Pedetentim ad ſingula
genera aggrediemur, & modò in hoc, modò in illo con-
ſuetudinem capiemus, vt facultatem nobis quàm ex-
peditiſſimam ad ſcribendum comparare poſſimus.
Et quoniam triduum effluxit, cùm dictaui quibuſ-
dam, quem breuiter & planè explicarent, ſeu comple-
terentur apologum: aliis verſiculos aliquot de O-
uidio: aliis Germanicam epistolam, quam in linguam
latinam transferrent: volo nuſc tandem experiri, &
reiſpſa cognoscere, qui veſtri conatus fuerint, quique
datum ſibi penſum feliciùs confecerint. De primo igi-
tur ordine ad me accedat Dalmatius. Recita ſcriptio-
nem tuam. D. Olim, cùm animalia loquerentur, ouis di-
xit domino ſuo: miror quod nihil ynquam præbes nobis.

M. Miror quòd , puto quòd , & similia non esse barbaros & illotos loquendi modos, vt plerique ex inscientia latinitalis putant, prolatis è Cicerone, Varrone, Li-
 uio, Suetonio, Plauto, Catone, testimoniis docuit Pau-
 lus Manutius, explanans epistolam 28. lib. 7. ad familiar.
 & vltimam lib. 9. item 4. lib. 10. ad Atticum. Latini-
 niùs fortasse dicitur cum infinito modo , aut parti-
 cipio. Miror nihil vnquam nobis abs te præberi , pu-
 to hoc ita esse, credo te facturum. Tu, heus, qui extre-
 mus sedes scàmno tertio, & cum vicino confabularis,
 attende, ac si quid tale peccasti, corrige, antequam
 ad me adeas corrigendus. D. *Nihil vnquam nobis
 abs te præberi, compellique miseris è terra victum pete-
 re, herbas scilicet & gramina.* M. Polium hoc, victum
 è terra petere, olet rosas. Terent. E flamma cibum
 petere te posse arbitror. D. *Cum tamen nos la-
 nam tibi, caseos & ouiculas suppeditemus.* M. Scribe
 agnos, pro ouiculis. Quæ est differentia, Petre,
 ecquid audis? tibi dico, Petre, quod est discrimen in-
 ter ista duo? P. Ouicula, parua ovis, ein Schäf-
 lein/agnus, recentior partus ovis, ein Lämblein. Vir-
 gil. Depulsos à lacte domi quæ clauderet agnos.
 M. Aptè respondisti. Procede vltra Dalmati. D.
Canibus autem, vnde horum fructuum nihil percipi,
de mensa tua panem porrigis. Tum canis qui astabat,
& hac auribus acceperat. M. Venuustum & hoc. Nota e-
 tiam illud Ciceronis, qui ex Odyssea quosdam versicu-
 los conuertens, quod in Græco est, ἵνα ὡς ἰστέλω ὅτι ἀκού-
 ῃς, ad verbum, vt nostram vocem audias, sic extulit.

Auri-

Auribus vt nostros possis agnoscere cantus. D. sic locutus fertur. Non iniuria id fit: nam ego & domum, & dominum, & vos etiam ipsas, vestrumq; gregem custodio, ne vel in sylua à grassatoribus furemini. M. Ne pecces, mi Dalinati. Furor, furaris, deponens est, & eius non patiendi, sed agendi notio: verum obrepit hoc tibi imprudenti. Fac vt sit: à grassatoribus insidiis excipiamini, quomodo Virg. eclog. 3.

Non ego te Sidi Damonis pessime caprum

Excipere insidijs, multum latrante Lycisca?

D. ne vel in sylua à grassatoribus insidijs excipiamini, vel à raptoribus lupis auertamini. Quod si vestri curam non egerem, præ metu mortis ad pascua exire non auderetis. Hic dictis oues postmodum aquo animo passæ sunt canes apud herum potiores partes obtinere. M. Non videtur contemnendus labor tuus, & auguror te magnorum oratorum in numerum aliquando venturum. Lege adhuc quod addere iussi Πρωτότης, de vsu scilicet fabellæ huius. D. Sic populum, seu multitudinem, atque ignobile vulgus. M. Copia. D. irasci non oportet, si Magistratus, & Principes, à quibus regitur & custoditur, in honoribus, rerumq; affluentia, impositis per domos, & oppida vectigalibus vitam agere cernat, cum Rectores subiectis omnium commoditatum sint auctores. M. Acquiesco in hac diligentia. Ades Gerarde cum paraphrasi tua. G. Principium elegiæ 2. L. 1. Quid. Nasonis de Tristib. πνευφρασιως solutis verbis expressum. Dii maris & cæli, &c. O dy, quiq; calo, quiq; mari imperitatis, vos simul omnes,

(quando aliud quod agam, tanto in periculo salutis meae constitutus, præter vota nihil relictum est mihi) vos ego obtestor per numen maiestatemque vestram, ne finite quam conscendi naum terribili procella iam conquassatam ac fatiscentem dissolui, ac me, vectoresque omnes miserandum in modum hauriri fluctibus. M. Eugè, dimidium facti, Gerarde. Quam grauitè? quam numerosè? quam latinè? G. Nolite, nolite Augusti Caesaris in me concitatum furorem ista grauißima tempestatis indulgentia vno consensu approbare: cum etiam vos ipsi saepe non omnes eosdem oppugnaueritis sed alius aduersus alium alios tutatus sit. M. Quod hoc genus schematis Antoni? A. Traductio. G. Vulcanus & Pallas Troianis erant inimici atque infesti, Apollo contra & Venus amicissimi. Æneam persequabatur Iuno, pro quo Venus propugnabat. Quoties Vlyßem Neptunus conatus est perdere? atque hunc sapius patrui insidijs liberatum Minerva conseruauit. Quanquam autem nos cum Ænea, & Vlyße viris laudatissimis comparandi non sumus, tamen cur aduersus Casarem veluti quendam in terris Deum ab aliquo saltem minorem gentium Deo non defendamur? O me perditum, nihil precibus efficio. En vt mihi iteratis asperginibus caput totum permaduit? Eheu, discerpunt verba mea venti, & quas fundo preces, ad Deorum aures allabi non permittunt. Ita cum naum iactitent pro sua libidine, & precationem meam dissipent, dupliciter me affligunt. M. Non video quid hic emendandum sit. G. Ah, ah, nunc fluctibus instat

montium ingentibus ad sidera extollimur: quis non exhorrescat? nunc discedente mari propè ad ipsos inferos descendimus: quis mente consistat? Quocunque oculos conuerto, calum vndique & vndique pontus. M. Quomodo habet Ouidius? G. Nihil est nisi pontus & æther. M. Fortassis illud Virgilianum, quod tu de 3. Æneidos mutuatus es, Nasoni occurrebat. Appositè sanè hoc hemistichium inseruisti. G. Et hic quidem vastis fludibus, ille tonitribus & fragore horrendo presentem nobis mortē intentat. Medio autē venti fremitu horrido terrificant animos ipsum æquor cui parendum sit nescit. M. Propemodum sine cortice nare, & tuo succo vivere iam poteris Gerarde. Attulisti hac tuā ornatissima paraphrasi tibi magnum fructum, mihi lætitiā, illis exemplum. Rodolphe. R. Quid est, Præceptor? M. Quid est? aduola cum epistola, quam latine de Germanico reddidisti. R. Adsum. M. Lege prius Germanicam. R. Wie meine Sachen geschafften seyn / heet ich dir gern vor längst mündelich erkläret / dieweil ich aber bißher in solchem meinem Fürnemmen verhindert / hab ich mir fürgenommen dasselbig schriftlich zuverrichten. Von Jugend auff hab ich ein sonders grossen Lust zu den Studiis getragen / vnd bin denselben obgelegen sezt mehr dann sibenz Jahr / wie ich vermein / vnd zwar nicht ohne nutz: Weil aber mein Vatter / der an Haab vnd Gut nicht der reichsten einer / vnd neben mir vil Amden hat / vermercket / daß meine studia grössern Vnkosten bedörffen / dann er mir fürsetzen kan / vnd

anch

volutati. P. Ipse Thales ad sapientiam tuam merus nugator est. Desine philosophari: hæc lux hilariter consumenda est. I. Qua tandem ratione consumenda? F. Visne in prata virentia concedamus, ibiq; pila experiamur palmaria? I. Volo sanè, vtile & iucundū est hoc ludendi genus. Ascende è vestigio in conclaue, & defer ainborum pallia cum pila. P. Vbi est pila? I. In pluteo, aut certè in capsâ ductili sub mensa. P. Eo vt afferam. I. Actutum redi, hîc te expectauero. P. illic sum, atq; hîc sum.

ANNOTATIONES.

SIBI DORMIENTIBVS OMNIA) *Allusio ad picturam, qua pingebant inuidi dormientem Timotheum Cononis filium fortunatissimum Atheniensium ducem, & vrbes ultro in ipsius nassam se induentes. Quã rem iniquo animo tulisse fertur, cùm sua egregia facinorosa, victoriasq; non fortuna, sed virtuti adscribenda putaret. Refert Plutarch. in apophthegmat. Regum & Impp. additq; hoc dictum illius. Si tantas ego vrbes per somnum capio, quid me vigilantem putatis facturum? Item ad poetarum commentum, qui se ex somnys Hesiodi, & Ennii fabulantur in monte Parnassa dormientes vna nocte poetas fieri. Nihil hoc somno celebratius. AUDIENDI, LEGENDI, LOQVENDI, SCRIBENDI) Alit lectio ingenium, & studio fatigatum non sine studio tamen reficit. Nec scribere tantum, nec tantum legere debemus. Altera res contristabit & vires exhauriet: de stylo dica:*

dico: altera soluet ac diluet. Inuicem hoc illo commutandum est, & alterum altero temperandum, vt quidquid ratione collectum est, stylus redigat in corpus. Seneca epistol. 84. VT CATONES ALIQUI) Viriusq; Catonius, Censorij, inquam, & Viticensis grauitas, sapientia, & virtus nota est. Posterior in Stoicū numeratur, & à Cicerone pro Murana in eum, sectamq; eius multa iocose dicuntur, soletq; hoc nomen pro seuero & rigido vsurpari: quemadmodum illa philosophica disciplina terrena ac morosa fuit. VENTRICVLVS CIBVM) Medicorum sententia, qui in studijs acres & assidui sunt, stomachos habent debiliores, parumq; calidos, quod illa cogitationum & animi contentio calorem dissipat, & labefactat. PLVRIMI AD DECREPITAM ÆTATEM) De Platone, Isocrate, Gorgia, Cicer. de Senect. in hunc modum. Est etiam quiete, & purè, & eleganter acta ætatis placida ac lenis senectus: qualem accepimus Platonis, qui vno & octogesimo anno scribens mortuus est: qualem Isocratis, qui eum librum qui Panathenæicus inscribitur, quarto & nonagesimo anno scripsisse dicitur, vixitq; quinquennium postea: cuius Magister Leontinus Gorgias centum & septem compleuit annos, neq; vnquam in suo studio atq; opere cessauit. Democritus centum & quatuor annos vixisse traditur. Hippocrates quartum vltra centesimum superasse. Galenum accepimus ad centesimum quadragesimum peruenisse. Denique longauos eosdemq; eruditos in Catone iterum adducit non paucos his verbis M. Tullius. Num igitur hunc (Sophoclem) num Homerum,

rum, num Hesiodum, num Simonidem, num Stesicchorum, num, quos antè dixi, Isocratem, Gorgiam, nū Philosophorum principes Pythagoram, Democritum, num Platonem, num Socratem, num postea Zenonem, Cleanthem, aut eum, quem vos etiam Roma vidistis, Diogenē Stoicū in suis studijs obmutescere senectus coëgit? an non in omnibus ijs studiorū agitatio vitæ aqualis fuit? IPSE THALES AD SAPIENTIAM) Septem sapientes fuerunt. Solon Atheniensis, Thales Milesius, Chilo Lacedæmonius, Pittacus Mitylæus, Cleobulus Lindius, Bias Priæniensis, Periander Corinthius. Eorum vitam memoriæ tradidit Laërt. Dicta singulorum versibus inclusit Aulonius. Est autem locus, ad quem fit allusio, in Capteius hic T.

Euge pol, Thalem talento non emam Milesium.

Nam ad sapientiam huius ille nimis nugator fuit.

Ut faceret orationem ad scrustatem contulsi?

PROGYMNASMA
V I C E S I M V M
S E P T I M V M.

Emendatio scriptionis.

DISCIPVLVS, MAGISTER

DISCIPVLVS. Perbreuem epistolam,
Præceptor, ad parentem effeci, eam si tibi est
otium, corrigere, quæso, ne abnueris. M.
Quod

Quod est argumentum? Quæ de re scribis? D. Explico rationem valetudinis meæ: hinc argentum, partim ad nomina dissoluenda, partim ad libros coëmendos peto. M. Lege initium. D. *Andreas Prætorius Nicolao Prætorio amantissimo parenti S. P. D. M.* Rectissimè, iam progredere. D. *Quanquam baud ita pridem literas ad te dedi, mi pater.* M. Vox (quanquam) indicandi ne modo, æquè vt coniunctiuo iungitur? Nōne dicendum erat: quanquam dederim? D. Probè indicatiuo iungatur. M. Profer idonei scriptoris testimonium, si recordare. D. Etiam plurimum. M. Tullius ad Curionem. Quanquam me nomine negligentia suspectum tibi esse doleo. Et pro lege Manil. Quanquam mihi semper frequens conspectus vester multò iucundissimus, hic autem locus ad agendum amplissimus, ad dicendum ornatissimus est visus. Virgil. 2. *Æneid.* Quanquam animus meminisse horret. Terent. *Eunuch.* Quanquam illam cupio abducere. M. Sic enitere semper, vt quod loqueris aut scribis, bene latinum esse confiderè possis. Quid sequitur? D. *Quibus te certiore reddidi.* M. Emenda, certiore te feci. D. Atqui ego sæpiùs meminini me legere, certiore reddere, & doctos ita loquentes non semel audiui. M. Si pro Latinis ea ducamus, quæ ubicunque legimus, & à quibusuis audimus, nihil erit inquinatum, nihil parum proprium, nihil barbarum: omnia nitida, propria, & quasi ex hortulis Gratiarum delibata. Videndum diligenter, quæ verba quibus copulent Cicero, Sallustius, Liuius, Cæsar, Virgilius, Terentius, Plautus,

tus, & reliqui auctores, qui latinitatis lautum, copiosumque patrimonium nobis reliquerunt: horum sermoni assuefacti qui erunt, etiam nolentes non poterunt nisi latine & ornate loqui. Quare ipsorum pulcherrima simulachra ceu pictoribus ante oculos nostros in omne tempus versabuntur. Hoc primum. Deinde obseruandum studiosè, quid homines nostri, non tantum eruditi (non enim est satis) sed etiam casti illius, incorrupti, minimè infuscati, & natiui sermonis periti aut amplectantur, aut aspernentur. Quare Paulus Manutius in explanatione epistol. 4. lib. 2. negat latine dici, certiore reddere: cuius viri non levis est apud me auctoritas. Lege cætera. D. *Quibus te certiore feci de omnibus, quæ te scire velle nō dubitabam: tamen cū mihi præceperis.* M. Varia illud (præceperis.) D. Iusseris, in mandatis dederis, imperaueris, iniunxeris, imposueris. M. Perge. D. *Cū mihi imposueris, ut quàm frequentissimas ad te literas darem.* M. Duo peccata. Primum, quamvis præceperis, iusseris, & reliqua duo cum particula, ut, & Optatiuo, & Subiunctiuo non vitiose coagmententur, tamen voces, iniungere, imponere, nisi cum accusandi casu non significant quod tu sentis: dicendum quippe, iniungere, aut imponere alicui munus, onus, necessitatem, prouinciam, seruitutem & similia. Itaque loquitur barbarè vulgus, cū ait: Philippus iniunxit mihi, ut se expectarem. Pater imposuit filio, ne noctu eat ambulatū. Alterum, cū suprā dixisses, ad te literas dedi, mutanda erat locutio, ut diceret: quàm frequentissimas, seu cre-

creberrimas ad te epistolas mitterem. Oportet enim te non solum purè, non sordidè, propriè, non impro-
priè verum etiam copiosè loqui, scriptaque tua ver-
borum varietate, ac modis seu formis loquendi distin-
guere. Similitudo namq; tædium legentibus generat,
& sensus aurium est fastidiosissimus. D. *Et cum habe-
rem certum tabellarium, omnino scribendum putavi.*
*Quod ad valetudinem meam attinet, quam tibi & sua-
uissimæ matri magna sollicitudini esse non me clam est,*
valeo rectè, & Christo Saluatori. M. Consiste. Offendit
plerosque omnes Ciceronianus ista vox, Saluator, pro
ea vtuntur Seruator. Verum accuratissimus ille Ma-
nutius commentar. in lib. 2. Act. 2. in Verrem, seu
Verrinam quartam, docet non idem declarari
hoc nomine, quod illo altero Christiani declarant,
& Saluatoris vocè Crecum Cwng exprimi. Eum le-
ges cum tempus venerit. Apud Arnobium lib. 2. est So-
spitator, quæ etiam in Christum conuenit. D. *Christo*
Saluatori gratias ago, qui me viuum ac sospitem huc-
usque clementissime conseruauit. M. Commodè, sua-
uiter, religiosè. D. *De victu vestitûque meo nihil est*
quod cogites, pater, non egeo. Pecunia non suppeditat,
qua libros studijs meis, in quæ mense Octobri me ingres-
surum spero, oratoria videlicet, vtiles ac necessarios pa-
rare queam. Adde quodd ob eam causam es alienum con-
flui. Id etsi pauxillum est, nihilominus eo quampr-
mum exire cupio: atque id te quoque velle mihi persuasif-
simû est. Quapropter 12. aureos in præsens te rogo pater

commentarijs de ratione docendi studiose collectas, hoc loco, ubi id quàm commodissime videtur posse fieri, in medium proferamus.

1. *Inter emendandum vacet omni acerbitate, & contumelijs Magistri oratio.*
2. *Si quis emendatus irascetur, ipse nihilo secius emendet: ceterorū enim ducenda est ratio, qui recta censebūt esse, quæ Magister non emendat, reliquerit.*
3. *Condonandum aliquid atati, & ad vitia quædam conuiuendum, quoad ingenium, iudiciūq; confirmetur: ne videlicet ob emendationis seueritatem desperent, doleant, & exercitationem cum Magistro oderint: dumquæ omnia timent, nihil conentur. Non adhibent teneris frondibus falcem agricolæ.*
4. *Sit hilaris, & iucunda emendatio, vt remedia alioqui insuauia, parumquæ grata leniantur. Quadam commendet, alia mutet, alia ferat, alia illuminet, nonnunquam sua interponat, rationem etiam facti aliquando reddat. Sed quæ bene posita fuerint, ea interdum laudet palam: quod & ipsi adolescentes hac gloriola deleniti in cursu alacriores fiant, & reliqui eiusdem honoris expectatione, exemploque ad diligentiam incitentur.*
5. *Consueuerunt medici nonnulli in agrotū laudare, non quia talia sunt, sed quod facilius talia esse possint. Itā conuenit Magistrum tardiores, negligentioresquæ nonnunquam hyperbolicū laudationibus ad acrius bene scribendi studium inflammare.*

6. Dum vnius epistolam, seu scriptionem corrigit, aliquando de improviso alios de ijs quæ in manu sunt interroget: quo & iudicium ipsorum cognoscat, & attentos faciat, eademq; opera consequatur, vt interim in suis ipsi scriptionibus aliquid emendent.

7. Qui tam segniter, vitioseq;, & ineptè, ineleganterq; scripserit, vt emendari scripta nõ possint, eũ eadem de re de integro scribere iubeat: data significatione spei, illum, si diligentiam modò adhibuerit, meliùs scripturum.

8. Sunt quadam vitia, qua in adolescentibus displicere Magistris non debent, vt sublimior spiritus, verborum luxuries, nimũ exquisita vocula, sublecta hemistichia, aut integri versus, apertior imitatio, parua quadam furta, compositio curiosè numerosa, & similia. Dicendum, laudare nos ista adhuc, venturum tempus, quo ea non concederemus. Sic & ingenio gaudebunt, & iudicio non errabunt.

9. Seu quid laudes seu quid reprobendas, vtrumvis modicè, & variè. Lauda in hoc sermonis puritatem, in illo perspicuitatem, in alio leporem, in quibusdam inuentionem, in alijs dispositionem, in his grauitatem: in illis ornatum, Contraria in vituperatione seruabis.

10. Quorundam illiberalibus ingenijs, ac rustico pudori blanda, & priuata monitione succurrendum.

11. Ne celeritatem compositionis requirat Magister. Danda opera, vt quàm optimè scribamus, celeriter deinde vt scribamus, consuetudo dabit. Et citò scribendo non fit vt bene, bene scribendo fit vt citò.

PROGYMNASMA
VICESIMUM OCTAVVM.

*Diuersarum scripturarum
emendatio.*

MAGISTER, DALMATIVS, GERARDVS &
RVDOLPHVS discipuli.

MAGISTER. Quæ præterito die, Luna
super varietate exercitationis in vtraque o-
ratione, soluta nimirum ac libera, & pe-
dibus deuincta siue ligata à me disputata fuerint, ea
si minùs vniuersa, aut complura meminisse vnum-
quemque vestrum existimo. Pedetentim ad singula
genera aggrediemur, & modò in hoc, modò in illo con-
suetudinem capiemus, vt facultatem nobis quàm ex-
peditissimam ad scribendum comparare possimus.
Et quoniam triduum effluxit, cùm dictavi quibus-
dam, quem breuiter & planè explicarent, seu comple-
terentur apologum: aliis versiculos aliquot de O-
uidio: aliis Germanicam epistolam, quam in linguam
latinam transferrent: volo nunc tandem experiri, &
re ipsa cognoscere, qui vestri conatus fuerint, quique
datum sibi pensum feliciùs confecerint. De primo igi-
tur ordine ad me accedat Dalmatius. Recita scriptio-
nem tuam. D. Olim, cùm animalia loquerentur, quis di-
xit domino suo: miror quod nihil vnquam præbes nobis.

M. Miror quòd , puto quòd , & similia non esse barbaros & illotos loquendi modos, vt plerique ex inscientia latinitatis putant, prolatis è Cicerone, Varrone, Li-
 uio, Suetonio, Plauto, Catone, testimoniis docuit Pau-
 lus Manutius, explanans epistolam 28. lib. 7. ad familiar.
 & vltimam lib. 9. item 4. lib. 10. ad Atticum. Latini
 fortasse dicitur cum infinito modo , aut parti-
 cipio. Miror nihil vnquam nobis abs te præberi , pu-
 to hoc ita esse, credo te facturum. Tu, heus, qui extre-
 mus sedes scamno tertio, & cum vicino confabularis,
 attende, ac si quid tale peccasti, corrige, antequam
 ad me adeas corrigendus. D. *Nihil vnquam nobis
 abs te præberi, compellique miseris è terra victum pete-
 re, herbas scilicet & gramina.* M. Polium hoc, victum
 è terra petere, olet rosas. Terent. E flamma cibum
 petere te posse arbitror. D. *Cum tamen nos la-
 nam tibi, caseos & ouiculas suppeditemus.* M. Scribe
 agnos, pro ouiculis. Quæ est differentia, Petre,
 ecquid audis? tibi dico, Petre, quod est discrimen in-
 ter ista duo? P. Ouicula, parua ovis, ein Schaf-
 sein/agnus, recentior partus ovis, ein Lämblein. Vir-
 gil. Depulsos à lacte domi quæ clauderet agnos.
 M. Aptè respondisti. Procede vltra Dalinati. D.
*Canibus autem, vnde horum fructuum nihil percipis,
 de mensa tua panem porrigis. Tum canis qui astabat,
 & hac auribus acceperat.* M. Venustum & hoc. Nota e-
 tiam illud Ciceronis, qui ex Odyssea quosdam versicu-
 los conuertens, quod in Græco est, *ἵνα ὡρίεσθαι ὅτι ἀνέ-
 γγυς*, ad verbum, vt nostram vocem audias, sic extulit.

Auri-

Auribus vt nostros possis agnoscere cantus. D. sic locutus fertur. Non iniuria id sit: nam ego & dūm, & dominum, & vos etiam ipsas, vestrumq; gregem custodio, ne vel in sylua à grassatoribus furemini. M. Ne pecces, mi Dalmati. Furor, furaris, deponens est, & eius non patiendi, sed agendi notio: verū obrepit hoc tibi imprudenti. Fac vt sit: à grassatoribus insidiis excipiamini, quomodo Virg. eclog. 3.

Non ego te Sidi Damonis pessime capram

Excipere insidijs, multum latrante Lycisca?

D. ne vel in sylua à grassatoribus insidijs excipiamini, vel à raptoribus lupis auertamini. Quod si vestri curam non egerem, præ metu mortu ad pascua exire non auderetis. Hū dictis oves postmodum a quo animo passæ sunt canes apud herum potiores partes obtinere. M. Non videtur contemnendus labor tuus, & auguror te magnorum oratorum in numerum aliquando venturum. Lege adhuc quod addere iussi Πρωτότης, de vsu scilicet fabellæ huius. D. Sic populum, seu multitudinem, atque ignobile vulgus. M. Copia. D. irasci non oportet, si Magistratus, & Principes, à quibus regitur & custoditur, in honoribus, rerumq; affluentiis, impositis per domos, & oppida vectigalibus vitam agere cernat, cum Rectores subiectis omnium commoditatum sint auctores. M. Acquiesco in hac diligentia. Ades Gerarde cum paraphrasi tua. G. Principium elegiæ 2. l. 1. Quid. Nasonis de Tristib. πνευματικῶς solutis verbis expressum. Dii maris & cæli, &c. O dij, quiq; cælo, quiq; mari imperitatis, vos simul omnes,

(quando aliud quod agam, tanto in periculo salutis meae constitutus, præter vota nihil relictum est mihi) vos ego obtestor per numen maiestatemque vestram, ne finite quæ conscendi nauium terribili procella iam conquassatam ac fatiscentem dissolui, ac me, vectoresque omnes miserandum in modum hauriri fluctibus. M. Euge, dimidium facti, Gerarde. Quàm graviter? quàm numerosè? quàm latinè? G. Nolite, nolite Augusti Caesaris in me concitatum furorem ista grauißima tempestatis indulgentia vno consensu approbare: cum etiam vos ipsi sæpe non omnes eosdem oppugnaueritis sed alius aduersus alium alios tutatus sit. M. Quod hoc genus schematis Antoni? A. Traductio. G. Vulcanus & Pal-
las Troianis erant inimici atque infesti, Apollo contra & Venus amicissimi. Æneam persequabatur Iuno, pro quo Venus propugnabat. Quoties Vlyßem Neptunus conatus est perdere? atque hunc sapius patruus insidijs liberatum Miherua conseruauit. Quanquam autem nos cum Ænea, & Vlyße viris laudatissimis comparandi non sumus, tamen cur aduersus Casarem veluti quendam in terris Deum ab aliquo saltem minorem gentium Deo non defendamur? O me perditum, nihil precibus efficio. En ut mihi iteratis asperginibus caput totum permauit? Eheu, discerpunt verba mea venti, & quas fundo preces, ad Deorum aures allabi non permittunt. Ita cum nauium iactitent pro sua libidine, & precationem meam dissipent, dupliciter me affligunt. M. Non video quid hic emendandum sit. G. Ah, ah, nunc fluctibus instat

montium ingentibus ad sydera extollimur: quis non exhorrescat? nunc discedente mari propè ad ipsos inferos descendimus: quis mente consistat? Quocunque oculos conuerto, calum vndique & vndique pontus. M. Quomodo habet Ovidius? G. Nihil est nisi pontus & æther. M. Fortassis illud Virgilianum, quod tu de 3. Æneidos mutuatus es, Nasoni occurrebat. Appositè sanè hoc hemistichium inseruisti. G. Et hic quidem vastis fludibus, ille tonitribus & fragore horrendo presentem nobis mortē intentat. Medio autē venti fremitu horrissono terrificant animos ipsum aquor cui parendum sit nescit. M. Propemodum sine cortice nare, & tuo succo vivere iam poteris Gérarde. Attulisti hac tuā ornatissima paraphrasi tibi magnū fructum, mihi lætitiā, istis exemplum. Rodolphe. R. Quid est, Præceptor? M. Quid est? aduola cum epistola, quam latinè de Germanico reddidisti. R. Adsum. M. Lege prius Germanicam. R. Wie meine Sachen geschafften seyn / heß ich dir gern vor längst mündelich erkläret / die weil ich aber bißher in solchem meinem Stürmen / men verhindert / hab ich mir fürgenommen dasselbig schriftlich zuverrichten. Von Jugend auff hab ich ein sonders grossen Lust zu den Studiis getragen / vund bin denselben obgelegen seht mehr dann sieben Jahr / wie ich vermein / vund zwar nicht ohne nutz: Weil aber mein Vatter / der an Haab vund Gut nicht der reichsten einer / vund neben mir vil Ainer hat / vermercket / daß meine Studia größern Unkosten bedörffen / dann er mir fürsetzen kan / vund

L 5 anch

auch zimblich lange Zeit / hat er beschlossen / mich von denen abzufordern / vund einen Handwerker auff mir zumachen / welches mir hefftig wehe thut / vund von Herzen leyb ist / der ich auff der Welt nichts leibers gehabt / dann eben die studia. Nun weiß ich daß du denen sehr gänstig bist die da studieren / derhalben ich mein Zuflucht zu dir hab / vund bitte dich auffß höchste / du wöllest meinen Vattern / bey dem du in großem Ansehen bist / vund mit ihm grosse gemeinschafft hast / von disem Särhaben abwenden. Ich hoffe gänzlich du werdest mich meiner Bitt gewehren / wie einem so freundelichen vund großem Mæcenati wil gebühren. Solches steht mir allezeit nach vermögen zuuerdienen. Hiemic Güt befohlen.

M. Consideremus tuam interpretationem. R.

Quo pacto serres mea habeant, libenter tibi iam pridem præsens exposuissẽ, sed quia hoc vsque in tali proposito meo impeditus fui, proposui mihi idipsũ scriptis efficere.

M. O teutscher Michel / cur ita inhæres verborum ordini? sententiam sententia, non verbum verbo oportet reddere: id munus est fidei interpretis: & voces appendere lectori, non annumerare, vt inquit Cic. Perge. R. Apucro erga studia literarum valde semper affectus fui, illisquẽ supra septimum annum vacauĩ, ni fallor, cum vtilitate non spernenda. Quia verò pater meus, qui parum diues est, & præter me multos habet filios, animaduertit non exiguos sumptus, omninoque maiores, quàm ipse tolerare possit, & plurimum temporis requiri ad doctrinam acquirendam, decreuit

auoca-

advocatum me à literis ad opificium aliquod discendum
 mittere: quæ res cordi meo dolet, quàm maximè, & ma-
 gnoperè me excruciat, quem hætenus in rebus nihil aquò
 ac studia delectarunt. M. Hui, tam citò expolitus. R.
 Quæ cum ita sint, & sciam te eorum, qui studia diligunt,
 non vulgarem esse fautorem, ad te confugio, teque in pri-
 mis rogatum volo, ut patrem à sententia detorqueas, pro
 auctoritate, qua apud illum vales magna, & amicitia.
 Spero planè, te hanc petitionem meam non reieclurum:
 sed pro eo ac tam humanum, & tam magnum Matena-
 tem decet, admissurū. Hoc quibus potero officijs compen-
 sabo. Vale. M. Posterior pars priorem bonitate supe-
 ravit. Nostis me solere nonnunquam de iisdem argu-
 mentis, quæ vobis præscribo, epistolam contexere,
 eamque ad vos cumlatiùs instruendos (ne tantum sci-
 licet verba singula, aut phrasés emendentur, sed totum
 filum orationis qualénam esse debeat videatis, & ideas
 animo concipiatís) in tabula ista omnibus legendam,
 & cum suis conferendam describere, quod nunc quo-
 que faciam. Non oberit tamen antè eam lege. Ascende
 suggestum Gerarde, & recita distinctissimè, articulatis-
 simè, clarissimè. En chartam meam.

Exemplum Præceptoris.

Quò minùs coram tibi statum rerum mea-
 rum iam pridem, uti cupiebam, exponerem
 ad hoc usque tempus impeditus sum. Quocir-
 ca id nunc per literas agam. Iam inde ab ado-
 lescen-

lescentulo ingenti Musarum amore percussus, cum
 iisdem toto septennio rationem habui, profeci q̃;
 non mediocriter. Ceterum pater meus, qui co-
 piis familiaribus exiguis est, ac præter me complu-
 res suscepit liberos, cum sentiat mihi ad eruditio-
 nem consequendam & sumptu opus esse maiore,
 quàm tenuitas eius patiatur, & tempore longin-
 quiore, quam ut expectare possit, deliberavit a-
 nuissum me à complexu literarum, sordido atque
 illiberali artificio alligare. Quæ res, quia in vita
 nullas delicias studiorum suauitatibus anteposui,
 summum mihi acerbissimumq̃; dolorem inussit.
 Quapropter cum te studia colentium nobilem ef-
 se patronum haud ignorem, tuum imploro auxi-
 lium, te oratum volo, ut pro coniunctissima ne-
 cessitudine, quæ tibi cum patre meo est, & pro
 auctoritate, qua apud ipsum potes plurimum,
 causam hanc meam recipias, hominem à suscepto
 consilio deducas. Spe firma sum, te huic petitioni
 meæ locum relicturum: te, inquam, Mæcenatum
 humanissimum atque illustrissimum. Me vi-
 cissim gratum, beneficiq̃; memorem
 cognosces.

✽(o)✽


ANNO.

ANNOTATIONES.

OVIS DIXIT DOMINO) *Hæc fabella è Xenophontis libro 2. Σοφισμῶν ὁμιλίῳ* petita est, ad quam illustrandam valde opportuna erunt, quæ scribuntur à Seneca libro 1. de Clement. cap. 3. & 4. Docet enim ibi, quo pacto Magistratus, Principes & Rectores populi utiles sint ac necessarij. **MIROR QVOD**) Quotusquisque de Ciceroniana gente, aut eorum saltem, qui purioris latinitatis alumnos sese profiteantur, hoc pro barbara non ducit, ac proinde non exhibet? Atqui Manut. noster plurimorum stipendiorum, veteranusque miles usque ad satietatem è primæ classis auctorib. exempla congestit, quibus rem certissimam apud tam multos, dubiam, vel potius in partem contrariam certissimam faceret. Cautè igitur & cuncta pundi aliquando barbaros reprehendamus: persuadentes nobis, in ipso Cicerone inueniri nonnunquam, quæ si ego aut tu diceremus, germanissimos loqui putaremur. Et sunt in hoc sermone nostro quotidiana (quo tamen nihil incultius atque vitiosius) quadam à medio Plauto, Terentio, Cicerone & alijs, quod non raro notauimus. **CVM PARAPHRASI TVA**) Ecphrasis est pura & dilucida enarratio. Paraphrasis vberior explicatio, ut cum auctore quasi contendere videaris. Metaphrasis pleraque mutat, & nunc grandiora, nunc humiliora, nunc longiora, nunc breuiora efficit. **AD OPIFICIVM ALIQVOD**) Lucianus in somnio suo narrat se quoque coactum à patre fieri statuarium è studioso

lite-

literarum. Sed tamen Padia ingeniosum & discendi cupidum adolescentem recuperavit, ac non solum rebus necessarijs egere passum unquam est, verum etiā immortalium hominum memoria illum commendavit. IN TABULA ISTA) Tabulae grandiores amplioresq; annulos, seu ansas habent ferreas, quibus pendent ab vncio, seu è paxillis in pariete: parua autē capitula. Sic enim dicitur à Varrone appendicula illa lignea & rotunda ac perforata, capitulum, inquam, tabula ipsi vel impactum, vel continens, quo suspenditur ad clavum, seu paxillum.



PROGYMNASMA

VICESIMVM NONVM.

Leges.

DIOMEDES, PHILOPONVS Magistri.

DIOMEDES. Iubeo Philoponum necessarium & collegam meum. P. Et ego te charissime Diomedes. D. Quò te agebas? P. Ad te rectà. D. Vide, & ego me capeſſebam ad te. Pro monſtro eſt, quod vterque ad alterum abire ſtatuerat. P. De noſtra quàm gerimus Repub. volebam, & volo commentari tecum, ſiquidem modò à ſcholis eſt otium: niſi eſt, vt aliter tua ſit ſententia. D. A tuo nihil quidquam diſcrepat conſilium meum, eadem mihi ſententia, in commune conſulamus. P. Ventum gaudeo, ſperòque

&

& opto nobis hanc commendationem faustam, felicem, ac fortunatam fore. D. Erit οὐ γέω. Tui discipuli ut valent? P. Bellè omnes diuino beneficio. Süntne tui frequentes? süntne assidui in ludo? D. De frequentia tibi hoc responsum habéas, esse frequentissimos. De assiduitate hoc affirmo: vicissim absunt multi, ob causas tam commentitias & falsas, quàm veras & sinceras. Nam quid facias huic hominum generi? Abhorrent à schola pueri, & orationi vanitatem aspergunt: nec tamen, ubi rescui, impunitas à me peccantibus conceditur. P. Mei utrumque facinus peræquè consciscunt. D. Ut porro discunt? P. Quidam satis studiosè, quod mihi voluptati ac solatio est: quidam somniculosius: pauciores verò Theopompos, quàm Ephoros numero, & cogorequis assellos iungere. D. Non in scitè dictum. Intelligo te in gymnasio tuo Isocratem, & Platonem factum. Non eos cohortaris? non minas intentas? non verberibus insurgis? P. Horum nihil egregiè præter cetera, & tamen omnia hæc mediocriter. D. Rectam instas viam: modus tenèdus est in omnibus. Maior pars meorum, est literarum cupidissima, meoque imperio audiens. Deo sint gratiæ. P. Nondum me quidem tanta est amplexa felicitas: sed confido me quoque beatum aliquando futurum: quamuis Ausonius neget Grammaticos felices vnquam aut esse, aut fuisse. D. Sit fas iocari Poëtis, quibus, ut pictoribus, quidlibet audendi semper fuit æqua potestas. P. Et nunc id operam do, ut esse queam felix quamprimum. Cogitavi autem leges iis nonnullas ferre ad eruditionem

com.

comparandam idoneas: quas partim in schola dum
 versantur, partim domi obseruent, non hoc anno
 tantum verum quamdiu in disciplinis ætatem ha-
 bere voluerint. Ea in re, quæso te magnoperè, con-
 silio atque opera me adiuues. D. A me omnia in te
 studia & officia exspectes velim: neque enim quisquam
 apud Diomedem Philopono plus valere potest vel au-
 thoritate vel voluntate. Ac me ut hoc tanto præstem
 libentius, incredibilis amor in istas mansuetiores Mu-
 sas, & in fidem nostram traditæ iuuentutis rationes, &
 istius nostræ ciuitatis gloria exstimulant. P. Tenes iam
 quid velim. Cum euolueris autem plurimum de docen-
 di ratione commentarios, non dubito quin præclara
 quædam istius generis in aduersaria tua congesse-
 ris. D. Sæpe ac multum legi quos dixi libros,
 & Germanis nostris haud vulgarem laudem imper-
 tiendam duco, qui ad amplificanda, ornanda, & pro-
 paganda disciplinarum studia, istiusmodi volumina cō-
 scripserunt. Inueni quas desideras leges, bonas, mirifi-
 cæque frugiferas. P. Res igitur mihi iam in vado, & a-
 nimo esse otioso licet. D. Licet verò, mi Philopone.
 P. Si me tantum amas, quantum profectò amas, aut
 ubi eas legam indica: aut exscriptas ab te mihi de-
 scribendas da: aut si memoriæ mandauisti, recita.
 D. Hoc malo: recitabo, & nihilominus postea per a-
 manuentem meum scriptas tibi transmittam. Ego verò,
 quemadmodum ad Lucilium scribens de se profite-
 tur Seneca, omnia cupio in te transfundere, & in
 hoc gaudeo aliquid discere, ut doceam: nec me vlla res
 delectabit, licet eximia sit, quam mihi vni sciturus
 sum,

sim. Si cum hac exceptione detur sapientia, vt inclufam teneam, nec enuntiem, reiiciam. Nullius boni fine socio iucunda poffeffio eft. P. Quid ad iftam humanitatem addi poteft? Sed de modo vt placet, ego ad audiendum fum paratifsimus.

D. Sapientiam à numine affiduiſſimè afflagitante: interim ita laborioſè diſcunto, vt fi à ſedibus æthereis nihil expectent.

Doctorem non ſecus quàm parentem colunto.

In ludum, quoad fieri poterit, ſeriùs ne ingrediuntor: ante tempus ſi poſſint adſunto.

In gymnaſio modeſte confidento, idque tantùm agunto, & cogitanto, cuius cauſſa locum peteſſunt.

Ne dormiunto, ne fabulantor, ne nugantor, ne contendunto, ne vlla ratione doctorem perturbanto.

Quotidianam Magiſtri auſcultationem priuato ſtudio anteponunto: ac niſi ſumma neceſſitate, nec ſemel abſunto.

Vèrbis ac ſermone cùm Magiſtrum, tum ſcriptores optimos qui explanantur effingere ſtudento.

Si quid haud probè perceperint, aut ſi de quo dubitauerint, Magiſtrum adueniunto, interroganto, conſulunto; pudorem ruſticum exuunto.

Quæ retinere memoria, cùm audiunt, nequæ-
uerint, chartis mandant.

Quæ commodè calamo annotare non potue-
rint, cùm primùm domos repetiuerint, suis locis
scribunt.

A schola digressi, ne statim omnem rerum au-
ditarum curam, & cogitationem abiiciunt; tem-
pus aliquod iis tacitè reuoluendis, aut cum alio
conferendis consumunt.

Nisi cùm liber inspiciendus, aut scribendum
est, aures atque oculos in præceptorem diri-
gunt.

P. Mihi gaudeo, qui te ad istas adeò iustas leges
mecum communicandas inducere potuerim. Nunc
illas audire video, quæ magis domi vsum habere vi-
deantur.

D. Quod hodierna luce disci potest, in cra-
stinum ne differunt.

Néue eruditos se existimant antequam sint,
néue plus quàm sint.

P. Aureum præceptum, & in templo Delphico scri-
bendum. Venit in mentem illius, Senecæ an Plinii? (ne-
que enim satis recordor auctoris, imò iam recordor,
Senecæ, libro de Tranquillit. animi.) Multi ad sapien-
tiam peruenire potuissent, nisi se peruenisse putauissent.
Sed nolo cursum istum impedire.

D. Tempore nihil pretiosius: proinde ne qua
pars illius sine fructu effluat prouident.

Diem

Diem in certas horas partiuntor , & quid quæque hora faciendum sit , certum ac definitum habento.

Antelucana opificum industria vinci se ne patiuntor.

P. Demosthenis hoc est , cuius vigiliæ cui non sunt auditæ?

D. Et illius dicti itidem recordantor : Aurora Musis amica.

Longioribus ; implicatioribusque studiis honestam ac liberalem recreationem intermiscendo.

A mensa ad libros post interuallum redeunto: nocturno studio temperanto : valetudinem me offendunto.

Præter labores Magistrorum imperatos ; alios sibi imperanto.

Multa & multum scribunto: chartis & atramento ne parcunto.

Quos libros Ecclesia Catholica impietatis leuitatisque damnauerit, aut N^o viffer improbarit, eorum lectionem ceu pestilentiam fugiunto: ista enim occidit corpus, at illi animos.

Harum, Philopone, legum memoria suppetebat. Si quas præterea requires, ante vesperam faxo optata consequare ex iis schedis, quas per seruum à manu ad te missurum promisi. P. Quibus verbis tibi gratias agam non reperio. Fecit hic dies &

congressio ista me non paullò doctiorem. D. Nunquid aliud à me vis in præsentia? P. Nihil sanè: aliàs inter nos agemus, de quibus agendum censebimus. Vale, & infirmitatem istam valetudinis intentiore studio vexare noli. D. Egomet sum proximus mihi, non me discendo ad mortem dabo, ne frustra sis.

ANNOTATIONES.

VBI RESCIVI) Qui factum aliquod occultius aut inopinatum insperatumq; cognoscit, is dicitur propriè rescire. Legas censeo totum cap. 19 lib. 2. apud Gell. PAUCIORES VERO THEOPOMPOS QUAM EPHOROS) Ediscipulis Isocratis (cuius domus habitata est officina eloquentiæ) quibus nemini vnquam plures fuisse quàm sibi gloriatur orat. *Ἐὶ ἀντιδότους*, cum tamen 10. minù, id est, centum aureis doceret, ceteri insigniores extiterunt. Hyperides, Timotheus Cononis filius, Asclepiades, Theodectes, Leodam^{us}, Lacritus, Isus, Theopompus, Ephorus. In hoc postremo calcaribus, in Theopompo franù se uti solere aiebat. Cic. 3. de Orat. Eorundem & in Bruto meminit, & in 2. de Orat. quo loco de historiæ scriptoribus differit. Cur autem Ephorum etiam *ἱφώρον* idem magister nominauerit, causam vide apud Victorium lib. 4. cap. 20. Proditum est etiam hoc literis. Ephorum ut tardiorem, sic probiorem, & Theopompum ut celeriore, sic improbiorem condiscipulo suo extitisse. Quod etiam hodie in discipulorù turba apparet. **EQVIS**


ABELLOS IUNGERE) Plato conferens Xenocratem cum Aristotele, quorum ille ingenio tardior, hic celerimus, cum idem dicebat quod Isocrates, quodque postmodum etiam de Theophrasto, & Callisthene auditoribus suis Aristoteles, tum illud praterea: Hui, quali equo qualem asinum coniunxi? Sed quod Plutarchus lib. de Auditione prodidit memoria de Xenocrate, & Cleanthe, non tacebimus. Patiebantur se rideri ab ingeniosis, cum ipsi tardiores condiscipulis non profugerent à discendo, nec animos desponderent, sed ultro in seipso dicteria iaciebant: sed vasis angustioris, & tabulæ aneis similes dicentes, ut qui agrè doctrinam perciperent, perceptam firmiter constanterq; retinerent. *QVAMVIS AVSONIVS. NEGET*) Epigramma est hoc.

*Felix Grammaticus non est, sed nec fuit unquam.
Nec quisquam est felix nomine Grammaticus.
Quod si quis felix prater fatum extitit unquam,
Is demum excessit grammaticos canones.*

Vide epigrammat. græcorum l. 2. tit. eis ἀειματωγός.
MANSVETIORES MUSAS) Cicer. epist. 9. lib. 1. scripsi etiā (nam etiam ab orationibus disiungo me serē, referoq; me ad mansuetiores Musas, quæ me maxime, sicut iam à prima adolescentia delectarunt) scripsi igitur, &c. Sic vocat ibidem studia, quæ domi celebrata & culta, ad mansuetudinem humanitatemq; traducunt animos. cum orationes infero dicta contentionem & lites habeant. Epist. 12. lib. 16. Tu musis nostris para ut operas reddas. Pro literis absolute ad Attic. epist. 5. lib. 2.

Nunc verò quoniam qua putavi esse praeclara, expertus sum quàm essent inania, cum omnibus Musis rationem habere cogito. RES MIHI IAM IN VADO) Vadam aquae fundum, in quo qui constitit, periculum non est, ne submergatur. Itaque in vado esse, erit securum, & in tuto esse; & quod eodem sensu dicitur, in portu navigare. Plaut. Aulul. Hac propemodum iam esse in vado salutis res videtur. IN TEMPO DELPHICO) Huius templi toto orbe fama incluta fuit, ad quod omnium gentium concursus fiebat. Isocrates in Archidamo. τὸ πέντε μαντεῖον ὃ πάντες ἀνὴρ ὁμολογῶσι μὲν ἀρχαιότατον εἶναι, κοινότατον καὶ πιστότατον. Oraculum quod omnes & vetustissimum, & communissimum, & fide dignissimum fatebuntur. Scribebantur in foribus à sapientibus viris sententiae graues, & praecepta salutaria, quorum auctores cum deinde ignorarentur, tributa sunt Apollini, tanquam eo haud indigna. Talis sit fortasse; Nosce te ipsum, & de calo cecidisse ait Iuuenalis. Quid dico fortasse? Plato certè hoc, & illud Ne quid nimis, septem sapientibus adscribit; quasi enim primitias quasdam Deo dedicasse, & in eius templo scribi curauisse affirmat. Plinius & Hier. Chilonem auctorem prioris nominant. Cic. 1. Tuscul. hoc ipsum adducens, & explanans. Hunc igitur (animum) nosse nisi diuinum esset, non esset hoc acrioris cuiusdam animi praeceptum, sic ut tributum Deo sit. Acriorem quendam animum, virum nempe sapientem, non Apollinem eius auctorem facit. N B E R V - STRA SIS) Liuius. Ne te falsa opinio teneat. Frustra esse

esse apud Plautum Amphit. Bacchid. Mercat. est falli, errare, decipi.



PROGYMNASMA

TRICESIMVM.

Ascensus.

VINCENTIVS. TIMOTHEVS.

VINCENTIVS. Iamne erumperè hoc licet mihi gaudium? nunc pulchrè, nunc bene est Vincentio, circumfluo lætitiis profectò. Quis me vno viuit hodie felicior? quis fortunatior? T. Quid est quod sic gestis? quænam hæc noua insolitaque voluptas? V. O Timothee, optima opportunitate aduenisti: Hic me amœnitate amœna amœnus oneravit dies: maximas opimitates opiparasque obtulit mihi: laudem, lucrum, ludum, iocum, festiuitatem, ferias. T. Quî tandem Vincenti? aut qualis est ista fortuna, qua te fortunatissimum hodie euasisse gloriaris? mihi enim consequutus quippiam videre, quod & diu expetiueris, & semper admiratus sis. V. Rein acu. Publicum & à Magistro, & iis qui statis definitisque temporibus scholasticorum progressus tentant (Examinatores vocamus) sedulitatis & doctrinæ auferre testimonium, quæro, numerare num debeat in bonis? T. Ac summis quidem atque amplissimis. Quantum conficio, gradum studiorum altiorem ascendisti. V. Ascendi verò: quod

M 4

mihi

mihi, parentibus, familiæque nostræ felix, faustum-
 quæ eueniat. T. Gratulor tibi honorem istum ex
 animo, & tua caussa ego quoque incedo lætitiæ.
 Quotus eras? V. Non ausim dicere, ne tu arrogantius
 quam verius id à me dici interpretere. T. Audacter e-
 nuntia: nam mihi suspicionem mendacii, aut ambitio-
 nis inouere non potes. V. Tertius fui. T. Quot tecum
 ascenderunt? V. Vndequatraginta. T. Non leue argu-
 mentum eruditionis, inter tot tam propè ad primam
 palmam accessisse: Quis vester signifer, & cory-
 phæus erat? V. Longinulus ille noster. T. Secun-
 dus? V. Frustrà nomine, quandoquidem non nōsti.
 T. Præstans ingenium fortitus est ille adolescentulus. V.
 Præstantissimum. Stupore complebat præfectos exa-
 mini, ita promptè, & rectè respondebat ad quæsitæ
 singula, afficiebaturq; ab iisdem diuinis laudibus. Quo-
 ties me illius loco esse optabam? Quod si quid veri-
 tatis haberet, quam superioribus diebus Magister nar-
 rabat inuexisse Pythagoram μετεμψύχωσιν, illius pueri
 animam cum ingenio suo, & probitate in meum
 corpus vellem immigrare. Cæterum anno vertente
 primas nulli cesserò. Et quoniam amat victoria curam,
 non est mihi consilium pati per socordiam vires, tem-
 pus, & ingenium defluere: legendo, scriptitando, edi-
 scendo etiam aliquid noctis assumam. Aliquando
 videlicet multum ingeniosos à studiosis superatos &
 vidimus, & accepimus. Quid multa? enitar summa
 ope me præstare cæteris omnibus. T. At illud se-
 ctatoribus literarum apprimè cauendum duco: ne
 quid nimis. V. Si periculum impendere sensero, mo-
 dera-

derabor cupiditati. T. Arbitror parentes tuos expectare huius felicitatis tuæ felicem nuntium. V. Hinc domū rectā propero: à me primū faxo audiant, quod gestum est: mihi ipsi persoluant *ευαγγέλιον*. T. Ex gratulationibus vix eminebis. D. Domesticos omnes mea gloria lætitiā ingentem agitatuos diuinat animus. Vale. T. Vale, sed quid agis? V. Quid vis? T. Nempe otium à literis est hodie? V. Fugit te ratio. Madidusne an siccus es, qui istuc me interrogas? T. Tamen nihil obest.

ANNOTATIONES.

QUOD SIC GESTIS) *Festus, Gestit qui subita felicitate exbilaratus, nimio corporis motu præter consuetudinē exultat. Latitia, voluptate gestire Cicero, quorum sensus idem est cum illo, quod ex veteri poetā adducitur. 2. de finib. Tanta latitia auctus sum, ut mihi nō constem.* **AM OENITATE AMOENA)** *Plautus & Lucretius delectantur hoc loquendi genere, in quo nomen adiectiuum eiusdem originis est, atque substantiuum cui copulatur.* **METEMΨΥΧΩΣΙΝ)** *μετεμψυχώω animam ex vno corpore in aliud transfero, traduco: ipsa translatio, & traductio huiusmodi, seu animarū in alia corpora immigratio μετεμψυχώσις, quasi dicas, transanimatio. Hoc dogma Pythagoreorū fuit, afferentium animas hominum in corpora bestiarum, atque etiam aliorum hominum se recipere. Plato in Phadone. Crin. l. 1. c. 3. Quorum placitum secutus Ennius scripsit somnia esse se mortuum esse, & Homeri animum in corpus suum*

migrasse: ex quo se optimum poetam extitisse, & versus
 Homericū similes scribere. Horat. ep. 1. lib. 2. Atque hac
 causa fuit, cur $\alpha\alpha\epsilon\rho\theta\Phi\alpha\gamma\acute{\iota}\alpha\nu$, seu $\epsilon\mu\psi\chi\theta\Phi\alpha\gamma\acute{\iota}\alpha\nu$ phibe-
 rent illi Philosophi: ne forte bubulam quis de proauo suo
 comederet. Plutarchus super ea re duos libellos edidit. Ad
 hanc mutationē allusit Horat. lib. 4. Ode 2. cū de Pin-
 daro cecinit: Multa Dircaum leuat aura cygnū, & cū
 se in album alitem, id est, in cygnum mutari dixit, lib. 2.
 Ode 20. Credebāt enim eos, qui numeris poetiis delecta-
 ti essent, alterius exordio vita in olores mutari, & aues
 canoras in cantores & poetas renasci, & cantores at-
 que poetas in aues musicas verti. Turneb. lib. 10. cap. 22.
 ET AΓΓΕΛΙΑ) Non modo fausti ac lati nuntij, verū
 etiam prēmia, quæ dantur lata nuntiāti, hoc vocabulo
 indicantur, idq; utroq; numero. Singularis quidem vsus
 est Homerus in Odyss semel & iterum, multitudinis Cic.
 ad Attic. lib. 2. O suauēs epistolas tuas vno tempore mihi
 datas duas: quibus $\epsilon\upsilon\alpha\gamma\gamma\acute{\epsilon}\lambda\iota\alpha$ quæ reddam nescio, deberi
 quidem planè fateor. SED QUID AIS?) Ita veteres,
 cū aliquid aliud præter antè dicta, aut quæ sita dictu-
 ri, aut quasituri erant Plaut. Bicchid. Sed quid ais? B.
 Quid est? Item in Asin. & Amphit. FUGIT TE RATIO)
 Fugit me ratio. sermo est eius, qui errauit, id est, qui a-
 liud dixit, aliud dicere voluit. Plaut. Amphit.

SO. peccaueram,

Nam Amphitruonis sociennum me esse solui dicere.

ME. Sciebam equidem nullum esse nobis, nisi me, seruum

Sosiam:

Ingit iteratio.

Ca: ull.

Catull similiter.

Haud quod modo dixeram me habere.

Fugit me ratio, meus sodalis

Cinna est Caius, is sibi parant.

Sumptum credibile est à ratiocinatoribus, qui interdum in deducendis & subducendis rationibus errant. In Bacchid. Plaut dixit. Vbi me fugiet memoria Mur. & Lamb. **MADIDVS ANSICCVS**) Siccos Latini nominant sobrios, ab ebriositate alienos. Cic. in Rullum. Vtrum esset vobis consilia siccorum, an vinolentorum somnia videntur? Idem in Academ Dormientium, & vinolentorum. & furiosorum visa imbecilliora esse dicebas, quam vigilantium siccorum & sanorum. Horat. Ode 18. l. 1. Sicci omnia nam Deus dura proposuit. Et, Ode 5. lib. 4 dicimus integrosicci manè diè. Plaut. Persa. Iam diu factum est cum bibimus, nimis sicci sumus. Opponitur autem huic voci contraria notione madidus, & vuidus apud Horat. Ode proximè nominata. Plaut. Aulul.

EV. Non potem ego quidem hercle. ME. At ego inffero Cadum & in Veteris ad me afferser.

EV. Nolo hercle, nam mihi bibere decretum est aquam.

ME Ego te hodie reddam madidum, si & inuo, probè.

Locus alius est in Afin. perelegans, in quo utramque vocem habes.

ART At scelestæ, ege præter alios meum & inuo sui nata. Siccum, frugi, continentem, amantem & inuo maxime.

PA Si nunc dehinc scito illum ante omnes minime mortales præti.

Madidum, nihil, incontinentem, atq; osorem & inuo sui.

PRO-

PROGYMNASMA
TRICESIMUM PRIMVM.

Premia.

PAVLVS, GREGORIVS, FAVSTINVS.

PAVLVS. Saluete te volumus, Gregori
noster. G. Saluete suauissimi sodales mei: quid
agitur? F. Mirabamur paulò antè ego, & Paulus
vbinam delitesceres: etenim circumferentes ocu-
los in omnem partem, cernere te non poteram-
us in loco, quo loco, nisi me fallit opinio, nun-
quam fuisses quàm hodie libentiùs. P. Aliqua de
improviso commotiuncula te ædibus exire, vt suspi-
cor, prohibuit. G. Nulla Paule. F. Quid ergo, amabo
te, creauit hanc absentiam? G. Dum per tabulata
in summis ædibus curro incautiùs, clauus cuspide è vetu-
sto affere prominente me indui: id vulnus me vt clau-
dum futorem residere domi solum adegit, & iucundissi-
mi spectaculi fructu priuauit. Sed vnde vos ad me? P.
Celeri passu ex ipso theatro huc nos contulimus. G.
Frons læta, & oculi ludimundi indicio sunt rem cecidisse
vt voluistis. P. Et ideo addito gradu ad te appropera-
uimus, vt voluptatis te nostræ participem faceremus. F.
Haud aliquando æquè beati fuimus vt hodie. G.
Audire expeto: præmia nempe, & secundam po-
puli admurmurationem consecuti estis. P. Qui bene
coniiciet, hunc vatem perhibeto optimum. Ita sanè,
obtinuimus præmia. G. Vterque? P. Vterque: atque vt
nihil

nihil omnino dubites, rem ipsam tibi auctorem proferemus. Ecce libellum. F. Ecce meum. G. O venustos, ô verè aureolos libellos: nam auro radiant, ac fulgent vndique. F. Considera Paulisper emblemata & parerga frontium: quàm oculis blandiuntur? G. Iste est tuus Paulus. P. Meus est. G. Vt bene, vt festiuè impressus est multicipitem Lernæ belluam contundens Hercules? P. Verte. G. O imaginem pulchram. Aeneas patrem suum Anchisen humeris positum ex incendio Troiano efferens: quem passibus etià non æquis parvus Iulus sequitur. F. Et meus, aspice, quàm elegantibus signis insignitus est? G. Sic est. Aperi, vt videam quis auctor, & qua de re scriptus. PVB. VIRGILIUS MARO. P. Ego Festum cum Scaligeri castigationibus, vide sis. G. Anno proximo superiore huiusmodi ego quoq; consecutus sum: quem librum, vt gryphes in Riphæis montibus aurum, custodio. Sum inopere parentes recreabitis hisce munusculis tam politis, & micantibus. F. Spero equidem. P. Fecitne medicinam pedi tuo chirurgus? C. Accuratissimè. P. Qua de mum ratione? G. Principiò expressit concretum sanguinem: post lauit vulnus, & subtili linteolo extersit; tû emplastrum applicuit, & pedem vt videtis circumligauit. F. Optimè. G. Intra dies paucos, Deo annuente, in scholam me rediturum, & vobiscum in campo ad Danubium cursura certaturum autumo. F. Ante noctem. Præceptorum nuntiabo de istoc aduerso casu tuo: nec me animi fallit, magno ei dolori futurum: amat enim te merito tuo, quod sæpe cognoui. P. Condiscipuli ad vnum dolebunt, cum intellexerint. G. Per-

G. Permodicum, & penè nihil est. Quorsum tragœdias in nugis? F. Nunc vale Gregori, nos discedimus. G. Et vos bene valete. P. Craftino te reuiseimus. G. Quod vëstra voluntas tulerit.

ANNOTATIONES.

CLAVDI CVSPIDÈ ME INDVI) Sic locutus est Caesar lib. 7. de bello Gallico. Se ipsi accutissimè vallis induebant. Virg. 10. Æneid.

— animo nunc huc nunc fluctuat illuc,

An sese mucrone ob ianum dedecus amens

Induat, & crudum per costas exigat ensẽm.

Genus dicendi inde natum, quod quæ in hærent corpori, è vestimento videntur. SECUNDAM POPVLI ADMVRMVRATIONEM)

Signa & notæ approbantium Θιονμασίαι Græci. Cic. ad Att. admirādas Θιονμασίαι auferebamus. QVI BENE CONIICIET) Cic. 2. de Diuinat. Est quidem græcus vulgaris in hanc sententiam versus.

Bene qui coniiciet, vatum hunc perhibeto optimum. Versus Euripidis hic est. μάρτυς δὲ ἄριστος, ὅστις εἰσάξει σοφῶς. Cuius principium citat idem Cicero more suo ad Atticum epist. 13 l. 7.

O VENUSTOS) Venustus, esse aliquando idem quod fortunatus, ac felix. & contra, inuenustus eandem habere subiectam vim, quam infortunatus & infelix, probat Nannius Miscel l. 1. Quæ quidẽ nõ ita vulgaris notæ, ac publicæ monetæ significatio videri merito potest. PARERGA FRONTIVM) Quibus de frontibus loquatur, aut quæ sint libri frontes, perspicuũ est.

est ex illo Ouidij eleg. 1. Trist. l. 1. ad librum suum, exte-
riores videlicet eius partes.


*Nec fragilis gemine poliantur pumice frontes,
Hirsutus passus sit scindere comis.*

De ijdem epigram. 1. Catull.

*Quot dono lepidum novum libellum;
Arida modo pumice expolitum.*

Martialis quoque lib. 1. pumicatam libri frontem dixit.
Nam quomodo nunc, ita antiquitus libri pellibus tege-
bantur, quas leuigare ac perpolire pumicibus solebant.
De volumine, cornibus, umbilicis, frontibus librorum,
vide Manut. in epistol. 7. lib. 3. VT GRYPHES IN
RIPHÆIS) Riphæi montes sunt in Scythia, in qua &
gryphes animalia, capite, & rostro aquilis (nisi quod au-
ribus equinis) reliquo corpore leonibus similia, alata ta-
men, & equis vehementer infesta, ut indicat etiam Vir-
gilius noto carmine eclog. 8. Iungentur iam gryphes e-
quis, &c. ibidemq; Seruius. Plin. lib. 7. cap. 2. Sed & iux-
ta eos, qui sunt ad septentrionem versi, haud procul ab
ipso aquilonis exortu, specûque eius dicto, quem locum
Gesclitron appellant, produntur Arimaſpi quos diximus,
vno oculo in fronte media insignes: quibus assidue bel-
lum esse circa metalla cum gryphis ferarum volucri ge-
nere: quale vulgò traditur, eruente ex cuniculis aurum
mira cupiditate, & feris custodientibus, & Arimaſpis ra-
pientibus, multi, sed maxime illustres Herodotus, & Ari-
steas Proconnesius scribunt. Idem lib. 10. cap. 49. Pega-
sos equino capite volucres, & gryphas aurita aduncitate
rostri

rostri fabulosos reor: illos in Scythia, hos in Æthiopia,
Lege Nicol. Leon. de varia hist. cap. 56. lib. 1.



PROGYMNASMA

TRICESIMUM SECUNDUM.

Repulsam passi.

MARTINVS, IOSEPHVS, LVCAS,
 GYMNASIARCHA.

MARTINVS. En vnquam hoc durissi-
 mo & intolerando seruitio exibo? in orbe
 terrarum nihil est me vno ærumnosius, nihil
 perditius. Prô Deum atque hominum fidem: iam
 sextum annum in pristino Grammatico miserabi-
 liter molo. Timæum Platonis, quo non esse quid-
 quam tenebricosius fama tenet, celerius credo, faci-
 liusque caperem. Heus heus, cohibete gradum: quo ain-
 bulatis vos? I. Ad gymnasij Præfectum tendimus. M.
 Quas ob res? I. Depulsi sumus de spe, ego Humanitatis,
 iste Rhetoricæ: vterque præteritus est à Nomenclato-
 re. M. Non igitur ego solus miser cum grege commilito-
 num meorum: me quoque (indignum facinus) ex-
 cluserunt schola Syntaxeos. Ibo simul, & enitar exo-
 rare virum, vt misereatur mei, consiliaq; meliora capes-
 sat. Equidem si centum annis sedero in ludo Grammati-
 co, nō plus addiscam quàm hoc sexennio: omnes bonæ
 felicitates aduerfantur & inuident mihi. I. Me verò
 Mobile cum fixo (quod illud Dii perdant) fecerunt im-
 mobilem, & tanquam in cruce suffixerunt. Cur tu,
 bone

bone Luca, non ascendisti? L. Dic quibus in terris: nam cur vos non ascendistis? M. Perperam respondimus in examine, malè scripsimus. L. Eodem me crimine alligavi, ut isti Triumviri asseuerant, qui doctrinam nostram periclitati sunt. Tam dignus ascensu fuisset, quàm alius quivis. I. Neque nos tam sumus rudes, & inepti, ut non, si minùs ex iustitia, certè quidem ex liberalitate, & gratia potuerint nos illi Critici in scholas superiores asciscere: id quod antehac factum. L. Non secus atque si quæstionem inter sicarios, aut sacrilegos exercerent, & crurifragium nobis perpetiendum esset, asperos se præbebant & rigidos. Æacum, Minoa, Rhadamantum de capitibus nostris iudicio decernere putares. Sed ipse Præfectus contrà tendit. G. Saluete adolescentes: quorsum hîc adestis? L. Reuerende Domine, prohibitus sum a ditu scholæ Rhetoricæ. G. Quid narrat Iosephus? I. Ab humanitate reiectus sum. G. Et Martinus? M. à Syntaxi. G. Bene habet: sic merebimini. L. A Domine, tuam fidem obsecro. Liceat ascendere. G. Non perpendis quid contendas. M. Sextus labitur annus, cum sedeo in scholâ Grammaticæ: pertæduit. G. Nisi tu doctior Grammaticæ fias, adhærebis ad scamnum tuum, usque ad annum sexagesimum. Tu similiter Iosephe, nec sequente autumno Humanitate donaberis, si ad sedulitatem non addideris vel plurimum. I. Atqui perpetuò disco, continenter in libris versor, usque ad supremam lassitudinem, donec defessus sim in edullis omnibus. G. Scriptio & responsa hoc quàm verum dicas demonstrarunt. Mitto barbarissimos:

N

re.

referta & scatens erat soltecissimis epistola tua : quod genus figuræ apud Lucam quoque elucebat : apud te, Luca, qui in Græcis alphabetum nescis, & neque soluta, neque pedibus deuincta oratione cum villo eorum qui ascenderunt comparandus es. Præcepta insuper non tenebas, adeò, vt vix semel aptè responderis. L. Timor verba præpediebat, quo pænè exanimabar. G. Scitum, & ignauis istis vsitatum : ignorantia culpam timori assignare. Victores illi profectò non timebant : quia quæ tu ignoras, ipsi sciebant, & ad pugnam suis tecti, instructique armis procedebant. M. Tuam clementiam precibus omnibus oro & obtestor, absoluat me tandem aliquando ab ista s. hola : satis diu iam hoc saxum voluo : polliceor incredibilem diligentiam in Syntaxi. G. Ote inconsultum, ô insipientem. Hoc laboras, vt domum ædificare tibi fas sit, nullumque fundamentum ponere. Sic faciunt omnes, qui ad grauiora, reconditoraque studia adiungunt animum, cum leuiora vix primoribus labris attigerint : quodque in priore consequi scientia debuissent, id se in superiore ludo promittunt velle discere, nec stant promissis. Adhuc vidi nullum, qui Grammaticæ indoctus, eam in Humanitatis, Rhetoricæ, Philosophiæ, Theologiæ aliarumque disciplinarum officinis didicerit. Quare, Luca, ne imponas tibi : non consequeris quod cupis. L. Heu. At enim nisi audis, parentibus dare me in conspectum non sustineo : efferuescent ira, & stomachum in me erumpent. G. Facesse, tute hoc intriuisi, tibi exedundum est. Commentare, quo pacto illis propitiis, & beneuolis vtra-

re. Mea nihil interest : nec ob tuum incommodum abrogandæ videntur commodæ leges gymnasii, & aperiendæ fenestrae discipulis ad socordiam. I. Ego, Domine, non audiui omnia à Magistro, in quibus interrogabar. G. Quid te impediuit? I. Occupationes variae non fuerunt me tam frequentem esse in ludo. G. An tu subducere me istis dictis postulas? Credibile est te metipsum tua voluntate coactum, tibi interdum mandasse negotia non necessaria. Vtunque sit, danda fuit opera, ut etiam illa cognosceres. L. A mi domine Praefecte, sum pauper; viuo alienis sumptibus, & ni ascendero, amisso Mæcenate, literis & scholæ cogar inultam salutem dicere. G. Contra torrentem niteris. Dedecorabis Mæcenatem; si, quod petis, impetrabis. Non enim ille te alendum suscepit, ut nunc in hac, paulò post in illa scholâ truncus super lignum sessitares; verùm ut eruditior semper teipso effectus, eius postmodum utilitatibus, cùm tempus venisset, commodares. Quòd si istas ratiunculas probauerimus: hæc aut illa non audiui cùm explicarentur: Mæceas non me posthac de suo alet: parentes è conspectu suo fugabunt; ex hoc ero diligens: iam multos annos hanc scholam frequentaui: si, inquam, has similesque ineptias pro aptè conclusis epichirematibus receperimus, hisque permoti, scholam eruditio rem aliquibus patefecerimus, nullum utique in inferioribus relinquemus. Quisnam status erit nostræ provinciae? quæ facies? in me postea culpa omnis transferatur: in me retundet ista calamitas. Mi. Patiare te flecti. L. Noli, propter Deum, respuere.

rationes. G. Immò si fiant, quæ vos futura afferitis, ad exemplum proderunt multis, feliciterque sapient, qui malis alienis sapient: & dum similia formidabunt, acrius se studiis inuoluent. Cur Præceptorum vestrorum pæne assiduæ cohortationes, obiurgationes, istorumque malorum, in quæ incidistis nunc, prædictiones nihil apud animos vestros vnquam valuerunt? Ecce iam pretium fertis ob stultitiam. Æquè autem vtile censeo scholis nostris, vos & similem vestri turbam multari hac ignominia, quàm alios vestrum dissimiles, hoc est, industrios & doctos adolescentes cumulari gloria: vtraque nimirum re, vt aliqua Respub. continentur. Quocirca desinite, iam conclamatum est: frustra operam conteritis. Auferte vos domum: abscedite hinc: molesti vltra ne sitis: nihil noui de vobis nouo aliquo edicto sancietur. L. M. I. Dignare misericordia miseros. G. Cur vos ante vestri ipsorum non miserebat? quem modò amicum inuenietis, cum vobis inetipsum hostes extiteritis? Serò sapiunt Phryges. L. Si post mensem idoneus fuero, nunquid non permittes me ascendere? G. Si. L. Conabor manibus & pedibus, noctesque & dies obnixè. M. Ego etiam laborem, ac studium adhibebo. G. Nimium miris modis mira prodigia, si tu actum reddas vno mense, quod sexennio non reddidisti. Magis istuc linguâ percipio dici, quàm factis credo fore. Nihilominus, vt ne atrocitatem meam accusare possitis, indulgeo spatium. I. Quoniam ea conditio istis offertur, volo eam quoque accipere. G. Tui est arbitrii. Sed hoc antè vobis denuntio, non plus gratiæ inuenturos, quàm nunc inue-

Inuenistis. Præcipiam insuper Magistris, vt deinceps austerius vobiscum agant, & verberibus ad discendum compellant magis quàm hactenus: si fortè hæc ratio ceu à brutis animantibus nonnihil possit extorquere. Trahunt aratrum fortius boues, si fodiuntur stimulis: & sub onere ambulant celerius asini, si ipsorum latera identidem percurrantur fustibus. Abite vnde huc pedem attulistis, & rebus vestris prospicite. Quin adhuc pauca attendite. Cicadæ æstatis tempore cantilenis assiduò sese oblectabant, cùm formicæ, vt sunt prudentes, ac non incautæ futuri bestiolæ, ingentem farris aceruum populates, magnis operibus in cauernas cibaria conueherent, quibus per hyemem victitarent. Fortè accidit, vt tritici grana terræ humoribus putrescentia cubilibus exportarent, & ad solis radios desiccarent. Præteriens cicada orat, vt alimoniam sibi dignentur esurienti impertiri. Tum formicæ; quid tu, inquit, per æstatem agebas? cur tibi quod ederes non colligebas? Ego verò, subiecit cicada, non eram otiosa: canebam inusitè. Hic arridentes formicæ responderunt: si æstate cecinisti, hyeme salta. Atque ita vacuam, vt venerat, inanemque discedere coegerunt. Nunc æstas est dum adolescitis: quando senescetis, hyems erit. Ibi tum iucundè, & suauiter fruemini, si quid modò vobis scientiæ pepereritis. Quod quia hucusque omisistis, otio autem, ambulationibus, ludis potius tempus transinistis, cùm condiscipuli vestri studiosè elaborârint in literis, an non idem illi quod formicæ cicadis, poterunt vobis exprobrare? O Luca, ô Iosephe, ô Martine, qui hac proxima æstate cecinistis.

nunc choros ducitote. Hæc in pectora vestra demittite, & ad frugem vos recipite. Verbum non addam: quin vos hinc amolimini. M. Occisissimus sum omnium qui viuunt hodie vsquam gentium. I. Quam nunc ego spem, quam opem, quod consilium capessam? Nullus sum. L. Ærumnas Herculis supero ærumnis meis: nec quid me nunc faciam scio. Parum abest, quin me relinquat animus.

ANNOTATIONES.

EN VNQVAM) id est. vnquàmne, hoc est, aliquando? vt Seruius interpretatur ad illos versus eclog. 1.

En vnquam patrios longo post tempore fines,

Pauperis & tuguri congestum cespitem culmen.

Post aliquot mea regna vident mirabor aristas?

Idem Poëta per interpositionem diuisit eclog. 8.

en erit vnquam

Ille dies, mihi cum liceat tua dicere facta?

Plaut. etiam Rud. Quæso, en vnquam hodie licebit mihi loqui? & Trinum, o pater, en vnquam aspiciam te? Terent. Phorm. En vnquam cuiquam contumeliosius Audisti factam iniuriam? IN PISTRINO MOLERES) Apud maiores nostros, inquit Seruius in 1. Æneid.) molarum non erat vsus, frumenta torrebant, & ea in pilas missa pinsebant, & hoc erat genus molendi: vnde & pinsores dicti sunt, qui nunc pistores vocantur. Hinc Virgil. frugesque receptas. Et torrere parant flammis, & frangere saxo. Inuenta sunt deinde mola asinaria, quas circum-

cumagerent asini: alia trusariles, qua hominum manibus versabantur maximo cum labore, & lassitudine. Inde ceptum vsurpari pistrinum, pro loco molestiarum laborumque pleno, & pro negotio nimium operoso. Terent. And.

Verberibus casum te in pistrinum. Dane dedam & sique ad nocem.

Ea lege atque omine, Et si te inde eximerim, ego pro te moriam.

Plaut. Mostell.

Rus mihi tu obiectas? sanè credo Tranio

Quod te in pistrinum scis actutum tradier.

TIMÆVM PLATONIS) Adagium, Platonici nameru obscurius, quo vsus est Cic. l. 7. ad Att. epist. 13. Plato quippe numeris Pythagoricis suam philosophia inuoluit & obscurat, lectorique nebulas, seu tenebras ingentes offundit, in dialogo precipue, qui Timæus, siue de natura inscribitur, quo nihil obscurius, de quo 2. de finib. cū rerum obscuritas, non verborum facit, vt non intelligatur ratio. qualis est in Timæo Platonis. Idem Acad. 1. in libru Platonu nihil affirmatur, & in vtramque partem multa differuntur, de omnibus quaritur, nihil certi dicitur. **DIC QVIBVS IN TERRIS**) e. log. 3. Damæas pastor ex Menæla quarit in hunc modum.

Dic quisbus in terris, & eris mihi magnus Apollo.

Tres pateas cæli spatium non amplius & linas.

Hanc questionem cū Menalcas dissolucere non posset, eque difficilem obiecit.

Dic quibns in terris inscripti nomina Regum

Nascuntur flores.

Quem morem & hodie vulgus imitatur in congressibus.
TRIUMVIRI) Triumviri, seu ut Plaut. saepe vocat, Tresviri, quidam capitales creabantur, quarum munus in facinorosos, & servos ius dicere. Iidem custodia carcerum praefecti erant, ipsorumque interuentu de maleficis supplicium sumebatur. Amphibit. Quid faciam nunc, si tresviri me in carcerem compegerint? Asin. Nam iam ex hoc loco ibo ego ad tresviros, vestraque ibi nomina, saxo. erunt. **CAPITIS** te perdam ego & filiam. **ILLI CRITICI**) Grammatici qui de scriptoribus & scriptis aliorum, imprimisque poetarum ferrent sententiam, sic appellati sunt. Qualis apud Horatium Metius Tarpaeus. Quintilius apud Gracos celebratissimus ille Aristarchus. Horat. epist. 1. lib. 2. Ennius & sapiens & fortis & alter Homerus, ut Critici dicunt. Tamen si vocem ipsam spectes, officium Critici male grammaticum finibus includitur; non recte, inquam, ipsa iudicandi facultas atque peritia, quaevis huius vocis est, tum actione confunditur, & $\chi\epsilon\iota\tau\iota\kappa\acute{o}s$ pro $\chi\epsilon\alpha\tau\iota\kappa\acute{o}s$ ponitur. Hoc non magis decet fieri, quam pro eodem habere $\pi\omicron\iota\eta\tau\iota\kappa\acute{o}s$ & $\pi\omicron\iota\eta\tau\iota\omega$, $\epsilon\upsilon\epsilon\tau\iota\kappa\acute{o}s$ & $\epsilon\upsilon\epsilon\tau\iota\omega$, $\sigma\pi\alpha\tau\iota\kappa\acute{o}s$ & $\sigma\pi\alpha\tau\iota\omega$. **ÆACVM, MINOA, RHADAMANTVM**) De his tribus inferorum iudicibus in 6. Æneid. Legendi mythologi, & maxime Natalis Comes. Propter iustitiam, quae in terris claruerunt, hoc honore donati à Ioue finguntur. **ADOMINE**) & adverbium quiritantis, aut commisserantis est, & per aliquam harum interiectionum redditur. ab, hei, hem. Est cum terrorem, & perturbationem declarat, tum valet hem, & eho. Catull. qui eo gau-

gaudet, prima notione dixit. At et tam miseri, malique fa-
ti. Hac idcirco breuiter, ne qui insolentia huius particu-
la deceptus, in Ah, commutanda putaret. Hoc s A-
XVM VOLVO) Sisyphum quod louem prodidisset, fa-
bulantur Poeta hac poena apud Orcum in perpetuum cru-
ciari, ut ingens saxum manibus & pedibus connexus, &
sudans in aduersum montem prouoluat. Cum autem non
longe abest a montis vertice, tum vi quadam valida sa-
xum repellitur, & in planitiem reuoluitur, ipseque iterare
laborem cogitur. Sisypho ambitiosos comparet Lucretius
in 3. his versibus.

Non petere imperium quod inane est, nec datur Enquam

Atque in eo semper durum sufferre laborem:

Hoc est aduerso nixantem trudere monte

Saxum, quod tamen a summo iam vertice rursus

Voluitur, & plani raptim petit aquora campi.

Hinc saxum voluere eos dicimus, qui inexhausto, nec ta-
men vtili labore conficiuntur. Terent. Eunuch. Satu diu
iam hoc saxum voluo. MULTAM SALVTEM DI-
CERE) Dicendi ratio e græco fonte profluens, ποῦ δὲ χαί-
ρειν λέγειν. Cicero epist. 33. lib. 7. Ego verò multam salu-
tem & foro dicam & curia: viuamque tecum multum
& cum communibus nostris amatoribus. VT ALIQUA
RESPUBLICA) Solonis est, de qua ita Cicero ad Brut.
epist. 15. Neque solum ut Solonis dictum usurpem, qui &
sapiens vnus fuit ex septem, & legum scriptor solus ex se-
ptem. Is Rempub. duabus rebus contineri dixit, premio &
poena G. Si) Breuiloquentia delectatos fuisse Lacones
constat. Inde λακωνίζειν, λακωνισμός. Paucissimi igitur

verbis, saepe uno, plurimum sententia complectebantur. Exemplum sint αἰνα, si. Qua vocetantum ad longam Legatorum Philippi orationem responderunt. Præterea cum illi scripsisset Philippus. Si exercitum duxero in Laconicos fines, deuastabo vos, etiam rescripserunt. Si. Plutarch. de garrulitate. Item, cum quaesiuisset, an ipsum in ciuitatem essent recepturi. Plutarchus eodem lib. cum ipsorum agrum ingressus, per literas quaesiuisset, vellentne se ut hostem, an ut amicum venire, responderunt, εἰ δὲ περὶ, neutrum Contrarium est Παρολογεῖν, Παρολογία, hæc enim loquacitatem, & sermonem nimis effusum, & prodigum significant. ÆRUMNAS HERCVLIS) Propter tam graues, & omnibus iam etiam tonsoribus notos labores, eosque non paucos, qui à diuersis Poëtis sunt descripti. Plaut. Persa.

Qui amans egens ingressus est princeps in amoris vias.

Superuixit arumnis suis arumnas Herculis:

Nam cum leone, & cum excetra, cum ceruo, apro

Ætolico,

Cum auiibus Stympheis, cum Anteo delubarima,
uelim,

Quam cum amore,

PROGYMNASMA
TRICESIMUM SECVNDVM.

Vacationes.

PETRVS.

PETRVS. Cùm duodecim mensibus voluat annus, Hilari, & is in quatuor tempora digeratur, in ver, æstatem, autumnum, hyemem: vnumquodque autem trimestri spatio terminetur; non sum animi dubius, quin tu, sicut in gradibus ætatis humanæ adolēcentiam, pueritiæ, constanti seu mediæ ætati, & senectæ præfers: ita in differentiis temporum æstatem cæteris anteponas: ac proinde æstiuis mensibus amplius delectere, quando pacatum nitet diffusum lumine cælum, rami baccarum vbertate incurvescunt, segetes largiuntur fruges, pellucidulis aquis manant fontes, quando suaves dædala tellus submittit flores, & rident æquora ponti. H. Esto sanè: quorsum tu istuc? P. Quorsum? nosse velim, ex Iunio, Iulio, Augusto: siue, vt veteres nominabant, Quintili & Sextili, ex his tribus, inquam, mensibus, ecquis tibi expectatissimus venire consueuerit? H. An etiam id dubitationem habere potest? Idem, Petre, qui tibi. P. Quem ergo mihi amabilem, acceptumque procedere autumas? H. Quid credis? Iulium. P. Quibus de causis? H. Quia Alcedonia sunt in scholis plus triginta, nedum quatuordecim diebus. Vacationum agitantur sollennes feriæ: licet deambulare, & sedare lusibus. In patriam quoque abeundi potestas conceditur ad visendos parentes, fratres, sorores, propinquos & affines: vbi tam blandæ salutationes, tam beneuolæ ac festiuæ congressiones, tam multæ vocationes ad honesta & delicata conuiuia. Quid verbis opus est? iucunditates sexcentæ. P. De ista

re nunquam tecum contendere certum est. Laudo, laudo maiorum nostrorum prudentiam, qui adolescentum valetudini ista relaxatione consulendum putauerunt, quam continentibus atque diuturnis litterarum contentionebus offendi exploratum est; cœlo æstuante potissimum, quali affligimur exorta canicula. Et mihi multò verissimum videtur illud epigrammatographi: pueri si æstate bene valent, satis discunt. H. Iam istuc vagandi, & vacandi tempus propinquat. P. Scio, fastos seu Kalendarium identidem adii. H. Quî traduces? P. Non omnino vsum librorum dimittam, nec me à nostris Musis proinde, ut si bellum ipsis indixissem, disiungam. H. Optimè verò, Petre, & fieri sic decet. Quid leges? P. Ea inprimis quæ liberalem & frugiferam delectationem pariant: ut sunt Græcorum, Romanorumque historiæ, & excellentium carmina poetarum. Exercitationem styli haud intermittam, dictata recensebo, audita mecum pertractabo. Denique ita has hebdomadas vacationum transigere constitui, ut etiam otii mei rationem afferre possim. H. Ego natale solum, quod me sui inmemorem esse non sinit, post quartum denique annum quàm discessi, videre destinaui. P. Et rectè. H. Addunt non mediocre calcar quas ab hinc triduum accepi literas: ex sunt paterna manu. Ante diem tertium Nonas Quintiles iter in patriam ingredi iubent. P. Quando huc te reuersurum augurare? H. Si erit, ut illi me citò dimittant, citò: mater inprimis, quæ extra me stirpem virilem, aut muliebre patri in eo nullam generauit. Et nosti quanta sit matrum, in vnicos præsertim,

Φιλοσοφία. P. Multas per sæpe opportunitates corrupe-
runt istæ matres, quæ sic efflictim amant liberos. H. Ta-
mèn per patrem impetrabo, vt ne vltimus omnium
huc reuertar. P. Plane ita faciendum sentio.

ANNOTATIONES.

VNVMQVODQVE AVTEM TRIMESTRI)
Adscribamus super hac re versiculos Ausonij.

*Æternos menses, & tempora quattuor annis
Quatuor ista tibi subiecta monosticha dicent,
Martius, Aprilis, Maius sunt tempora Veris.
Iulius, Augustus, nec non & Iunius, æstas,
Septembri, Octobri, autumnus, totoq; Novembri,
Brumales, Ianus, Februarius, atque December.*

IN GRADIBVS ÆTATIS HUMANÆ) Qua-
dripartita temporum commutationi Pythagoras homi-
num atatem comparauit, & in quatuor eam partes di-
stinxit, in pueritiam, adolescentiam, iuuentutem, sene-
ctutem. Primam veri alteram æstati, tertiam autumnus,
vltimam hyemi similem esse confirmans: singulis autem
20. annos tribuit. Laërt. Ouid. 15. Metamorph. Eandem
distributionem secutus est Horatius ad Pisones, vbi etiã
cuiusquæ ætatis mores naturamq; depingit. Varro à die
natali facit quinq; partes, siue gradus. In primo collocat
pueros, qui sic dicantur, quod sunt pueri, sine pube. impu-
bes, ad annum decimum quintum. In secundo adolescen-
tes, ab adolescendo appellatos, ad annum trigessimum. In
tertio iuuenes, quod domi forisquæ Rempub. iuuare pos-
sint,

sint, ad annum quadragesimum quintum. In quarto seniores, tum enim senescere corpus incipit, ad annum sexagesimum. In quinto qui ad finem vite extenditur, senes, quæ ætate corpus senio conficitur, & laborat. Singulis ergo, præter extremum, annos quindecim Varro decernit. Hippocrates septem gradus constituit, infantiam, pueritiam, adolescentiam, iuuentutem, virilem ætatem, senectutem, senium. Primi finem esse vult annum septimum: secundi decimumquartum: tertij duodetricesimum: quarti tricesimum quintum: quinti quadragesimum secundum: sexti quinquagesimum sextum: septimi & nouissimum annum vite humanæ. Vide insuper Gellium lib. 10. cap. 28. Tam quædam loquendi rationes in ætatibus, & anni temporibus & mensibus quoque accipiunt adolescentes. Incunte prima, extrema, exeunte adolescentia, iuuentute. Prouecta, præcipiti, adulta ætate, præcipiti, extrema senectute, &c. Sic incunte primo vere, exeunte, adulto, præcipiti. Virg. Vere nouo 1. Georg. Medio, adulto, pro nouo vere. Iisdem de ætate vitemur (quam itidem nouam in 4. dixit Virgilius, Caesarinitam & exactum) & de reliquis partibus, quas etiam senescentes, vt Cicer. hyemem pro lege Manil. & 2. de nat. deor. Item prouectas, vt Tacitus noctem, appellabimus. Quæ omnia fac erit ad menses accommodare. QUINTILI ET SEXTILI) Romulus annum digessit in menses decem, fecit quæ Martium primum. Aprilem secundum, propter Martem & Venetem auctores Romanæ gentis, tertium & maioribus cognominauit, quartum & iunioribus illum

Maium,

Maium, hunc Iunium: reliquos à numero. Quintilem quod esset quintus. Sextilem quod sextus: & sic deinceps. Ouid. 1. Fastor.

Maius erat primus mensis, Venerisq; secundus,

Hæc generis princeps, ipsius ille pater;

Tertius a sensibus: inuenum de nomine quartus;

Quæ sequitur, numero turba notata fuit.

Postea de nomine Iulij Casari, quod eo natus esset, ut Festus inquit, seu M. Antonio legem ferente, ut scripsit Macrobius, Quintilis appellari cœptus est Iulius. Sextilem è suo cognomine Augustus nuncupauit, magis quam Septembrem, quo erat natus: quod eo sibi & prius consulatus, & insignes victoria obtigissent. Suetonius in Octauio c. 31. Hanc licentiam sibi permitti voluerunt Tiberius, qui Septembrem à se Tiberium, & Octobrem Liuium: Nero, qui Aprilem Neronem, Maium Claudium, Iunium Germanicum nominari iussit. Domitianus autem, ut refert Suetonius c. 13. Septembrem mensem, & Octobrem ex appellationibus suis Germanicum, Domitianumq; transnominauit: quod altero suscepisset imperium altero natus esset. Lilius de annis & mensibus. Commodus quoq; Marci Antonini filius Septembrem ad suum nomen transferre conatus est, ut Commodus diceretur. Eutrop. lib. 8. Argutum est, quod de Tiberio scripsit Dio. Dùm ei instaret senatus, statueretque Nouembrem (eo mense natus erat, XVI. Kalend. Decemb.) Tiberium appellandum esse, ita respondit. Si vobis Casares erunt XIII. quid facietis? **ALCEDONIA SUNT IN SCHOLIS**) Halcedones seu Halcyones sunt aues

paullò maiores passeribus, media hyeme in littore maris
 nidos faciunt, oua pariunt, pullos excludunt. Quibus
 diebus silentibus planè ventis summa est calis serenitas,
 summa maris tranquillitas. Vnde dies illi Halcyonij. Vi-
 de Aristotelem de historia animalium libro 5. capite 8.
 Plinium libro 2. capite 17. libro 10. capite 32. Ælia-
 nam lib. 1. c. 36. Varronem de lingua latina lib. 6. Ser-
 uium in 1. Georg. Plautus Casina. ad quietem & tran-
 quillitatem à turbis & litibus in foro transferens, paræ-
 miam fecit. Tranquillum est, Alcedonia sunt in foro.
 Nos ad scholarum serias, quæ in mensem Iulium inci-
 dunt, festinè significandas adhiberi posse censuimus. I V-
 CUNDITATES SEXCENTÆ) Ingentem, infinitumq;
 numerum hoc verbo Latini declarant. Cicero ad
 Attic. Venio ad epistolastuas, quas ego sexcentas vno
 tempore accepi. Ad eundem. Belli periculum, militum
 improbitas, sexcenta praterea alia. Plaut. Trinum. Sex-
 centa ad eam rem caussa possunt colligi. Idem alibi. Sex-
 centa sunt quæ memorem, si sit otium. Terent. Phorm.
 Sexcentas perinde potius scribito dicas. Licet etiam vti
 verbo mille, eadem ratione. Plaut. Amor mille modis
 ignorandus est. OTII MEI RATIONEM AFFER-
 RE) Præclarus est locus in oratione pro Cn. Plancio,
 quem ad verba nostra illustranda totum adscribere non
 pigebit. Sed quid ego dicam de occupatis meis tempo-
 ribus, cui fuerit ne otium quidem vnquam otiosum?
 Nam quas tu commemoras, Cassi, legerete si lere ora-
 tiones, cum otiosus sis, has ego scripsi ludis & ferijs, ne
 omni-

omnino vnquam essem otiosus. Etenim M. Catonis illud, quod in principio scripsit Originum suarum, semper magnificum & praeclarum putavi: Clarorum virorum atq; magnorum, nō minus otij, quā negotij rationem exstare oportere. Iustinus praefatione, eiusdem dicti à Catone meminit. Columella lib. 2. c. 22. Sed cū tam otij, quā negotij rationē reddere maiores nostri cēserint. QVOD ME SVI IMMEMOREM) Cicer. 1. de Orat. Patria nos omnium maximè delectat: cuius rei tanta est vis, ac tanta natura, vt Ithacam illam asperrimis saxulis tanquā nidulum affixam sapientissimus vir immortalitati anteposuerit. De Vlysse loquitur, de quo & Homerus hoc ipsum Odissae 5. Ouid. de Pont. lib. 1. eleg. 4.

Non dubia est Ithaci prudentia, sed tamen optat

Eum de patrijs posse videre locis.

Nescio qua natale solum dulcedine cunctos

Ducit, & immemores non finit esse sui.

Quid melius Roma? Scythico quid frigore peius?

Huc tamen ex illa barbarus Urbe fugit.

Cū bene sint clausa canea Pandione nata,

Nititur in sylvas quaq; redire suas,

Assuetos tauri saltus, assucta leones,

Nec feritas illos impedit, antra petunt:

Scripsit encomium patriæ Lucianus, in quo sic inter cetera. Si de vrbiū electione optioneq; ageretur, nemo profectò contempta patriā, aliarum splendorem diuitiasq; sequeretur: non quod illas non cuperet, sed quod ijs patriam suam ornatam vellet: quam nihilominus qualiscunque esset, ceteris anteponeret. ANTE DIEM TERTIVM NONAS) Dicerem aliquid de hoc loquendi ge-

nere, ostenderemq; quo pacto cum ipsum diem, qui exprimitur, non precedentem significaret: item de illis, in ante diem, ex ante diem tertium Nonas, post diem tertium Kalendas, nisi me id iam pridem alibi prastitisse meminisssem. Consulendus & Manut. in epist. 8. lib. 2. & 7. l. 3. ad Attic.

PROGYMNASMA
TRICESIMUM QUARTUM.

Studium in sylvis ac nemoribus.

MINVTIVS, POLYDORVS, Magister.

MINVTIVS. Non ita pridem, cum essem forte ex tristitia perturbator, querebam ubi illam miseriam ex animo velut expuerem. De di me itaque ad legendas epistolas Plinii, quas abs te ut breues, argutulas, disertas, suaves, eruditas, & facetas inagnopere probari saepius animaduenteram. Incidi autem in sextam libri primi, qua ille memorat Cornelio Tacito, qui cum ei familiaritas mutua intercedebat, se in sylva dum venaretur, & ad retia federet, iaceretq; in proximo venabulum, quo scilicet feras in plagas se induentes transuerberaret, meditatum esse; cogitationesque suas stylo pugillaribus indidisse. Non est quod contemnas, inquit, hoc studendi genus mirum est, ut animus hac agitatione, motuq; corporis excitetur. Ita

vndi

undique sylua & solitudo, ipsumquē illud silentium quod
venationi datur, magna cogitationis incitamenta sunt.
Proinde cum venabere, licebit auctore me, ut panarium,
& lagunculam, sic etiam pugillares feras. Experieris non
Dianam magis montibus, quam Minervam inerrare.
His ita perlectis, egomet continuo in eam: conveni-
am Polydorum. ex eo sciscitabor, quid de hoc Pliniano
iudicio ipse iudicet: arbitreturne perinde Minervam
ut Dianam vagari per montes & nemora. P. Non ergo
hoc de nihilo est, quod me convenitum esse expetisti. M.
Non est Polydore, sed ausculta dum. Musis quidem cer-
tē, & ^{ἄσπετον} Phœbo montes, nemora, sylvas in qui-
bus habitent, & choros agitent, non arces, & vrbes
dedicatas novimus. Capiuntur item eiusmodi locis
poëtæ, & in ea secedere carmina composituri consue-
verunt. De Orpheo quoties legimus, ipsum canen-
tem bestias, & quercus insecutas. Quod si hoc anti-
quissimum ē doctis genus, poëtarum inquam, illic in
suo negotio percominodē versari potest; cur alii non
possunt? quid eos prohibet? Si solitudo ac silentium
studiis conducunt, ibi neutrum desideratur. Si liber cæ-
li aspectus, si lenes viridissimarum arborum susurri, si
dulces avicularum concentus, si placido cum mur-
mure de rupibus desilientes lymphæ cogitationem
minimē confundunt ac remorantur, quin potius spi-
ritum exsuscitant, animum hilaritate complent, at-
que ad propositam actionem attemperant, cur non
stamus à Plinio, & aliquando cum stylo, & palimpse-
sto, aut cum libro in nemus ambulatum inus, ibique

summa iucunditate diem conterimus? Virgilium poetarum excellentissimum in Campaniam frequenter, regionis amœnitate illectum secessisse, ibique bonam partem suorum carminum condidisse proditum est memoriæ. P. Quia sententiæ meæ particeps ut esses, idcirco istuc *ζήτημα* in medium attulisti, respondebo tibi, si spononderis prius, non emanaturum quod audieris: sum enim homunculus vnus è multis, nondum oracula cano. M. Quod mihi credideris, ait Plautus, fumes vbi posueris: alium putes licet rimarum plenum esse, non me. P. Locos solos, ac silentium quàm altissimum legentibus, scribentibus, commentantibus vehementer commodare fatendum est, nec inter arbitros, clamores, strepitus quantumcunque mediocres animum pro eo ac vellet, deberetque suum posse agere negotium. Hinc videmus literarum candidatos amare secessus, & locos interiores, ac penitus silentes captare, ne per idola, & imagines rerû sensibus perceptarum mens sese diuidere, ac pluribus impertiri cogitationem, & veluti pugnam quandam tolerare cogatur. Demosthenes ille, cuius eloquentia obstupuit vniuersa Græcia, studendi causâ latebrosè ab hominum conspectu, loco subterraneo se occultabat, ex quo nulla vox audiretur, nihil videretur. quare? ne oculi, & aures aliò mentem auocarent. Si Philosophorum, si Oratorum, aliorumque literis præcellentium vitam legas, non multos in turba magis quàm in solitudine, solis libris præsentibus, respondentibusque suas res egisse inuenies. M. Prorsus tecum sentio. P. At verò quod quis ad hoc idem aliquid valere nemora & syluas

sylvas contendat, propter ratiunculas quas tu afferebas, hoc aliquid nihil est. Iucundi sunt eiusmodi secessus, verum ad ea quæ nos quærimus non sunt accommodati. Siquidem illa eadem quæ sensibus blandiuntur, & animum delectant, eum ipsum ab opere destinato quasi retrorsum raptant: qui, quò pluribus est intentus (ut vulgatus inquit versiculus) eò minor est, eò minus valet ad singula: valet, vbi totus intenditur. Ac miror equidem Plinium hunc à Magistro suo Quintiliano dissentire voluisse, quem lib. 17. cap. 3. hanc opinionem euellisse è mentibus hominum non ignorabat. nisi forsitan, (quod video fieri potuisse) hic illò posterius Institutiones suas in lucem emisit. Sylvarum porro, nemora, montes, ut etiam flumina, fontes, cytharæ, cantus non ideo Musis tribuuntur, quòd poetas vel necessarium, vel utile sit in illis locis, aut circum illa loca versari: sed ut studii ipsorum quod tractant suauitates, & vsitata materia isto modo, istisque fictionibus indicentur. Bene igitur Flaccus.

*Me doctarum edere premia frontium
Dys miscet superis: me gelidum nemus
Nympharumq; leues cum Satyris chori
Secernunt populo. si nequetibias
Euterpe bibet, nec Polyhymnia
Lesboum refugit tendere barbiton.*

M. Tibi profecto, & clarissimo doctori Quintiliano suffragabor, amœnitatēque illa locorum, ut hortis, non nisi ad meram, & solam animi oblectationem cum utar ipse, tum utendum, si fuerit occasio, suadebo.

ANNOTATIONES.

BESTIAS ET QUERCUS INSECUTAS) Horat. Ode 12. lib. 1.

*Aut in Umbrosis Heliconis oris,
Aut super Pindo, gelidæ in Hæmo,
Vnde Vocalem temerè infecata
Orphea sylvæ.*


*Arte materna rapidos morantem
Fluminum lapsus celerisq; Ventos;
Blandum & auræ fidibus canoris
Ducere quercus.*

Propert. lib. 3. eleg. 1.

*Orphen, te tenuisse feras, & concita dicunt
Flumina Thracica detinuisse lyra.*

Fabulam hanc, ut item alteram de cantu & lyra Amphionii, explicat Horat. epist. ad Pisones. LOCOS SOLOS) sola loca, seu locos solos (nam utrumque in usu est) vocant scriptores antiqui deserta infrequentia loca, & in quibus nemo habitet. Plant. Rud. Neque magis sola terra sola sunt, quàm hæc loca, atque hæc regiones. Lucretius libro 6. Cur etiam loca sola petunt, frustra q; laborant. Cic. de Divinat. Cum in locis solis mæstus errares. Probus in Eumine. Si per loca sola contenderet, sperabat se imprudentem hostem oppressurum. Terent. Phorm. solas terras. Virg. in eclog solos montes. Catull. solam rupem, solam arenam. Sallust. solas vias dixit. A MAGISTRO SVO QUINTIL.) Inter cætera: mihi, inquit, iucundus hic magis, quàm studiorum hortator videtur esse secessus. Namq; illa ipsa qua delectant, necesse est auocent

ab intentione operis distincti. Neque enim se bona fide in multo simul intendere animus totum potest: & quocunque respexerit, desinit intueri quod propositum erat. Quintilianum magistrum suum nominat Plinius epistola 14. lib. 2.



PROGYMNASMA TRICESIMUM QUINTUM.

Mutuatio calami.

CONRADINVS, PIGMENIVS.

CONRADINVS. Da mihi, oro, vtendum calamum. P. Nullos habeo calamos hodie, quos tibi dem mutuos. C. Thecam plenam apud te vidi. P. Per somnium fortassis. Sed dicam vno verbo rem totam: nullos habeo, quos tu commodatos retineas. C. Quæ tam mala mens in hanc te suspicionem impellit? tam peruersè de me existimas? cho, nondum nôsti mores meos: verum, ne sis in mora, da mutuum calamum. P. Vbi tui? C. Meliusculos reliqui domi: deteriores portaui mecum per imprudentiam. P. At tu meum quoque disperderes, aut nimium premendo, aut in ipso intinctu, ad fundum atramentarii allidendo videlicet. C. Leuiter ducam per chartam, sensum intingam, salua culpe. P. Multane descripturus? C. Tantummodò versus aliquot à Præceptore post heram

explanandos: vt nimirum glossulas interserere queam: nam retinere eas non possum ob tenuitatem memoriæ, Si quid mutuaberis à me, seu calamos, seu papyrum, seu librum, seu quid aliud, dabitur mutuū haud grauatò. P. Ecce tibi probatum calamum, quem dono, tuus esto. P. Multū te, mi Pigmeni, de istac liberalitate amo. C. Experiar. Profectò idoneus est, si quis alius, ad decorè forinandas literas.

ANNOTATIONES.

DA VTENDVM CALAMVM) Concedere, accommodare, pro mutuari concessum pro mutuum, concessio pro mutuatione, latina esse non puto. Nec dare, accipere commodatò, accommodatò. Dicamus ergo, commodare, mutuum, vtendum dare aliquid. Cicero, mutuum sumere, non accipere, & mutuum, non mutuo. Nos etiam commodatum, reddendum sumere. Plautus vtendum & mutuum coniunxit in Persa.

*Tecumq; oraui, & nummos sexcentos mibi
Dares vtendos musuos.*

QVÆ TAM MALAMENS) bona mens, mala mens Latinis sepius est recta, peruersa voluntas. Exemplum in tanta copia vnicum proferam. Catull.

*Quenam te mala mens, miselle Rauide,
Agit precipitem in meos iambos?*

Interdum ipsa ratio, & ingenium seu natura. Vnde consilia, & voluntates bonæ aut prauæ existunt. Terent. Andr. mala mens, malus animus.

PRO-

PROGYMNASMA
TRICESIMVM SEXTVM.

Frustratio petiti atramenti.

SIMPLICIVS, ZEPHERINVS

SIMPLICIVS. Magnum apud me beneficium sponeret, qui paucillum atramenti in vasculum hoc meum, cuius linteolum pænè exaruit, infundere de suo dignaretur. Si lanam, aut tomentum imposuissem, & calamos intingendo corrupissem, & iam pridem atramento caruissem. Tu Zepherine, quoniam circumfers atramentarium instar lampadis, aut mortarii vastum & amplum, ne deneges mihi ad incitas redacto quam summissè peto stipem, seu eleemosynam. Z. Vix quarta pars horæ præterit, cum alius idem quoque me poposcit: & dedi. Nunc si tibi similiter dederò, veniet tertius, deinde quartus, deinde quintus, & ita me exarabitis omnino, & mendicitatem mihi offeretis. S. Non venient, interpono fidem meam. Z. Quis scis? S. Vidi, cum intingerent calamos, referre eos ex atramentariolis madidissimos. Z. Quin aquam infundis? S. Exeundum esset è schola, currendumq; ad fontem in forum propter sex septem aquæ guttulas. Z. Inspue. S. Linguam nimis siccam gero. Da si quid das: & si vis dare bis, da citò semel. Z. I, aliam quercum excute, aliunde exora quo indiges: atramentum hoc mihi coxi, non tibi. S. Saltem da mutuum, si non vis gratuitò, rem tan-

tillam. Z. Pergin' aures tundere : abi hinc. S. Aliquando tu etiam egebis aliquo : tum accedito ad Simplicium, par pari referet. Spectate huius Zepherini inhumanitatem & auaritiâ. Ego te pro istis factis mactabo infortunio.

ANNOTATIONES.

LANAM AUT TOMETVM) Tomentum appellatû, quod aut in filo, aut in tela tumeat. Isid l. 19. c. 27. Lanabreuis forpicibus defecta, aut in poliando à fullono de pannu rudibus, aut interpolatû deducta, qua infarciuntur culcita qualescunq. Nomenclat. Suet. in Tiberio, cap. 54. Druso autem alimenta ad eod subducta, vt tomentum è culcita tentaueris mandare. A τέννω deducitur, incido. AD INCITAS REDACTO) Plaut. Trinum. Hem hic cuius est (ager vt ad incitas redactus? Idem tæ-nul. Tace modò, profectò ad incitas lenonem rediget. De his dici solitû, quos extrema premit egestas: incita enim pro egestate ponitur. Nonius. SI VIS DAREBIS) Pro-uerbium: bis dat, qui citò dat. Quomodo? quia altero tanto gratius est. Extat hac de re epigramma græcum Luciani, quod Ausonius in hunc modû reddidit latinum.

Gratia que tarda est, ingrata est: gratia namq.

Cum fieri properat, gratta gratta magis.

Aliter.

Si bene quid facias, facias citò, nam citò factum

Gratum erit. Ingratum gratta tarda facit.

Et nostrum.

Dulcior est multò cita gratta: tardior autem

Interit, & dici gratta non poterit.

PRO.

PROGYMNASMA
TRICESIMVM SEPTIMVM.

Ludendi potestas recusata.

FLAVIVS, AVRELIVS, IVLIANVS.

FLAUVS. Magister iussit nos dare operam luf-
tunculae: veni Aureli, veni Iuliane, venite lultis ambo.
A. Quid hic narrat? F. Quod certissimum est, quod-
que iam ipse ludentium clamor nunciabit tibi. I. Siue ita
est vt dicis, siue comminisceris aliquid, non ludo. F. Qua-
re? I. Praestat me praelecta repetere, quam lusu bo-
num tempus perdere. A. Ego inchoavi epistolam:
si intermisero, multo postea difficilius, animo iam di-
stracto, & aptis ad rem propositam cogitationibus tum
dissipatis coepta pertexam. F. Ohe, quam parcos tempo-
ris habeo condiscipulos? non alii quoque exhibituri
sunt Magistro epistolas? non debent alii quoque pra-
electa repetere? non facere quae vos facitis omnia? A. A-
page lusor, ne molestiam nobis exhibeas, foetet tuus
sermo nobis. I. Quisque sibi ferit, sibi metit. F. At Magi-
ster iussit ludere. I. Falsum est: volentibus permisit, no-
lentes nunquam cogit: & sciò illum studentes quam
lulitantes habere chariores. Ac tu si rectè facias, lu-
dum studiis posthabeas. F. Si ægorabitur? A. Te Æ-
sculapium inuocabimus. F. Interdicerem vobis li-
bris. I. Quamdiu? F. Ad sex menses. A. Tum tibi por-
cus sacrificandus esset. F. Quì dum? A. Quia insanires.
F. Va.

sint, ad annum quadragesimum quintum. In quarto seniores, tum enim senescere corpus incipit, ad annum sexagesimum. In quinto qui ad finem vitæ extenditur, senes, quæ ætate corpus senio conficitur, & laborat. singulis ergo, præter extremum, annos quindecim Varro decernit. Hippocrates septem gradus constituit, infantiam, pueritiam, adolescentiam, iuuentutem, virilem ætatem, senectutem, senium. Primi finem esse vult annum septimum: secundi decimumquartum: tertij duodevicesimum: quarti tricesimum quintum: quinti quadragesimum secundum: sexti quinquagesimum sextum: septimum novissimum annum vitæ humanæ. Vide insuper Gellium lib. 10 cap. 28. Iam quasdam loquendi rationes in ætatibus, & anni temporibus & mensibus quoque accipiant adolescentes. Incunte prima, extrema, exeunte adolescentia, iuuentute. Proiecta, præcipiti, adulta ætate, præcipiti, extrema senectute, &c. sic incunte primo vere, exeunte, adulto, præcipiti. Virg. Vere nouo 1. Georg. Medio, adulto, prono vere. isdem de ætate utemur (quanti idem nouam in 4. dixit Virgilius, Caesar initam & exactum) & de reliquis partibus, quas etiam senescentes, ut Cicer. hyemem prælege Manil. & 2. de nat. deor. Item proiectas, ut Tacitus noctem, appellabimus. Quæ omnia fac erit ad menses accommodare. QUINTILI ET SEXTILI) Romulus annum digessit in menses decem, fecit quæ Martium primum. Aprilem secundum, propter Martem & Venetrem auctores Romanæ gentis, tertium & maioribus cognominauit, quartum à iunioribus illum Maium,

Maium, hunc Iunium: reliquos à numero. Quintilem quod esset quintus. Sextilem quod sextus: & sic deinceps. Ouid. 1. Fastor.

Martis erat primus mensis, Venerisq; secundus,

Hac generis princeps, ipsius ille pater;

Tertius à sensibus: inuenit de nomine quartus;

Quæ sequitur, numero turba notata fuit.

Postea de nomine Iulij Casari, quod eo natus esset, ut Festus inquit, seu M. Antonio legem ferente. ut scripsit Macrobius, Quintilis appellari coëptus est Iulius. Sextilem è suo cognomine Augustus nuncupauit, magis quam Septembrem, quo erat natus: quod eo sibi & prius consulatus, & insignes victoria obtigissent. Suetonius in Octauio c. 31. Hanc licentiam sibi permitti voluerunt Tiberius, qui Septembrem à se Tiberium, & Octobrem Liuium; Nero, qui Aprilem Neronem, Maium Claudium, Iunium Germanicum nominari iussit. Domitianus autem, ut refert Suetonius c. 13. Septembrem mensim, & Octobrem ex appellationibus suis Germanicum, Domitianumq; transnominauit: quod altero suscepisset imperium, altero natus esset. Lilius de annis & mensibus. Commodus quoq; Marci Antonini filius Septembrem ad suum nomen transferre conatus est, ut Commodus diceretur. Eutrop. lib. 8. Argutum est, quod de Tiberio scripsit Dio. Dùm ei instaret senatus, statueretque Nouembrem (eo mense natus erat, XVI. Kalend. Decemb.) Tiberium appellandum esse, ita respondit. Si vobis Casares erunt XIII. quid facietis? **ALCEDONIA SUNT IN SCHOLIS**) Halcedones seu Halcyones sunt aues

paullò maiores passeribus, media hyeme in littore mari-
 nidos faciunt, oua pariunt, pullos excludunt. Quibus
 diebus silentibus planè ventis summa est celi serenitas,
 summa maris tranquillitas. Vnde dies illi Halcyonij. Vi-
 de Aristotelem de historia animalium libro 5. capite 8.
 Plinium libro 2. capite 17. libro 10. capite 32. Ælia-
 num lib. 1. c. 36. Varronem de lingua latina lib. 6. Ser-
 uium in 1. Georg. Plautus Casina. ad quietem & tran-
 quillitatem à turbis & litibus in foro transferens, paræ-
 miam fecit. Tranquillum est, Alcedonia sunt in foro.
 Nos ad scholarum ferias, quæ in mensem Iulium inci-
 dunt, festiuè significandas adhiberi posse censuimus. I V-
 CUNDITATES SEXCENTÆ) Ingentem, infini-
 tumq; numerum hoc verbo Latini declarant. Cicero ad
 Attic. Venio ad epistolas tuas, quas ego sexcentas vno
 tempore accepi. Ad eundem. Belli periculum, militum
 improbitas, sexcenta præterea alia. Plaut. Trinum. Sex-
 centa ad eam rem causæ possunt colligi. Idem alibi. Sex-
 centa sunt quæ memorem, si sit otium. Terent. Phorm.
 Sexcentas perinde potius scribito dicas. Licet etiam vti
 verbo mille, eadem ratione. Plaut. Amor mille modis
 ignorandus est. OTI I MEI RATIONEM AFFER-
 RE) Præclarus est locus in oratione pro Cn. Plancio,
 quem ad verba nostra illustranda totum adscribere non
 pigebit. Sed quid ego dicam de occupatis meis tempo-
 ribus, cui fuerit ne otium, quidem vnquam otiosum?
 Nam quas tu commemoras, Cassi, legeret & lere ora-
 tiones, cum otiosus sis, has ego scripsi ludis & ferijs, ne
 omni-

omnino vnquam essem otiosus. Etenim M. Catonis illud, quod in principio scripsit Originum suarum, semper magnificum & praeclarum putavi: Clarorum virorum atq; magnorum, nō minus otij, quā negotij rationem exstare oportere. Iustinus praefatione, eiusdem dicti à Catone meminit. Columella lib. 2. c. 22. Sed cū tam otij, quā negotij rationē reddere maiores nostri cōsuerint. QVOD ME SVI IMMEMOREM) Cicer. 1. de Orat. Patria nos omnium maximè delectat: cuius rei tanta est vis, ac tanta natura, vt Ithacam illam asperrimis saxulis tanquā nidulum affixam sapientissimus vir immortalitati anteposuerit. De Vlysse loquitur, de quo & Homerus hoc ipsum Odissae 5. Ouid. de Pont. lib. 1. eleg. 4.

Non dubia est Ithaci prudentia, sed tamen optat

Eum de patrijs posse videre locis.

Nescio qua natale solum dulcedine cunctos

Ducit, & immemores non sinit esse sui.

Quid melius Roma? Scythico quid frigore peius?

Huc tamen ex illa barbarus Orbe fugit.

Cū bene sint clausa canea Pandione nata,

Nititur in sylvas quaq; redire suas,

Assuetos tauri saltus, assueti leones,

Nec feritas illos impedit, antra petunt:

Scripsit encomium patriæ Lucianus, in quo sic inter cetera. Si de vrbiū electione optioneq; ageretur, nemo profectò contempta patria, aliarum splendorem diuitiasq; sequeretur: non quod illas non cuperet, sed quod ijs patriam suam ornatam vellet: quam nihilominus qualiscunque esset, ceteris anteponeret. ANTE DIEM TERTIVM NONAS) Dicerem aliquid de hoc loquendi ge-

nere, ostenderemq; quo pacto eum ipsum diem, qui exprimitur, non precedentem significaret: item de illis, in ante diem, ex ante diem tertium Nonas, post diem tertium Kalendas, nisi me id iam pridem alibi prastitisse meminissem. Consulendus & Manut. in epist. 8. lib. 2. & 7. l. 3. ad Attic.

PROGYMNASMA
TRICESIMUM QUARTUM.

Studium in sylvis ac nemoribus.

MINVTIVS, POLYDORVS, Magister.

MINVTIVS. Non ita pridem, cum essem forte ex tristitia perturbator, quærebam ubi illam miseriam ex animo velut expuerem. De di me itaque ad legendas epistolas Plinii, quas abs te vt breues, argutulas, disertas, suaues, eruditas, & facetas inagnopere probari sæpius animaduenteram. Incidi autem in sextam libri primi, qua ille memorat Cornelio Tacito, qui cum ei familiaritas mutua intercedebat, se in sylua dum venaretur, & ad retia federet, iaceretq; in proximo venabulum, quo scilicet feras in plagas se induentes transuerberaret, meditatum esse; cogitationesque suas stylo pugillaribus indidisse. Non est quod contemnas, inquit, hoc studendi genus mirum est, vt animus hac agitatione, motuq; corporis excitetur. Iam

vndi-

*Undique sylvas & solitudo, ipsumque illud silentium quod
 venationi datur, magna cogitationis incitamenta sunt.
 Proinde cum venabere, licebit auctore me, ut panarium,
 & lagunculam, sic etiam pugillares feras. Experieris non
 Dianam magis montibus, quam Minervam inerrare.
 His ita perlectis, egomet continuo mecum: conveni-
 am Polydorum. ex eo seiscitabor, quid de hoc Pliniano
 iudicio ipse iudicet: arbitretur perinde Minervam
 ut Dianam vagari per montes & nemora. P. Non ergo
 hoc de nihilo est, quod me conventum esse expetisti. M.
 Non est Polydore, sed ausculta dum. Musis quidem cer-
 ta, & *μῶν ἑστῆναι* Phæbo montes, nemora, sylvas in qui-
 bus habitent, & choros agitent, non arces, & vrbes
 dedicatas novimus. Capiuntur item eiusmodi locis
 poëtæ, & in ea secedere carmina composituri consue-
 verunt. De Orpheo quoties legimus, ipsum canen-
 tem bestias, & quercus infecutas. Quod si hoc anti-
 quissimum è doctis genus, poëtarum, inquam, illic in
 suo negotio percominodè versari potest; cur alii non
 possunt? quid eos prohibet? Si solitudo ac silentium
 studiis conducunt, ibi neutrum desideratur. Si liber ca-
 li aspectus, si lenes viridissimarum arborum susurri, si
 dulces avicularum concentus, si placido cum mur-
 mure de rupibus desilientes hymphæ cogitationem
 minimè confundunt ac remorantur, quin potius spi-
 ritum exsuscitant, animum hilaritate complent, at-
 que ad propositam actionem attemperant, cur non
 istam à Plinio, & aliquando cum stylo, & palimpse-
 sto, aut cum libro in nemus ambulatum inus, ibique
 O 2 summa*

summa iucunditate diem conterimus? Virgilium
 poetarum excellentissimum in Campaniam fre-
 quenter, regionis amœnitate illectum secessisse, ibi-
 que bonam partem suorum carminum condidisse pro-
 ditum est memoriæ. P. Quia sententiæ meæ particeps
 ut esses, idcirco istuc *ἑνταῦθα* in medium attulisti, re-
 spondebo tibi, si sponderis prius, non emanaturum
 quod audieris: sum enim homunculus vnus è multis,
 nondum oracula cano. M. Quod mihi credide-
 ris, ait Plautus, sumes vbi posueris: alium putes li-
 cet rimarum plenum esse, non me. P. Locos so-
 los, ac silentium quàm altissimum legentibus, scriben-
 tibus, commentantibus vehementer commodare fa-
 tendum est, nec inter arbitros, clamores, strepitus quan-
 tumcunque mediocres animum pro eo ac vellet, debe-
 retque suum posse agere negotium. Hinc videmus li-
 terarum candidatos amare secessus, & locos interiores,
 ac penitus silentes captare, ne per idola, & imagines rerū
 sensibus perceptarum mens sese diuidere, ac pluribus
 impertiri cogitationem, & veluti pugnam quandam to-
 lerare cogatur. Demosthenes ille, cuius eloquentia ob-
 stupuit vniuersa Græcia, studendi causa latebrosè ab
 hominum conspectu, loco subterraneo se occultabat, ex
 quo nulla vox audiretur, nihil videretur. quare? ne
 oculi, & aures alio mentem auocarent. Si Philosopho-
 rum, si Oratorum, aliorumque literis præcellen-
 tium vitam legas, non multos in turba magis quàm in
 solitudine, solis libris præsentibus, respondentibusque
 suas res egisse inuenies. M. Prorsus tecum sentio. P. At
 verò quod quis ad hoc idem aliquid valere nemora &
 syluas

sylvas contendat, propter ratiunculas quas tu afferebas, hoc aliquid nihil est. Iucundi sunt eiusmodi secessus, verum ad ea quæ nos quærimus non sunt accommodati. Siquidem illa eadem quæ sensibus blandiuntur, & animum delectant, eum ipsum ab opere destinato quasi retrorsum raptant: qui, quò pluribus est intentus (ut vulgatus inquit versiculus) eò minor est, eò minus valet ad singula: valet, vbi totus intenditur. Ac miror equidem Plinium hunc à Magistro suo Quintiliano dissentire voluisse, quem lib. 17. cap. 3. hanc opinionem euellisse è mentibus hominum non ignorabat. nisi forsitan, (quod video fieri potuisse) hic illo posterius Institutiones suas in lucem emisit. Sylvarum porro, nemora, montes, ut etiam flumina, fontes, cytharæ, cantus non ideo Musis tribuuntur, quòd poetas vel necessarium, vel utile sit in illis locis, aut circum illa loca versari: sed ut studii ipsorum quod tractant suauitates, & visitata materia isto modo, istisque fictionibus indicentur. Bene igitur Flaccus.

*Me doctarum edere premia frontium
Dys miscent superis: me gelidum nemus
Nympharumq; leues cum Satyris chori
Secernunt populo, si neque tibia
Euterpe cohibet, nec Polyhymnia
Lesboum refugit tendere barbiton.*

M. Tibi profecto, & clarissimo doctori Quintiliano suffragabor, amoenitatēque illa locorum, ut hortis, non nisi ad meram, & solam animi oblectationem cum utar ipse, tum utendum, si fuerit occasio, suadebo.

ANNOTATIONES.

BESTIAS ET QUERCUS INSECUTAS) Ho-
rat. Ode 12. lib. 1.

*Aut in Umbrosis Heliconis oris;
Aut super Pindo, gelidone in Hamo,
Vnde Vocalem temerè insecuta*


*Orphea Sylva,
Arte materna rapidos morantem
Fluminum lapsus celeresq; Ventos;
Blandum & auristas fidibus canoris
Ducere quercus.*

Propert. lib. 3. eleg. 1.

*Orpheu, te tenuisse feras, & concita dicunt
Flumina Thracia detinuisse lyra.*

Fabulam hanc, vt item alteram de cantu & lyra Amphionu, explicat Horat. epist. ad Pisones. LOCOS SO-
LOS) sola loca, seu locos solos (nam vtutrumque in vfu est)
vocant scriptores antiqui deserta infrequētia loca, & in
quibus nemo habitet. Plaut. Rud. Neque magis sola ter-
ra sola sunt, quàm hæc loca, atque hæc regiones. Lucretius
libro 6. Cur etiam loca sola petunt, frustra q; laborant.
Cic. de Diuinat. Cum in locis solis mæstus errares. Pro-
bus in Eumine. Si per loca sola contenderet, sperabat se
imprudenter hostem oppressurum. Terent. Phorm. solas
terras. Virg. in eclog solos montes. Catull. solam rupem,
solam arenam. Sallust. solas vias dixit. A MAGISTRO
SVO QVINTIL.) Inter cetera: mihi, inquit, incun-
dus hic magis, quàm studiorum hortator videtur esse se-
cessus. Namq; illa ipsa qua delectant, necesse est auocent

ab intentione operis distincti. Neque enim se bona fide in multis simul intendere animus totum potest: & quocunque respexerit, desinit intueri quod propositum erat. Quintilianum magistrum suum nominat Plinius epistola 14. lib. 2.



PROGYMNASMA TRICESIMUM QUINTVM.

Mutuatio calami.

CONRADINVS, PIGMENTVS.

CONRADINVS. Da mihi, oro, vtendum calamum. P. Nullos habeo calamos hodie, quos tibi dem mutuos. C. Thecam plenam apud te vidi. P. Per somnium fortassis. Sed dicam vno verbo rem totam: nullos habeo, quos tu commodatos retineas. C. Quæ tam mala mens in hanc te suspicionem impellit? tam peruersè de me existimas? cho, nondum nôsti mores meos: verùm, ne sis in mora, da mutuum calamum. P. Vbi tui? C. Meliusculos reliqui domini: deteriores portavi mecum per imprudentiam. P. At tu meum quoque disperderes, aut nimium premeendo, aut in ipso intinctu, ad fundum atramentarii allidendo videlicet. C. Leuiter ducam per chartam, sensum intingam, salua cuspidē. P. Multane descripturus? C. Tantummodo versus aliquot à Præceptore post heram

explanandos: ut nimirum glossulas interferere queam: nam retinere eas non possum ob tenuitatem memoriæ. Si quid mutuaberis à me, seu calamos, seu papyrus, seu librum, seu quid aliud, dabitur mutuū haud grauatō. P. Ecce tibi probatum calamum, quem dono, tuus esto. P. Multū te, mi Pigmeni, de istac liberalitate amo. C. Experiar. Profectō idoneus est, si quis alius, ad decorē formandas literas.

ANNOTATIONES.

DA VTENDVM CALAMVM) Concedere, accommodare, pro mutuari concessum pro mutuum, concessio pro mutuatione, latina esse non puto. Nec dare, accipere commodatō, accommodatō. Dicamus ergo, commodare, mutuum, vtendum dare aliquid. Cicero, mutuum sumere, non accipere, & mutuum, non mutud. Nos etiam commodatum, reddendum sumere. Plautus vtendum & mutuum coniunxit in Persa.

*Tecumq; orauī, ut nummos sexcentos mibi
Dares vtendos mutuos.*

QVÆ TAM MALAMENS) bona mens, mala mens Latinis sapius est recta, peruersa voluntas. Exemplum in tanta copia vnicum proferam. Catull,

*Quenam te mala mens, miselle Rauide,
Agit precipitem in meos iambos?*

Interdum ipsa ratio, & ingenium seu natura. Vnde consilia; & voluntates bonæ aut prauæ existunt. Terent. Andr. mala mens, malus animus.

PRO-

PROGYMNASMA
TRICESIMVM SEXTVM.

Frustratio petiti atramenti.

SIMPLICIVS, ZEPHERINVS

SIMPLICIVS. Magnum apud me beneficium
Sponeret, qui paucillum atramenti in vasculum hoc
meum, cuius linteolum pænè exaruit, infundere de
suo dignaretur. Si lanam, aut tomentum imposuissem,
& calamos intingendo corrupissem, & iam pridem atra-
mento caruissem. Tu Zepherine, quoniam circumfers
atramentarium instar lampadis, aut mortarii vastum &
amplum, ne deneges mihi ad incitas redacto quam sum-
misè peto stipem, seu eleemosynam. Z. Vix quarta pars
horæ præterit, cum alius idem quoque me poposcit:
& dedi. Nunc si tibi similiter dederò, veniet tertius,
deinde quartus, deinde quintus, & ita me exarmabitis
omnino, & mendicitatem mihi offeretis. S. Non ve-
nient, interpono fidem meam. Z. Quis scis? S. Vidi,
cum intingerent calamos, referre eos ex atramentario-
lis madidissimos. Z. Quin aquam infundis? S. Exeu-
ndum esset è schola, currendumq; ad fontem in forum
propter sex septem aquæ guttulas. Z. Inspue. S. Lin-
guam nimis siccam gero. Da si quid das: & si vis dare
bis, da citò semel. Z. I, aliam quercum excute, aliunde
exora quo indiges: atramentum hoc mihi coxi, non
tibi. S. Saltem da mutuum, si non vis gratuitò, rem tan-
tillam.

tillam. Z. Pergin' aures tundere : abi hinc. S. Aliquando tu etiam egebis aliquo : tum accedito ad Simplicium, par pari referet. Spectate huius Zepherini inhumanitatem & auaritiā. Ego te pro istis factis maclabo infortunio.

ANNOTATIONES.

LANAM AUT TOMENTUM) Tomentum appellatū, quod aut in filo, aut in tela tumeat. *Isid. l. 19. c. 27.* Lana brevis forpibus desecta, aut in poliendo à fullone de pannū rudibus, aut interpolatū deducta, qua infarciuntur culcita qualescunq;. Nomenclat. *Suet. in Tiberio, cap. 14.* Druso autem alimenta adeo subducta, ut tomentum ē culcita tentauerit mandare. A τέννω deducitur, incidō. AD INCITAS REDACTO) *Plaut. Trinum.* Hem hic cuius est (ager ut ad incitas redactus? Idem t' annul. Tace modō, profectō ad incitas lenonem rediget. De his dici solitū, quos extrema premit egestas: incita enim pro egestate ponitur. *Nonius.* SI VIS DARE BIS) Proverbum: bis dat, qui citō dat. Quomodo? quia altero tanto gratius est. Extat hac de re epigramma *græcum* *Luciani*, quod *Ausonius* in hunc modū reddidit *latinum*.

Gratia que tarda est, ingrata est: gratia namq;

Cum fieri properat, gratia gratia magis.

Aliter.

Si bene quid facias, facias citō, nam citō factum

Gratum erit. Ingratum gratia tarda facit.

Et nostrum.

Dulcior est multō cisa gratia: tardior autem

Interit, & dici gratia non poterit.

PRO.

PROGYMNASMA
TRICESIMVM SEPTIMVM.

Ludendi potestas recusata.

FLAVIVS, AVRELIVS, IVLIANVS.

FLAVIVS. Magister iussit nos dare operam luf-
tuncula; veni Aureli, veni Iuliane, venite sultis ambo.
A. Quid hic narrat? F. Quod certissimum est, quod-
que iam ipse ludantium clamor nuntiabit tibi. I. Siue ita
est ut dicis, siue comminisceris aliquid, non ludo. F. Qua-
re? I. Præstat me prælecta repetere, quam lusu bo-
num tempus perdere. A. Ego inchoavi epistolam:
si intermiserò, multò postea difficilius, animo iam di-
stracto, & aptis ad rem propositam cogitationibus tum
dissipatis cœpta pertexam. F. Ohe, quàm parcos tempo-
ris habeo condiscipulos? non alii quoque exhibituri
sunt Magistro epistolas? non debent alii quoque præ-
lecta repetere? non facere quæ vos facitis omnia? A. A-
page lusor, ne molestiam nobis exhibeas, fœtet tuus
sermo nobis. I. Quisque sibi ferit, sibi metit. F. At Magi-
ster iussit ludere. I. Falsum est: volentibus perimissit, no-
lentes nunquam cogit: & sciò illum studentes quàm
lufitantes habere chariores. Ac tu si rectè facias, lu-
dum studiis posthabeas. F. Si ægrotabitis? A. Te Æ-
sculapium inuocabimus. F. Interdicerem vobis li-
bris. I. Quamdiu? F. Ad sex menses. A. Tum tibi por-
cus sacrificandus esset. F. Quî dum? A. Quia insanires.
F. Va.

P. Valete, ego ludo. I. Siccine ludum diligis? F. Ha, quid ni? At vos immodestè litteras.

ANNOTATIONES.

SULTIS) Particula frequens Comicis. Plaut. *Afin.*
Hoc agite spectatores sultu nunc iam, pro, si vultis, Ita sis, pro, si vis. Adduntur imperandi modo ad eum molliendum, ut aliàs persape addimus, si placet. Fac, si placet, dic, si placet. TE ÆSCVLAPIVM) Hunc Poëta Apollinis, & Coronidis filium, medicina præficiunt, eumq; mortuos etiam in vitam reuocasse comminiscuntur, ob quam causam à Ioue percussus sit & exanimatus fulmine. Lege Liliū, & Natalem. Arnob. lib. 1. Medicaminum repertor, custos & præses sanitatis, valetudinis & salutis. Idem lib. 7. Æsculapius salutis dator, valetudinum pessimarum propulsator, prohibitor, & extinctor. De eius metamorphosi Ouidius lib. 15. **TIBI PORCYS SACRIFICANDVS**) Laribus immolabant porcum insani, quique piaculum aliquod admiserant, & quibus liberorum prole aucta erat familia. Plautus *Menach.*

responde mihi

Adolescens, quibus hic percys Geneunt porci


Sacres, sincers: nummos hos à me accipe.

Iube te piari de mea pecunia.

Nam ego quidem insanum esse te cerò scio.

Et infra. Iube, si sapias, porcū afferrī tibi, &c. Iunius lib. 4. cap. 7.

PRO-



PROGYMNASMA

TRICESIMVM OCTAVVM.

*Comparatio nominum, verbo-
rumque coniugatio.*

ELIAS, ARNOLDVS.

ELIAS. Demus finem huic collocutioni tempo-
rius, ex emplò coràm aderit Præceptor, exacturus
quæ heri reddenda imposuit. A. Quid ergo factò o-
pus est? E. Meditemur adiectiuum per accidentia, per-
que tres gradus & tria genera. A. Hoc agamus. Quod e-
rat illud? E. Benignus. A. Declinemus in casus. E. Quot
ordinis? A. Virile & neutrum sunt secundi, muliebre est
primi. E. Cuius speciei? A. Primitiue. E. Figure? A. Sim-
plicis. E. Quotuplex est figura? A. Triplex: simplex,
composita, decomposita. E. Dic nominandi casum. A.
Benignus, benigna, benignum. E. Comparatiuum. A. Be-
nignior, benignius. E. Cur non sunt hîc tres voces, vt in
positiuo? A. Benignior est generis communis. E. Da
superlatiuum. A. Benignissimus, benignissima, benignis-
simum. E. Vt habet in genitiuo? A. Benigni,
benignæ, benigni, benignioris, benignissimi, benignis-
simæ, benignissimi. E. Cur est vnica vox in compa-
ratiuo? A. Quia neutra in us habent oris. Datiuo, be-
nigno, benignæ, &c. E. Iam tu interroga me de ver-
bo quod coniungendum erat. A. Commendo erat.
E. Istuc

E. Istuc ipsum. A. Si quis didicit Amo, non poterit errare in Commendo. E. Nihilominus interroga. A. Indicatio præsentis? E. Cominendo, commendas, commendat. Plurali numero, cominēdamus, commendatis, cominendunt. A. Pro certo credo te nunquam lapsurum. Verum hæc facilia sunt: si anomala inflectere, & coniugare iusserit, tum sudabimus. E. Id forsitan hodie futurum est. Profecto cum coniugarem nudius tertius Odi, multum id verbi oderam: quia cum sit defectivum, faciebat ut deficerem. A. Recordaris, opinor, quemadmodum me vexabant infelicia heteroelica, & comparationes anomalæ. E. Si, auditur horologium: tulsit, sreat ante ostium Præceptor: parcamus voci.

ANNOTATIONES.

TEMPORIVS) Ouid. & Columella usurparunt hoc adverbium, deductum à tempus temperis, Temperius autē antiquius est, à tempus temporis: quemadmodum dixere veteres pignus pigneris, unde pignero verbum: posteriores autem, pignus pignoris. Manut. in epist. 16. lib. 9. apud Plautum in Aulul. & in Persa est temperi, in Capt. tempore. **MEDITEMVR ADIECTIVVM**) De verbo, meditor, in 1. eclog. Virg sic scribit Servius. Quod Græci μελετάω dicunt, per antistæchon (id est, mutationem litera, seu elementi) meditor dixerunt Latini, L. enim & D. interdum sibi inuicem cedunt: unde & sella pro sedita dicitur, à sedendo. μελετάω porro est exerceo, non solum,

solum commentor : ergo meditari exercere. Virgilius.
 Sylvestrem tenui Musam meditari avena. Si) Comitia
 nota est silentij, seu particula silentium indicans. Apud
 Plaut. Curcul. Si tace, tace. Mercat. Si, tace atque abi.
 Epid. Si, tace, habete bonum animum.

PROGYMNASMA
 TRICESIMUM NONVM.

*Explicationum repetenda-
 rum ratio.*


VRBANVS, THEOPHILVS.

VRBANVS. Repetitione hesternam explicationem, epistolæ Ciceronis? T. Nondum. V. Quid egisti? T. Occupatus fui in aliis. V. In quibus? T. In præceptis Grammaticæ ediscendis. V. Vtrumque faciendum fuit. T. Si socio non caruissem, hoc quoque forsitan præstitissem. V. Vis tecum repetam? T. Nihil malo. V. Principio reuocabo tibi in mentem ipsum argumentum epistolæ, verbis Germanicis: tu, si diffidis memoriæ, poteris in chartaceum libellum referre. T. Nullo negotio retinebo, si iterum audiero: nec enim est ita longum. V. Postea Ciceronem exponam, verbum verbo, sequens constructionis ordinem: mox sententiam sententia, ut Præceptor solet. T. Et ut nos vult sese imitantes facere in repetendo. V. Postremo themata indicabo cum

cum accidentibus, & syntaxes quasdam faciliores. T. Obstringes ine non vulgari beneficio. Secedamus in locum solitarium, ne quis hic nostra dicta arbitretur.

ANNOTATIONES.

PRINCIPIO REVOCABO) In repetendo explanationis ordo tenendus est, & quo quidque loco auditum, eodem postea iterandum. Quoniam verò hic ordo repetitionis, & iste modus non videtur contemnendus, intelligant magistri eundem in exponendū auditoribus sibi opportunum fore. Servent autem maxime illud (sequens constructionis ordinem) alioqui sensum evadere obscurum necesse est, tametsi verbum verba explanae-rint. SESE IMITANTES) Discipulus non quidem intollenda, sumittenda, inflectenda voce, sed in tota ratione expositionis, quantum memoria potest consequi, magistrum imitari debet. Quod non sit nuda enim verborum germanica, aut latina explanatione & συνωρυμια cum pueri ipsi, tum Praeceptores contenti sunt: & quamvis plura dixerint, plura tamen non repossunt.



PROGYMNASMA QUADRAGESIMVM.

Dicta alterna.

CORNELIVS, RVFVS.

CORNELIVS. Quid tam improvise ante meridiem è schola euocabare? R. Vt negotium quoddam patri meo confectum darem. D. Cur eo curato non es reuersus? R. Perparum de hora superaret. C. Habes perfectam epistolam? R. Non. C. Haud igitur inecum in portu nauigas. R. Chirographum paternum affero, hoc me pœna eximet. Tu verò qua de caussa hesterno die toto abfui? C. Deterius valebam. R. Pedibusne? C. Ita, pedibus. R. Sic opinabar. C. Sic tu opinabaris, scilicet: noui iocationes tuas. Verum audi. Tua mater est impensè litigiosa mulier. R. Quo teste id probas? C. Interueni aliquoties dum velitaretur cum vicina vestra, in eamque domine quod illi ægrè esset euomeret: quæ suo vicissim gladiolo, quàm acriter oppugnabatur, tam se strenuè, intra dentes tamen, defendebat. R. Et tua nouit exhaurire calices: nec hesterno mero fœtet, quia in lucem semper bibit. C. Tunc semel vidisti? R. Semel: quoties ipsam vidi, toties hoc vidi: est etenim facie ebriosa, rubentibus papulis ornata, longe ante alias specie, ac pulchritudine insignis matrona. C. In toto oppido non est mulier matre meâ frugalior, inagisque sicca & frugi. R. Ain' tu? unde ergo tam potoria facies? C. Perfacilis est, & perexpedita responsio. Medicos i percunctatum, quos illa consulit, & à contumeliis linguam coërce: alioqui futurum est, vt te maledicentiæ huius pœnitudo subeat. R. Quod habui summum pretium, persolui tibi. C. Ab alio expectes, alteri quod feceris.

ANNOTATIONES.

DICTA-ALTERNA) Cic. 2. de Orat. dicere enim aiunt Ennium, flammam à sapiente facilius ore in ardente opprimi, quàm bona dicta teneat, quæ falsa sint. Nam ea dicta appellantur proprio iam nomine. Plaut. Capt. & Stichus dicta meliora vocat, quæ sunt magis facta, magisque falsa. NEC HESTERNO MERO FORTET) Martial. lib. 1.

Hesternus fateri e mero qui credit Acerram

Fallitur: in lucem semper Acerra bibit.

Fæminis olim Roma non licuit vinum bibere, ne in aliquid dedecus prolaberentur, nec earum cura cella vinaria committebatur. Egnatius hac de causa uxorem occidit, & à Romulo absolutus est. Valerius lib. 2. cap. 1. Gellius lib. 10. cap. 24. Ælian. lib. 2. cap. 58. Victor. lib. 24. c. 7. Apud Massilienses vini usus fæminis in perpetuum lege erat interdictus & Romæ ingenui etiam pueri, & seruitia eo carebant. Vide Leon. lib. 3. cap. 87. & 88.



PROGYMNASMA
 QUADRAGESIMUM
 PRIMUM.

Interrogationes variæ.

LAZARVS, CELSVS.

LAZARVS. Quandoque ad flagrum citaris, Celse, (id quod propter tuam omnibus testatam segnitiam, quæ ingenium finis te-
 pesce-

pescere, non raro fit) quid est quod tam difficiliter
 te moues, tamque inuitus, cum tantis vociferationi-
 bus & ululatibus poenam suffers? C. Velim tibi vel se-
 mel contingeret, quod mihi sæpius ais vsuuenire: statim
 scires causam. L. Reuera (quod hinc dicendum sit)
 detrimmentosus tibi metipsum es: nam si absque tergiversa-
 tione te subiiceres: clamoribusque abstineres, clemen-
 tiores sentires utique Magistrum. C. Id equidem cogi-
 to mecum, & statutum habeo penitus: sed cum iam
 res est in acie nouaculæ, excidit repente propositum.
 Sic est ingenium meum: suus cuique mos. Quanti tu
 hunc librum emisti? L. Dimidio floreni. C. Duc me
 ad tabernam huius bibliopolæ, ut mihi quoque emam
 auctorem istum. L. Maxime, dimissa schola. C. Vbi
 venduntur, quæso, pulueres scripturarii? L. Nescio:
 ego aut arena utor, aut arefactis, & in puluerem reductis
 ouorum putaminibus. C. Non placent: ossei sunt melio-
 res, ac puriores. Nonnulli scobem apud fabros ærarios
 lima abrafam colligunt, eaque ad siccandas in charta li-
 teras utuntur. L. Quò istis heri ambulatum? C. In
 hortos nostros. L. Quid cerasa vestra, suntne matu-
 ra? C. Matura. Proximè futuro die remissionis eodem
 me cuntem comitaberis, ut ipso gustatu experiar. L.
 Ago gratias, maiores acturus, si promissa patraueris.

ANNOTATIONES.

CLEMENTIOREM SENTIRES UTIQUE)
Quid clementia, quid crudelitas sit, Seneca lib. 3.
cap. 3. & 4. de Clementia nos ita docuit, Clementia est

VDALRICVS, OTHO.

VDALRICVS. Quid vult hic fletus? O. Amisi
 librum. V. Quem? O. Emmanuelis Gram-
 maticam. V. In scholâne? O. In scholâ, mi-
 Vdalrice. V. Quo tempore? O. Hoc ipso die, ante
 prandium. Cùm enim dato signo discedendum esset
 domum, egoque libellos meos colligerem, hunc non
 inueni. V. Quæsiuistine apud vicinos? O. Ac diligen-
 tissimè. Respondent omnes, se esse extra noxiam, nec
 habere, nec scire quis habeat. V. Non tu illico ad Præ-
 ceptorem? O. Immò, sed iussit vt se appellarem denuo
 post meridiem. V. Appella. O. Despero me recupe-
 raturum. V. Fuit cum alii suos amiserunt. O. Sic est. V.
 Nonne recuperarunt? O. Quidam, non omnes. Et hi,
 quòd rem suam malè seruassent, aut in ludo à doctore,
 aut domi à parentibus vapularunt liberaliter. Quòd si
 hodie librum meum non recepero, certiores faciam
 ipsos oportet, vt pro hoc malo mihi dent malum. V.
 Iuuabo te in queritando Emmanuelis tuo. Si non inue-
 neris, est mihi aliquanto tritius ipso hoc exemplar eius-
 dem, id dabo tibi proprium. O. Si non simulatè pro-
 mittis, porrigere dexteram. V. En. O. Affudisti aquam,
 rediit animus, & cura omnis ex corde excessit. V. Læ-
 tus sum, quòd te tranquillauì. Væ illi, qui se huius furti
 astrinxit: nam & librum minimè retinebit, & vberius
 quàm tu plorabit. O. Furem hunc mihi dari in con-
 spectum gestio: coram in os laudarem
 ipsum, & capillo conscinde-
 rem.

ANNOTATIONES.

ESS^{ET} EXTRA NOXIAM) Cornel. Fronto. Noxa pœna est, noxia culpa. Festus. Noxa ponitur pro peccato, aut pro peccati pœna, cū lex iubet noxa dedere pro peccato. Noxia apud antiquos damnum significat; sed apud Poëtas, & Oratores ponitur pro culpa. REM SVAM MALE CVSTODISSENT) Inter breuia illa praecepta: Maiori cede, minori parce, &c. quæ cum distichis Catonis circumferuntur, est etiam hoc. Rem tuam custodi. Quod si cui suarum rerū cura est difficilis, quā laboriosa erit alienarum? Dignissimi vel plagis sunt, qui quod sine magna cura & sollicitudine retineri poterat, id per summā socordiā, negligentiamq; perire, aut sibi subduci patiuntur. EST MIHI ALIQUANTO TRITIVS) Humanitatis officium, vt qui habet duas tunicas, det alteram non habenti: & cui superest, succurrat fratri suo, cui nihil est, cum id sine damno ac malo possit.

XXXXXXXXXXXXXXXXXXXXXXXXXXXX

PROGYMNASMA
 QVADRAGESIMVM
 TERTIVM.

Auxilium & consilium.

EDMVNDVS, GALLVS.

EDMVNDVS. Tantum sudoris & laboris indipiscor in hac epistola componenda, quantum ad hunc diem in alia nulla. G. Quī fit?
 E. Ilia.

E. Iliade longior est : hoc primum. Secundo loco plurimæ insunt voces, quas in Germanicolatino Caplepio cogor quærere, vt Gauckler / Serberstangen / Muscatblæ. Præterea scatet modis loquendi & pro- uerbiis difficillimis, nisi velim germanismos insere- re: vt, Die Leut jar Banck hawen / Et: Man soll die Lâuff nicht an Belß setzen / Item: Ich bin nicht dein Narr / ac similibus. Quis me non exsibilet, si di- xero: non oportet pediculos ponere in pelliceo: non sum tuus stultus? Primum illud ne germanismo quidem exprimi potest. G. Coniicio significari eo genere loquendi, detrahere de fama aliorum: sumpta videlicet metaphora, seu ducta allegoria à la- niis, qui carnes quas fecerunt iugulatis, excoriatisq; ani- malibus, in frustra secant bipennibus, & in officinis (in der Fleischbanck auff dem Laden) venales proponunt. Sic obtrectatores, & alienæ famæ carnifices occidunt quodammodo homines, eosque vt carnes audien- tibus vendunt: apud quos neimpe eos in summum con- temptum adducunt, & planè despicabiles reddunt. Hoc ergo si ita est, vt equidem esse puto, ecquid ani- maduertis quanta vis & significatio sit in hac for- mula loquendi Germanica? E. Animaduerto, tuamque interpretationem amplector. Verùm quid- das consilii? G. Quando in locos impeditos incidis, Magistrum ora, vt te expediat: sic enim iussit nos facere, egoque id non omitto. Nuper cùm nescirem quid esset latine, Buttermilch / & Wassernudel / item quibus verbis dicerem: Er weiß wol wie es eluem Schalck vmbß hery ist / vtrumque ex eo cognoui.

E. Initabor te posita verecundia, quæ me hucusq;
absterruit.

ANNOTATIONES.

IN GERMANICO LATINO CALEPINO)
Calepinis, Theſauris, Dictionarijs, pharſiū libris, Ni-
zolijs ne ſint nimium dediti adoleſcentes, & ſciant eo ſine
hoſce libros eſſe conſcriptos, vt ijs quantum uſus, & quan-
do poſtulat ut amur. Stultè peccant, qui illis ex inſtituto
legendis, aut epitomis ex ijs conſciendis delectantur. Ars
magna eſt, ſcire quo libro quomodo cum fructu utaris. Eſt
in ſine huius progymnaſmatis quiddam, quod optarem
ſeruari à præceptoribus. Nempe vt ſe interrogari iuberēt
à diſcipulis, quo pacto, efferent quod in componendo aut
conuertendo difficile occurrit. Ita animos iſtis adderent;
partem de emendandi onere ſibi demerent: diſcipulos re-
ligioſos in verbis, ac locutionibus efficerēt; eosq; ſibi mul-
tū iſta ad eos adiuuandos labentia conciliarēt. Me pue-
ro hoc apud noſtrates ſeruatum memini, & meminiffe iu-
uat. Porro illa allegoria, die Leut zur Banck hawen/
viſitata eſt alicubi terrarum Germania: tametſi in Sue-
uia, & Bawaria non eſt.

PROGYMNASMA QUADRAGESIMVM QUARTVM.

Charta in membranam inſuta.

CHRI.


CHRISTOPHORVS, HUGO

CHRISTOPHORVS. Mi Hugo, est quod abs te petam. H. Pete audacter. C. Tribue mihi paululum operæ. Insue in membranam hæc chartas puras. H. Ipsemet insueres. C. Expers sum huius artificii; atque id ut credas, inspice hunc librum, quam sit inconcinne, distortèque confusus. H. Nec me bibliopagus erudiuit. C. Attamen quasi eruditus, concinne id facis. H. Si cui optimè placet, ei optimè facio. Complicastine iam chartas tuas? C. Maximè: istæ sunt. H. Da filum, acuin, membranam. C. Cape omnia. H. Filum oportet ceratum esse, ut opus euadat diuturnius. C. Heus pueri, quis secum affert ceram? H. In meo sacculo quæram. Aliquid certè reperio, ceram albam: commodissimam est huic rei: nuper mihi hoc frustillum donauit ædituus ad tales vsus. Tu porro attentus aspice me suentem, & artem discere, quo posthac aliena opera ne indigeas. C. Aspicio intentis oculis. H. Ecce quemadmodum chartam chartæ arctius coniungo, ut spatium inter illas nullum intercedat. C. Video. H. Item quemadmodum supra & infra sunt æquales inter se, nulla prominet. C. Aptè, artificiosè. H. Nec foris in tergo fila superiora inferioribus longiora visuntur: nec primum à secundo maiore interuallo distat, quam secundum à tertio, tertium à quarto. C. Peritè. H. Nodi parui, & intus omnes. C. Sanè. H. Nunc tu cultellum accipe sis, partesq; chartarum superiores cautè scindendo aperi. C. Pro ista opera referetur gratia tibi, mi Hugo. H. Satis gratiarum retuleris, si me amaueris; in studiis abs te socordiam

omnem reieceris, segnitiei quæ amoueris. C. Vtrumque præstaturum tibi recipio.

ANNOTATIONES.

BIBLIOPEGVS) πύγνυμι est arcto, compingo: βιβλίον & liber. Quem nunc vulgò compactorem, Buche binder / cur non Græco nomine tam commodo potius, quàm barbaro & nouitio nominemus? præsertim cum id in mille alijs artificium artificiorumque vocabulis soleamus, & in lingua latina nimis multa vsurpemus, quæ à Græcis manarunt, quarum copia longè maior. SIC VTI OPTIME PLACET) Quæ minimè sunt pulchra, ea pulchra videntur amanti. Sententia est Theocr. Ita homines ut plurimum, & frequentissimè non res tales iudicant, quales sunt: sed quales ipsi iudicant, tales efficiunt, & ab alijs credi volunt, in omni rerum, negotiorum, causarumque varietate: quod quæ ab Horatio de vna quadam perturbatione dictum est, id patet latius, & ad omnes alios concitatos, ac turbidos animorum motus accommodari potest. Impedit ira animum, ne possit cernere verum.



PROGYMNASMA

QVADRAGESIMVM

QVINTVM.

Nomenclatura.

MAGI.

MAGISTER, CLEMENS, LIBERVS,
DONATVS pueruli.

MAGISTER. Vixdum exactis sideribus dies se mundo reddit, cum vos puero-
rum flosculi ante alios omnes huc intro pe-
dem infertis. Quinam cum prima luce potuistis ex-
pergisci? C. Mandatu matris famula nostra in dies
ine expergefacit: quanquam hodie maturius præter
morem. L. Ast ego nunquam non sponte mea, & in-
uocatus, ac ferè semper bene manè consueui surgere.
D. Ego etiam, Præceptor. M. Res difficilis ad cre-
dendum: pueri quippe, quibus sopore nihil est ami-
cius, nihil dulcius, pro more non habent ultro, ac per se
de strato surgere. D. Certè surgo, expergefactus à
nemine. M. Ecquid ientastis? C. Ita. L. Dum offa co-
quitur, visum est nimis longum: quapropter relicto
ientaculo huc approperaui quàm maturrimè. M. Pul-
chrum in hac ætatula facinus. Quid si ego darem nunc
tibi ientaculum? L. Cum nihil sit tibi; quid dares?
M. Quò nihil edis libentiùs. M. Mihi etiam, Præce-
ptor. C. Et mihi, obsecro. D. Nimum satur fieres al-
tero ientaculo. C. Eia, quæso. M. Liberi, si promptè
& nunquam interstiendo recitaueris, quæ heri no-
mina tibi ediscenda præscripseram, ecce, istas septem
ficus, cum hisce amygdalis præmium tolles. D. E-
go quidem nomina mea tepeo, vt qui perfectissimè.
C. Ego, ego mea referam memoriter. M. Liberius
esto primus: eum si memoria fefellerit, tum vos duo
de istoc honorario in certamen venietis. Sed cu-
ius ordinis sunt tuæ voces? L. Rerum caelestium. M.

Tua

Tuæ Clemens? C. Dignitatum, & munerum Ecclesiasticorum. M. Tuæ autem Donate? D. Dignitatum, functionumq; ciuiliū. M. Incipe. L. Deus Pater, Deus Filius, Deus Spiritus sanctus. Sacrosancta Trinitas, Numen, Diuinitas, Creator, Saluator, Seruator, Dei mater, Deipara virgo, Dei genetrix, Cælites, Cælicolæ, Diui, Sancti, Beati, Angeli, Archangeli, Patriarchæ, Prophetæ, Apostoli, Martyres, Confessores, Virgines, Viduæ, Innocentes, cælum, sol, luna, stella, astrum. M. Num intelligis quæ singulis subiecta sit notio? L. Optimè, imò. M. Qui sunt cælites? L. Die sieben Heiligen. M. Archangeli? L. Die Erzengel. M. Dei Mater? L. Die Mutter Gottes. M. En accipe munusculum, & comede. Tu Clemens, edic tua. C. Quid erit præmii? M. Si omnia, & ea serie quæ se consequuntur reddas, erit quod dem tibi: non omnes ficus absumet Liberius. Si perperam, neque tunc indonatus abibis. C. Pontifex Maximus, Patriarcha, Cardinalis, Archiepiscopus, Episcopus, Præsul. M. Quid? hæres? Antistes, Abbas. C. Antistes, Abbas, Cœnobiarcha, Monachus, Concionator, Ecclesiastes. M. Quæ est vis Ecclesiastæ? C. Eadem quæ concionatoris. M. Quid ergo est Concionator? C. Ein Prediger. M. Perge. C. Parochus, parochus. M. Parochus, parochus: tenebis labi? Sacerdos. C. Sacerdos, Diaconus, ædituus, sacra Virgo. M. Cætera ubi sunt? C. Non iussisti plura. M. Haud recitasti vt cupiebam. Tu melius Donate. D. Imperator, Imperatrix, Rex, Regina, Monarcha, Princeps, Dux, Comes, Baro, Dynasta, Heros, Heroïna, siue Herois, Præfectus,

à cu-

à cubiculis, à pedibus, à poculis, apparitor. M. Qui sunt isti? D. Die Rämmerling/ die Lacteyen/ die Kredenzger/ die Staatknecht. M. Cape has quatuor ficus, & confestim in ventrem absconde. D. Vt præcipis. M. Sedete suo quisque loco & quæ adhuc præscripsero, celeriter ac nauiter nomina ediscite. L. Etiam. Vt sapuerunt tibi ficus Clemens? C. Præceptor, Liberius me irridet. L. Commoui. C. Non impunè feres.

ANNOTATIONES.

EXACTIS SIDERIBVS) Exiguntur calo expellunturq; quodammodo stellæ, cum solū luce paulatim per calum se diffundente apparere desinūt. Virgilius 3. Æneid. iamquæ rubescebat stellis aurora fugatis. Dicitur etiam ab Ouid. 2. Metamorph. Lucifer agmina stellarum cogere, & cali statione nouissimus exire. Propriè sidus est quod Græcis ἀστρον, stella, quod iisdem ἀστὴρ. Vide Macrobinum in somn. Scip. libro 1. capite 14. **PVERORVM FLOSCVLI**) Sic appellant Latini, floris, nomine videlicet, quod in re quaque purissimum, pulcherrimum, præcipuum est. Cicer. pro Flacco. flos legatorum. Pro Planico. flos equitum Romanorum, Philip. 2. flos nobilitatis & iuuentutis. Ennius Cethegum oratorem nominatū florem illibatum populi. In Curcul. anus bibula, flos, inquit, veteris vini meis naribus obiectus est. in Cistell. Quia adeò compleui me flore Liberi. Casin. Nisi hac meraclo se vspiciam percuſsit flore Libyco. Qui,

Quibus locis videtur Plantus vinum significare, cuius nō modo sapor palato, sed etiam odor naribus gratissimus sit. Idem Casin. Flos poetarum. Catullus flos iuuenū, flos Gymnasi & decus olei, id est, luctatorum, seu palastritarum. Sic flos aui, flos atavis, flos siliginis, flos lactis, flos cœne, flos flammæ, & alia infinita. Apud Catonem autem de rerustica, cap. 88. flos salis est nitidus, candidus, optimus sal: popularis autē sal, sordidus, vulgaris, niger, MATVRRI ME) Quid differat super vocabulo maturæ, Gellius, vide lib. 10. cap. 11. A CVBICVLIS, A PEDIBVS) Latine variarum rerum ministrōs atq; seruos sic appellabimus. A commentarijs, ab epistolu, à manu, à rationibus, à secretis, à libellis supplicibus, à studijs, quales sunt hodie pedagogi, & quibus vtūtur principes pueri ad ingenij cultum domi ab ipsis capiendum. Vtuntur etiam præpositione, ad, idem volētes exprimere. Seruus ad pedes, canes ad venandum, leones ad frana; custos ad limina, puer ad cyathos, ad baculum. De quibus Turneb. lib. 3. cap. 23. Seruus autem ad manum nō est amanuensis, vt idem semetipsum corrigens scribit. 5. cap. 11. IN VENTREM ABSCONDE) Respeximus ad illud Cicer. 2. de Orat. in tractatione facetiarum. Erras, inquit, Scaure: ego enim Magium non conseruasce dico, sed tanquam sinudus nuces legeret in ventrem abstulisse.

PROGYMNASMA
 QVADRAGESIMVM
 SEXTVM.

Iterum nomenclaturā.

ADALBERTVS, IODOCVS.

ADALBERTVS. Visne Iodocē, quemadmodum tu me consuēsti alicuius rerum generis interrogare nomina, sic ego vicissim aliquando te interrogem? I. Volo. A. Quenam ergo rectissimè complexus es animo? I. Musica. A. Recense primo loco instrumentorum musicorum appellationes. Sed maius industriae tuae documentum dabis, si ego germanicè & permixtè ea nominauero, tu inde latinè nomines. I. Vtrotque versum haud imparatum offendes. A. *Baucken oder Trummel*. I. Tympanum. A. *Harpsff*. I. Cithara. A. *Geig*. I. Chelys. A. *Hackbret*. I. Sambuca. A. Imò sambuca, si ritè audita recordeo, significat *elu Holderstaunden*. I. Nequaquam: sambuci est illa notio, non sambucæ. A. *Geigenbogen / Hackbretholz*. I. Plectrum. A. *Zinck / Orgel / Laut*. I. Cornu, organa, testudo. A. *Leyr*. I. Lyra. A. *Pfeiff*. I. Fistula. A. *Posaun / Schwegelpfeiff / Tromet*. I. Buccina, tibia, tuba. A. Ennumera nunc, seruatō quem ego secutus sum ordinē, artificum, seu musicorum nomina. I. Faciam in quibus potero, quorum meminero. A. Quod dederis, eo contentus ero. I. Tympanista, citharædus, chelyus,

seu

seu, *ἡλίου δός*: dixit enim Magister, subiicienda Græca, cū Latina desunt, quando innumera sunt Græca, quæ Latina iam, velut yfucapione putentur. A. Verum prædicas. I. Cornicen, organista vulgò, latiniùs, qui organis canit: sicut dicimus aliquem canere fidibus. Lucretio organicus. Lyricen, fistulator, buccinator, aulædus, seu tibicen, tubicen. A. Restantne alia quædam vocabula ad musicen spectantia, nec ita abstrusa, vt diapente, & huic similia? I. Restant. A. Dic. I. Lingula, ribz das Zänglein an der Pfeiff. Fides, die Seyten / vnde fidicen, ein Seytenspieler. Verticuli, die Nägel / damit die Seyten gespannte oder abgelassen werden. Cantor, ein Singer. Plautia, ein Singerin. Choraules, der zu Tanz macht / proprié, mit der Pfeiffen. Harmonia, das wohlauten des Gesangs. Pausa, das stillhalten im Gesang. Cetera tute, si voles, à magistris disciplinæ huius petas. A. Polles memoria Iodoce. Obsonemus famem parum inambulando, & de rebus ludicris sermones cædamus vsque ad cœnam: tantum quippe spatii cessationis Magister indulsit.

ANNOTATIONES.

OBSONEMVS FAMEM) Socratem ferunt cū vsque ad vesperam contentiùs ambularet, quasi tumq̃, esset ex eo, quare id faceret: respondisse, se quod meliùs cœnaret, obsonare ambulando famem. Cic. Tusc. 5. Plaut. Amphit. 5. Vide sis, herum saluator oppellat as ante fores graditur. B. Nihil est, famē exspectat obambulans.

lans. Laudatur etiam à medicis ambulatiuncula ante cibū. Thorius Balbus Lanauinus vtebatur ijs exercitationibus, vt ad canam & esuriens & sitiens veniret: eo cibo, qui & suauissimus esset, idem facillimus ad concoquendum. Cicer. 2. de finibus. SERMONES CÆDAMVS) Terent. Heaut. Verum interea dum sermones cadimus, illa sunt relicta. More Græcorum, qui λόγιον λέγειν, aut λόγιον ῥήματα dicitur. Priscianus lib. 18.



PROGYMNASMA

QVADRAGESIMVM

SEPTIMVM.

Exercitationes.

ABRAMIVS. TRANQVILLVS.

ABRAMIVS. Quidnam esse in causa putem, in Tranquille, quod ab exercitationibus haud secus, quam boni viri ab impuris facinoribus refugis: & quasi multarentur capite, qui se ad eas dedissent? cum à doctore tam crebro exercitationem dilaudari audias, quæ possit omnia, & sine quâ cum nihil quidquam egregium præstari queat vllò in artificio, tum claritudinem in literis nemo sit aliquando adeptus? T. Quî tandem? A. Perrarò disputas, neque solùm non vltro, sed nec prouocatus, & iussus etiam caussaris, Frequenter cares epistola: sæpius germanicè loqueris: dum recitas memoriter Ciceronem, aut

Q

Qui

Ouidium, hæsit in singulis pænè versibus. Hæc ferè sunt genera, in quibus nos exerceri peropus est. T. Non dicam dolo, difficultas me absterret. A. Non plus tamen alienare te difficultas debet, quàm inuitare atque allectare multiplex quæ inde efflorescit & promanat vtilitas. Et quid præclarum atque singulare sine sudore partum est? T. Propono apud animum persæpe, ad quæ tu me cohortaris, volo ardorem quendam amoris assumere: sed nescio quomodo, cùm ad rem quasi dato iam signo aggrediendum est voluntas illa omnis elabitur atque evanescit. A. Principia perrumpenda sunt, capiendâq; consuetudo quædam, quæ sensum laboris imminuit. T. At nimis diuersæ & innumerabiles sunt exercitationes. Si vnum aliquod genus proponeretur: exempli causâ, si duntaxat scribendum, aut loquendum: aut disputandum, aut ediscendum esset, non lamentarer. Nunc ita vnumquodque horum frequentandum est, vt nullum ceterorum omitatur: hoc angit, hoc dolet, hoc cruciat. A. Possunt hæc fieri, cùm diuersa, nec eadem hora, quin nec eodem semper die faciendâ sunt, & sibi mutuo non aduersantur: nec sunt multa, nec tam (vt tu iocabare) innumera. Proinde istum qui te subegit veternum excutè. T. Ad finem inclinât annus, polliceor sedulitatem in sequentem. A. Maneas promissis, quæso, vt cùm literas ad vtriusque nostrum cognatos dederò (dabo autem non raras) te de meliore nota cominendare queam: quod illis summo gaudio futurum tam non ambigo, quàm eos tuorum processuum cupidissimos esse penitus perspectum, planèq; cognitum habeo. T. Imita-

bor

bor in morbum delapsos: medicinam, sectionem, v-
 sionem volens nolens adhiberi mihi sustinebo? vt re-
 ctè valeam. A. Si hoc egeris, erit cum maiorem in mo-
 dum lætaberis.

ANNOTATIONES.

MANEAſ PROMIſſIS) Virgilius 2. *Æneid* Tu
 modò promiſſis maneaſ, ſeruat à que ſerues Troia
 fidem. Idem ſunt, promiſſis ſtare, promiſſa ſeruare, pro-
 miſſis ſatiſfacere, promiſſa ſoluere, ex ſoluere, efficere, &c.
 DE MELIORE NOTA) Veteres illi vini cados, te-
 ſtas, amphoras in cellis condere ſolebant notatas, id eſt,
 inſignibus quibuſdam literis, aut alijs notis, ſed maxi-
 mè Conſulum nominibus diſtinctas, ad tempus ac præ-
 ſtantiam vini ſignificandam. Pendebat è vaſis vinarijs
 tabella, inquit Brodaus lib. 1. c. 3. in qua vini atas ſcri-
 pta erat: id eſt, quo tempore, quibùſue Conſulibus con-
 ditum eſſet. Quo ex more natum eſt illud loquendi ge-
 nus: de meliora nota Curius ad Cicer. lib. 7. Quare, Cice-
 ro mi, perſeuera conſtanter nos conſeruare, & Sulpitij
 ſucceſſori nos de meliore nota commenda. Catullus ad
 Manlium.

*Quare quod ſcribis Verona turpe Catullo
 Eſſe, quod hic quiſquam de meliore nota.*

Lambin. in Oden. 3. lib. 2. & Turneb. lib. 1. cap. 1.

205(0)90

Q 2

PRO

PROGYMNASMA
 QVADRAGESIMVM
 OCTAVVM.

Temeraria suspicio.

BVRKARDVS, ALIPIVS.

BV R K A R D V S. Me infortunatissimum.
 Nullus dies abit, quin amittam aliquid: nunc atra-
 mentariolum, nunc papyrus, nunc libellum
 aliquem, nunc calamum, ut in praesens. Schola ista
 est plena furum, nec pœnarum ullus iam hîc est me-
 tus. A. Ne tu nos tam inconsultò in crimen vocave-
 ris. B. Aliquem vestrum mihi surripuisse calamum
 oportet. A. Quî scis te attulisse? B. Quî sciam? non-
 ne hoc literarum paullò ante exaravi? A. Vtere alio in-
 terim, dum priorem recuperes. B. Nec vnum præterea
 mecum attuli. A. Suadeo ut in posterum feras semper
 tres, aut quatuor. B. Scilicet ut sit, quos tu semper possis
 auertere. A. Libentiùsne tu cum malo quiescis, an sine
 malo, si copia est? B. Quis potuit clepsisse, nisi qui mihi
 sedet proximus? A. Quid ergo? Ioannes tibi à dextris
 non absidet, sicuti ego à sinistris? cur non potiùs illum
 quàm me arcessis furti huius? B. Ioannem novi, mallet
 spoliari suis, quàm minimum quippiam sublegere de
 meis, dissimilis tui est. A. Certè dignus es virgis. B.
 Tace de virgis: quare me his dignum deputas? A. Quia
 de me falsum audacissimè, sine teste, sine argumento
 pronuncias. B. Hei, vtiliam haberem calamum meum:
 quem

quem eò molestius amitto, quòd tertium iam mensera
 vsus sum; adeò bonus, & firmus est. A. Quid si reddi-
 dero tibi calamum tuum? B. Qui reddit, abstulit: at-
 que hoc est, quòd mihi dudum videbatur. A. Non est
 hoc semper consequens, inepte. Tu tibi abstulisti. B.
 Quomodo? quis post hominum genus natum sibi
 quidquam abstulit? A. Quia super auricula, vt mos
 obtinet, reposuisti, postea es oblitus: quòdque non a-
 miseras, quæsiuisti, & alios furatos putauisti. En tibi
 tuum optatissimum calamum: deinceps quoties amise-
 ris, auriculam dextram interroga prius, an viderit cala-
 mum: quàm de innocentibus mentiare. B. Mi Alipi,
 mi Alipi. Gratias ago tibi: ignosce, obsecro, quòd te-
 cum egi suspiciosius, atque inmodelstius.

ANNOTATIONES.

VT IN PRÆSENS) In præsens, in præsentī, in præ-
 sentia, hæc tria latine dicuntur vt Græcè εἰς τὸ πα-
 ρόν, ἐν τῷ παρόντι. In præsentiarum vix latinum est, &
 solæcismum olet. Vtuntur tamen eo Probus in Hanniba-
 le, & Cornelius Tacitus: si scriptura est sincera. Immo &
 Gellius, & Cernificius, sed eos nihil moramur. **QUIS**
POTUIT CLEPSISSE) Κλέπτω est furor. Vtitur ali-
 quando verbis græcis, ad latinam formam detortis Plau-
 tus. ioci caussa. Vt hoc ipso, & ἀρπαζω Psend.

Qui hæc habent consilia, ubi data occasio est, rape, clepe),
tene, harpaga,


Bibe, es, fuge: hoc est eorum opus.

Et in Truculento. Dum illi agunt quod agunt, ceteri cleptæ furantur, vel harpagant. Bacchid.

Nullus frugi esse potest homo, nisi qui & bene, & malefacere tenet.

Improbis cum improbus sit, harpagat: furibus furetur quod queat.

Et in Aulul. Aurum mihi intus harpagatum est.



PROGYMNASMA

QUADRAGESIMUM

NONVM.

Astutia puerilis.

MAGISTER. PVER

MAGISTER. Quò tandem res euadet? quamobrem non desinis tu nouissime huc te conferre? P. Non audiui campanæ pulsum. M. Ego tibi nolam ad aurem alligandam, camque pulsandam, curabo sub horam septimam, ante meridiem & sub primam post meridiem, si quidem ita obsurdisti. Quid autem est, quòd istum quadrimum fraterculum tuum, nunquam adducis tecum, nisi cum reddere præscripta nescis, aut tardius venis? P. Mater illum sæpius non dimittit. M. Mater non dimittit? quare tunc dimittit, cum, vt dixi, vltimus & imparatus ades? P. Nescio. M. O puerum versutum: at ego haud nescio. Eho dic mihi, inandætne tibi mater, vt trahas tecum pusionem istum? P. Aliquando. M. Mandauitne hodie? P. Non. M. Cur

ergo hodie ducis? P. Ipsemet duci voluit. M. Postquam tu scilicet voluisti. Responde amplius. Nunquid ego te vnquam percussi, quando fratre isto paruulo comitatus venisti, & serò intrāsti? P. Nunquam. M. Quare? P. Fortassis propter vociferationes, & eiulatus quibus pænè dirumpitur, cū me flentem, soluētemque ligulas ad plagas accipiendas intuetur. M. Itāne? Hæc, hæc, non alia ratio est cur ducas tecum: nempe vt pro tuo capite clamet ipse insolentissimè, ex sympathia videlicet, & ego eius, si minus tui, miseratione commotus, cruciatum tibi remittam. Nonne etiam idipsum vt faceret tu docuisti? P. Non docui. M. Habes pium & vtilem fraterculum, qui te toties perditum, conclamatūque seruauit. O calliditatem. Iam edico tibi, si in posterum non adfueris in gymnasio citius, pœnas depandes, seu adduxeris fratrem, seu non adduxeris. Quod si ille clamitare non cessauerit, eum vnā tecum flagaris feruere faciam. P. Ad horæ ipsum articulum adero.

ANNOTATIONES.

EX SYMPATHIA VIDELICET.) *Compassio, simul patior, simul afficior, compatio, coafficior, consensio, id est, simul sentio aliquid. Hinc Compassio consensus in affectu seu affectibus, conuenientia affectuum. Cicer. 2. de diuinat, sic expressit hoc abstractum. Quæ ex cognatione natura, & quasi concentu atq; consensu. Item, conuenientia & coniunctio natura. Compatior tibi, latine, miseret me tui, vicem tuam doleo, tua*

caussa doleo, moueor, capior misericordia cum tuum in-
fortunium considero, dolorem e rebus tuis capio, moleste
fero casum tuum, excruciat me valetudo tua.



PROGYMNASMA

QUINQVAGESIMVM.

Somnus in gymnasio.

FABIOLVS, ERASTVS.

FABIOLVS. Rabiosulum te autumo. E.
Quam ob causam? F. Quod me modò fodi-
cas, modò vellicas, modò pugnum in latus meum
incutis. E. In laneum latusculum tuum. Cur dormi-
tas? non decet hoc in schola. F. Mihi sic vsus est: tu
vt tibi opus est facto, ita facito. Tua quid refert? E. Mea
quidem aliquantum, tua verò perinultum. Nam si te
dormire siuero, doctor me quoque vt infidelem custo-
dem supplicio persecuturus est. F. Itane est? E. Itane
est. Etiam, dormitator, ita est. F. Permite vt dormiam.
Quomodo nunc est, aliter fieri non potest. E. Istam
magistro veniam pete. F. Irrides? quasi tu dicas: pete
ab atroci cane vt te mordeat: sua sponte mordebit. E.
Ego profectò non feram, non patiar, non sinam
vt dormias: vsque & vsque molestus ero: etiam
acicula, en, te compungam, vt clames, teque ipsum
vt sorrex tuo iudicio prodas. F. Heu, mitte me: vicis-
sim indulgebo, si te somniculus corripuerit. E. Hanc
abs te gratiam nolo. F. Tamen. E. Iam reddenda erit è
memo.

memoria hesternæ prælectio : excute somnum, frica paulum oculos, & relege quæ edidicisti. Nisi fuxis, à tergo, supra caput, ante oculos vindicta est. F. Quid relege? nihil edidici. E. Tum tu ipsa es miseria. F. Non exigit à me quidquam hac luce : non enim omnes, id quod scis, quotidie recitare possumus, præ multitudine. E. Ponamus exigere? quid dices? F. Docet me quid dicendum. E. Pulchrè dictum. Egone doceam te mendacem fieri? nihil attraxit funis tuus. F. Actum est, verberabor, recitare non potero. Quid ergo proderit mihi si vigilem? vno dolore duo peccata expiabo : dormiam rursus. E. Dormi dormi, nihil moror. Si Magister me obiurgauerit, narrabo quid fecerim, quid dixerim tibi : quid tu contra responderis. F. Tantum ne me expergeficias. Si etiam hodie vapulauero, non moriar. E. Quæ tibi verberatio faulstè, ac feliciter eueniat, mi Fabiole.

ANNOTATIONES.

PONAMVS EXIGERE) *Vsus verbi huius est in rebus controuersis, cum videlicet dicimus, ponamus ita esse, faciamus esse, fac potuisse, sit ita, esto vt tu dicis: pro quibus barbari, præsupponamus quod ita sit. Ponamus casum, ponamus quod sit, concesso, dato, posito quoddam acciderit.* **NIHIL ATTRAXIT FUNIS)** *Ab ijs ductum prouerbiū, qui hamato funiculo pisces captant, & nullos tamen capiunt.*

PROGYMNASMA
 QVINQVAGESIMVM.
 PRIMVM.

*Spes & metus ob certamen
 scholasticum.*

PASCHASINVS, STEPHANISCVS.

PASCHASINVS. O quale, quàm venustam, inodisq̃ue omnibus elegans brauium in-
 crastinum disputatoribus nobis à Magistro est pro-
 positum? Apelles ipse nihil pinxisset lepidius. Et
 idcirco ostendit ante, credo, vt disputandi alacritatem
 fammam nobis iniiceret, & tam electorum præ-
 miorum ardentiore nos cupiditate inflammaret. S.
 Cogor ipse fateri, nihil vidisse me pulchrius istis
 imaginibus, P. At nos victoria potituros, istaq; κερήλια
 adepturos vix est vt sperare aulim. S. Non? hein, quid
 est quod tibi desperationem istam obiciat? P. Iustinus
 & Anselmus disputatores sunt feruidissimi, rerumq̃ue
 grammaticarum, vt qui maximè gnari, & in certamini-
 bus vincere soliti: ego autem pro more habeo vin-
 ci. Si auctor es, ab eo, & præceptori conditionem re-
 nuntio: aut vt prodatur dies aliquot disputationibus istis,
 ab eo postulo. S. Tàmne demisso atq̃ue humili te esse
 animo? audacia hîc pro virtute vtilicet: exue me-
 tum. Sunt mihi aliquot reconditæ quæstiones, quas cum
 antagonists obiectionero, tanquam hamo pisces, vi-
 sco volucres capientur. P. Si superati ceciderimus, vae

virgis quæ morientur in corpore non tuo, sed meo: vehementer enim doctor noster irasci solet succumbentibus, nec ignominia illorum contentus est, addit etiam acerbiter supplicii. Tibi parcat, quoniam plerumque vincis, & vinceres ideo, quia solus duobus esse par nequiveris, cum ego te nihil adiuverim. S. Contra est ac dicis. Ne sic te abieceris: non desunt tibi ad hanc pugnam vires, inodò animus non desit. P. Quid tu statuisti proponere? S. De heteroclitis. Quid tu? P. De Præteritis & supinis. S. Multa sunt ibi difficultia, bene elegisti. P. At hoc perquam incommodum, quod nunquam fas est librum inspicere. S. Si illis fas esset, nobis iniuria fieret: iam neutris fit. P. Si victoriæ compotes redierimus, dona, quæso, mihi tuam partem. S. Insane, quid petis? talentum malle donare. Non abundo istis opibus: tu ditissimus es. P. Errat qui hoc de me credit, mentitur qui dicit. S. Egone tibi mendax? P. Verbo lapsus sum: fallitur, volebam dicere. S. Intendamus ingenia, & ad certamen nos accingamus, quod illi colluctatores nostri sine dubio iam faciunt. P. Hac nocte somno parum apud me loci erit. S. Apud me per multum vigiliis.

ANNOTATIONES.

ISTAQUE κερμίδα) Hoc nomine vocatur propriè & usitate, quod in nostra supellectile ceteris pretiosius, & tale, quod magna cum cura reponi solet, idem quod χρυσός, qui & ipse ob eam causam à χρυμ dicitur, Germa-

Germanicè ein Kley nod. **CONDITIONEM RENUNTIATIO**) Renuntiare pronuntium remittere, & salutem ultimam dicere, Cicero nunquam dixit. Quintil. in 10. Alia quidem sententia civilibus officijs renuntiabit. Budæus in Pandect. Conditionem latam renuntiare, est quod dicunt, resilire, vel digredi ab oblatione facta: quod si voluntate eius fiat, qui conditionem accepit, dicitur acceptam facere conditionem, hoc est, remittere oblationem. Idem in Forensib.

PROGYMNASMA
QUINQVAGESIMUM
SECUNDUM.

Litigium.

PÆDAGOGVS. BLÆSVLVS,
CURTIOLVS alumni.

PÆDAGOGVS. Germanus tuus, Blæsu-
le, in discendo est impiger, citòque arripit
omnia, tu autem lentè admodum, & ambulas
gradu testudineo. B. Quid ergo tam crebrò obinu-
tescit, cum te interrogante respondendum est?
P. Audin' Curtiole? C. Stimulat fratrem meum
invidia, ferre neutiquam potest cum abs te laudor.
B. Egone tibi gloriolas tuas inuideo? scilicet lauda-
rissimus homulus es, præsertim cum inanè surgendum.
Ibi apparet generosum pectus tuum: nam ad lectu-
lum quasi clavis affixus adhærescis. C. Tibi, obtre-
ctator, hoc vitium est: nam ego vocatus soleo me cu-
bili.

bili proripere. P. Amborum vna culpa. Mea hoc facit indulgentia: sed aliquando malis mala euenient. B. Nihilò sum te inferior. C. Quid erit impudenter loqui, si hoc non est? nondum declinationes deuorasti. B. Pridem concoxi. C. Hebdomadè antegressa exarabatur tibi corium, quòd vocabulum iurandum, in casus malè inflectebas. B. Et tu ex vno errato colligis inflexiones me nescire? C. Si examinereris, utique peccares in plurimis. P. Ne superbi, Blæfule: dabo enim potestatem Curtiolo te excutiendi, & introspectiendi penitissimè. B. Habet nihilominus in scholâ complusculos, quibus palmam cedit. C. At tu interea manes indoctior, quamuis me alij doctiores sint, ut sunt ceterum vix tres quatuorue ex omni frequentia. B. Si tam crebris donarer munusculis ut tu, forsitan alacrius discerem. C. Immo tum acciperes, si alacrius disceres. Non ante, sed post laborem veniunt præmiâ, si iustè veniunt. B. Abi argutule, consequar, te tamen si nolis. C. Si ego te cursuram incipientem consisterem, tu me non exæquares modò, sed etiam anteuenteres. Hoc tu si speras, despera. P. Satis verborum. Vterque contendat neruos: sic parentibus, mihi, cognatis futuri quàm charissimi.

ANNOTATIONES.

GRADV TESTVDINEO } Iouem fabulatur
 Æsopus cōuiuium struxisse inuitati omnibus animantibus. Cùm autem testudo postrema omnium finitisque epulis venisset, interrogata causam, respondit

οἷα φῖλ, οἷα αἰς, domus chara, domus opti-
ma. Inde eam damnavit hac pœna Iupiter, ut domum
semper circumferat. Vide præterea proverbiū. Testudi-
neus gradus. HOMVLVS ES) ab ἀνδρων, diminuta
Græcis sunt ἀνδρωνιον, ἀνδρωνίειον, ἀνδρωνίον,
Latinis, homuncio, homunculus, homulus. Hoc extremū
est apud Lucret. lib. 3.

*Hoc etiam faciunt ubi discubere, tenentq;
Pocula sæpe homines, & inumbrant ora coronis,
Ex animo ut dicant, brevis est hic fructus homullis,
Iam fuerit, neque post unquam reuocare licebit.*

Versus caussa geminavit consonam L.

PROGYMNASMA
QUINQVAGESIMUM
TERTIVM.

*Simplicitas, & lentitudo
Magistri.*

TORANNIVS, EGESIPPVS.

TORANNIVS. Terque quaterque beatus
fuit hodie hic sodalis tuus. E. Quæ in re? T.
Quod euidentissimo periculo, imò periculis, di-
uino adiutus numine defunctus est. E. Quæ ista
pericula? T. Quæ sibi creant, qui nec scriptionem
reddendam habent, nec memoriæ quidquam man-
darunt, nec quæ respondenda sunt sciunt, & ad
extremum tardissime ludum intrant. His virtuti-
bus ornatus incesse hoc die. Carebam epistola, inquam,
nihil


nihil edidiceram (quoniam in conuiuio apparatissimo
domi nostræ accubantibus ad intempestam noctem
ministraui, & saltatorium orbem versaui (nihil relegi,
in lucem stertere perrexi : iam tu rationem subduci-
to, quoties pulsationem promeruerim. Abii, excessi,
euasi, erupi. E. Albō calculo hic dies notandus est ti-
bi. An verò cras epistolam ostendes? T. Equidem.
E. Qui tam breui compones? T. Particulam ab hinc
biduum composueram, eam emendabit noster Cos-
mas, & reliquum addet de suo, iam enim promissit. Vi-
debatur præceptori vna nocte expolitus, laudabit me pa-
lām. E. Nonne sentiet præstigias? T. Oh, non. Satis
inodice literatus est: æra quid lupinis distent haud bene
nouit: & est homo antiquus, cui persuaderi possit, o-
uum exstitisse ante gallinam. E. Itaque illi fucum sæ-
pe fieri à discipulis credibile est. T. Sic opinor. E. Si
resciscat, num maleficia vestra non vindicat? T. Etiam;
sed inolli brachio, Languidulus Præceptor est. E. Oleum
flammæ. T. Vide quid mali faciant verbera: subigunt
nos palpum Magistris obtrudere, & commenta prolo-
qui: nam certò scio, non hæc committeremus, nisi pla-
gas timeremus. E. Quin potius illius ingenium simpli-
cius, & vitiosa lenitas hæc mala creant. Si enim vafri-
ciem vestram odoraretur, atque perspiceret, & in reos
acrius sæuiret, vos istis technis abstineretis. T. Ut-
cunque sit, ego secundissimā fortunā me vsum
gaudeo. E. Ego autem te volentem ac scientem
Præceptorem cogitasse circumducere, non gaudeo.
T. Equidem viri huius iram nullo in metu ponendam
iudico.

ANNO

ANNOTATIONES.

SALTATORIUM ORBEM) Cic. in Pison. cum illum suum saltatorium versaret orbem. Versant enim se, & in orbem circumagunt tripudiatōres. Plaut. Stichos. versum appellat. Si istoc versu me viceris, alio provocato. Turneb. lib. 4. cap. 21. & lib. 21. cap. 15. ALBO CALCVLO) Plin. lib. 7. scribit Thraces consueuisse dies latos ac felices albo lapillo notare, infelices autem, inauspicatos, infastos atro. Catull. O lucem dignam candidiore nota. Horat. Cressa ne careat palshra dies nota. Ode 36. lib. 1. Quo loco non est quod quidam Thressa reponant. Valet enim idem quod alba, seu candida. Nam creta non solum insula nomen est, sed etiam lutum illud album significat, quo utebantur cera loco Græci Asiatici, ad obfignandas literas & priuatas & publicas, propterea, quod in Creta magna esset huius luti copia. HOMO ANTIQVVS) Antiqui homines sunt boni, candidi; probo ac simplici ingenio viri: tales enim fuerunt antiqui, & anni veteres meliores anni. Ouid. Fast. 1. Laudamus veteres, sed nostris utimur annis. Sic antiqui mores sunt boni probatiq; mores. Cic. pro Sext. Roscio. Homines antiqui, qui ex sua natura ceteros fingerent. Et infra. In qua muliere, Iudices, etiam nunc, id quod omnes semper existimauerunt, quasi exempli causa vestigia antiqui officij remanent. Pro Quint. antiquam officij rationem dilexit, cuius splendor omnis his moribus obsoleuit. Ibidem. In aliquem patronum inuenies, hominem antiqui officij, qui

Qui splendorem nostrum, & gratiam negligat? Ad Attic. lib. 9. epist. 18. Quod scribis asperius me, quàm mei patiantur mores, de Dionysio scripsisse: vide quàm sim antiquorum hominũ. Te medius fidius hanc rem grauius patui latũrum esse, quàm me. Plaut. Capt. Ille demum antiquis est adolescens moribus. Et Trin. Meo modo & moribus viuito antiquis. Terent. Adelph. Homo antiqua virtute ac fide. OVVM EXTITISSE) Lepidam disputationẽ habes hac de re apud Macrob. Saturn. lib. 7. cap. 16.



PROGYMNASMA

QUINQVAGESIMVM.

QVARTVM.

Hora producta.

PATROPHILVS, ZACHÆVS.

PATROPHILVS. Hæc hora tam longa est, vt si diuidiatus sit dies. Z. Mihi pænè annus videtur. P. Retraxit à cursu is, qui horologium moderatur. Z. Non abest suspicio. Egisset hoc bonus vir antequam scholas ingrederemur. At ille perpetuo post meridiem errorem horologii sui, vel suam potius incuriam ista hora corrigit, ponderaque sursum reuocat: quo in dies singulos fermè ad dimidiũ horæ tempus nobis prorogetur, cùm alioqui totas quinque hîc sesitemus. P. Vbinam igitur hanc iniustitiã deplorabimus? apud quem de ista iniuria querimoniam habebimus? Z. Censeo apud Præceptorem. Verẽm
R. cùm

cum ipsemet non ignoret tempus extendi, & tam leni animo id patiatur, videtur velle nos ultra definitum spatium hinc inter scamilla hæsitare: quod tamen sine magna eius quoque molestia fieri non potest. P. Consilium dabo. Z. Da. P. Conueniamus præfectum horologio, eumq; totius scholæ verbis rogemus, & honorarium polliceamur, ne nos cruciet amplius: quin posthac non solum non productiores sed angustiores etiam horas reddat: quippe cum hinc sedemus tam diu, & immerito, tempus quod domi ad studia, ad cœnam lusumque relinquitur, necesse est fieri contractius. Z. Nostra ætas, pro dolor, valde exposita est iniuriis: pueri enim contemnimur facile, quia pueri sumus.

ANNOTATIONES.

IS QVI HOROLOGIVM) De inuentione horologij apud Romanos, vide quid scripserit Plinius lib. 7. cap. 60. INTER SCAMILLA) Diminutum est à scamno, ut à mamma diminuitur mammilla. Priscianus li. 3. Vitruuius genere virili dixit, per scamellos impares. Turneb. lib. 11. c. 2. HONORARIVM POLLICEAMVR) Quod permulti parum latine scientes, & egregie germanizantes, ex Trinckgelt solent dicere, bibale, & dare alicui bonum bibale: nos hanc ipsis elegantiam relinquamus, dicamusq; honorarium. Honoris enim causa datur ea pecunia, etiamsi à quibusdam ad pocula conferatur.

PROGYMNASMA
 QVINQVAGESIMVM
 QVINTVM.

Pecunia utiliter collocata.

WOLFGANGVS, SEBALDVS.

WOLFGANGVS. In amoribus es parentibus
 tuis, Sebalde, & oculissimus filius. S. Quo signo,
 quoue indicio istuc? VV. Isto recentissimo tuo, &
 tam splendido amictu: quanquam aliôqui me non la-
 tet, quàm te in sinu & complexu semper habeant. S. Vt
 que adeone te in admirationem traducit iste ornatus
 meus? VV. Sanè, quidem potest hoc domus vestra:
 diuitiis affluit. Hem zonulam pulcherrimam,
 ex holoserico; bullis nitentem argenteis, è qua ut
 bella bellè dependet crumena: siquid pecunia-
 rum custodit, optem illam mihi: si non, haud cu-
 piam. S. Est intus pecunia & tanta, quantam tu vix cre-
 das. VV. Quanta ergo? S. Coronati duo. VV. Su-
 pra fidem est. S. At ego faxo ut aliter prædices, nam res
 ipsa dicet tibi. En. VV. Quis dedit? S. D. Nicolaus mo-
 re patrio in meam patellam cum cingulo, & pusillo istoc
 marsupio imposuit. VV. Ita in me liberalis haud fuit?
 Quid acturus? in quo consumpturus tam grandem pe-
 cuniam? S. Empturus quod animo meo collibuerit.
 VV. Quid collibebit? S. Quod erit meo iudicio vi-
 fendum. VV. Quid autem illud? S. Quid tibi arrideret in-
 primis? VV. Plumulas elegantiusculas emerem pri-
 mo

mo loco, quas pileolo assuerem : deinde pugiunculum : deinde ensiculum, atque etiam speculum. S. Quas tu mihi ineptias ? mercabor libellos inauratos, & strenam præterea insignem, quam anno hoc vndenonagesimo ineunte Præceptoris offeram. Nihil possum parare melius, nec quod prudentes magis approbent.

ANNOTATIONES.

IN AMORIBVS) *Quæ ex te magnam voluptatem ac delectationem percipimus, eam & amorem & amores latini appellant: etiam plurali numero, inquam in honestis rebus utuntur, quod rudiores nesciunt: & eadem notatione delicias vocant. Cic. 1 de Divinat. Quid amores & delicia tuæ Roscius? In epist. ad famil. in amoribus mihi est: Et, Delicia verò tuæ Æsopus ad Attic. lib. 2. epist. 19. Pompeius nostri amores, quod mihi summo dolori est, ipse se afflixit & lib. 6. Dionysius (Ciceronum puerorum magister) mihi quidem in amoribus est. OCULISSIMVS) Sensum oculorum supra omnes diligimus: surdus certè quàm cæcus esse mallet unusquisque nostrum. Itaq; Plaut. Curcul. Hominem oculissimum dixit, pro aequè charo, ut sunt oculi, seu pro charissimo. Ibidem oculissimum ostium hyperbole quadam. Catull. Nite plus oculis meis amarem. Idem.*

Eripere ei noli multò quod charius illi

Est oculis, si quid charius est oculis.

ORNATVS MEVS) *Cultum corporis, ipsumq; vestitum*

tum hac voce frequenter auctores indicant; Cic. 1. Offic. Statuas videmus, ornatu fere militari. Plaut. Amphit: Nunc ne hunc ornatum vos meum admiremini. STRE-
NAM PRÆTEREA INSIGNEM) Strenarum origo, quibus felicem ominamur annum, ipsius auspicio & initio, à Tacito Rege manasse dicitur, qui primum Romuli hostis, deinde collega in regno Romano fuit. Vide Turneb. lib. 10. cap. 26.

PROGYMNASMA
QUINQVAGESIMVM
SEXTVM.

Virtus in teneris.

PARENS. LVDIMAGISTER.

PARENS. Operæ pretium facturum me credidi, si aliquando interrogarem te, uti se darent initia, quantumque proficeret meus Laurentiolus. L. Est cur Deo gratias agas: mirandum in modum procedit in literis. P. Iam huc accessum, & hoc abs te auditum gaudeo, tibi que secundum Deum ago gratias singulares propter tuam diligentiam. L. Similes illius vrinam essent omnes. Verum alios plerosque minis, & ictibus ægrè promoueo ad discendum quomodo cunque: iste tantum laudibus alitur, nihilque peius timet, quam dedecus. Quod si quando in concertationibus frangitur (quod perquam rarò contingit) plorat tanquam si parentem amisisset. Excellenti in pri-


mis est memoria : nam cum facile percipit quæ audit & legit, tum fideliter continet. Quid multis ? ducit classem suam : & cum tempus aderit in scholam superiorem ascendendi, aut primus, aut à primo proximus est ascensurus. P. De moribus quid sperem ? L. Non minora. Pius omnino puerulus est : Catechisinum in memoria tenet ut hominem suum : Rosarium secum assidue, & in sinu semper libellum precationum gestat : cum in templum venimus, quietissimus est, Deumque precibus colit quam religiosissimè : quin & in ludo nemo ipso tranquillior, nemo ad parendum promptior. Aureum genuisti filium. Precare numen cæleste, uti sospitem annos iuueniles conficere patiatur : magnam utique & claram Reipub. lampadem accenderis. P. Vix sum apud me præ gaudio. Insiste mihi puerum erudire, sicut facis : & scito te ob hoc ut fratrem fore mihi in medullis. Malo enim prorsus carere liberis, quam eos non habere quam præstantissimos : quales tua fideli opera me visurum spero. L. Deus votis tuis optatisque quam cumulativissimè respondeat.

ANNOTATIONES.

Reprehendit Plutarchus parentes, qui postquam filios suos pedagogis, magistrisque commendarunt, ipsi quid discatur, neque inspicunt unquam, neque audire curant. Non enim oportebat in mercenarij voluntate spem omnem collocare, qui & ipse maiorem diligentiam pueris instituendis erat impensurus, si idē idem sui sibi muneris

meris rationem reddendam fore sentiret. Affert deinde illud equisonis: nihil esse quod perinde saginaret equum, atque oculus Regis. De liberis educand. CVM FACILE PERCIPIIT) Quintilianus lib. 1. cap. 3. Ingenij signum in parvis precipuum memoria est. Eius duplex virtus: facile percipere, & fideliter continere. DVCIT CLASSSEM) Quintiliani est. Idem prorsus quod sui ordinis primus est: nam classsem hic pro vna quadam puerorum sedentium serie vsurpauit. Simile, ducit familiam, quod in dialogum secundum explicauimus. PLORAT TANQVAM SI) Mibi ille detur puer, quem laus excitet, quem gloria iuuet, qui victus fleat. Hic erit alendus ambitu. hunc mordebit obiurgatio hunc honor excitabit, in hoc desidiā nunquam verebor. Quintilianus lib. 1. c. 3. CARERE LIBERIS) Liberos voce multitudinis pro vnico filio filiāue dixisse antiquos oratores, histor. poetas, confirmat Gellius lib. 2. c. 13. Cicero quidem 1. Philipp. Pax denique per eum (Antonium) & per liberos eius cū praestantissimis ciuitus confirmata est. Habebat Antonius duos filios, ex Q. Fabij, cognomento Bambalionis, libertini hominis filia susceptos. Sed de vno hic sermo est, quem orat. 2. puerum nobilem, Bambalionis nepotem nominat. Ipsemet Cicer. infra declarat aperte, se de vno duntaxat locutum. Reipublica tuus parvus filius in Capitolium à te missus, pacis obses fuit. Pro lege Manil. cum de filia M. Antonij, qui fuit auus huius Antonij, loqueretur, etiam liberos dixit, vt Terent. Hecyra. Qui illum deiecerunt dignum, suos cui liberos committerent, cum

loquatur de vnica filia. Et Heaut. Chremes Menedemo, cui vnicus filius Clinia. Ingenio te esse in liberos leni puto. Et Virg. 10. Aeneid. similiter vsus est voce, natis, pro vno tantum. Argenti atq; auri memoras quae multa talēta. Gnatis parce tuis. Vide Seruium. Apud Iurecos. Libervorum appellatione nepotes, pronepotes, abnegotes, trinepotes quoq; continentur. Crinit. lib. 15. c. 8.



PROGYMNASMA

QUINQVAGESIMVM

SEPTIMVM.

Præceptor honesta imperat.

DISCIPVLVS. MAGISTER.

DISCIPVLVS. Summoperè, maioremq; in modum oro, vti hanc prouinciā reos defendendi absentes, & alioqui tum in schola, tum extra scholam turbulentos, alteri velis imponere, qui eam explicet meliùs ac libentiùs. M. Quid te mouet, Paulemi, vt hoc tam flebili voce à me deposcas? D. Plena est dedecoris. M. Ne sic erumpas. Egone, aut vllus cui cum virtute est commercium, te facere iusserit quod sit plenum dedecoris? D. Non quidem re, sed opinione. M. Quorum tandem opinione? D. Condiscipulorum meorum. M. Tui condiscipuli nondum sapiunt: fuit eos vbi laus, vbi turpitudine sita sit. Quid igitur de hoc munere loquuntur & sentiunt? D. Dicere nihil quid.

quidquam verentur, istos Corycæos numerandos in proditoribus: non aquam aquæ similiorē esse. M. Nomina mihi de ista puerorum nequam colluie aliquot. D. Non recordor sigillatim. M. Vnum saltem. D. Toties hoc audiui de multis. M. E schola non exhibis, nisi vnum mihi nominaueris, è quo cæteros extorqueam. D. Magis me odiosum, & inuisum reddam. M. Sic agam, vt quidpiam super hoc abs te ad me perlatum non intelligant. Tantisper fac sedulò quod tibi imperaui. Tu assiduus in gymnasio, tu discendi studiosus, tu probus es adolescens, & animo meo charus egregiè: ideo te ante alios delegi, cui hoc inandarem. Agitaui hanc rem in corde meo, & nollem hære in te peccatum: hærebit si auctoritati meæ non parueris. D. Quando constanter id mihi præcipis, oratione & auctoritate tua victus, petitione desistam. Te rogo tamen, vt honori & rationibus meis consulas. M. Sollicitudinem istam abs te remoue.

ANNOTATIONES.

ISTOS CORYCÆOS) Qui sint Corycæi, & vnde hoc illis nomen, docebit copiosè Paræmiographus, pro-
uerb. Corycæus auscultauit: ne frustra paginas impleamus. Quod autem pleriq. eosdem appellant syndicos, parum propriè loquuntur. Sunt enim Syndici aduocati, qui vt patroni ad communem causam defendendam mittuntur, & συνδικῆν verbum idem quod συνηγοῦν: ac si syndicari verbum singas pro defendere, & patrocinium præstare. Sunt etiam syndici ciuitatum, & aduocati &

defensores iuris publici: quasi in causam publicam communiter incumbentes. Budaus in Pandect.



PROGYMNASMA

QUINQVAGESIMVM

OCTAVVM.

Pueri multandi verberibus.

PATER indulgentior, MAGISTER, seniorior.

PATER. Queritur Augustinulus meus, se in ludo sapissimè abs te vapulare: quem quidem non mihi narrare somnia, è fletu rubentes oculi testantur. M. Si filius tuus iustè vapulat, noli querere, raròne an sæpe. P. Atqui nec iustè videtur cædi, nec moderatè: sed iniquè & inhumaniter, si tam frequenter. Nam cui toties imponendæ sunt plagæ, ei posteriores semper grauiiores imponuntur: quæ autem flagitia tam crebra filius iste meus, probus vtiq; & diligens puer admittere possit, non intelligo. M. Amor cæcus est, is facit, vt puerum meliorem, & in discendo alacriorem existimes, quàm ego experior quotidie. Ingenium sanè non deest illi, voluntas deest. Quod ad verberum atrocitatem attinet, hoc tantum respondebo tibi, me adhuc intra limitem sæuiisse: petoque à prudentia tua, vt mihi potiùs fidem habeas, quàm pueris qui leuissima de causa mentiuntur facillimè, & cùm virgas ac verbera impensè oderint, nunquam iusta animaduersione punitos se cōfiteri.

steri solent. P. Quæso, Magister, sine me paucis
oppugnare hunc morem vestrum cædendi pueros, &
si possim, sceptrum istuc tuum, virgam, inquam, ex-
torquere tibi de manibus. M. Patiar equidem te dis-
serere aduersum nos quæ lubet: si tu etiam pati vis,
me consuetudinem nostram tam antiquam, vsitatam,
& necessariam defendere, quæque mihi in mentem ve-
nerint contrâ respondere. P. Optimum & æquissi-
mum est audire vicissim quem accuses. M. Clauam
Herculi hodie nunquam extorseris, futurumque est,
vt tu magis posthac flagellum ad multandos liberos in
manus sumas, quàm mihi, vt id abiiciam persuadere
vltra contendas. P. Tu fortasse eloquentia tua con-
fidis, qua me supplantas: ego veritate sola nitor, illam
mihi comitem & adiutricem aduersus te duco. M. Au-
sculto, dic virorum optime. P. Pulsare pueros, siue id à
Magistro, siue à pædago, siue à parente fiat, deforme
est: quoniam mancipia & bestiae, quæ aliter ad officium
faciendum adduci non possunt, non ingenui, & filii, te-
neræque ætatis alumni, & discipuli verberibus sunt vr-
gendi. Animum liberalem plagæ feruilem fractumque
efficiunt, qui dum omnia timet, nihil audet eximium,
sequiturque desidia & inertia, quibus corpus quoque
clanguescit atque conficitur. Similiter pueris immoder-
ata seueritas, vt nouellis stirpibus nimia siccitas
nocet. In equulos, & vitulos calcaribus, stimulis, ver-
beribus non vtimur: cur in pueros vtimur? quin &
adulti boues, si acrius stimulis subigantur, iuga per-
sepe detrectant, & frænorum iam patientes equi,
si crebrius verberentur, percontumaces, pauidique
blanda

blanda autem manu attrēctati, generosi & audaces redduntur. Inter canes item ii nobiliores, quos blanditiis, & licentia quadam excurrendi potiùs, quàm minis & verberibus venatores educarunt. Simile quiddam in hominibus accidere credendum est. Contrà verò in asinos, quoniam abiectissimæ naturæ pigerimæque animantes sunt, si ex iis vtilitatem capere studemus, fustes & flagella solemus expedire. Sic prorsus agrestibus & virilibus ingeniis faciendum, quorum vitia non vt frondes teneræ stringendæ, sed vt spinæ & rubi penitus succidendæ sunt. Quid, quòd multa vapulantibus dictu deformia, ac maximæ verecundiæ futura vel dolore, vel metu solent accidere? Hæc porrò non ideo dixerim, quòd existimem solutam, ac liberam pueritiæ ad omnia voluntatem esse oportere, neque vllam ipsi pœnam irrogandam, quam ad delicta nimio plus propensam, & lubricam esse non me fugit: sed vt mitis quædam, & moderata pœna, cum iudicio prudentiæque, tanquam lenè medicamentum ad ipsius curanda vulnera morbosque sanandos adhibeatur: quò fiet, vt longè meliùs, longèque faciliùs à suis vitiis ad studium amoremque virtutis traducatur, neque Magistros odio prosequatur vt carnifices: sed amet vt parentes. Possit igitur non stultus ludimagister, si quid bene fecerint pueri aliquando commendare: si quid errauerint, dissimulare: nonnunquam blandè emendare, & cum laudationibus castigationes permiscere, munusculis etiam, & crustulis interdum eos ad diligentiam allicere: celebrare eos qui probitate & scientia claruerunt; detestari autem, qui veluti imuta peco-

pecora vitam silentio transierunt. Condiscipulos item peccantes coram ipsis reprehendere, & recte facientes prædicare, mirum in modum proderit. His ego, similibusque modis plus profectum iri apud adolescentulos putarem, quam atrocibus minis, assiduisque verberibus. Non nescis quid Terentius tuus quodam loco sentiat. Pudore & liberalitate, inquit, satius esse credo retinere liberos quam metu. Nec Plutarchi auctoritatem contemnis, cuius verba memini è libello de instituendis liberis. Nō verberibus, aut contumeliosa tractatione, sed verbis & adhortationibus ad liberalia studia pueri adducendi sunt. Torpent enim; & abhorrent à laboribus, partim ob dolores plagarum, partim ob contumelias. Apud ingenuos laudationes vituperationesque plus valent: illæ ad pulchra incitant, hæ à turpibus arcetes. M. Plurane tenes in memoria? P. Etiam, hæ enim sequuntur ibidem. Alternis porro increpationes, & collaudationes sunt adhibendæ, ut & cum exultant animi, reprehensionibus etiam ad pudorem redigantur, & cum deiecti sunt, rursus laudibus erigantur. Imitandæque in hoc genere nutrices, quæ infantes cum ad fletum prouocarunt, rursus ut consolentur mammam præbent. M. Miror te patrem non paternè, sed maternè filii causam agere, & esse animo tam indulgenti in puerum: nec illud etiam ex eodem auctore adducere voluisse, quod iis quæ recitasti proximum est. Vidisse se, ait, parentes, quibus nimius amor in causa fuerit, ne verè amarent. Sententiæ tuæ in speciem graui, & prudenti communis omnium gentium consuetudo reclamationat, & sapientes hunc

hunc modum cædendi pueros planè suadent, & sacrosanctæ literæ, quarum apud me non paulò maior quàm omnium poëtarum, oratorum, philosophorum est ad persuadendum vis atque auctoritas, non vno loco virgarum, flagellorumque meininerunt. *Qui diligit filium suum, assiduatur illi flagella, ut latetur in nouissimo suo. Curua cervicem eius in iuuentute, & tunde latera illius dum infans est, ne forte induret, & non credat tibi, & erit tibi dolor anima. Qui parcat virga, odit filium. Stultitia colligata est in corde pueri, & virga disciplina eradicabit eam. Noli subtrahere à puero disciplinam: siens percusseris eum virga, non morietur.* P. Obruas me testimoniis. M. Quid si nullum omitterem? magis id diceres. Itaque D. Augustinus in libris Confessionum, quòd socordior esset in discendo, se vapulasse; idque sibi profuisse narrat. Apud Lacedæmonas vituperationem subibat pater, si filium à Magistro percussum, & conquerentem non iterum percussisset. Quod si hoc sæculo valeret, melius forsitan ageretur cum Republica: tam perditam, ac rebellem iuuentutem non haberemus: nec tot facinorosi atque pestiferi ciues existerent. Persuadere sibi omnino & parentes, & præceptores debent, nisi principiis anteverterint, puerosque flexerint, dum flecti possunt, fore, ut aliquando ex his dolorem ingentem capiant, à quibus gaudium, voluptatemque expectabant: & id est quod sanctæ Scripturæ oracula vaticinantur. Cæterum ista verberatione utendum est moderatè, nec quavis, etiam leuissima de causa, nisi si frequenter committant, quamvis in re leui: vitosa enim

enim consuetudo contrahitur, & à paruis delictis non punitis ad maiora fit progressio. Subinouedi meo quodque iudicio à scholis, qui verberando voluptatem sentiunt, omnemque culpam capitale in faciunt: nec magis parcendum pueris, quàm canibus existimant. Cauendum etiam, ne irati quenquam plagis multemus: iraque quippe mediocritatem seruare non potest: & ne caput, cæterasque principes, ac vitales humani corporis partes lædamus, unde valetudini incommodum generetur. Si quis erit tam liberali ingenio, ut literas & virtutem vltro diligat, verecundus, maioribus obediens, labores non recusans, aliquando tamen peccans (quis enim vel sapientissimus nunquam vlla in re offendit?) hic blandè, & dulci quodam modo corrigendus erit, ne ad iracundiam prouocetur, & pusillo animo fiat. Si qui vel reprehensionibus, vel verberationibus, magis tantquam saxa indurescant, iis pulsandis super sedendum est. Quamobrem non est interdicens Magistris hoc pœnæ sumendæ genus: sed si per semetipsos non vident, admonendi sunt, ut modum seruent, sciantque & quibus, & quando, & quantum pœnarum infligendum. P. Obstruxisti mihi os: serua institutum tuum. Si in posterum puer meus de te questus fuerit, Lacedæmonius illi fiam: iterum verberabo, ut conqueri desinat: & cum me approbare sciat quidquid tu feceris, si effugere verbera concupiscat, cupidius ad studia sua incumbat. M. Tali patre nihil laudabilius.


ANNOTATIONES.

QUÆ AVTEM FLAGITIA) Flagitium peccatum est ab aliqua animi mollitia, aut ignavia profectum, quod dedecus, & turpitudinē affert: scelus autem vel cum aliqua crudelitate & cæde, vel cum impietate coniunctum est. Itaque libidines flagitiosas dicimus: & flagitiosam vitam & militem flagitium admisisse, qui locum non tenuit, qui hostem extimuit, qui fugit, &c. Non esse cadendos pueros vult Quintil. extremo cap. 3. lib. 1. cuius ratiuncula haud magnum pondus habent. Cur autem ibi potissimum receptū sit virgis afficere pueros, ubi afficiuntur, in ea scilicet parte corporis, vide Rhodig. l. 4. cap. 8. SCEPTRVM ISTVC TVVM) Martialis ad magistrum ludi epigramma hoc est lib. 10.

*Ludi magister parce simplici turba:
Sic te frequentes audiant capillati,
Et delicate diligat chorus musæ:
Nec calculator, nec notarius Gelox
Maiore quisquam circulo coronetur.
Alba leone flammeo calent lucer,
Tostamq; seruens Iulius coquit messem.
Scuticæq; loris horridis Scythæ pellis,
Qua Gæpulanis Marsyas Celæus,
Feruleq; tristes sceptræ padagogorum
Cessent, & Idus dormiant in Octobris:
Æstate pueri si valent, satis discunt.*

IN EQV VLOS ET VITVLOS) Nunquid nam æquum est, grauius homini & durius imperari, quam imperatur animalibus mutis? At qui equum non crebris verberibus exteret domandi peritus magister: sit enim
for-

formidolosus & cōtūmax, nisi eum tactu blandiente permulseris. Idē facit venator, qui instituit catulos vestigia sequi, quiq; iam exercitatis vititur ad excitandas vel persequendas feras. Nec crebrò illis minatur; contunditur enim animus, & quidquid est indolis comminuitur trepidatione degeneri: nec licentiam errandi vagandiq; passim concedit. Seneca de Clement. lib. 1. c. 16.



PROGYMNASMA

QUINQVAGESIMVM

NONVM.

Literæ Bellerophontis.

MAGISTER, DISCIPVLVS.

MAGISTER. Tantum non alternis diebus nunquam in schola cerneris: cum deinde caussam volo noscere, nunquam te deficit aliqua huius tam frequentis absentiae purgatio: aut enim paternum, aut maternum imperium aliquo te negotio erretitum tenuit. Miror si ita res habet. D. Non secus profecto: & ut minus dubites in posterum, ecce schedam patris ipsius manu, eiusque signo obsignatam, qua mihi cauet. M. Legamus hanc schedam. O rem nec opinatam. Volebam tacitus quod hic exaratum reperio legere, verum rectius fecero, si clarè, toto audiente cœtu legero. Spe ista lapsus es. Infelices, & in caput atq; perniciem tuam scriptas attulisti literas. Attendite, ut si quis huius

S pueri

pueri virtutem factaque imitamini, eiusdem exitum & exitium perhorrescatis.

SIMEON RHODOPHILVS CAS-

SANDORO Ludimoderatori S.D.

FILIVM meum non nego aliàs à me, aliàs à coniūgo mea negotijs occupari necessarijs, quādo famulos, & ancillas non semper ad manum habemus. Caterum ille, quo tempore schola habentur, nimis sepe in adibus visitur: aut, quod narratum est mihi, in platearum angulis cum aequalibus certat globulis, ac nucibus. Cū percunctor, quare in ludo non sit, respondet, aut non doceri, aut abs te sibi datam domi manendi potestatem. Ego te vel in functione tua adeò segnem, vt tam frequenter nō doceas, vel pueri tam securum, vt sine iusta eum ratione abesse sinas, credere nequeo. Itaq, tametsi ipse hoc epistolium à me flagitauit, quo se tueretur, tu nihilominus pro officio tuo in eum quā seuerissimè animaduertere: id erit mihi vehementer gratum. Bene vale.

Hem Carole, quid ais? pallor omnia membra tenet, obmutuit, contremuit. Teneo cassibus meis implicitam & impeditam vulpeculam. Nuda pellem, vt debitam artibus tuis mercedulam capias. En, vt me ductauit dolis. Qui mendacio confidit in caducum parietem inclinat.


ANNOTATIONES.

LITERÆ BELLEROPHONTIS) Cū quispiam literas affert commendatitias, vt ipse quidem putat,

re autem vera accusatorias: aut cum aliquis nunciat, fecitue quo se prodit, sibiq; nocet. Quales ad lobaten Lycia regē attulit Bellerophon, & in sacra historia etiam Vrias Hettaus ad loabum. Vide Homerum Iliad. 6. Lambin. in Oden 6 lib. 3. & adagium. Plaut. Bacchid.

*Nullus homo dicit, ha tabella te arguunt,
Quas tu attulisti. ha te Sinciri subent, abā,
Bellerophontem iam tuus me fecit filius,
Ego met tabellas retuli. Et Sincirer.*

Historiam periucundam de puero commemorat Iouianus Pontanus, qui artificio quodam conciliato pallore & Linguore adduxit eō patrem, vt ipsum in ludum ire vetaret. De sermone lib. 2. pag. 207. edition. Aldin.



PROGYMNASMA SEXAGESIMVM.

Mina.

*PRÆCEPTOR, PVER præfatus
indiligens, & hebetior.*

PRÆCEPTOR. Asinum citius saltationem Pyrrhicam docuissē, quā stipitem istum literas. Age puer; cape quod capiendum est plus æquo tentasti patientiam meam. Roganti, iussi, obiurgaui, verberaui: tu manes idem, id est, ignorans, & à literis, vt videris, abhorrens. Si perstas in ista mente, patrem monebo, vt te ad molitorem;

S 2

cat.


carbonarium, aut carnificem adducat, vnus horum futurum discipulum. PV. Vt incumbam in eas toto pectore, nihil retineo literarum. P. Ipsa inscitia tua reclamatur affirmationi tuæ. Quæ enim possit fieri, vt tanta longinquitate temporis, si conatus fuisses, nihil profecisses? PV. Nescio quæ fiat, fieri tamen planum est: nec sufficiens otium domi relinquitur. P. Nunc primum ista excusatione vteris? apparet conficta. PV. Vfus essem pridem, nisi intellexissem nihil apud te valituram. P. Veritas apud me valuit & valebit semper. Conueniam parentes tuos, cognoscam ipsorum mentem. Si ab illis tibi nihil erit impeditum, tu aut Grammaticam discas, aut opificium sordidum. PV. Non commorabor diutius in patria. P. Quando discedes? PV. Secundum Pascha. P. Tum ego non laborabo amplius tua causa: restat enim vnus tantum mensis ad Pascha. beasti me hoc dicto. Quò discedes? PV. In militiam, vt reor: commendauit enim me pater cuidam vexillifero. P. Sanè gladius, aut ænea fistula tuis digitis aptior est, quàm calamus.

ANNOTATIONES.

SALTATIONEM PYRRHICAM) De hac saltatione, similibusq; exercitationibus corporum lege eruditissimos libros Hieronymi Mercurialis de arte gymnastica. Præterea Leonicum varia hist. lib. 1. c. 87. Germanum huic est illud Plaut. in Persa Canis si in ludum iret, posset iam fieri, vt probe literas sciret. **ÆNEA FISTULA**

(LA)

LA) Quidam sclopos vocant, & milites sclopetarios. Globulos autem qui inde emittuntur glandes & pilas plumbeas. De inuenta bombardâ Magius lib. 1. cap. 1. Brodæus lib. 2. cap. 26.



PROGYMNASMA SEXAGESIMVM PRIMVM.

Recitatio.

MAGISTER, DISCIPVLVS.

MAGISTER. Heus Andrea, comprehendisti n^{ra} memoria, quam hesternò vespere explānaui epistolam? D. Verò, comprehendì. M. Quod felix sit, claude librum & recita distinctè, clara voce. D. Tullius Terentia sua, & pater Tulliolæ duabus animis suis: & Cicero matri optimæ ac suauissimæ sorori S.P.D. Si vos valetis, nos valemus. Vestrum iam consilium est, non solùm meum, quid sit vobis faciendum. M. Altiore voce, vt omnes exaudiant. Date vacuas aures pueri. D. Si ille Romam modò est venturus est, rectè in præsentia domi esse potestis, &c. M. Andrea Andrea n^{ra} tu malè hanc tam bellam epistolam memoria sepsisti, atque custodisti. D. Reuera do mi tenebam perfectissimè. M. Oh, tibi ego vt credam? Identidem inspiciebas librum, & verba furabar is. Antiquum obtinebas. D. Bis tantum modò, sum in m^{ter}. M. Et menti

tiri non vereris? quoties clamaui, claude, claude. Quam saepe in super ordinem verborum commutabas, priora posterius, posteriora prius pronuncians? & aliquando tua pro Ciceronis, scortea pro aureis videlicet substituebas. Frequenter praeterea voces iam dictas repetebas, & denuo quasi deglutiebas: ut interim posses aut ipse librum aperire aliquantum, aut vicinorum aliquis suggerendo haerentem te in salebris expediret: quod & nunc, & alias sollicitudine praestitit Bernardulus. Abste ne mihi hanc afferri fallaciam? Noui ego artes puerorum ad vnguem omnes. Senex sum, & seni verba dare difficile est. D. Fuit nimium longa epistola, nequii totam ediscere. M. Ecce, iam iam asseuerabas, domi te perfecte memoriter eam complexum. Itane tandem? tu ex vno ore calidum & frigidum? & aliud stans, aliud sedens? Cur non ingenuè fassus es te nescire? D. Virgae me terruerunt. M. Infelix puer, hoc magis pro commerita noxia te castigabo virgarum verberibus, quia ludificasti me, & ad socordiae vitium vanitatis culpam addidisti. D. Volebam mihi consulere. M. Non consulit, sed nocet sibi, qui sic recitat. D. Ego alio intellectu hoc verbi dixeram: poenam paratam effugere studui. M. Ne tuum exemplum, & impunitas corrumpat ceteros, hodie cædaris necesse est, puerorum verberabilissime. D. Eheu, mi Praceptor, modo tantum parce. M. Idem rogasti antehac, & peperci: nunc luendum est commissum. D. Per tuum te caput, perque tuam senectutem, perque vitam tuam obsecro. M. Si per omnia diuina & humana obtesteris, nihilo plus assequa-

re, quam si ab asino lanam petas, aut concioneris mortuo.

ANNOTATIONES.

VERBERABILISIME) Quis, obsecro, tam incogitans, atq; in iudicando praeceptis ac temerarius erit, qui cum & hoc, & alia quaedam non dissimilia, ex Plauto, aut alio quopiam bono auctore deprompta in hisce meis voluminibus legerit, non magis ioci, aut significationis & emphasis caussa, quam seriditate meloqui existimet? Ob quas easdem rationes multo aille idem, quem supra nominavi, Comicus. Hoc te, mi lector, monitum etiam atque etiam volui, & in praefatione huius voluminis ante monui.

PROGYMNASMA
SEXAGESIMUM.
SECUNDUM.

Repetitio.

PVBLIVS, GAUDENTIVS.

PVBLIVS. Conferamus inter nos audita. Gaudenti, antequam Magister huc aditum ferat. G. Non ausim. P. Quae huic est offusa religio? quae de caussa non audes, quod ipse Praeceptor si resciscat nos agere, tantum abest ut vlla castigatione afficiat, laudatione etiam prosequatur? G. Quia fit cum periculo. P. Quo periculo?

S 4

G. Ani.

G. Animaduersores isti me hoc aliàs cum alio facientem in gregem fabulantium per summum nefas aliquoties coniecerunt, vt ægrè postea, multa nimirum, diligentique purgatione vsus, constitutum garrulis supplicium euitauerim. P. Vix adiungere dictis tuis fidem queo. G. Putas me somnia narrare tibi? ecquando me cuiuspiam rei tibi falsiloquum reperisti? P. Nunquam. Sed cur ego non memini istuc accidere? G. Non semper es præsens in ludo; & te absente potest accidere, quod postmodum vel non credas, vel etiam mireris accidisse. P. Onus fortasse declinas, & aliud in pectore, aliud in lingua promptum habes. G. Aliter est, tutiora eligo. P. Quam tu veteris culpam, ego præstabo. Consuestine solus tecum domi repetere explicationes Magistri? G. Vt si conceptis verbis id me facturum iurassem. P. Non mirabor amplius, te nunquam non paratum inueniri, cum iuberis auctorem exponere. G. Parum conducibile est audisse, Publi, nisi recolas quæ audieris: nec proxima tantum, verum longinqua etiam, quæque ante hebdomadem, ante mensem explicata fuerunt, repetendo iteranda sunt, quoniam Themistoclis aut Carneadis memoria non antecellimus, facileque auditorum obliuiscimur. P. Possesne, non quidem in dies singulos (nam id neutri foret commodum) at festis, ac vacationum diebus, cum scilicet otium est à scholis, pauxillum temporis mihi tribuere, meque adiuuare, & communicare mecum hanc meam prouinciam? G. Vt vnà repetamus, & vicissim quæ obscuriora sunt declaremus? istuc vis? P. Nempe istuc. G. Equi-

Equidem possum, & tua causa volo. Ventitabis igitur in aedes nostras. P. Habes musæum quietum, atque à strepitu remotum? G. Etiam, ubi nemo nos, ne musca quidem, nèue musculus impediat. Sed satis verborum: iaciunt rete piscatores, fileamus.

ANNOTATIONES.

OFFUSA RELIGIO) De conscientia scrupulis, ut vulgus loquitur, quo pacto per vocem religio varijs modis loquendum nobis esset, ostendimus annotatione quadam in dialog. 1. volum. secund. **CONCEPTIS VERBIS IURASSEM**) Verbis conceptis iuratur, id est, verbis certa comprehensio formula. Nam concipere comprehendere est. Hoc iusiurandum multò religiosius erat, quàm reliqua. Huius generis erat praiuratio, cum quis antè conceptis verbis iurabat, post quem alter in eadem verba iurans, tantummodo dicebat, idem in me. Plura Turneb. lib. 3. c. 10. **THEMISTOCLIS MEMORIA**) Themistocles quidem, cum ei Simonides, aut aliquis alius artem memoria polliceretur, obliuionis, inquit, mallem. Nam meminì etiam quæ nolo, obliuisci non possum quæ volo. Cicer. 2. de finib. De eodem Academ. lib. 2. ibidem de memoria Hortensi, & Luculli.

—(0)—

PROGYMNASMA

SEXAGESIMVM TERTIVM.

Disputatio.

EVCHARIVS. OPTATVS.

EVCHARIVS. Si cuiuspiam vestrum tantum adest fidentiae, prodeat exemplo in medium, ac certamine mecum congrediatur, & vel summis mecum copiis contendat. O. Quid tu garris audacule? E. Ad disputandum quemcumque de condiscipulis praesentibus prouoco, neminem excepto, ne teipso quidem, etsi videris esse quantivis pretii. O. Quo fretus iam insolenter te iactas? E. Diligentia sola: tenes: O. Nos igitur hactenus dormiuimus, & tu, si caelitibus placet, didicisti omnia, caeteris nihil reliquisti. E. Qui se credit profecisse, surgat, veniat, digladiemur. O. Quasi tu sis praecipuus & inuictus disputator, ita gloriaris, ventosissime atque confidentissime humuncule. E. Recupio refelli, non meris negationibus & maledictionibus. O. Dolebis intimis sensibus, cum tibi victo ruborem excussero. E. Tu opinione tua deiectus, & a me pudore affectus recedes. O. Quo de vis disputemus? E. Hoc tui est arbitratus. O. Paratus es in omnibus? E. In omnibus. O. De nominum verborumque inflexionibus agamus. E. Vt voles. O. Capiamus arbitrum: seu legamus, qui amborum errores totidem punctis notet. E. Ad id iam se Albertus comparat, uti
videt

vides. O. Euge Alberte, ne somniculosè hoc agas: nihil des gratiæ. E. Dimitte librum. O. Tu quoque abiice tuum. E. Nullum habeo. O. Suggestorem tibi nullum esse volo. E. Multò minùs ego tibi. Egredere de loco tuo, & confide in scamno longo, quod affixum est parieti. O. Tu idem facito, sed è regione. E. Licet. O. Ne obruas me clamoribus, & spatium iustum ad respondendum concedas. E. Geram me ut par est. O. At si te vicerò, haud eo contentus ero. E. Quid petes? O. Tuum mihi locum cedas oportebit. E. Haud recusem. Tuum, cum meo inferior sit, non postulo: aliud victoriæ præmium persolues. O. Quale? E. Vel rosariolum tuum. O. Etiamne oculum adiecisti? E. Vel pulchram imaginulam: vel globulos aliquot de selectoribus. O. Iniqua conditio. E. Quapropter? Locus meus honoratissimus locorum est: ista autè quæ abs te exacturus sum, honoris & ornamenti quid afferunt? O. Etsi non optima apparet conditio, nihilominùs quia factum hunc tuum retundere discupio, hui, Martem utrinque inuadamus. Pone tuas quæstiunculas. Mox vel ad terram ictus corrues: vel præcipitem te fugæ mandabis. E. Res tibi erit in angusto.

ANNOTATIONES.

HOC dialogo vii poterunt pueri tanquam proæmio quodam concertationum suarum, & his sese verbis ad disputandum prouocare. In ipsis autem disputationibus vehementer velim eos quosdam sordidos loquendos.

quendi modos vitare: quos cum norint ipsi Præceptores, non est cur producam. MARTEM VTRINQUE INVADAMVS) Militaribus metaphoris sæpe cum venustate vtimur, sæpe etiam poetice dictum aliquid leporem habet. At Martem quidem inuadere, nihil est aliud quam sese mutuo armis inuadere, noto illo tropo, quem Grammatici Metonymiam, Cornificius Nominationem dixit lib. 4.

PROGYMNASMA
SEXAGESIMUM
QUARTUM.

Concertatio scriptiois.

GERARDVS, OCTAVIVS,
LAMBERTVS.

GERARDVS. Magister die ab hinc tertia materiam nobis communem ad scribendum dictauit, cras ante meridiem ostendenda est scriptio. Lambertus suam prædicatione effert, meam vilipendit, quam tamen nondum vidit: ego me inferiorem illo in animum inducere non possum vt existinem. Restat igitur vt te oreinus, Octaui, des iudicium, noster arbiter, noster Palæmon sis, & hanc controuersiam ex æquo & bono disceptes. O. Non audeo me in istam contentionem interponere. Non nostrum inter vos tantas componere lites. L. Ludens potes, si libeat: siquidem utroque nostrum non paulò es literatior. G. Da hoc mutue fami-

familiaritati, sine impetremus. O. Quid vultis faciam?
G. Ausculta dum legimus scripta, & quæ videbuntur
commodè dicta, approba, quæ vitiosè, improba. O. Fiat
ea lege hoc adeò, si neque laudatus superbia, neque re-
prehensione perstrictus bile intumescat. L. Spondeo
pro me. G. Et ergo pro me. O. Recitet ergo Gerardus
principem periodum: G. *Ex tuo tam diuturno silentio,*
mi Petre, non leuè traho molestiam, cogorq; suspicari, ne
fortè res aliqua te mihi immutauerit, vt iam non sis, qui
adhuc fuisti, hoc est, mei cupidissimus. O. Legat suum
initium Lambertus. L. *Charissime Ioannes, propter*
tuum satis longum silentium non parum perturbor, &
causam habeo suspicandi; quod forsitan mutaueris vo-
luntatem erga me pristinam, nec me, sicut antea, diligas.
O. Pressius Gerardus, & aliquanto nitidius. Ad cetera
itote. G. Si erro, tu, quæ proxima inciderit occasio,
eam noli pratermittere quin ad me scribas, & errorem
hunc mihi eripias: si id non feceris, ne agrè feras, cum te
in posterum in meis inimicis numerauero. L. Si me
falsum habet isthac mea suspicio, tu, cum primùm lice-
bit, te mihi per literas aperi, & hanc opinionem ex ani-
mo meo euelle. Quod si prastare detrectaueris, ne succen-
seas, si deinceps inimicorum te loco habuero. O. Vter-
que haud ineptè, & paullo melius Lambertus. G. Si-
mus itaque pares hactenus: ceterum æqua manu
ex hoc prælio non discedemus. L. Planum hoc & ad
victoriam maximi id interest. O. Ad reliqua pro-
cedamus. G. *Pro mea parte.* L. Barbarum. O. Cor-
rige.

rige. L. Quod ad me attinet. O. Rectè. G. *Quod ad me attinet, idem sum erga te, què cognouisti à longo tempore.* L. Barbarum & hoc. G. Quì dicendum erat? L. Iam pridem. G. Qui tam acutum cernis in meis lapsibus: videbo quos tu Ciceronianissimos allaturus sis in medium. O. Turpe est doctori, aiunt, Lamberte: proinde re circumspicias, cautè rem geras. L. Haud reprehendissem; nisi me iisdem locis latinè locutum certò nossem. O. Absolve circuitum, seu comprehensionem istam. G. *Nec me vlla res ab instituta semel, & confirmata inter nos amicitia desciscere coget.* O. Lege quod sequitur in tua Lamberte. L. *Quantum meam personam attingit.* G. Barbarum. L. Quomodo? an non sic loquimur: hoc negotium me attingit? G. Hoc & similia dicimus quidem, verum non ideo statim proba est loquendi ratio qua tu vteris: olet merum rus, & est germanissimus. Cur non adhibuisti illud: quod ad me attinet? L. Credebam hoc quoque Romanè dictum. O. Bene monuit Gerardus. L. *Idem permaneo in te, quem expertus es iam pridem: nec me ab amore semel suscepto quidpiam aliquando abstrahabit.* G. Ho, ho ho, abstrahabit. L. Abstrahet, abstrahet. Phuy, non aduerteram, obstupefco quì obrepserit. O. Etiam non advertere vitia, erratum est quoddam scribentium, quos conuenit quàm oculatissimos esse, & non solum scribere, verum etiam scripturam relegere, bis, ter, quater emendareque studiosissimè. L. Non tantum est flagitium istuc, quantum si ex incitia pecces. O. Esto. G. Le.

G. Legam clausulam epistolii. O. Age. G. Hæc breuiter, multis arduisq; districtus negotijs exaravi. cum plus otij nactus fuero, & aliquid abs te literarum acceperò, id quod vehementer & cupio & spero, longiores mittam. Vale. L. Ista conscripsi in magnis laboribus: quando plus mihi vacuitatis cõtigerit, & tu aliquid responderis, sicut multum desidero & spero. prolixiores à me accipies. Valetudinem tuam cura diligentissimè. O. Seruabitis promissa? L. Vtique. O. Tu igitur, Gerarde, ne tibi vt victor placeas: tu Lamberte, ne vt victus excandescas. Quamuis semel iterumque minus latine quædam inseruerit Gerardus, accuratiùs tamen epistolam contexuit, & loquitur latiniùs quàm Lambertus. Cede tu priores, cede palmam Gerardo, & iactura huius gloriolæ noli ad desperationem abuti, quod esset pusilli & abiecti animi, sed ad laborem ac nauitatem, quò tantò plus aliàs honoris reportes, quando ipsum victorem tuum superaueris. L. Tuis consiliis parere certum est. G. Iò triumphè.

ANNOTATIONES.

NOSTER ARBITER) Capere & sumere arbitrium dicunt Latini. Est autem iudex petitoris, & eius à quo petitur consensu captus, non à Pratore, aut lege datus, aut à Pratore quidem datus, sed non nisi volentibus. Itaq; honorarius appellatur, quia honoris causa totius controuersie arbitrium ei à litigatoribus ultro mandatur & offertur. *δικηταις & μισήταις à Græcis.* Sic Lamb.

Lamb. in *Amphit.* NOSTER PALÆMON) *eclog.* 3. à pastorib. certaturis inter se cantibus, siue carminibus, iudex adhibetur & arbiter Palæmon. Fuit item hoc nomine Grammaticus quidam Romæ, Tiberio & Claudio Imppp. intollerabili arrogantia: quippe qui M. Varronem porcum appellaret, secumq; & natas, & interiturae literas gloriaretur. NON NOSTRVM INTER VOS) *Versiculus Virgilij ex eclog. 3. de cuius distinctione, & sensu consulendus est Seruius.* Nihil tamē impedit, quin totum iungatur, & pro recusatione quadam specie proterbiij adhibeatur, quemadmodum ex auctoribus complura, alia quàm ij voluerunt, sententia. PRO MEA PARTE) Si id hac locutione velis, quod Germani, *So vil mich belangt / barbarè loqueris, Sin autem id, quod illi, So vil ich fan vnd mag.* Nach meinẽm verinõ, genũ tuũ latine loqueris cum Cicerone. Est enim perinde ac si dicas, pro mea virili, pro virili parte mea, pro viribus meis. CEDE PALMAM) Ex Aristotele & Plutarcho tradit Gellius lib. 3. cap. 6. si supra palmam lignum ingentia pondera imponas, itaque vrgeas, vt magnitudo oneris sustineri non queat, non deorsum palmam cedere, nec intra flecti: sed aduersus pondus resurgere, sursumq; niti ac recuruari. Propterea in certaminib. palmam signum esse placuit victoriae: quoniam ingenium eiusmodi ligni est, vt urgentibus opprimentibusq; non cedat. *Palmarium facinus apud Terent.* Eunuch est palma, hoc est, victoria dignum. Cic. pro Rosc. Amer. Alter plurimarum palmarũ vetus ac nobilis gladiator habetur. IOTRIVM-PHE)

PHÉ) Vox militum lauro coronatorum, & imperatorem victorem prosequentium in urbem. Ouid. Trist. 4. eleg. 2.

*Tempora Phœbæ lauro cingentur, iô quæ
Miles, iô magna voce triumphæ canet.*

Hanc eandem vocem intellexit 1. Metamorph. illi verbis de lauro loquens.

*Tu ductibus latis aderis, cum læta triumphum
Vox canet, & longas hiscent Bapstolia pompæ.*



PROGYMNASMA

SEXAGESIMUM

QVINTVM.

Examen.

ADAVCTVS, OLYMPIVS.

AD AVCTVS. Examen, id quod nosti, propo-
diem instituentium dies noctesq; ante oculos mi-
hi obuersatur, penitusq; insedit in animo. O. Ea-
dem res versat, & coquit mentem meam. Si huic tam
gravi periculo ereptus essem. A. Quod iterum iterum-
que ac sæpius per annum non idoneas ob causas decli-
naui ludum, id nunquam æquè sensi ut nunc sentio,
quantum damni fecerim: quocirca non mediocri in
dolor sum. O. Me pariter absentiae meæ, quan-
tumvis non tam frequentis pudet, pœnitet, piget. A. Ac-
cedit ad exaggerandam animi ægritudinem, quod diui-
nare non possum, quænam interrogaturi sint illi Quæ-
sitores. O. Si scires? A. Addiscerem ea quàm acer-
T rime,

rimè. O. Estne aliquis ex omnibus, cui hoc detegere soleant? A. Nullus. O. Moderatè igitur feramus commune malum. A. Timor item solet obstare ne promam liberè & intrepidè quæ scio: itaque hæret mihi aqua sæpe. Hinc pro incertitia ducitur, quæ non fuit. O. Ego, ne ut errans aliquantùm sinistrè respondeam, nihil quidquam vereor: sed ne ut illiteratus planè illiteratissimè respondeam, id verò nō mediocriter pertimesco. A. Quī te ad illud tremendum, & horribile examen præparas? O. Quidquid audiui totius anni curriculo, sæpius relego, ac repeto expositiones, quantum me adiuuat memoria: in Cicerone, Grammaticis, Christiana Catechesi. Vbi quid non intelligo, de condiscipulis doctiorem aliquem interrogo. Adhæc, denuò mando memoriæ præcepta pro virili. A. Nimiū operosus labor est tam multa discere. O. Operosus, at necessariū omnino. A. Certum est tamen non omnia quæsituros. O. Propterea instructum esse in omnibus conuenit, quia quod ipsis lubet interrogant de omnibus, prudenter. Si enim ordine interrogare velint vniuersa, idque de singulis, nimis longum sit, & fastidii plenum. Qui porro quæstioni cuiunque aptè respondet, is totam videtur scientiam consecutus. A. Non stultè dictum. O si præteriisset hæc turbulentissima tempestas. O. Subeunda & perferenda est, si optes ascendere. A. Tametsi hucusque segregavi à me ignauiam in ista præparatione, tamen cogor nervos magis contendere, tum ne reiiciar, tum ne de postremis fiam vnus: cui rei, præsertim quando est maior ascendentium societas, magna est adiuncta turpi-

turpitudine & infamia. At enim, nisi examen istuc impendens me adigeret, nunquam studia forent mihi tanti, vt eorum gratia caput affligereim. O. Non ob examen duntaxat, sed ob futuras quoque prælectiones melius citiusque capiendas audita repetenda & recolenda sunt: vt sic felicius & fructuosius in superiore schola versemur. A. In scriptione haud leue momentum est: ibi barbarissimos & solœcissimos timeo, malas bestias. O. Non sine caussa, mordent atrociter. A. Ex tempore, sine vilo libro in schola de argumento improviso scribendum. O. Omnia denique ad exploratam progressum nostrorum cognitionem capiendam instituuntur: ideo reprehensioni affinia nequaquam putanda sunt. Et cum huiusmodi discrimina in annos recurrant singulos, nec vlla via euitabilia sint; reddamur studiosiores: nunquam vidi diligentes excludi. A. Opitulemur alter alteri dum comparatur. O. Operam meam tibi promitto. A. Ego meam promitto vicissim.

ANNOTATIONES.

SI HVICTAM GRAVI) Si interdum optantis est apud Latinos, quamuis sine particula *ô*. Virgil. 6. *Æneid.* Si nunc se nobis ille aureus arbore ramus ostendat. Id est, vtinam se ostendat. Pers. satyr. 6. si angulus iste proximus accedat, qui nunc deformat agellum. Sic Eurip. *Hecub.* εἰ ποὶ γένοιτο φθόγῳ ἐν βραχίονι. Si mihi vox esset in brachijs. Vtinam brachia mea possent vocem mittere. **SOLOECISMVM**) barbarissimum & solœc-

læcismum negat inueniri apud Græcos idoneos Gellius, qui βάρελαρον & ζολαῖον dixerint. Nostri quoque antiqui, inquit, solæcum facile, solæcismum haud scio an unquam dixerint. Quod si ita est, neq; in Græco, ineque in Latino solæcismus probè dicitur. Vide cap. 20. lib. 5. & l. 13. c. 6. Reperitur tamen in 4. Cornificij ad Herennium solæcismus.

PROGYMNASMA
SEXAGESIMVM SEXTVM.

Auditiones.

ELEVTherivs, MODESTVS.
DAMIANVS,

ELEVTherivs. Cur vos, Modeste & Damiane, hesternæ luce, & nudius tertius non affuistis in Gymnasio? M. Nihil dissimulabo. Ob eruditionem minus bellè valui: nunc sum meliusculus. D. Ab amico in hortos suburbanos hoc mense anni amabilissimo, & latissimo inuitatus, recusare nec potuissem, si voluissem, nec si maximè potuissem, voluissem: est enim ille de amicis meis veterrimus & fidelissimus. Inde autem aliquanto post, quàm putabam, in urbem reuerti. E. Undenam discetis, quæ nos interea Magister docuit? M. Legi iisdem de rebus, quæ nanno præterito accepi muneri à patruo meo commentarium. D. Ego ex autographo condiscipuli alicuius ea mihi describam. E. Arbitramini igitur vos isto modo

do eadem affecuturos, & intellecturos perfectè omnia. M. Quidni? Quin iam affecutus sum: nihil requiro. D. Perpaulum, aut nihil interest, ut quidem opinio mea fert, audiuerisne, an postea descriperis. Et hoc est commune eorum solatium, qui vel voluntate, vel casu aliquo abfuerunt à ludo, posse aliunde describere. Sunt qui nullum idcirco angorem capiunt, nec ideo fortunis suis desperant, quanquam menses totos docentem non auscultauerint. E. Magno errore uterque ducimini. M. Si placet, demonstra nobis istum errorem. E. Longè præstat audire quàm legere, etiam si multò diligentissimè legas. D. Quid ita verò? Non egemus libris disertis, elegantibus, eruditis, unde hauriamus scientiam: & quæ legimus intelligimus, neque enim adhuc nucibus ludimus, ut proinde iactura audiendi, paucorum præsertim dierum, tam grauitè & iniquè ferenda non sit. E. Legendi semper est occasio, non est semper audiendi. M. Non sit: quid tam? E. Lectio solitaria est veluti quidam somnus: auditio veluti vigilia. Viua vox Præceptoris magis nos afficit, plenius quasi pascit & alit, & aliùs descendunt in animum, in eoque tenaciùs inhaerent, quæ pronuntiatio, vultus, habitus, gestus docētis affuerint. Quid, quòd illa moderatio & variatio vocis cuiusdam commentarii efficacitatem obtinet, & quædam eorum quæ dicuntur est illustratio? Quid, quòd plura ferè dicuntur de vna eademque re in schola, quæ non item scribuntur: quia neque possunt commodè scribi, neque vult ea Magister calamo excipi? M. Nihilominus aciora absolutioraq; sunt, quæ legimus in auctoribus. E. Ut

hoc concesserim, quoniam plus operæ consumunt, qui libros edunt, quàm qui de superiore loco docent, tamen obscuriora & inuolutiora esse quæ scribuntur, tu mihi vicissim concedas oportet. Non enim se liber ipsemet explicat, vt Præceptores facere consueuerunt, qui multis exemplis, sententiis, argumentis vtuntur, & nihil quod verentur non intellectum iri, prætermittunt quin declarent. Quod autem scriptum est semel, hoc per sæcula tale, quale fuit ab initio, siue clarum, siue obscurum, siue facile & expeditum, siue difficile impeditumque manet. Interroga millie quid hoc, quid illud sibi velit, nunquam respondit liber tuus quem voluis. Conquerenti Alexandro Regi cum Aristotele, quòd libros Physicorum edidisset, quos Rex compressos teneri cupiebat: vt quomodo imperii, sic scientiæ gloria præstaret multis mortalibus, rescripsit Philosophus: sciret illos libros esse editos, & non editos: neque enim posse intelligi nisi ab iis, qui sibi docenti præsentibus dedissent operam. Præterea fieri aliquando potest, vt tam probatus & doctus non sit liber, & ita te parum adiuuet, quinimmo multum tibi noceat. Atque vt probatissimus sit, ego certè ex inuium Præceptorem malo, quem tanquam ex multis libris vnum quendam, viuumque librum contempler: qui scilicet multa, & multos peruolutauerit, & tanquam sedula apis è diuersorum flosculorum succo vnius cuiusdam dulcissimique saporis succum expresserit. D. Tam ingenioli acutique nos haud eramus, vt ista animaduerneremus, quæ tu nos modò nec opinantes docuisti. M. Ad tuam sententiam meum aggrego iudicium.

dicium. Prouidebo vt post hunc diem audiam quoti-
die, nisi morbi alicuius grauitas prohibuerit, aut medi-
cus publico abstinere edixerit. D. Ego in dies festos
conuiuia, & hortorum istas inuitationes reiiciam. E.
Tantum tribui à vobis orationi meæ, & non displi-
cuisse consilium, magnoperè, non in ea quidem, qui tan-
tū nec agnosco nec postulo, sed vestra caussa lætus sum.

ANNOTATIONES.

SCopus & consilium meum hoc dialogo est, persuadere
studiosis, ne parui ducant si vel vnā auditionem o-
miserint, & spem illam non audita per se suoque ingenio
assequendi, spem inconsultam, ac temerariam opinetur.
Quod si caussa honesta inciderit, quæ à gymnasio abesse
nos vnum alterumue diem quodammodo cogat, in festū
diem, si potest, res differatur. IN VRBEM REVER-
TI) Reuerti & redire, reuersio & reditus quid differant,
Manut. in 1. Philip. CONQUERENTI ALEXAN-
DRO) Vtrumq; epistolium græcè & latinè inuenies apud
Gellium lib. 19. c. 14. in vtroque breuitatis elegantissi-
mæ tenuissimum filum admiratur.



PROGYMNASMA
SEXAGESIMVM
SEPTIMVM.

Industria discendi.

*GORDIANVS, ALEXANDER discipulus,
MAGISTER.*

GORDIANVS. Ne defugas hoc officium : da
mihi tantillum, mi Alexander. A. Mitte orare
tandem, en paratum habes, accedamus. G. Age
fanè. A. Sollicitauit me dudum, & instigauit Gordia-
nus, vt quiddam tibi in percunctando ponerem, vene-
rande præceptor. M. Quid est quòd vicarium,
quærit? ipse per se, si quid est opus interroget. G.
Non videtur referre vter hoc faciat. M. Ergo ipsemet
faciat. A. Impedit hominem adolescentiorem, vere-
cundia. M. De rebus à me explicatis, aut disputatis num
est aliquid? A. Nihil tale. M. Quid dicam fore? Enun-
ciate paucis. A. Auemus scire nos duo, quinquam di-
scipulorum tuorum tibi in præcipuis sint amori-
bus : & hoc est, quòd te conuentum volebamus. M. Et si
quæstionem affertis neque necessariam, neq; tantoperè
vobis vtilem, attamen responsum reddam, & sententiæ
iudiciūq; mei rationes cum exposuero, efficiam, vt peri-
tiores abeatis, quàm aduenistis. G. Id nobis in optatis est,
studemusque sermone tuo etiam nunc doctiores fieri.
M. Principiò apud me quidem certè formosus an de-
formis sit aliquis perparui refert : qui non nesciam, nec
in omni pulchro capite inesse cerebrum : & vinum
Lesbium in viliora, abiectiona que vascula, vt in pa-
teras gemmatas & aureas infundi posse, iuxta mecum,
æque intelligitis. A. Quid verò spectare soles in di-
scipulis, propter quod apud te in numero aliquo, atque
honore sint? M. Duo. G. Quænam? M. Ingenium,
& industriam : hæ res duæ commendant, & charos
mihi

mihi reddant auditores meos. A. Si quis ambabus excelluerit? M. Vnum multorum instar, & ambrosia alendum, à meque amari tanquam oculos meos affirmo. G. Si quis neutra? M. Eum scœnum esse oportere, & ad sordidum, quæstuosumque opificium aliquod detrudendum. A. Si abs te in hac desperatissima colloui numeramur, restim eimemus, qui nos suspendamus. M. Meliora ominamini: tenetis apud me locum non infimum. A. Ingeniosos forsitan præferendos arbitrare diligentibus. M. Quî possim? G. Potiores partes dantur ingenio. M. A quibus? G. Ab vniuersis. M. Qui verò sunt isti vniuersi? eruditione rerumque vsu & ingenio præstantes, an illiterati & imprudentes? G. Eruditi, ni fallor. M. Falleris. Ingenium ignauum, segne, pigrum eruditus nemo celebrauit. Diligentiam siue industriam mediocri consociatam ingenio certatim omnes in magna gloria, & laude ponunt. Hæc sola est quæ plausum meretur. De hac poëta quidam verissimè cecinit: Omnia conando docilis solertia vincit. A. Iam perspicimus, industrios te præ ingeniosis admirari, illosq; tibi esse in deliciis. M. Fateor ita esse, vt dicis. G. Quamobrem? M. Auscultate, tum scietis. Primum res mihi videtur amore dignissima labor multus & assiduus in honesto & præstabili negotio, animusque insaturabili sapientiæ cupiditate incensus, cuius ille (labor, inquam, indefessus) locupletissimus certissimusque testis est. Nemo quippe in eo elaborare, operamque collocare velit, cuius amore ac desiderio nullo flagrat. A. Percepimus istam causam, & alias, si quæ sunt, requirimus. M. Quid agit bonus Præceptor?

G. Docet. M. Studiosè an oscitanter? G. Studiosè. M. Bestias an homines? G. Homines vtique. M. Discen-
tes, an animis & cogitatione alibi cominorantes, solif-
que corporibus præsentēs? G. Discentes, & tota men-
te attentissimos. M. Nunc tu mihi responde Alexander.
Quorum censes proprium esse discere: ingeniosorum,
quàm ingeniosi, an potius industriorum. et si ingenii mi-
noribus præditorum? nam industriam omnis expertè
ingenii applicare ad literas, esset imbrem in cribro por-
tare. A. Plurimi valentes ingenio non discunt, aut disso-
lutè & languidè discunt: quocirca eorum hanc esse na-
turam, neutiquam sentio: nulli enim ingenioso deesset.
M. Rem fabulare. Bene docentes igitur quos amare po-
tissimùm & inprimis debent? A. Bene discentes, & qui
literas vorant, sine vlla controuersia. M. Omnem rem
tenes. Quid nunc superest quod quæeratis? G. Dici
potest, quàm tua istac tam subtili disputatione delectati
simus. Tulimus responsum sapiens; & quod præterea
requiramus, restat nihil. A. Perspicimus probè, quid tu
iure à nobis postules, enitemurque vt amore tuo, & qui-
dem illo non vulgari, ne simus indigni: quoniam quos
vehementiùs diligas, manifestò cognouimus. M. Si ver-
ba ad rem contuleritis (quanquam hætenus non omi-
sistis; & ego magis instituti tenendi, quàm hortandì
caussa hoc profero) si hoc, inquam, effectum
dederitis, nomen vestrum cum æter-
nitate coniungentis.

ANNOTATIONES.

AD hunc dialogum, & ea, quæ de industria laudibus proferuntur illustranda, pertinere mihi videtur perlepidâ historia, quam de Furio Cresino Plinius libro 18. cap. 6. narrat. C. Furius Cresinus, inquit, è servitute liberatus, cùm in paruo admodum agello largiores multo fructus perciperet, quàm ex amplissimis vicinitas, in invidia magna erat, ceu fruges alienas pelliceret veneficijs. Quamobrem à Sp. Albino Curuli die dicta, metuens damnationem, cùm in suffragium tribus oporteret ire, instrumentum rusticum omne in forum attulit, & adduxit filiam validam, atque (ut ait Piso) bene curatam ac vestitam, ferramenta egregie facta, graues ligones, vomeres ponderosos, boues saturos. Postea dixit: Veneficia mea, Quirites, hæc sunt, nec possum vobis ostendere, aut in forum adducere lucubrationes meas, vigiliasquæ & sudores. Omnium sententijs est absolutus. Addit. Plinius. Itaque est profectò, opera, non impensa cultura constat. Ego verò similiter in re dissimilis affirmo: non tam ingenio, quàm labore & sudore doctrina inuenitur, De eruditorum tamen assiduis contentionibus atque vigilijs non sæpe cogitamus. IN OMNI PVLCRO) Vide Æsopi apologum de vulpecula in officinam statuarij ingressa. Dialogum 66. legant, qui crebrò à ludo absunt, & 67. qui ingenio minus valent. ut & illi fiant assidui, & isti animosi. ET HAROS MIHI REDDUNT) In primis ea habenda cura

est, ut is (Præceptor) fiat nobis familiariter amicus, nec officium in docendo spectet, sed affectum. Nec sanè quisquam literis, saltem leuiter, imbutus, cum, in quo studium ingeniumq; perspexerit, nō in suam quoque gloriam peculiariter fouebit. Quintil. lib. 1. cap. 2.

PROGYMNASMA
SEXAGESIMVM OCTAVVM.

Pensum diurnum.

MAGISTER, DISCIPVLVS.

MAGISTER. Non tu existimas, Antoni, ad progressus in eruditione liberali haud ita longinquo tempore consequendos perimagni interesse, certosne tibi labores, libros, exercitationes proponas, quibus studium dedas in dies singulos: an, ut impetus tulerit, & quamdiu tulerit, ita quidque, & tam diu agas? D. Sanè quidem maximè interest: hæc mea est opinio. M. Nōne præterea intelligis quanti referat, vtrum confusè ac perturbatè, an distinctè, & ordine discas atque exerceas: quæ discenda & exercenda sunt? D. Ego verò perspicuè intelligo, & re ipsa id experior. M. Num tu igitur consueuisti certa quædam tractare, & vnumquodque præstituta hora per diei spatium? D. Prorsus consueui. M. Commemora mihi quamam istuc ratione. D. Posteaquam ad primam auroream somno solutus, de lectulo surrexi,

rexi, corpus amictu contexi, faciem abluï, capillum pexui, quartam horæ partem diuinis precationibus transigo, à cœlesti doctore opem auxiliumque efflagito: me illi cum studiis & actionibus diurnis totum offero & dedico. M. Castissimè: à Deo enim, qui est totius sapientiæ primus & antiquissimus parens, auspicari oportet, ab eo agendi sunt capiendæ initia. D. Tum me ad libros applico. Primum omnium, quæ ante meridiem in scholis pronuntianda sunt ex memoria, edisco. Reliquum tempus in vespertinis diei præcedentis interpretationibus dictatisque consumo: vt si iusseris, possim auctorem explanare. Ære campano interea in ludum arcessimur, ibi tuipe nosti quid agam. M. Et quid tu, & quid alii. D. A prandio rursum edisco & repeto, mecumque retracto ac reuoluo, quæ te explicantem, & alioquin ad nos expoliendos accommodata, & idonea differentein audiui. Si quid superest temporis, quemadmodum manè quoque, Adrianum Cardinalem, aut epistolas Ciceronis lectito. M. Rectissimè, Quando scribis? D. Secundum scholas pomeridianas vsque ad cœnam: id est, interuallum horæ & semis. Nunquam autem scriptioni manus admoueo, nisi prius Cicero-
nem versauerim, animumque meum illius compositissimæ, ac splendidissimæ orationis illecebra delinitum, amore & diligentia similiter scribendi inflammarim. M. Euge, prudentissimum consilium. Quam vellem te condiscipuli, & quotquot posthac se mihi in disciplinam tradent, imitarentur? Hoc si fiat, publico fiat bono. A cœna quid inceptas? D. Si non defuit


Lamb. in *Amphit.* NOSTER PALÆMON) *eclog.* 3. à pastorib. certaturis inter se cantibus, siue carminibus, iudex adhibetur & arbiter Palæmon. Fuit item hoc nomine Grammaticus quidam Romæ, Tiberio & Claudio Imp. intollerabili arrogantia: quippe qui M. Varronem porcum appellaret, secumq; & natus, & interituras literas gloriaretur. NON NOSTRVM INTER VOS) *Verficulus Virgilij ex eclog. 3. de cuius distinctione, & sensu consulendus est Seruius.* Nihil tamē impedit, quin totum iungatur, & pro recusatione quadam specie proverbij adhibeatur, quemadmodum ex auctoribus complura, alia quàm ij voluerunt, sententia. PRO MEA PARTE) Si id hac locutione velis, quod Germani, *So vil mich belangt / barbarè loqueris, Sin autem id, quod illi, So vil ich kan vnd mag.* Nach meinem vermö, gen tuum latine loqueris cum Cicerone. Est enim perinde ac si dicas, pro mea virili, pro virili parte mea, pro viribus meis. CEDE PALMAM) Ex Aristotele & Plutarcho tradit Gellius lib. 3. cap. 6. si supra palma lignum ingentia pondera imponas, itaque vrgeas, vt magnitudo oneris sustineri non queat, non deorsum palmam cedere, nec intra flecti: sed aduersus pondus resurgere, sursumq; niti ac recuruari. Propterea in certaminib. palmam signum esse placuit victoriæ: quoniam ingenium eiusmodi ligni est, vt vrgentibus opprimentibusq; non cedat. *Palmarium facinus apud Terent.* Eunuch est palma, hoc est, victoria dignum. *Cic. pro Rosc. Amer.* Alter plurimarum palmarū vetus ac nobilis gladiator habetur. IOTRIVM-

PHÉ) Vox militum lauro coronatorum, & imperato-
rem victorem prosequentium in urbem. Ouid. Trist. 4.
eleg. 2.

*Tempora Phæbæa lauro cingentur, iôquæ
Miles, iô magna voce triumphæ canet.*

Hanc eandem vocem intellexit 1. Metamorph. illu verbis
de lauro loquens.

*Tu ducibus latus aderis, cum læta triumphum
Vox canet, & longas sisent Bapstola pompas.*



PROGYMNASMA

SEXAGESIMVM

QVINTVM.

Examen.

ADAVCTVS, OLYMPIVS.

ADAVCTVS. Examen, id quod nosti, propo-
diem instituendum dies noctesq; ante oculos mi-
hi obuersatur, penitusq; insedit in animo. O. Ea-
dem res versat, & coquit mentem meam. Si huic tam
gravi periculo ereptus essem. A. Quò iterum iterum
quæ ac sæpius per annum non idoneas ob causas decli-
naui ludum, id nunquam æquæ sensi vt nunc sentio,
quantum damni fecerim: quocirca non mediocri in
dolore sum. O. Me pariter absentia mex, quan-
tumuis non tam frequentis pudet, pœnitet, piget. A. Ac-
cedit ad exaggerandam animi ægritudinein, quò diui-
nare non possum, quænam interrogaturi sint illi Quæ-
sitores. O. Si scires? A. Addiscerein ea quàm acer-
T rime,

rimè. O. Estne aliquis ex omnibus, cui hoc detegere soleant? A. Nullus. O. Moderatè igitur feramus commune malum. A. Timor item solet obstare ne proinam liberè & intrepidè quæ scio: itaque hæret mihi aqua sæpe. Hinc pro incitia ducitur, quæ non fuit. O. Ego, ne vt errans aliquantùm sinistrè respondeam, nihil quidquam vereor: sed ne vt illiteratus planè illiteratissimè respondeam, id verò nō mediocriter pertimesco. A. Quī te ad illud tremendum, & horribile examen præparas? O. Quidquid audiui totius anni curriculo, sæpius relego, ac repeto expositiones, quantū me adiuuat memoria: in Ciceronē, Grammaticis, Christiana Catechesi. Vbi quid non intelligo, de condiscipulis doctiorem aliquem interrogo. Adhæc, denuò inando memoriæ præcepta pro virili. A. Nimiūm operosus labor est tam multa discere. O. Operosus, at necessarius omnino. A. Certum est tamen non omnia quæsituros. O. Propterea instructum esse in omnibus conuenit, quia quod ipsis lubet interrogant de omnibus, prudenter. Si enim ordine interrogare velint vniuersa, idque de singulis, nimis longum sit, & fastidii plenum. Qui porro quæstioni cuiunque aptè respondet, is totam videtur scientiam consecutus. A. Non stultè dictum. O si præteriisset hæc turbulentissima tempestas. O. Subeunda & perferenda est, si optes ascendere. A. Tametsi hucusque segregauī à me ignauiam in ista præparatione, tamen cogor neruos magis contendere, tum ne reiiciar, tum ne de postremis fiam vnus: cui rei, præsertim quando est maior ascendentium societas, magna est adiuncta turpi-

turpitudine & infamia. At enim, nisi examen istuc impendens me adigeret, nunquam studia forent mihi tanti, ut eorum gratia caput affligerem. O. Non ob examen duntaxat, sed ob futuras quoque prælectiones melius citiusque capiendas audita repetenda & recolenda sunt: ut sic felicius & fructuosius in superiore schola versemur. A. In scriptione haud leue momentum est: ibi barbarissimos & solæcissimos timeo, malas bestias. O. Non sine causa, mordent atrociter. A. Ex tempore, sine vilo libro in schola de argumento improviso scribendum. O. Omnia denique ad exploratam progressum nostrorum cognitionem capiendam instituuntur: ideo reprehensioni affinia nequaquam putanda sunt. Et cum huiusmodi discrimina in annos recurrant singulos, nec vlla via euitabilia sint, reddamur studiosiores: nunquam vidi diligentes excludi. A. Opitulemur alter alteri dum comparamur. O. Operam meam tibi promitto. A. Ego meam promitto vicissim.

ANNOTATIONES.

SI HVIC TAM GRAVI) Si interdum optantis est apud Latinos, quamuis sine particula *ō*. Virgil. 6. *Æneid.* Si nunc se nobis ille aureus arbore ramus ostendat. Id est, utinam se ostendat. Pers. satyr. 6. si angulus iste proximus accedat, qui nunc deformat agellum. Sic Eurip. *Hecub.* εἴ μοι γένοιτο φέρυς & ἐν βραχίονι. Si mihi vox esset in brachijs. Utinam brachia mea possent vocem mittere. **SOLOECISMVM**) barbarissimum & solæcis-

læcismum negat inueniri apud Græcos idoneos Gellius, qui βαρελαρον & λοιδωρον dixerint. Nostri quoque antiqui, inquit, solæcum facile, solæcismum haud scio an unquam dixerint. Quod si ita est, neq; in Græco, ineque in Latino solæcismus probè dicitur. Vide cap. 20. lib. 5. & l. 13. c. 6. Reperitur tamen in 4. Cornificij ad Herennium solæcismus.



PROGYMNASMA SEXAGESIMVM SEXTVM.

Auditiones.

ELEVETHERIVS, MODESTVS.
DAMIANVS,

ELEVETHERIVS. Cur vos, Modeste & Damiane, hesternæ luce, & nudius tertius non affuistis in Gymnasio? M. Nihil dissimulabo. Ob eruditatem minus bellè valui: nunc sum meliusculus. D. Ab amico in hortos suburbanos hoc mense anni amabilissimo, & lætissimo inuitatus, recusare nec potuissem, si voluissem, nec si maximè potuissem, voluissem: est enim ille de amicis meis veterrimus & fidelissimus. Inde autem aliquanto post, quàm putabam, in urbem reuerti. E. Vndenam discetis, quæ nos interea Magister docuit? M. Legi iisdem de rebus, quæ nanno præterito accepi muneri à patruo meo commendarium. D. Ego ex autographo condiscipuli alicuius ea mihi describam. E. Arbitramini igitur vos isto modo

do eadem affecuturos, & intellecturos perfectè omnia. M. Quidni? Quin iam affecutus sum: nihil requiro. D. Perpaulum, aut nihil interest, ut quidem opinio mea fert, audiuerisne, an postea describeris. Et hoc est commune eorum solatium, qui vel voluntate, vel casu aliquo abfuerunt à ludo, posse aliunde describere. Sunt qui nullum idcirco angorem capiunt, nec ideo fortunis suis desperant, quanquam menses totos docentem non auscultauerint. E. Magno errore vterque ducimini. M. Si placet, demonstra nobis istum errorem. E. Longè præstat audire quàm legere, etiam si multò diligentissimè legas. D. Quid ita verò? Non egemus libris disertis, elegantibus, eruditis, unde hauriamus scientiam: & quæ legimus intelligimus, neque enim adhuc nucibus ludimus, ut proinde iactura audiendi, paucorum præsertim dierum, tam grauitè & iniquè ferenda non sit. E. Legendi semper est occasio, non est semper audiendi. M. Non sit: quid tam? E. Lectio solitaria est veluti quidam somnus: auditio veluti vigilia. Viua vox Præceptoris magis nos afficit, plenius quasi pascit & alit, & altius descendunt in animum, in eoque tenaciùs inhaerent, quæ pronuntiatio, vultus, habitus, gestus docētis affixerit. Quid, quòd illa moderatio & variatio vocis cuiusdam commentarii efficacitatem obtinet, & quædam eorum quæ dicuntur est illustratio? Quid, quòd plura ferè dicuntur de vna eademque re in schola, quæ non ita scribuntur: quia neque possunt commodè scribi, neque vult ea Magister calamo excipi? M. Nihilominus acriora absolutioraq; sunt, quæ legimus in auctoribus. E. Ut

dicium. Prouidebo vt post hunc diem audiam quotidie, nisi morbi alicuius grauitas prohibuerit, aut medicus publico abstinere edixerit. D. Ego in dies festos conuiuia, & hortorum istas inuitationes reiiciam. E. Tantum tribui à vobis orationi meæ, & non displicuisse consilium, magnoperè, non in ea quidem, qui tantum nec agnosco nec postulo, sed vestra causa lætus sum.

ANNOTATIONES.

SCopus & consilium meum hoc dialogo est, persuadere studiosis, ne parui ducant si vel vnā auditionem omiserint, & spem illam non audita per se suoque ingenio assequendi, spem inconsultam, ac temerariam opinentur. Quod si causa honesta inciderit, quæ à gymnasio abesse nos vnum alterumue diem quodammodo cogat, in festum diem, si potest, res differatur. IN VRBEM REVERTI) Reverti & redire, reuersio & reditus quid differant, Manut. in 1. Philip. CONQUERENTI ALEXANDRO) Vtrumq; epistolium græcè & latinè inuenies apud Gellium lib. 19. c. 14. in viroque breuitatis elegantissimæ tenuissimum filum admittitur.



PROGYMNASMA

SEXAGESIMVM

SEPTIMVM.

Industria discendi.

T 4

GOR.

*GORDIANVS. ALEXANDER discipulus,
MAGISTER.*

GORDIANVS. Ne defugas hoc officium : da mihi tantillum, mi Alexander. A. Mitte orare tandem, en paratum habes, accedamus. G. Age, sanè. A. Sollicitauit me dudum, & instigauit Gordianus, vt quiddam tibi in percunctando ponerem, venerande præceptor. M. Quid est quòd vicarium, quærit? ipse per se, si quid est opus interroget. G. Non videtur referre vter hoc faciat. M. Ergo ipsemet faciat. A. Impedit hominem adolescentiorem, verecundia. M. De rebus à me explicatis, aut disputatis num est aliquid? A. Nihil tale. M. Quid dicam fore? Enunciate paucis. A. Auemus scire nos duo, quinam discipulorum tuorum tibi in præcipuis sint amoribus : & hoc est, quòd te conuentum volebamus. M. Et si quæstionem affertis neque necessariam, neq; tantoperè vobis utilem, attamen responsum reddam, & sententiæ iudiciūq; mei rationes cum exposuero, efficiam, vt peritiores abeatis, quā aduenistis. G. Id nobis in optatis est, studemusque sermone tuo etiam nunc doctiores fieri. M. Principiò apud me quidem certè formosus an deformis sit aliquis perparui refert : qui non nesciam, nec in omni pulchro capite inesse cerebrum : & vinum Lesbium in viliora, abiectioraque vascula, vt in pateras gemmatas & aureas infundi posse, iuxta mecum, æquè intelligitis. A. Quid verò spectare soles in discipulis, propter quod apud te in numero aliquo, atque honore sint? M. Duo. G. Quænam? M. Ingenium, & industriam : hæ res duæ commendant, & charos mihi

tibi reddunt auditores meos. A. Si quis ambabus excelluerit? M. Vnum multorum instar, & ambrosia alendum, à meque amari tanquam oculos meos affirmo. G. Si quis neutra? M. Eum foenum esse oportere, & ad sordidum, quæstuosumque opificium aliquod detrudendum. A. Si abs te in hac desperatissima colluie numeramur, restim eimemus, qui nos suspendamus. M. Meliora ominamini: tenetis apud me locum non infimum. A. Ingeniosos forsitan præferendos arbitrare diligentibus. M. Quis possim? G. Potiores partes dantur ingenio. M. A quibus? G. Ab vniuersis. M. Qui verò sunt isti vniuersi? eruditione rerumque usu & ingenio præstantes, an illiterati & imprudentes? G. Eruditi, ni fallor. M. Falleris. Ingenium ignauum, segne, pigrum eruditus nemo celebrauit. Diligentiam siue industriam mediocri consociatam ingenio certatim omnes in magna gloria, & laude ponunt. Hæc sola est quæ plausum meretur. De hac poëta quidam verissimè cecinit: Omnia conando docilis solertia vincit. A. Iam perspicimus, industrios te præ ingeniosis admirari, illosque tibi esse in deliciis. M. Fateor ita esse, ut dicis. G. Quamobrem? M. Auscultate, tum scietis. Primum res mihi videtur amore dignissima labor multus & assiduus in honesto & præstabili negotio, animusque insaturabili sapientiæ cupiditate incensus, cuius ille (labor, inquam, indefessus) locupletissimus certissimusque testis est. Nemo quippe in eo elaborare, operamque collocare velit, cuius amore ac desiderio nullo flagrat. A. Percepimus istam causam, & alias, si quæ sunt, requirimus. M. Quid agit bonus Præceptor?

G. Docet. M. Studiosè an oscitanter? G. Studiosè. M. Bestias an homines? G. Homines utique. M. Discen-
tes, an animis & cogitatione alibi commorantes, solis-
que corporibus præsentes? G. Discentes, & tota men-
te attentissimos. M. Nunc tu mihi responde Alexander.
Quorum censes proprium esse discere: ingeniosorum,
quàm ingeniosi, an potius industriorum. et si ingeniis mi-
noribus præditorum? nam industriam omnis expertè
ingenii applicare ad literas, esset imbrem in cribro por-
tare. A. Plurimi valentes ingenio non discunt, aut disso-
lutè & languidè discunt: quocirca eorum hanc esse na-
turam, neutiquam sentio: nulli enim ingenioso deesset.
M. Rem fabulare. Bene docentes igitur quos amare po-
tissimum & imprimis debent? A. Bene discentes, & qui
literas vorant, sine vlla controuersia. M. Omnem rem
tenes. Quid nunc superest quod quæritis? G. Dici
potest, quàm tua istac tam subtili disputatione delectati
simus. Tullius responsum sapiens: & quod præterea
requiramus, restat nihil. A. Perspicimus probè, quid tu
iure à nobis postules, enite murque ut amore tuo, & qui-
dem illo non vulgari, ne simus indigni: quoniam quos
vehementius diligas, manifestò cognouimus. M. Si ver-
ba ad rem contuleritis (quanquam hætenus non omi-
sistis: & ego magis instituti tenendi, quàm hortandi
caussa hoc profero) si hoc, inquam, effectum
dederitis, nomen vestrum cum æter-
nitate coniungentis.



ANNOTATIONES.

AD hunc dialogum, & ea, quæ de industria laudibus proferuntur illustranda, pertinere mihi videtur perlepidâ historia, quam de Furio Cresino Plinius libro 18. cap. 6. narrat. C. Furius Cresinus, inquit, è servitute liberatus, cum in paruo admodum agello largiores multo fructus perciperet, quàm ex amplissimis vicinitas, in invidia magna erat, ceu fruges alienas pelliceret veneficijs. Quamobrem à Sp. Albino Curuli die dicta, metuens damnationem, cum in suffragium tribus oporteret ire, instrumentum rusticum omne in forum attulit, & adduxit filiam validam, atque (ut ait Piso) bene curatam ac vestitam, ferramenta egregiè facta, graues ligones, vomeres ponderosos, boues saturos. Postea dixit: Veneficia mea, Quivites, hæc sunt, nec possum vobis ostendere, aut in forum adducere incubrationes meas, vigiliasquæ & sudores. Omnium sententijs est absolutus. Addit. Plinius. Itaque est profectò, opera, non impensa cultura constat. Ego verò similiter in re dissimili affirmo: non tam ingenio, quàm labore & sudore doctrina inuenitur, De eruditorum tamen assiduis contentionibus, atque vigilijs non sæpe cogitamus. IN OMNI PVLCHRO) Vide Æsopi apologum de vulpecula in officinam statuarij ingressa. Dialogum 66. legant, qui crebrò à ludo absunt, & 67. qui ingenio minus valent, ut & illi fiant assidui, & isti animosi. ET CHAROS MIHI REDDUNT) In primis ea habenda cura
est.

est, ut is (Præceptor) fiat nobis familiariter amicus, nec officium in docendo spectet, sed affectum. Nec sanè quisquam literis, saltem leuiter, imbutus, eum, in quo studium ingeniumq; perspexerit, nō in suam quoque gloriam peculiariter fouebit. Quintil. lib. 1. cap. 2.

PROGYMNASMA
SEXAGESIMVM OCTAVVM,

Pensum diurnum.

MAGISTER, DISCIPVLVS,

MAGISTER. Non tu existimas, Antoni, ad progressus in eruditione liberali haud ita longinquo tempore consequendos permagni interesse, certò ne tibi labores, libros, exercitationes proponas, quibus studium dedas in dies singulos: an, ut impetus tulerit, & quamdiu tulerit, ita quidq; & tam diu agas? D. Sanè quidem maximè interest: hæc mea est opinio. M. Nōne præterea intelligis quanti referat, vtrum confusè ac perturbatè, an distinctè, & ordine discas atque exerceas: quæ discenda & exercenda sunt? D. Ego verò perspicuè intelligo, & re ipsa id experior. M. Num tu igitur consueuisti certa quædam tractare, & vnumquodque præstituta hora per diei spatium? D. Prorsus consueui. M. Commemora mihi quamam istuc ratione. D. Posteaquam ad primam auroream somno solutus de lectulo surrexi,

rexi, corpus amictu contexi, faciem ablui, capillum pexui, quartam horæ partem diuinis precationibus transigo, à cœlesti doctore operam auxiliumque efflagito: me illi cum studiis & actionibus diurnis totum offero & dedico. M. Castissimè: à Deo enim, qui est totius sapientiæ primus & antiquissimus parens, auspicari oportet, ab eo agendi sunt capiendæ initia. D. Tum me ad libros applico. Primum omnium, quæ ante meridiem in scholis pronuntianda sunt ex memoria, edisco. Reliquum tempus in vespertinis diei præcedentis interpretationibus dictatisque consumo: ut si iusseris, possim auctorem explanare. Ære campano interea in ludum recessimus, ibi tuipse nosti quid agam. M. Et quid tu, & quid alii. D. A prandio rursus edisco & repeto, mecumque retracto ac reuoluo, quæ te explicantem, & alioquin ad nos expoliendos accommodata, & idonea differente audiui. Si quid superest temporis, quemadmodum inanè quoque, Adrianum Cardinalem, aut epistolas Ciceronis lectito. M. Rectissimè, Quando scribis? D. Secundum scholas pomeridianas usque ad cœnam: id est, interuallum horæ & semis. Nunquam autem scriptioni manus admoueo, nisi prius Cicero- nem versauerim, animumque meum illius compositissimæ, ac splendidissimæ orationis illecebra delinitum, amore & diligentia similiter scribendi inflammarim. M. Euge, prudentissimum consilium. Quam vellem te condiscipuli, & quotquot posthac se mihi in disciplinam tradent, imitarentur? Hoc si fiat, publico fiat bono. A cœna quid inceptas? D. Si non defuit

desunt sodales, honestis facetisque sermonibus, aliquando symphonia, seu cantu musico cum illis diem comburo. Si solus, tum aut testudinem pulso, aut fabellas Æsopi, apophthegmata, historiam planam, & disertè ac tersè conscriptam: quandoque etiam festiua & pudica poemata lego, quibus lectiunculis oblecto otiolum meum, & tum ex ipsa rerum pulcherrimarum cognitione, tum ex sermonis elegantia, quasi aliud agens, utilitatis fructum minimè pœnitendum excerpto. M. Liberalius, iucundius, conducibilis suadere tibi nihil potuissèm: suprà ætatem sapias. Diebus festis quid rerum agis? D. Ad exercendam memoriam de poëtis veteribus, item ex Cicerone, Livio, Sallustio locos insignes edisco, quia te id laudare solitum, non sum nescius. Præter ista in Græcis non parum temporis colloco. E sacris auctoribus ad animum emendandum etiam sæpè aliquid lego. M. Probo summopere institutum. Quid? diem vacationis totumne, dum cubitum concedas, in ludo exigis? D. Deus auerruncet: ne tu suspicere me vnum de inertium istorum esse sodalicio, qui ludum & ferias in primis; studia in postremis numerant. M. Quid ergo facis? D. Vbi horas aliquot corpus animuinque iucundè recreavi, & ad omnem me hilaritatem effudi; mihi met receptui cano, ad libellos regredior. Nam me quemcunque diem, quo non didicerim, perdidisse statuo. M. Quàm non inuito ad aures sermo hic tuus accessit? O te solertissimum, ô summè industrium adolescentem. Tu non amandus? tu non gestandus in sinu? Mane in hac ratione semper, teque ex ea lucrum emolumentum.

tumque vberimum, & immortalis gloriæ splendorem
acquisturum spera.

ANNOTATIONES.

CASTISSIME) Cicero ad Terentiam epistola 4.
Quando neque dii, quos tu castissimè coluisti, ne-
que homines, quos ego seruavi semper, nobis gratiam re-
tulerunt. Hic quidem quid valeat, castissimè, nemo non
videt; idem quod integerrimè, sanctissimè, religiosissimè.
Lege quæ affert Turneb. de verbis castè. castitas, lib. 3. o.
cap. 36. **ÆRE CAMPANO**) Vsus campanarum quàm
antiquus sit & varius, & quomodo sacris & profanis in
rebus adhibeatur, de quibus illarum pulsu ad studiosos in Aca-
demiam scholasque conuocandos, lege Iunium lib. 3. c. 11.
& Midendorp lib. 1. c. 11. **DIEM COMBURO**) Plauti
Menach.

M. E. Hoc mihi abs te caueo cautius;

*Clam uxore & bi sepulcrum habeamus, & hunc com-
buramus diem.*

*P. E. Age sanè igitur, quando equum oras: quàm mor-
incendo rogum?*

*Dies quidem iam adymbilicum est dimidiatus mor-
tuus.*

Cuius loci hac est, quamuis allegorica explanatio. Græci
& Romani mortuos in rogum imponebant, & combure-
bant. Menachmus optat sepulchrum, id est, locum, ubi ne-
sciente uxore diem iam ad occasum præcipitantem, & ve-
luti animam agentem absumere possit, hilariter nimi-
rum

rum & incundè viuendo, epulando, & perpotando. Virg. eclog. dixit. Cantando puerum meminì me condere soles. Horatius Ode 5. lib. 4. condere diem. Parasitus autē, quā mœx, inquit, incendo rogi. id est, quā citò prouideo, seu coquo obsonium, ut hunc diem comburamus, ut opiparè epulemur? Nunc enim dies in pomeridianum tempus inclinatus est, & ita quasi dimidiatus mortuus. Comburendus igitur. A CORNA QVĪD, INCOEPTAS) aut nullum sit studium nobis post cœnam aut incundum sit, non spinosum atque serium. Vult etiam Plutarchus, lib. de tuenda valetud. animum nō vexari à cœna, neque negotiis, neque curis, neque sophisticis contentionibus. Historicarum, poëticarumq; quasiuncularum exercitationes, quas aliqui studiosorum hominum secundas menses nominauerunt, non prohibet. DEVS AUERRUNCET) Rusticum verbum est auerruncō, amputo, succido, refeco, à runca instrumento, quo vitiū luxuries coercetur. Inde per metaphoram pro depellere, auertere, remouere. Liuius lib. 8. Placuit auerruncanda Deūm iræ victimas cædi. Cicer. ad Att. lib. 4. Dī, inquit, auerruncet. Lucilius apud Nonium. Dī amentiam auerruncasint tuam. Hinc Auerruncus Deus, à quo precari solebāt, ut pericula auerteret. Varro lib. 6. RECEPTVICA-NO) Militaris locutio, crebra Liuiō. Veget. lib. 2. c. 22. Tubicines ad bellum vocant milites, & rursum receptui canunt. Græci ἀνακαλῆν. Receptus autem dicitur, quò se exercitus recipit.

PROGYMNASMA
SEXAGESIMVM NONVM.

Observator.

OBSERVATOR; ATHANASIUS, MAT-
THAEVS, BONIFACIUS


OBSERVATOR. Vos tres, linguas ge-
ritis impensè liberas & expeditas: loquacitas
vobis dominatur: meam admonitionem con-
temnitis ac pro nihilo putatis. Ecce in fabulorum
indicem vos refero. Si Pegaso velociores sitis, nun-
quam hodie estagietis infortunium. A. Conniui-
stis aliàs, conniue nunc etiam, & muta istam men-
tem, rogo: tacebo deinceps vt piscis. M. Si nomina
nostra in catalogum retuleris, erit mihi quod Præ-
ceptor de te narrem. O. Quid dices? M. Cogno-
sces. O. Minas iactare cuius obuium est. M. Experieris.
O. Nullius in me maleficii criinen admisi, cuius me sti-
mulet conscientia. M. Senties. O. Nullum, inquam, cri-
men incurri, quo tu me accersas: & non ignoro technas
tuas. M. Videbis. B. Ne scribe nomen meum in tabu-
la, donabo tibi quidpiam. O. Egone vt patiar me abs-
te corrumpi muneribus? B. Lepidissimum est. O.
Non curo. B. Simul aspexeris, appetes. O. Mitte
nugari: nihil habes quod dones. A. Habet certè. O.
Quin ostendis? B. Ecce imago longè venustissima:
augustissima Dei mater puerum Iesum vlnis sustinens.
Videtur vt amabiliter arridet nobis diuinissimus at-
que

que bellissimus infans? O. Hancine daturus es? B. Daturus, si pollicere silentium. O. Polliceor, da. B. Quæ res feliciter ambobus eueniat, accipe. M. O factum bene, iam tu incorruptissime obseruator nec me, nec Athanasium audebis accusare. O. Quapropter non audereim? A. Quia nos te accusareimus, & tu penderes pœnas non leues, quòd Præceptorì infidelis, æ perfidus extitisses. O. Ignosco vobis similiter, vt Bonifacio. M. Perplacet. Discede iam hinc, obserua alios. A. Prò, quantum boni adepti sumus hac luce, qui ab isto quidem obseruatore quoad voluerimus tuti sumus? B. Quinam? A. Si de fracta lege silentii postulare quenquam è nobis ineditabitur, obiciemus illi, quam abs te accipere non recusauit elegantem pœturam vt sileret: mutire non audebit. Nam tribus, tibi qui donasti, mihi & Matthæo testibus oculatis plus vtique quàm illi soli vel iurato credet Magister: periurissimum dicet, si deriderit. M. Via reperta est commodissima ad euadenda verbera, propter istam congreffionem nostram videlicet imminetia. Vah.

ANNOTATIONES.

PEGASO VELOCIORES). De equo alato, qui capite Meduse amputato à Perseo, ex eius sanguine natus repentè profiluerit, quomodo eo vsus sit Bellerophon, Natalis Comes Mytholog. lib. 7. c. 11. & lib. 9. cap. 4. Fabulantur hunc eundem equum, cum terram vngula percussisset, fontem elicuisse, vnde ipsi nomen inditum Pegasus,

ſus, πῆγῃ enim ſons: qui quoniam Muſis conſecratus eſt, dicuntur illæ Pegafides. Idem ſons ἱπποκρήνη, & Muſæ Hippocrenides.



PROGYMNASMA

SEPTVAGESIMVM.

Formula petendarum facultatum.

*LYDIMAGISTER, NICOLAUS,
CRISPINVS discipuli.*

LYDIMAGISTER. Quas ob res, Nicolae, conſueuerunt à Magiſtris poteſtatem petere pueri? N. Ob duas potiſſimum. L. Scilicet. N. Ob exitum è ſchola, & abſentiam à ſchola ad tempus. L. Quapropter ſolent exire è ludo? N. Vel vt corpus leuent; vel vt emant aliquid neceſſarium. Item ob cauſam aliquam omnino fortuitam. L. Eſtne more Cynicorum Stoicorumue ſimplicibus, propriis, apertiſſimis vtendum verbis, ſine vlla præfatione honoris, cum loquimur de iis naturæ humanæ neceſſitatibus, quas iam cogitatione præcipis: an potiùs tectis, ac prætextatis: vt quod re inhonestum non eſt, modò occultè fiat, id verbo ne turpe obſcœnumque ſit? N. Ita tu quidem nuper ex Cicerone nos erudiuiſti. L. Velim petitiones aliquas iis verbis iteres, quibus à me accepſtiſti. Agite pueri, auſcultate atque operam data, & quæ dicentur percipite.

V 2

N:ca

N. Caput, venter, dentes mihi condolent, Praceptor: quocirca precor, fac mihi copiam eundi domum.

Febriculam, tentatiunculam sentio: tua cum venia domum me recipere concupisco.

Neceſſe habeo exire, Praceptor, ad hoc illudue emendum: ſi permittis exhibo, & poſt paulo reuertar.

Vocor domum à ſeruo, ab ancilla: poſſum abire?
L. Quomodo, Crispine, abſentiae facultas roganda eſt?

C. Hoc illudue negotium mihi curandum, tranſaſtum reddendum, tranſigendum, perficiendum eſt, lauandum, hoſpitibus ſeruiendum, egrotanti ſorori, fratri miniſtrandum.

Parentes mei hanc, illam rem ut peragrem mihi praeceperunt: huc, illuc me mittunt: quamobrem hodie, cras, biduo, triduo in ludo addeſſe non potero. Hac de re certioſem te facere volui, amantiſſime Praceptor, quò id te conſcio, ac non repugnante fieret.


A ſcholis abſui heri, nudius tertius, quatuor, quinque dies, &c. ob hanc, ob illam cauſſam, quam excuſationem ne repudies, te vehementer oro.

L. Hiſce phraſibus edico à me poteſtatem petant omnes

omnes, & vſitatam ſibi, lutulentamque barbariem valere iubeant. Qui contrà venerit, is quod petet non impetrabit, & modis accipietur tam miſeris, vt poſthac omnes barbariſimos odio Vatiniſano oderit.

ANNOTATIONES.

MORE CYNICORVM) Cynici non tantum quod obuios allatrarent, vt canes faciunt, ſed etiam ob vitam illiberalem, ab humanitate & munditia remotam, appellationem hanc ſunt conſecuti in Græcia. Turneb. lib. 7. cap. 9. Teſtatur & Laërt. ob ignominiam ſi nominatos. ODIO VATINIANO) Vatiniſum hominem natum & ad riſum, & ad odium, ſcurram fuiſſe venuſtum ac dicacem memoria prodiſtum eſt. In pedes ſuos ipſe plurima dicebat, & in fauces conciſas ſic inimicorum, quos plures habebat quam morbos, & in primis Ciceroniſ urbanitatem effugit. Seneca lib. Quod in ſapientem non cadat iniuria, cap. 17.



PROGYMNASMA SEPTVAGESIMVM PRIMVM.

Certamen copia.

PAVLINVS, MAVRITIVS, EYGENIVS

V 3

PAV.

PAVLINVS. Vter vestrū paratus est mecum conferre manus, conferre pedem, suscipere bellum, certamen inire, prælio contendere, pugnam capeßere, in arenam descendere, Martem lacessere, armis experiri, diuicare, pugnare, certare, decertare, præliari, configere? M. O he, quorsum, tu inconsiderate, tot synonyma, tot loquendi genera idem valentia conglobas? diceres semel vno verbo quid velles. Ecquid tibi vis tandem? E. Quod istuc prælium nobis, quam diuicationem offers? gloriose miles. P. Demiror equidem non sentire, non videre, non animaduertere, non intelligere, non percipere vos quid cupiam, quæ de pugna loquar. E. Nempe tibi admodū plaudis de varietate sermonis atque copia, & tanquam Cræsus aliquis in tua affluentia nos ut Codro pauperiores auersaris nostram paupertatem despiciatui ducis. M. Legistin' mi Thraso (mi Pauline volebam dicere) quid Archidamus Lacedæmoniorum Imperator, cum in Arcadiam irrupisset, cognouissetque hostibus Eleos ferre auxilium, quid, inquam, ad eos scripserit? P. Quid scripsit? M. Hoc tantum? quies bona. Ne igitur te commoueas cum tuis copiis, ut ne incidas in permagnos & valentes exercitus, quibus re ad extremum perducta casum, fœdissima strage concisus cum fueris, tum denique discas quid moneat illud vetus adagium: satius est recurrere quàm malè currere: palma in medio est posita. P. Quod tuo capiti sit. Rem istam mecum rectè reputaui via, subduxi rationes, delectus egi: absit verbo inuidia, est vnde vobis bellum faciam, copias magnas, valen-

valentes, virum à viro lectum visuri estis. Quare si vos viri estis, non mulieres, si audetis, si vos vlla accendit tantarum gloria rerum, mouete, aciem instruite, & à iugulis vestris vim meam prohibete. M. Vt sæpe summa virtus in occulto latet? Hic Imperator quantis est ceruicibus? innumerabiles & inunitissimas videtur vrbes expugnasse. E. In nobis mora non erit vlla, quoniam tibi insanire libet. Pone in quo nos copia tecum decertare desideras. P. Ponam verò. M O R I, quot modis aliter efferri potest Mauriti? M. Multis, quod neminem fugit, nisi qui literas fugit. P. Quot ergo? M. Tu numerato, ego proferam. P. Numerabo. At caue, quidquam inquinatum ac lutulentum, tanquam bonis mercibus adulterinas, & argenteis nummis plumbeos admisceas. E. Quorūnam formas illas loquendi esse postulas? P. Ridiculus es. Interrogas qualem cocum, quales epulas stomachus meus appetat? examussum optimum, & conquisitissimas: architectorum nimirum, & principum, latinitatis, M. Tullii, Cæsaris, Sallustii, T. Liuii, Plauti, Terentii, Virgilii, Horatii, &c. nec enim poetas excluderim: aliorum denique probatissimorum scriptorum, etiā nostri sæculi, qui imitatione ad sanitatem, & munditiem antiquorum accedere studuerunt. M. Facient ad stomachum tuum, vti spero. P. Ordire, Eugenius te excipiet, ego postremo loco occidam vos: trecentos enim modos ad hanc vnam rem explicandam recensebo. E. Basilicas edictiones hic habet. Mira confidentia. P. Mira diligentia. Iam pro castris militem producito, quem sub pellibus tutius

contineas, ut ego sentio. Fuga salutem petet, si non operetur. M. *Mortem cum vita commutare.* Quidam phrasin non intelligentes inuerso verborum ordine dicunt, vitam cum morte commutare, quod ferri potest. P. Quis ita locutus est? M. Seruius Sulpitius disciplina iuris ciuilis eruditissimus, & oratione maxime limatus ac perpolitus, epistola qua Ciceronem de obitu Tulliae consolatur: *Posteaquam mihi renunciatum est, &c.* lib. 4. epistolarum ad familiares. P. Reperiturne ibidem alius dicendi modus? M. Ita: *Diem suum obire.* P. Sic est, perge. E. Mauritius didicit literas Pauline, & personam adhuc bene gerit. P. Nondum me perculit. M. E voce, vita, frequentes nascuntur formulæ. *Vitam reddere: interdum adiungitur, naturæ dandi casus videlicet. Vitam deserere, vitam dimittere, amittere, relinquere, edere, vita cedere. E vita cedere, discedere, decedere, recedere, excedere, à vita desciscere. Vita concedere, est apud Cornelium Tacitum. E vita seu de vita exire, migrare, demigrare. Extremum vitæ diem conficere, seu, morte conficere, vita carere.* Restant modi quidam conflati ex vocabulis, anima, lux, spiritus, corpus, & aliis, quos relinquam Eugenio repræsentandos. P. Quomodo? tu repræsenta, tu promus esto, si quid habes conditum præterea. M. Satis

Satis fore arbitror, si formarum numero ambo te
 quasi coniunctis castris, duplicatisque viribus superem-
 mus. Quod si tu vni potes resistere, duobus profectò nō
 resistes: nam neque Hercules contra duos. P. Attulisti
 circiter quatuor & viginti: atqui plures expectabam.
 M. Mox addetur cumulus, vt sint amplius quadra-
 ginta. Sudabis & algebis Pauline, si his nostris o-
 mnibus prætermisis (quod necessariò tibi facien-
 dum est) plus quinquaginta in medium adducere
 volueris: quot nisi adduxeris, palinam nequaquam ob-
 tinebis. Et veremur magnoperè, ne leonem pollicitus
 cum sis, murem ostendas. P. Ego contrà vereor,
 ne vos falsa teneat opinio. Mecum erit iste labor. E-
Animam efflare, edere, exhalare, agere, exspi-
rare, amittere. Lucis usuram reddere, amittere,
ex hac luce discedere, migrare. Extremum spiri-
tum, seu vitæ spiritum exhalare, spiritum, su-
preum vitæ spiritum edere, spiritum finire. Ab
hominibus, seu ab hominum vitâ demigrare, in-
ter viuos esse desinere. In viuis, inter viuos nume-
rari, vitam & spiritum ducere, vitâ & commu-
ni spiritu frui, vitam propagare desit, vitâ defe-
cit, casu ablatiuo. Interclusâ animâ creditus est
mortalitatem expleuisse, Cornel. Tacitus agens de
Tiberio, annal. lib. 5. in extremo.

Poëtarum illa sunt, vitale lumen, lucem relinquere,

V 5. lumi.

lumina linquere, occubare vmbriſ, linquere dulces anî-
mas: quæ duo ſunt Virgil. in 3. Æneid. in quo & illud ad
Æneam Andromache. Viuiſne? aut ſi lux alma receſſit?
Idē in 11. pereleganter, capi leto, cū de Camilla loqui-
tur. Ibidem de eadem moriente. Vitaq; cum gemitu fugit
indignata ſub vmbraſ. Extremum eſſare halitum, quo
uſus eſt in ſecunda Tuſcul. diſputatione Sophocliſ aliquot
verſus in latinum conuertens M. T. & in primo, leto poti-
ri. Euthynouſ potitur fatorū munere leto. Vocant etiam
mortuos carentes luce, caſſoſ lumine.

M. Non poenitet virium: vtrique noſtrū
magnum dediſti decuſ. Deſine plura, non vin-
cet noſ hodie. P. Vincam, ita ſim felix: quando
totuſ in hoc bellum, & animo & mente inſiſtam. Ac
primum ſimpliceſ voceſ, quibuſ vti conſueuerunt au-
ctoſ Latini, cū de morte verba faciunt, producam:
quaſ tamen veluti caloneſ & lixaſ, non veroſ, auctora-
toſque militeſ æſtimari, nec, quod ad victoriā at-
tinet, vllō ipſoſ numero eſſe poſtulo. M. Fiat ſanè,
dum fateare, noſ quoque fungi potuiſſe hac opera.
Quin etiam illaſ elocutioneſ commemoreſ licebit, qui-
buſ præter naturā inueſta moſ declaratur. P. Ita face-
re ſedet animo. Demum ad eaſ aggrediar, quæ ſunt
veſtræ claſſiſ: eæque partim oratoriæ, partim poëti-
cæ: hoc modo numeruſ aduerſuſ numeruſ pugna-
bit: meuſ nempe maior contra veſtruſ minoreſ.
E. Placet: iam propoſita exequere: arrectiſ aſta-
muſ auribuſ. M. Sed expediet fortaiſſiſ tuoſ mili-
teſ in procinctu teſtamentuſ facere, quoniam ſatiſ eſt
credibile, apud inferoſ hodie cœnaturaſ. P. Quod
facil-

facillimum est facis. M. Quid istuc? P. Homines
 ut irrideas: verum noli, quæso, istam urbanita-
 tis tuæ salem totum in me irridendo consumere.
 Itaque pro, mori, etiam dicimus interire, perire,
 occidere, extinguere, obire, decedere, excedere, ab-
 sumi, decidere. Plantus Trin. Nemo extat, qui ibi
 sex menses vixerit: ita cuncti solstitiali morbo de-
 cidunt. Ibidem: Quin prius ad plures me pene-
 traui? Et in Casina. Qui nunc abierunt hinc in
 communem locum. Terent. Phormione: E medio
 abiit: Horatius quoque.

Nos Sibi decidimus,

Quò prius Æneas, quo Tullus & Ancus,

Palus & Sombra sumus.

Vixisse etiam dicuntur, & fuisse quos mortuos
 significare volumus, κατὰ συνῆχον. Tibull.
 lib. 3. Siue erimus, seu nos fata fuisse velint. Ve-
 teres quippe αὐτοφύκταν in mortis mentione
 admodum fugiebant. Quocirca etiam abiit di-
 cebant, pro interiit, & abitionem vocabant
 mortem, ut auctor est Festus. Græci οἰχέσθαι,
 ut Germani verschneiden. Plura legetis apud
 Scaligerum in Festum & Varronem, si collibi-
 tumerit. Qui seu volentes, seu nolentes occi-
 duntur, ij dicuntur vitam ponere, profundere.
 Virgil. animas proicere, in 6. Vita priuari, exui,
 eiici, spoliari, expelli, extremum spiritum ef-
 fundere.

*fundere, mortem capere, è viuorum numero exturbari, à vita eximi, morte affici, multari, mortem oppetere, morte seu mortem occumbere, quod Virgil. extulit in secundo, cum dandi casu. Seu versare dolos, seu certe occumbere morti. Cic. 1. Tuscul. è Poeta vetusto, Priamo vi vitam cuitari, id est, extorqueri: mitti ad mortem, ubi Socrates de se cicutam bibituro dissevit, & 9. Philipp. Occidi, interfici, interim, necari, mactari, obruncari, iugulari. Iis item dicitur vita eripi, adimi, extorqueri. Liuius lib. 1. dare manibus dixit, pro interficere. Et Plaut. *Asin. morti dedere. Virgil. 4. Georg. dedere neci.* E. Vellem in rem præsentem venire, si liber Liuii adesset. P. Nihil est opus, meminini verba & locum. De duobus Curiatis tum à se peremptis, ac de tertio iam iamque perimendo sic ait victor Horatius. Duos fratrum manibus dedi: tertium caussam belli huiusce, vt Romanus Albano iunperet, dabo. Malè sustinenti arma, gladium supernè iugulo defigit, iacentem spoliat. Plaut. *Menach. Quem ego hominem, si viuo, vita deuoluam sua. Ibidem: Anima priuabo virum. In Milite dixit, adimere animam. Bacchid. autem facètè.**

*Nam neque Bellona mihi Enquam, neque Mars creduat,
Ni illum exanimalem saxo, si conuenero,
Nunc enheredem facero Vita sua.*

Ecquid

Ecquid plura expeditis? M. Non his contenti sumus. Ad illa delabere, quæ sunt institutæ concertationis propria: & in eimento quanta sit à nobis coaceruata locutionum multitudo: simul in mentem reuocæ quid promiseris. Et cum nos in summam expectationem adduxeris, vide ne falsos turpiter deferas. P. Non ex cedere animo promissa. Accipite. *E corporum vinculis euolare, ex his tenebris in lucem illam excedere, à Deo euocari, ad Deum abire, in caelum migrare, de vita statione decedere. Ad illud diuinum animorum concilium cætumque proficisci, ex hac turba & colluione discedere.* Quæ quidem potest de quibusuis morientibus vsurpanda esse, ipsimet intelligitis, quando hæc Romuli nepotum disertissimus Cicero de Romanis illis, Paulo Æmilio, Catone, aliisque sapientibus atque optimis viris, qui cum virtute scilicet æuum agitassent, in somno Scipionis, in Catone, & in Tusculanis vsurpauit: *quos præterea dicit corpore laxari, & eorum animas in custodia corporis detineri: ut proinde talibus decedentibus dicere integrum sit, ipsos è custodia corporis euolare, elabi, emitti, item vinculis corporum leuari. Si iam vocer ad exitum vita,* ait de se epistola quadam ad Torquatam, lib. 6. E. Eleganter animaduertisti hæc elegantias. P. *Vitam finire, destituere, vita fungi, defungi, vite modum;*

modum, finem imponere, supremum, ultimum
 vitam diem agere, explere, rebus humanis eximi.
 Nodis corporeis eximi, apud Arnobium lib. 2.
 In eodem: anima corporibus exuta humanis.
 Inter homines agere desit, legi apud Tacitum.
 In Sallust. in Iugurth. Quoniam mihi natura
 finem vitam facit. Et Sueton. in Claudio. Ad fi-
 nem mortalitatis accedere. Non prateribo il-
 lud, si quid ei acciderit, seu humanitas accide-
 rit. Cic. 1. Philip. & 1. Tuscul. cui simile est, si quid
 eo factum erit, si quid eo fuerit, pro, si mortuus
 fuerit: quo abstinebant, ne male ominari vi-
 derentur. Fato cedere, fato fungi, infata con-
 cedere. E. Cuiusnam hoc est? P. Opinor Livii.
 Natura satisfacere, natura cedere, concedere.
 M. Et hoc extremum? P. Sallustii in Iugurthino.
 Naturam satietate viuendi expleuisse dicun-
 tur à Cicerone, qui decrepita senectute de vita
 exierunt. Mors continuò istam occupat, Teren-
 tius. Mortem obire, vitam finire, claudere, ali-
 cui vitam deficere. Item accusandi casu, Petrum
 vita defecit. Finem viuendi facere, inuenire.
 Transeo nunc ad formulas Poëtarum, quarum tu,
 Eugeni, bonas quidem illas, at paucas protulisti.
 E. Si libuisset protulissem plures. P. Quin tu dicis
 idem

idem quod in eclogis ille pastor, Nunc oblita mihi tot^a carmina? M. Pauline, hîc Rhodus, hîc salta. P. Audite. Fata subire, finire leto, morte sopiri, animas, vitam ponere, deponere, relinquere, consumi morte, supremam horam alicui venisse. Tibull. At mihi Persephone nigram denuntiat horam. Idem. Quod si fatales tam nunc expleuimus annos. Agere spiritum, tenuem mutari in umbram, nisi ad campos Elysios, nigram tranare paludem, mors venit. Propert. Quandoque, igitur nostros mors claudet ocellos. Martial. Cum mihi supremos Laebesis peruenerit annos. Subire mortem, mortis iter adire. Est etiam in vsu apud eos rapi, pro emori. Virg. in epitaph. suo: Mantua me genuit, Calabri rapuere: nam in Calabria decessit. Idem in 6. Aeneid, de infantibus mortuis.

Quos dulcis Vita exortes, & ab Æbere raptos
Abstulit atra dies, & funere merfit acerbo.

Propertius. Viuam si viuet si cadat illa, cadam. Animam ponere primis cunis. Fata repellunt vitã, fata properant quietem, venire ad fata, petere aquas Stygias, intrare domos nigrantes animarum silentium, immites Parca: habuisse, sensisse. Lucretius vita pausam vocauit mortem. Frigida quem semel est vitai pausa secuta cuius item illud elegantissimum est, vitai lampada tradere in 2: Vultis adducam versus ipsos? E. Volumus, si commemorasti. P.

Sic rerum summa nouatur

Semper: & inter se mortales mutua viuunt.
Augescunt alia gentes, alia minuuntur,
Inq, breui spatio mutantur sacra animantium.
Et quasi cursores Vitai lampada tradunt,

Rur-

Rursum lib. 3. de Xerxe. Lumine adempto animam moribundo corpore fudit. De Epicuro ibidem. Ipse Epicurus obit decurso lumine vite. & in 5. quos à vita natura remouit. In eodem, quem vita reliquit. In 6. autem libro cum pestilentiam describit, quæ vrbein Atheniensem ciuibus exhaustit, Deus bone, quàm venustis circuitionibus mortem, seu obitum effert? Prorsus vt illud musæum mel, illumque musæum leporem, quem toties nominat agnoscas.

Ostenditque serè candenti lumine solis,

Aut etiam nona reddebant lampade citam.

Horatius pro mori dixit, ire Numa quo deuenit & Ancus, epistola ad Numicum lib. 1. Quem penes iam est victoria? equidem operâ haud parcus fui. M. Nunquam credidissein tam præne infinitis rationibus vnâ hanc rem explicari posse: multis posse haud ignorabam, & non paucas ipse annumeravi. Videntur Romani scriptores in effingenda hac tam multiplici varietate mortem honorare voluisse: quam fugimus quidem omnes, non etiam effugimus. E. Tollamus digitum Mauriti, sepulti sumus. Vicisti Paulline, fuistique ambobus laboriosior in obseruandis tot loquendi generibus sub vnum velut significationis iugum detinctis, & memoria es meliore. P. Nullum acroama, nullius vocem libentius audiebat Themistocles, quàm eius, à quo sua virtus optimè prædicaretur. M. Hoc Themistocleum habes: illud ad sume, vt te Miltiadis trophæa è somno suscitent. P.

Tenco.

ANNO.

ANNOTATIONES.

QUOD CAPITIVOSIT) De hac locutione Turneb. lib. 11. cap. 12. VIRVM A VIRO LECTVM) Faciebant Romani aliquando potestatem militibus, ut singuli notos sibi, quorumque virtuti confiderent, legerent, atque id potissimum, cum periculum aliquod maius instaret, aut aliquis grauior casus vrgeret. Reliqua victorius lib. 18. c. 19. & Turneb. lib. 25. cap. 7. MORTEM CVM VITA COMMVTARE) Sic Horatius ode 17. lib. 1. Velox amœnum saepe Lucretilem mutat Lycaon Faunus. Id est, ex Lycæo, qui mons est Arcadiæ frequenter in Lucretilem montem in Sabinis commigrat. In Capt. apud Plautum Hegio senex de permutatione Philocratis captiui, quem habebat emptum, & Philopolemi, filij sui, qui seruiebat ipse quoque captiuus in Alide. Hoc illum me mutare confido fore. Hoc, (nempe Philocrate) mutabo illum (Philopolemum.) EXTINGVI) Antiqui quod calore foueri ac vegetari omnia, & frigere cadauera cernerent, animum ignee naturæ putauerunt esse. Ex qua opinione verbum extinguendi, quod in igne proprium est, in animalibus quoque captum est vsurpari, & verbum viuere in ignem transferri. Hac & plura Muret. lib. 7. cap. 6. AD PLVRES ME PENETRAVI) Cum Tarentinis editum esset oraculum, res eorum meliores futuras, si vna cum pluribus habitarent, ita sunt illud interpretati: si illos, qui migrassent e vita intra urbem reciperent (nam

ad id usque tempus mortuos, ut alij quoque Græci, intra oppidum non iōdebant) Rempublicam suam bonam fortunatamq; fere. Verba oraculi hæc erant: ἀμεινον καὶ λώιον ἔστω δὴ σφισὶ ποιημένοισ τῷ οἴκῳ σιν μὲ τῶν πλειόνων. Victorius lib. 2. cap. 7 QVI SEV VOLENTES, SEV NOLENTES) De generibus mortis eruditè eleganterq; disputat Manut. in epist. 1 2. lib. 4. apud Ciceronem. ANIMAM AMITTERE) De hac locutione, & simul de varia notione huius vocis anima, lege t. 12. lib. 1. Miscell. Hieronymi Magij, quæ vsi sunt Plaut. in Amphit. Cicero ad Terentiam, Sallustius in Catilin. Probus in Epaminonda. MORTEM OBIRE) Festus. Mortem obijisse ea consuetudine dicitur, quæ dixerunt antiqui, ob Romam legiones ductas, & ob Troiam duxit exercitum, pro, ad. Similiterq; vadimonium obijisse, id est, ad vadimonium ijisse, & obuiam, ad viam. E CORPORVM VINCVLIS EVOLARE) Animal ut constet, necesse est in corpore anima vinciat. Ideo corpus δέμας, hoc est, vinculum nuncupatur, & σῶμα quasi quoddam σῆμα, id est, animæ sepulchrum. Vnde Cicero pariter utrumque significans, corpus esse vinculum, corpus esse sepulchrum, quod carcer est sepulchrum, ait: Qui è corporum vinculis tanquam è carcere euolauerunt. Macrobius in somn. Scip. lib. 1. cap. 11. NON ETIAM EFFVGIMVS) Propertius eleg. 17. lib. 3.

Sed tamen huc omnes, huc primus & ultimus ordo:
Est mala, sed cunctis ista terenda via est,

Exo

Exoranda canis tria sunt latrantia colla:

Scandenda est torus publica cymba senis.

Ille licet ferro cautus se condas & are,

Mors tamen inclusum protrahet inde caput.

Nireia non facies, non sis exemit Achillem,

Cresum aut Pætolis quas parit humor opea

Martial lib. 4.

Nullo sata loco possis excludere: cum mors

Venerit, in medio Tibure Sardinia est.

Eodem.

Lanificas nulli tres exorare puellas

Contigit: observant quem statuere diem.

Lu. ret. lib. 3.

Vitaq; mancipio nulli datur, omnibus & sis.

ibidem.

Certe equidem finis & ita mortalibus astat

Nec deus arri letum pote, quin obeamus.

TOLLAMVS DIGITVM) Qui succubuerat in confictu, hoc iudicio victum se fatebatur. Similia sunt: tollere dare manum; dare seu porrigere herbam, fasces summittere. Hoc extremum à Coss. sumptum est, qui in concionem ascensuri, Publicolam imitari, de quo lib. 2. Liuius fasces populo summittebant. Quod mirè gratum ipsi fuit, cum ita confessio fieret, populi quàm consulis maiestatem vimq; maiorem esse. **ACROAMA**) Cicero hæc pro Arthia. Est autem acroama festiua & iucunda narratio, tralatione à symphonia musica, quæ olim in theatro histrionum actionem commendabat, & auribus percipiebatur, ut illa oculis. Cicero pro Sextio Clodium acroama appellauit, quod & histrionis & musici partes

gereret. Ille ipse maximus Ludius nō solū spectātor, sed etiam actor & acroama MILTIADIS TROPHÆA) Cicero Tuscul. 4. Noctū ambulabat in publico Themistocles: quod somnum capere nō posset: quarentibusq; respondēbat, Miltiādis trophæis se ē somno suscitari. Plutarch. in Themistocle idem narrans, addit. Reliqui enim cladē barbarorum Marathoniam bellī finem esse censebant: at Themistocles eam initium maiorum certaminum putabat, ad quā se pro tota Græciā assiduo pręparabat.

PROGYMNASMA
SEPTVAGESIMVM
SECVNDVM.

Cantus musicus.

SABINVS, CRESCENTIVS.

SABINVS. Auditionē accepi, te in ludum
Sitare musicum Crescenti. C. Me? audisti
vera. S. Quoties per hebdomadē? C. In
dies singulos. S. Qua hora? C. Duodecimā. S.
Vltrone pater voluit, an tu ab eo precibus id extor-
sisti? C. Exoravi patrem: nec inuito factum. S. Cur
quæso? C. Quæ nunc intemperię tenent? Haben'
tu aures, an auriculas tantum? S. Enimvero habeo
aures, nisi eas hoc temporis articulo perdiderim. C.
Quid ergo interrogas, cur discam canere? S. Non ab-
surdè id quæro. C. At ego dico, absurdissimè. Quid
enim

enim musica dulcius? quid illa sonorum temperatio-
ne auribus gratius, aut iucundius? S. Scire fidibus
(quod ingrauescente iam ætate Socratem Philoso-
phum didicisse fama vulgavit) & canere cithara, testu-
dine, barbito, multò esse suavius quouis pignore con-
tendam: qua de vocibus, libentius audierim Sirenas,
aut lusciniolam, aut cygnum in morte canentem.

Dulcia defecta modulatur carmina lingua

Cantator cygnus funeris ipse sui.

C. Ista reprehensio inscitiam tuam coarguit:
nam si musicam scires, nunquam facultatem
nobilissimam in vituperationem adduceres. S. Non
diffitebor me artem hominum feriatorum, lan-
guentium, & nihil agentium ignorare. Aures permul-
cet illa quidem, in animo voluptatis nihil relinquit,
vt literæ. C. Neesse non est, si literæ sunt bonum,
musicam esse malum: nec si illæ plus profunt, ideo
hanc nihil prodesse. S. Acumen dialecticorum. Pa-
tet tamen in musica nimium deditos, esse idiotas ferè:
tria verba latinè loqui nescire. C. Haud me dedam
immoderatè: non dico amplius. S. Nolim ego tem-
pus disperdere in repetendis, & vsque ad vomitum pe-
nè audientium recantandis per dies integros hisce 6.
syllabis, vt, re, mi, fa, sol, la. Prætera in ligaturis,
fugis, cantibus naturalibus, consonantiis perfectis, im-
perfectis, resolutionibus, diminutionibus, diapente, dia-
tessaron, & similibus tricis. C. Mihi relinque istas tricas,
& perpende in quos hoc maledicti conferas. S. In ne-
minem. C. In multos præstantissima dignitate, & in

excelfo ætatem agentes viros, qui animos pondere curarum lassos cantiunculis remittunt ac releuant. Sanctarum literarum summa est auctoritas, qua commendatur musica. S. Noui tamen clarissimos grauiissimosq; viros, qui, ne ponantur in suspitione leuitatis, canere cum sciant, cantu consultò abstinere. C. Faceffe hinc Momeu: tempus est in ludum eundi. Vale. S. Ito, ito, & bonas horas inale perde. Canta ab vsque mane ad vesperam: canta in somnis quoque. C. Et tu quoad lubet in cælum iaculare.

ANNOTATIONES.

NEC MVTO FACTVM) Si pœniteret facti, muto factum, nolo factum: contra, si probarent: factum volo, factum cupio, factum gaudeo dicebant. AVRES AN AVRICVLAS) Avocibus hauriendis dicta sunt aures. Virg. 4. Aeneid. vocemq; his auribus hausi. Auricula est cartilago, aurium cauitatē circumdans, cuius ima parte nihil mollius, tenerius, aut flexibilius in toto humano corpore. Hinc prouerb. Auricula infima mollior, in hominē lenem, lentum, minimè asperum, & iracundum. Vtitur eo Cicero ad Q. F. SIRENAS, LVSCINIO-LAM, CYGNVM) De cantu Sirenum vide Odyssæam. Et paræmiā, Sirenum scopuli. Isocrates ob dicēdi suauitatem Attica Siren cognominatus est. Eadem de causa Xenophon Attica Musa, & apud Attica Sophocles. Luscinia, de qua multa Plinius lib. 10. c. 29. inde dicta, quòd cantu suo significare solet dici surgenti exortum, quasi luci-

Lucinia. Badem & acredula. Cicero Prognost. Et matutinos exercet acredula cantus. isidorus l. 12. Dicitur grecis nominibus philomela & aëdon, propter amorem perpetuum cantandi. Plaut. Bacchid. P. lego quoq, metuo, lusiuiola ne defuerit cantio. Cygnorū cantu apud vulgus & poëtas nihil notius, quos Plato in Phædone non solum cum cantu & voluptate mori, sed in vita reliqua muscos & canoros esse scribit. Lucianus tamen libello de cygnis. Ælianus l. 1. c. 14. Plinius cap. 23. l. 10. negant cygnos canere. PONDERE CVRARVM LASSOS) Quomodo cantus animū abducatur à curis à mœroribus, quomodo sensum malorum minuat, quantamq, delectationem habeat, lege Ouid. eleg. 1. l. 4. Trist. FACESSE HINC MOME) Fingitur quidā Deus hoc nomine, qui cū ipse nullum opus edidisset, aliorum deorum opera curiosius contemplaretur, & carperet quam liberrimè, si quid aut omissum, aut perperam factum putaret. In Venere quidem cū aliud reprehendere nihil posset, reprehendit strepitum, & stridorem eius sandaliū. Hinc licebit sandaliū Veneris vsurpare, vt paræmiam de te quoquo modo, & iniuste etiam reprehensa.



PROGYMNASMA

SEPTVAGESIMVM

TERTIVM.

Græca litera.

DOROTHEVS, MATTHIAS.

DOROTHEVS. Quid libri manu geris? M. Nicolai Clenardi Institutiones linguæ græcæ: quæ lamentariæ mihi sunt, neque eas ferè intueor, quin propemodum illachrymer: certè quidem suspiro. D. Hui egregium virum, & immortali virtute præditum. Num spicula vibrant quibus te conuulnerent? M. Telis non aspectabilibus sauciantur pedus meum: quin cerebrum mihi excutiant. D. Qui istuc fieri potest? M. Fieri sentio, & excutior. D. Quæso, quid tu hominis es? abhorres nimio opere à lingua Græca: hoc illud est, hæc illa sunt suspiria. M. Non Pythium magis verum est responsum, quam quod dixisti. Etiam, abhorreo. D. Et quibus tandem superatus rationibus? ne occultaueris. M. Ob inexplicabiles, immensas, infinitasque difficultates, quæ inopitissimum impediunt, & deterrent ab hoc studio. Myriades contractionum in nominibus & verbis, in totidem partes distrahunt animum meum. Tot sunt declinationes, tot coniugationes, tot anomala, quæ Athenis noctuæ. Quis vel abundantissimus otio ista penitus memoria comprehenderit? D. Præclare, Terentius opinor. Nulla est tam facilis res, quin difficilis fiet, quam inuitus facias. Contra Mantuanus Homerus. Labor improbus omnia vincit. Et alius. Amanti nihil difficile. Tuum ingenium, quod apparet, non capitur, non oblectatur hac principe, & regina linguarum: ea re inuitus, & quod proximum est, minore cum diligentia, nulla cum nauitate ad hæc præceptiones discendas incumbis. Hæc vna res difficultatem ex-

agge-

aggerat, vbi est aliqua difficultas : vbi autem nulla est, ibi eam progignit : sicuti ex altera parte, amor & desiderium rei alicuius adipiscendæ efficiunt, vt quauis onerosus magnusque labor, aut perparum, aut minimè sentiatur. M. Tu si hic sis, aliter sentias. Scienti ac perito non videtur laboriosa scientia. Iam tu hæc liguriisti & concoxisti, in quibus ego tam sudo, quàm si molares effoderem. D. Fatebor candidè, per somnum & iocum hæc disci non posse : verum tamen minui, vel potius minus sentiri aio laborem, si generosa discendi cupiditas affuerit, quæ frigidam suffundat. M. Tam fatuum & delirum non inuenies, qui nolit græcè nosse. D. Cùm de voluntate loquor non illam omnino desidem, & operum solutam intelligi postulo, quæ cupiunt quidam pecuniam facere, & amplificari patrimonium, cùm vacui negotiis domi se deant : quæ honoribus augeri, cùm honore nihil dignum moliantur : quæ eruditione præstare, cùm se erudiendos nulli magistro dedant. Perquàm insipienter vult, qui sic vult. Atque vt hoc tibi largiar, magnam inesse in præceptionibus difficultatem, tamen istuc ipsum cum multis præcellentibus rebus iis commune est, de quibus dictitare illud solemus : difficilia quæ pulchra. M. Haud dicam dolo : labore & studio tantum non eneco, nec tantillo magis inhzescunt in mente mea illi canones. D. Non pauci affirmant se hoc facere, nec faciunt. M. Quomodo? D. Quia cùm studium à M. Tullio breui ac circumscripta definitione explicetur his verbis. Est vehemens & assidua ad aliquam rem applicata magna cum voluntate occu-

patio : ipsi aut non vehementer, aut non assidue, aut si utrumque, non adeò magnam cum voluntate occupationem ad Græcas literas applicant. Tutacitus te met interroga, te excute, tecum considera, num ita te geras. Si geris : nisi bardus & truncus, stipes, caudex sis, præterque figuram hominis nihil habeas, utique addisces Græcam grammatice. M. A tempore subsecare nihil possum, quod dem Græcis quotidie. D. An tu non potes minimum semihoram tribuere? M. Latina hoc quidquid est temporis sibi quoque vendicant. D. Attende paulisper animum. M. Do tibi operam, loquere. D. Si nostrorum studiorum præsides ac moderatores vidissent non sufficere nobis ordinarium tempus ad græca cum latinis coniungenda, nunquam in catalogis librorum explicandorum, qui quotquot annis describuntur formis æneis, & luci committuntur, vllum auctorem libellumque græcum nominassent : nec Magistri, homines considerati & prudentes, hoc pensum à nobis exigent. M. Sophisma & captio ista tua nihil me conturbat : tu si quid es factururus, firmiter argumenta conquiras necesse est. Ambo curare non possum. D. Tu verò potes, & poteris si voles. Aliorum exempla, quos audisti & vidisti utrumque studium persequi, tibi persuadeant. M. Abundant ingeniis. D. Do hoc de aliquibus : voluntate quidem pollent ac diligentia, nec adeò sunt imbelles ut tu. M. Postquam equis remisque contendero, non consequar tamen consummatam grammatice notitiam. Sic ego operam, parentes sumptum perdiderint. D. Desperatio quoque est mater ignavia, ac plurimos pessum dedit.

dedit. Extermina hanc pestem literariam ex animo tuo, speraque te adepturum omnia.

Spes alit agricolas, spes sulcis credit aratis

Semina, quæ magno sænore reddat ager.

Ferrum assiduitate vsus atteritur : & quid ferro durius? aquæ guttæ cauant inarmor: & quid aqua mollius? marmore solidius? quæ ergo assiduò impensa cura, perpetuumq; studium doctiorem te non reddat, minus licet valentem ingenio, quo antestas compluribus? M. Quæ, per Deum, est tanta & tam fatalis huius transmarinæ linguæ necessitas? D. Multiplex, & præcipua. Ea (ne longum faciam) vt sine eius cognitione manca, & mutila sit omnis doctrina: & qui eius expertes sunt, ij, nec latinè quidem scripta penitus percipiant. M. Paradoxa mihi narras. Doctissimos viros habeo nominare, & te nouisse multos arbitror, qui alphabetum non teneant, & græcam legere vocem, cùm occurrit aliqua, nesciant funditus. Sunt qui in commentariis à se editis ita loquantur: græcum est, non legitur. Item. græcum hoc totum omitte. Isti profectò existimationis suæ non ideo iacturam faciunt, quia $\mu\eta$, & $\alpha\upsilon\delta\epsilon\omega\pi\theta$ quid velint, aut qua ratione per casus inflectantur, nesciant: & suarum artium alumnos citra damnum istiusmodi otiosorum delectamenta negligere posse pro certo credunt. D. Bona verba. Commemini hac ipsa de re audire è Præceptore meo: cæterum ego tantus adhuc non sum, vt fusiis hoc de argumento mihi agendum putem. Cùm legimus quæ ab eruditis de huius linguæ laudibus prodita sunt ad posteritatem, tum,

ratio.

rationib. firmissimis, & bene multis demonstrari cernimus, quàm sit ad omnem disciplinam utilis & necessaria græcarum literarum cognitio : id nos credere oportet tantisper, dum reipsa experiamur : quemadmodum morbis impediti credunt medicis, ad sanitatem, bonitatemque valetudinis profuturam sibi potionem, & alia quæ ab iisdem dantur pharinaca, atque antidota. M. Sed Glenardus iste perturbatus, atque confusus est, & meo quidem animo docendi viam, ac methodum nullam videtur custodivisse. D. Hoc ipsum consensu iudicauerunt, quidam docti homines : quocirca, quod in rem communem esset adolescentum, in ordinem certum ac facilem eius præcepta redegerunt. Eum librum in Galliis editum commercare : de tuis condiscipulis sunt qui parauerunt. M. Ante vesperam adibo ad tabernam librariam, empturus librum, quantous pretio steterit. Abs te autem in maximopere pro nostra summa coniunctione, tuâque humanitate peto & quæso, si quando te interrogauero, ne deneges mihi operam & hoc addas ad tua in me officia : statui enim feruidius discere. D. De me sic tibi promitto atque confirmo : nihil cùm malim, quàm te græcè vel optimè nosse, non detrectaturum tua causa pusillum hunc laborem. Tu modo fac animo erecto constantique sis, & caue vnquam in consilium desperationem adhibeas. M. Ero, ita me amabit fides : & hoc tuo facto ad eam quam erga te habui voluntatem magnus cumulus accedet, contrâque omnia me, quæ potero, in te studia & officia collaturum polliceor.

ANNO-

ANNOTATIONES.

MANTUANVS HOMERVS) Aliquot epitheta Virgilij ab optimis auctoribus ipsi tributa asseramus: quod in promptu sint studiosis. Alex. Severus Imper. Platonem poetarum vocabat. Plin. celeberrimum auctorem. Velleius, principem carminum. Marcellinus, eminentissimum vatem. Seneca, vatem maximum. Macrobius, Homerica perfectionis per omnia imitorem. Idem Mantuanum Homcrum. Fabius, auctorem eminentissimum. Augustinus, poetam maximum, omniumq; praeclarissimum. Quidam Iouem poetarum latinorum. NON VIDETVR LABORIOSA) Plures sunt verbi huius notiones. Homo laboriosus est, quem Graeci dicunt Φιλόπονος, nos industrium. Item is, qui molestia aliqua impeditus est, ex qua sese explicare nequit. Res etiam laboriosa dicitur, in quam multus impendus est labor. Catullus. Chartas doctas & laboriosas vocauit, magna diligentia studioque elaboratas. Secundam notionem confirmat illud ex Miloniana. Quid enim nobis duobus; ludices, laboriosius? quid magis exercitum dici potest? qui spe amplissimarum praemiorum ad Rempublicam adducti, metu crudelissimorum exitiorum carere non possimus. Prima tam est manifesta, vt confirmationis ac testimonij nullius egeat. Est ergo hoc verbum de illorum ordine, quae agendi patiendiq; vim habet, seu in vtramq; partem significatione reciproca & aduersa dicuntur: vt formidolosus, inuidiosus, suspiciosus, ambitiosus, graciosus, infestus.

infestus, metus, iniuria, nescius, ignarus, &c. Gellius l. 9. c. 12. Huc etiam pertinet nobilis: dicimus quippe nobilis poëta, nobilis latro. DOMI SEDEANT) Sedere significat interdum negligenter se gerere, pigrum, otiosum, ignavum animo esse ut apud graecos κατῳδῶν. Cic. in Pison. An potest vlla esse excusatio, non dicam malè sentienti: sed sedenti, cunctanti, dormienti, in maximo Reip. motu Consul? Virg. 3. Georg. Et meliora deos sedet omnia poscens. Sic desidero pro remisso animo esse. Suet. in Iulio. Victor. l. 16 cap. 20. & Torrent. in Sueton. Eandem vim habere apud Tullium verbū, iacere, notavit alicubi Manut. in eiusdem epist. QVOT QVOT ANNIS) M. Varronē saepius dicere, quotquot annis, quotquot mensibus, cum singulis annis, singulis mensib. sine intermissione significare vult, animadvertit, & in eo sinistrorum correctorum errorem correxit Victor. l. 9. cap. 22. FERRVM ASSIDVITATE) Plutarch. de lib. educand. Multarum rerum contemplatione addiscere possis, quantum efficacitatis habeat industria atque labor. Nam & aqua guttatim lapsa lapidem cauat: & ferrum atq. as manuum contrectatione atteruntur: & rotas curruum magno labore curvatas nullo possis conatu in pristinam restituere rectitudinem. Et qua sequuntur. Seneca item epistola 50. Nihil est quod non expugnat pertinax opera, & intenta ac diligens cura. Robora in rectū quamvis flexa reuocabis, curvatas trabes calor explicat, & aliter nata in id finguntur, q̄ vsus noster exigit. Quanto facilius animus accipit formam, flexibilis, & omnium ore obsequentior?

Quin

Quintil. lib. 1. cap. 1. *Præstat ingenio alius alium. Concedo sed ut plus efficiat aut minus. Non tamen reperitur; qui sit studio nihil consecutus.* A QVA GVTTÆ CA-
VANT MARMOR) Lucret. lib. 1. *Stilluidū casus lapide-
dem cauat.* Idem lib. 4.

Nōne Sides etiam guttas in saxa cadentes

Humoris longo in spatio pertingere saxa?

*Rei parue & humili magna est in hisce duobus versutus
quasita dignitas. Quos cum illos. Ne abiecto & plebero,
qui falsò Nasoni tribuitur, comparat Victorius.*

Gutta cauat lapidem, non Si, sed saepe cadendo.

Propert.

Quid magis est durum ferro, quid mollius unda?


Dura tamen molli saxa cauantur aqua.

Idem lib. 2.

Sed tamen obscura teritur rubigine mucro

Ferrens, & paruo saepe liquore silex.

BONA VERBA) *Quem sensum contineant ista, bona
verba, & bona dicere, explanat Nannius lib. 1. Miscel.*



PROGYMNASMA SEPTVAGESIMVM QVARTVM.

Bibliotheca.

ANTONIUS, CIRILLVS.

A NTONIUS. *Vbi tu aut moratus, aut
vagatus es tamdiu? C. Apud patrum e-
rat quod transactum redderem negotium.*
A. Quid

A. Quid narras? quodnam negotium? C. Tua nihil refert: quare desine percunctari. A. Difficillimum creditum: propter negotium, ut dictitas, dimidiatum penè diem illic te hæsisse. C. Propter aliud etiam. A. Parcā exquirere, quid fuerit illud aliud: si ultro aperueris, non inuitè auscultauerim. C. Bibliothecam maximā impensā, libris multis, variis, optimis refertissimam, locupletissimamque confecit. A. Quid hoc autem ad te? C. Quid ad me? o Antoni. A. Etiam, quid ad te attinet, si ille bibliothecam comparauit? an te idcirco eam es adepturus? C. Adipiscar si vixerō. A. Iam volo mihi pandas hoc mysterium. C. Audacter proloquar. Cum defunctus essem mandator, quod à patre acceperam, & rem absoluissem ut optaueram: ad eisdem Cyrille mi, inquit meus patruus, paucis te volo: manūque apprehensum in conclauē perducit, bene amplum, lucidum, abundè instructum & ornatum. A. Lubidō est porrō audire: iucundum aliquid magnūque consequetur. C. Magis id dicēs, si audieris. A. Ergo narra. C. Visebantur ibi in ordines dispositi libri per conclauis latera: vnumquodque habebat octuplicem seriem: maioribus ascendendō minores semper inagnitudine ac mole succedebant, cum ipsa quidem receptacula seu loculamenta essent libris proportionē interuallorum respondentia. A. Quā multos diuinas fuisse? C. Minimum tria millia. A. Non aspernandus numerus. C. Plurimi insuper in aceruo soluti & rudes ex officina iacebant. Cæteri diligenter admodum compacti: alii tegumentis seu inuolucris erant ex albo corio, alii nigro, alii

tubro:

rubro : quidam membranas candida, & arida modo pumice politas tegebantur. Nonnullis, præsertim grandioribus, per quatuor utriusque frontis angulos ex orichalco bullæ umbilicatæ cernebantur affixæ. Claudebantur hi vncis æneis (clausuras vulgò vocant) illi loris sericis, alii coriaceis. A. Quod genus scriptores? C. Omne genus. Nam etsi patruus Iuris civilis scientiam proficeretur, attamen non in politiores duntaxat literas præterea, verum etiam in Philosophiam, Medicinam, & aliquantum in Theologiam studium tradidit. In Rhetoricis & Dialecticis excellit. Græcæ linguæ iam inde à primâ adolescentia se per studiosum extitisse affirmare solitus est : quam interdum seriò quidem & ex animo, sed suavi cum lepore promittit se mihi sponsam cum lautissimâ dote relicturum,

Omnes quæ mecum meritis pro talibus annos

Exigat, & pulchra faciat me prole parentem:

hos enim simul de poëtarum Latinorum Platone versiculos recitat. Non fugit prudentissimum virum, me tandem hanc efflictum deperire. Ergo quia omnem doctrinam liberalem combibit, & opibus præditus est, hinc tanquam cornucopiæ librorum possidet. Nec illi confusè locati: verum dispertiti in ordines certos visuntur: hîc ad hanc, illic ad aliam disciplinam pertinentes. Ad unumquemque verò ordinem porrectioribus elementis, seu literis cubitum longis, ut iocatur Plautus, præscripta pendent lemnata: THEOLOGICI. PHILOSOPHI. IURISCONSULTI. ORATORES & HISTORICI. PHILOLOGI. POETÆ.

Y

GRAM.

A. Heu, cur ego quoque talem patruum sortitus non sum? ut nimium longè in eis tuæ fortunæ præcedunt.
 C. Non cuius homini contingit adire Corinthum.

ANNOTATIONES.

A Duersum eos, qui maximè impensis ingentem librorum multitudinem comparant, quibus non tam utantur quàm glorientur, lege quæ sunt apud Senecam. cap. 9. de tranquill. animi. Quid mihi, inquit. innumerabiles libros, & bibliothecas, quarum dominus vix tota vita sua indices perlegit? onerat discentem turba, non instruit: multoq; satius est, paucis te auctoribus tradere, quàm errare per multos. Quadraginta millia librorum Alexandria arserunt, pulcherrimum regie opulentia monumentum. Alius laudauerit, sicut Liuius, qui elegantia regum curaquæ egregium id opus ait fuisse. Non fuit elegantia illud aut cura, sed studiosa luxuria, &c.

RECEPTACULA SEU LOCULA MENTA) Posteriori voce appellat Seneca illos quasi cancellos, per quos libri in bibliotheca disponuntur. Cicero ad Atticum lib. 4. epistola 18. pegmata vocat: quanquam & aliud eodè loco significare potest. Vide Manus. epistola vero 4. lib. 4. cum inquit: offendes designationem Tirannionis mirificam meorum librorum, intelligit eorum dispositionem, collocationem, descriptionem, & distributionem suo cuiusque loco. Argumento locus est epistola 8. non longè à principio. Posteaquam verò Tirannio mihi libros dispo-

fuit;


suit, &c. Lamb. annot. Sittybos in extremo epist. 5. lib. 4. Manut. interpretatur membranulas, quarum integumento libri à pulueris temporisquæ iniuria diutius integri conseruantur. IN RHETORICIS ET DIALECTICIS) In musicis, in dialecticis, arithmericis, grammaticis malebant dicere veteres, quàm in musica, seu, in arte musica, in arte dialectica. Cic. 1. de Orat. in musicis numeri, voces, & modi, & lib. 4. ad Att. epist. 16. musicis eruditos. Terent. Eunuch. fac periculũ in musicis. Cicero ad Att. lib. 12. hominem remotum à dialecticis, in arithmeticis exercitatum. Et 1. de nat. Deor. Tantos progressus habebat in Stoicis. Obseruauit Manut. MIHI SPONSAM CVM LAVTISSIMA) Ciceronem quoque delectauit audacior ista metaphora. Nam ad Atticum libro 1. epist. 8. sic ait. Bibliothecam tuam caue cuiquam despondeas, quamuis acrem amatorem inueneris. Nam ego omnes meas vindemiolas eò reseruo, vt illud subsidium senectuti parem. Et epistola sequenti apertius. Libros verò tuos caue cuiquam tradas: nobis eos, quemadmodum scribis, conserua. lib. 3. Libros tuos conserua, &c. ILLVSTRIVM PICTORVM TABELLAS) Imagines doctorum, clarorumq; hominum in bibliothecis collocabant. Cicero ad Att. l. 4. epist. 9. Maloq; in illa tua sedecula, quam habes sub imagine Aristotelis sedere, quàm in istorum sella curuli. HÆREDEM EXASSE) De diuisione assis in 12. partes lege Alex. ab Alex. lib. 1. c. 1. As interdum significat nummum aureum, qui sit decima pars denarij: denarius autem est octaua pars aurei Rhennensis,

*vensis, seu daleri, significat, inquam, nummum minimi
precij. Hinc prouerb. Ne asis quidem. Catull.*

Rumoresq; senum seueriorum.

Omnes vnus asinemus asis.

*Id est, penitus contemnimus. ad assem perdere dixit Ho-
rat. Vniuersæ pecuniæ iacturam indicare volens.*



PROGYMNASMA SEPTVAGESIMVM QVINTVM.

Descriptio Gymnasii.

FABIANVS, SYLVESTER.

FABIANVS. Scholæ ista nostra, inquam
ad ingenii culturam percipiendam in dies cœ-
pitius commeare, pulcherrimè commodissimè-
que exædificata mihi videtur: idem tibi videri, nun-
quam in incerto habui. S. Bene: & antepono illam mul-
tis aliis, quas vidi, in quibus studiorum gratia versatus
sum hætenus. F. Primum (vt inde potissimum lauda-
tionem exordiar) excitata est eo ciuitatis loco, qui
omni strepitu, clamore, turbis caret. Non hîc e-
sculenta, potulenta, non scruta venduntur: nullæ in hac
vicinia cauponæ, nulli fassamentarii, salgamarii, myro-
polæ nulli. Non fabri assiduè incudem tundentes, non
dolarii, non aurifices, non deum eiusmodi opifices
qui totum diem pulsibus perstrepunt, nulli circuli,
non colludentes & concinentes pueri ac puellæ. Hîc

summa quies, hinc alta silentia: prorsus, sicut illa
 prætoria, seu magistratuum palatia apud Persas,
 de quibus Xenophon in vita Cyri. Nec enim car-
 mina solum, ut inquit vates Sulmonensis, sed vniuer-
 se, generatim studia omnia bonarum artium secessum
 quendam & otium, hoc est, tumultus, negotiationum-
 que vacuitatem requirunt, vel potius flagitant. S. Haud
 quidquam hac veritate verius. F. Tum salubri quo-
 que sub cælo condita est: quod in eadem vrbe non o-
 mnibus semper ædificiis contingit: quædam enim
 crassiore, & corporibus humanis pestilente circum-
 funtuntur aëre. Academiam illam Athenis amceno,
 & nemoroso, at minimè ad tuendam sanitatem ac-
 commodato solo traditum est constructam fuisse. S.
 Ut memoria mea est, hoc ipsum quod affirmas alicu-
 bi scriptum legi. Et æquum est, cum alioqui integra
 valetudo studiorum diuturnitate ac vehementia cor-
 rumpatur, non ibi constitui gymnasia, vbi procliuus
 est, eam omnino perdi quàm recreari & conservari.
 F. Nullæ domus ita contigæ, ut officiant luminibus.
 Iam verò quàm excelsi parietes? quàm sublime
 & ad pluuiarum defluxus præceps aptatumque te-
 ctum? Ipsa forma domus non proiecta in longum,
 non extensa nimis in latum, non trilatera, sed
 τετράγωνη siue quadrata: ita tamen, ut sit aliquantò
 longior quàm latior, porta ingens, & aspectu augusta ac
 venerabilis, à sculptore & pictore emblematis insigniter
 decorata. S. Illi ordines fenestrarum, infra quidem
 latis luminibus, suprâ angustiorum, omnium au-
 tem inter se ad perpendicularum æqualium, ecquid or-
 namentum

amentum addunt? F. Eximium. Vbi ingressus fueris, ad læuam auditoria duo, ad dexteram totidem: ambulatiunculæ ante scholas, & inter scholas. Inde gradibus septendecim ex albo expolito lapide, quatuor cubitos longis, vnum penè latis ascenditur. Rursum ibi quatuor gymnasia, cum suis ambulatiunculis. Non se mutuò possunt impedire discipuli, nec magistri alter alterum clamoribus obtundere. Suggestus ut bellè laborati? supra velut tecta impendunt, ne dissipetur vox docentium: adhærentia autem ipsis, non ut in sacris ædibus, disiuncta à concionatorum cathedris. A terra quatuor gradibus eleuati, quò videri audiriq̃ ab vniuersis doctor facillimè queat. Non in dextro aut sinistro latere, sed ex aduersum portæ collocati, ut intrantes primo aspectui in Magistrum incidant, & ipse sine circumactu capitis auditores suos, & quemcunque ingredientem possit aspicere. Ut ordinatim disposita sedilia? sic, ut ex omni parte, à fronte, à tergo, à dextris, à sinistris inter ipsa & parietem spatia fieri queant. Ut dolatis è tabulis speciosa laquearia? ut circum fenestras decentissimè depictæ vites, rosæ, flores denique? quàm mundum, candidum ac subtile testorium? nihil vsquam fractum, nihil ruinosum, aranearum nihil. S. Aulam omittis? F. Nonne hæc scholis incumbens, & in summis ædibus ampla, tabulatisq̃ ornatissima, & picturis egregiis mirabiliter locupletata est? S. Assentior. F. Nonne ad oratorias exercitationes, ad comicas quoque actiones opportunissima? S. Nimirum. F. Nonne templo quàm similium? S. Etiam. F. Quid igitur

igitur salubrius, quid splendidius nostra schola? S. Nihil. E. Quam adhuc frequentes discipuli? quam eruditi Magistri? Breuiter: si Musæ cum Apolline suo Heliconem relinquunt, huc inprimis, & cupidissime conuigrent. S. Me adscribito huic tuæ sententiæ.

ANNOTATIONES.

SCESSVM QVENDAM) Plutarchus de Curiositate. Siquidem & Musæ quæ maxime procul ab urbis colloabant. Caussam ne queramus: patet enim eo vel patente. SALVBRIS VBCÆLO) Calum pro ære dicunt latini. Hinc loci & caligræuitas, cali salubritas, calum graue salubre, pestilens. Cicer. 1. de Diuinat. aspiratio cali grauis & pestilens. Pro quibus barbari, mala aura, malus ær, insalubris ær. Plin lib. 2. cap. 28. Namque & hoc calum appellauere maiores, quod alia nomine æra: omne quod inani simile, vitalem hunc spiritum fundit.

PROGYMNASMA SEPTVAGESIMVM SEXTVM.

Pædagogi.

EVTROPIVS, LEOPOLDVS, TIBERIVS.

EVTROPIVS. Lachrymas effudisti Leopoldæ, etiamnum quippe in tumore sunt oculi,
&c.

& rubent. Hem, quæ causa ploratus? L. Ploras-
 tes tu nihilo minus pro certo, si pædagogus tuus simi-
 lem in modum tibi blanditus esset. T. Eia, blan-
 ditus? fortasse in te misello virge rursum exultaue-
 runt. Factum est hoc, Leopolde? L. Factum est. E.
 Quid ais? L. Dubium hac de re nullum est: nimis a-
 pertum atque indubitatum est, pellem mihi usque ad
 saturitatem confusciatam flagris. E. Prædurum pæda-
 gogum prædicas. L. An vos nunquam à vestris flagel-
 lamini? T. Perquam rarò, Leopolde. L. Nimis pro-
 pitios ac lenes habetis: ac proinde vereor ut vos sitis bo-
 ni pueri. E. Quin sæuissimi sunt: quare nos plagas & in-
 crepationes illorum suprâ quàm cuiquam credi-
 bile est metuentes, officium vltro exequimur. L. Meum.
 ut arbitror, sæuitia non anteibunt: qui tyrannidem
 in me quandam exercet. T. Tyrannidem? L. Inpri-
 mis omnia dicta, facta mea curiosissimè obseruat:
 non potest tamen nosse quæ mente agito (rumpatur
 licet) nam cogitata sunt cuique libera. E. Meus æquè,
 ut scias, non dormit. T. Nec meus profectò. L. Quando-
 cunque non videt assidentem libro, suspicatur, suspi-
 catur autem: iminò credit me ludere, vixque ad naturæ
 requisita concedere patitur. T. Auges rem in maius: non
 equidem puto tam ab omni humanitate dereli-
 ctum & agrestem. L. Nescio mentiri. E. Quàm
 sæpe rationem poscit eorum, quæ in schola audieris?
 L. Ferinè in dies singulos. E. Quid facit tibi, si quærenti
 imperitè respondeas? L. Minatur. E. Si iterum?
 L. Ferocius minatur. E. Si tertium? L. Vobis istuc
 cogitandum relinquo: dolet enim vel dictu, nedum

perpeſſu, quod iſte plagofiſſimus homo mihi ter-
 tiam peccanti conſuevit facere. T. At noſtri (quod
 inter nos liceat dicere) tota hebdomade vix ſemel
 nos examinant: quia videlicet ponunt nos eſſe dili-
 gentes, vt reuera ſumus. L. Quid igitur iſtuc eſt, quod
 diligentes iſti tam crebro in ludo vapulant? E. Ni-
 mium argutaris. Sinitne diutius te dormire. L. Dor-
 mire? propemodum ante galli cantum, multa adhuc
 nocte eſt ſoinno me Stentorea voce excitat. Diebus fe-
 ſtis ad quintam, & hyeme ad ſextam ægerrimè ſinit re-
 quieſcere. E. Nos, Tiberi, præ Leopoldo beati ſumus,
 quibus conceditur in lucem cubare ſæpius. L. Num
 intelligitis iam verum me dixiſſe: habere vos pæda-
 gogos plus æquo indulgentes. T. Non, non: hanc enim,
 lenitatem & indulgentiam ſeueritatibus nonnullis af-
 fatim compenſant. L. Quibus? T. Proferrem, ſi ex
 uſu tuo fore iudicarem. L. Cur non erit? nam hinc
 me non ſolum miſerum eſſe cognoſcam. T. Cogunt
 in ſacris precationibus multum abſumere temporis:
 inſolenter ac raro permittunt operam dare luſibus: ob-
 leiſſimam culpam interdiciunt ientaculo: nonnun-
 quam merendam quoque eripiunt: ſilentium vt Py-
 thagoreis imperant. L. Clementior meus eſt aliquanto,
 confiteor. E. Attu paulò antè quaſi quendam carni-
 ficem ipſum deſcribebas. L. Verum enimuerò quod
 vos de veſtris, idem ego nunc de meo: lenitatem
 vnâ tribus ſeueritatibus compenſat. Dies me ci-
 tiùs relinquat, quàm enumerem quas mihi leges,
 quàm multas, quàm duras ciuilitatis & modeltiæ
 impoſuerit: quoties apud parentes coram & per literas

accensarit. Omnipotens & misericors Deus, da mihi
 alium pædagogum. E. Timendum, ne malo peior suc-
 cedat, eueniatque tibi, & nobis, si idem quod tu opte-
 mus, illa a fini calamitas apud Æsopum. L. Quæ ca-
 lamitas? E. Seruiebat olitori, & quoniam ille præpar-
 cè pabulum dabat, multumque laborare cogebat, preca-
 tus est Iouem a sellis, ut alteri domino venderetur. Ius-
 sit figulo vendi. Hic asinus iniquiore animo gestare cœ-
 pit onera, nempe testas & lutum. Rursus ergo cum ro-
 gasset, ut sibi dominum liceret mutare, coriario est ven-
 ditus. Tum peiorem prioribus herum nactus, vidensque
 quid ille faceret, cum suspirio: Væ misero, præstabat a-
 pud priores manere dominos. Nam hic, ut video, pel-
 lem quoque meam conficiet. Consilium meum est, ut
 cuiusmodi sunt pædagogi nostri, eos toleremus. Et
 quoniam id quod volumus, fieri nunc haud potest, ve-
 limus quod potest: donec, ubi ex ephebis exceßerimus,
 in tutelam nostram veniamus: tunc potestas dabitur vi-
 uendi liberius. L. Nunquam vidi melius dari consilium,
 E. Et isti pædagogi, quod more iam receptum est, siens
 patres familiâs, ducent vxores, quæ nos multimodis vl-
 ciscuntur, & istis maritis suis magnum dabunt malum,
 postquam illi argento accepto, imperium dote vendi-
 derint. L. Meus si pro peccatis in me commissis cen-
 tum ducat vxores, parum est.

ANNOTATIONES.

STENTOREA VOCE) *Homærus Iliad. 5. Stentori*
attribuit vocem ferream, id est firmissimam, eumque
affir-

affirmat clamoris magnitudine equare alios quinquaginta simul. Hinc vox seu clamor Stentoreus, p. maximo. MERENDAM ERIPIVNT.) Festus. Merendam antiqui dicebant pro prandio, quod scilicet medio die caperetur. Nonius. Merenda dicitur cibus, qui post meridiem datur. Isidorus lib. 20. c. 2 Merenda est cibus, qui declinante die sumitur, quasi post meridiem edenda, & proxima cœna. Vide Hieronymum Mercurial. variar. lect. l. 4 cap. 17. & Muret. lib. 4. cap. 12. quoties antiqui cibum in die sumpserint. EX EPHEBIS EXCESSIMVS) ἐφῃβία est finis pueritiæ, principium adolescentiæ, seu extrema pueritiæ, & prima adolescentiæ, seu prima pubertatis. Terent. Andr. Nam is postquam excessit ex ephebis, liberius viuendi fuit potestas. Eodem modo Plaut. Mercat. Cicer. pro Archia. Nam ut primum ex pueris excessit Archias. IN TUTELAM NOSTRAM VENIAMVS) Tutela definitur à Iureconf. vis ac potestas in capite libero ad tuendum eum, qui se per ætatem defendere non potest, iure ciuili data ac permissa. Quam vim ac potestatem qui habent, tutores appellantur. In suam tutelam venire aut peruenire, est ad pubertatem peruenire. Cicer. 1. de Orat. Negaretq; nisi posthumus & natus, & antequam in suam tutelam peruenisset, mortuus esset. &c. Item 2. de Inuen. Quidam pupillum heredem fecit, pupillus autem ante mortuus est, quam in suam tutelam veniret.

PROGYMNASMA
SEPTVAGESIMVM
SEPTIMVM.

Præceptores.

RUFINVS, SERENVVS, FLÖRENTINVS.

RUFINVS. Quotus annus voluitur, Serene, cum limina ludi nobiscum calefacis? S. Iam octauus instat. Vos, quamdiu frequentastis gymnasium? F. Ego annis septem. R. Nec pluribus, nec paucioribus ego. Quis autem qualis fuit, quem primum es adeptus in patria tua didascalum? S. Nomen erat viro: illi nomen erat: iam iam versabatur mihi in labris primoribus: ab aspiratione inchoatur. R. Hieronymus? S. Non est. R. Hieremias? S. Non est. R. Hilarius? S. Non est. R. Henricus? S. Hem iste est: satis intra labra atque dentes iacuit. Henricus ergo audiebat: cui indigenæ à promissa ad pectus, & rufa barba, ænobarbo postea cognomentum indidere. F. Cuias erat? Germanus, Belga, Italus? S. Germanus: &, quod quasi per nebulam recordor, Misnensis: illa enim dialecto loquebatur: mollissima nimirum ac suauissima, qualem testantur harum rerum periti fuisse linguam Ionum quondam inter Græcos. R. Vbi sita est tua patria? S. Continens est cum terra Misnia. Pergam ut exorsus sum de illo Magistro dicere. F. Si molestum non est. S. Statura eius iusta longior: vultus placidus & mitis. Deduxit domum non multo post,

post, quàm iniuit docendi prouinciam, prædiu-
tem viduam: etenim in nostra regione ludimode-
ratores sunt feliciores quàm alibi, quando perfacile
bene dotatas vxores inueniunt. Interpretor hoc da-
ri literarum scientiæ à ciuibz nostris, & in parte bea-
titudinis numerari à foeminis, coniunctam esse cum e-
rudito homine. R. Quemadmodum Henricus ille pue-
rum te tractabat? S. Prius mensibus amanter, &
perhumaniter, postmodum asperius & austerius, vt
mihi tum videbatur. R. Cur ita? S. Audies. Soda-
les mihi erant puerili coeui tres, ciuium primariorum
filii, cum iis me separatim in humili scamno collocabat:
eramus siquidem omnes pusilli ac teneri. Quoties
autem ingrediebatur scholam, toties ferè nos ipsum
propter adeò prolixam barbam nonnihil timentes (vt
illa ætas metum in se concipit facillimè) placidissimis o-
culis aspectare, & capita nostra manu demulcere sæpi-
culè, insuper singulis aut aridas ficus, aut in cucullis co-
riandri grana, & amygdala saccharo obducta porrigere,
hortarique nos suauiter subridendo, & inulta pollicen-
do, vt disceremus alacriter. R. O dignum statua. Præ-
ceptorem, & cui victus publicè in Prytaneo præbeatur.
S. Dissimulabat præterea, si interdum confabulantes
cerneret. Scholis finitis, domum suam, quæ in pro-
ximo erat, aliquando secum abductos, priuatim do-
cebat: & nunc vuis passulis, nunc scriblitis donatos di-
mittebat. R. Aureum præceptorem narras. Nun-
quàmne verò te cecidit? S. Vsq; hodie tangit ani-
mum memoria illius nefasti diei. Cùm malè legerem,
libellum Germanicum, hæsitaremque ad tertium aut
quar.

quantum quodque verbum, ille me obiurgare, ego
 hærere, pallere, tremere. Cum autem perperam
 legendi hæsitandique finem non facerem, afferri
 virgam iussit. F. Oh, tam sæuiter? S. Tum, ut paru-
 lis fieri mos est, super genua sua ipse sedens me com-
 posuit, perinde ac lanius ouiculam iugulaturus, ineq-
 graphice profecto tetigit, multumque eulantem à se
 repulit. R. Ha, ha, hæ. Non tu ibi cogitare: papæ, quid
 hoc prodigii? quæ ista est mutatio? vbi ficus? vbi
 saccharum? vbi scriblitæ? vbi tam mellita verba? S.
 Hæc ipsa voluebam, Ruffine. F. Sed quid ais? Qualis in
 reliquum tempus in te exitit? etsi suspitione iam præ-
 curro. S. Non amplius blandus, sed rigidus: non pater,
 sed tristis quidam patruus. F. Quoties demulsi caput
 tuum? quoties munuscula? S. Hæc omnia in flagella,
 & verbera conuersa sunt. F. Multa ex quo fuerunt
 comoda, eius æquum est ferre incommoda. S. Ri-
 des? Meministine verò tu illius temporis quo rudimen-
 ta literarum posuisti? F. Valde. S. Similne modo a-
 ctum est tecum? F. Ah, longè dissimili. S. Dic, oro.
 F. Altero statim die cæsus sum: &, si cutem meam
 speculari, nihil te vidisse magis lacerum iures. R.
 Quantum coniectura assequor, eras pater nequam, &
 parum aut nihil discebas: quandoquidem, ut tute com-
 memoras, tam egregiè conscisum est tibi corium.
 F. Tu scilicet in rola educabare. R. Summum ter qua-
 terue triennio toto percussus me recordor: nec id
 tam propter studia, quam puerilem insolentiam atq-
 licentiam. S. At hoc tempore, estisne adepti Magi-
 stros pro arbitrio? R. Diligentissimum scio esse meum:

venis

venire in ludum tempori : exigere rationem à discipulis quotidie : docere accuratè : emendare scriptiones sollicitè : tradere pietatem & virtutem : punire fontes pro delicti gravitate : amare & laudare industrios : hortari segnes & cogere. F. Meus sanè quidem nec omnia hæc, nec nihil horum. Fœcundos calices amat, & invenitur non rarissimè viño inadidus : hoc, si rectè ratiocinor, parum decet. Quod crebrò facit pueris ludendi copiam, non reprehendo : mallein tamen aliquando non ludereinus. Scitè dictum : ne quid nimis. S. Nos quali Magistro utamur in præsens, ex discipulorum doctrina moribusque puto perspicui posse. Quod querar, penitus nihil habeo. R. Gratulor tibi tanto bono.

ANNOTATIONES.

LIMINA LUDI CALEFACIS) Calent loca, qua frequentantur. Sueton. Octa. cap. 71. Lusimus per omnes dies, fo. umq, aleatorium calefacimus. Verba sunt ipsius Augusti ex quadam epistola. Catull Galliambo. Mihi ianua frequentes, mihi limina tepida. **HENRICVS AUDIEBAT)** Gra. i verbum ἀκούειν, adhibent interdum provocor, dicor, nominor. Sic Latini, ut Horat. epist. 7. lib. 1. ad Maenatem, i. exq, pate. que Audisti ceram, nec verbo parcius absens. Idem epist. 16. Tu rectè viuis si curas esse quod audis: id est. quod dixeris. **DEDUXIT DOMVM)** Ducere & deducere domum ad matrimonium & nuptias etiam significandas adhibentur. Plaut. Trinum. Nunquid caussa est, quin vxorem

rem cras domum ducat? Terent. Hecyr. Vt ad pauca redeam, uxorem deduxit domum. Tibul. Vt iuueni primū virgo est dedacta marito. CUI VICTVS PUBLICE IN PRYTANEO) Athenis erat domus hoc nomine publica, in qua victus præbatur ex ærario ijs, qui bene meriti essent de Republica. Cic. 1. de Orat. Interrogatus Socrates, quam quasi æstimationem commeruisse se maximè fateretur, respondit, sese meruisse, ut amplissimis honoribus & præmijs decoraretur, & ut ei victus quotidianus in Prytaneo præberetur. TRISTIS QUIDAM PATRVS) Patrum in filios impotentem amorem ignorat nemo. Patruī verò tametsi fratrum suorum liberos ament, illo tamen vehementi affectu sunt liberi, nec quemadmodum patres ad filiorum, sic illi ad nepotum suorum peccata conuiuent, neque ea disimulant, sed seuerè & acriter reprehendunt, incorruptèque de actionibus ipsorum iudicant. Vnde factum ut nomen patruī pro obiurgatore, castigatore, reprehensore seuero & acri poneretur à Latinis. Cic. pro Calio. Qui in reliqua vita mitis esset, fuit in hac causa pertristis quidam patruus, censor, Magister. Horat. Sat. 3. lib. 2. Siue ego prauè, seu rectè, ne sis mihi patruus. Et Ode 12. lib. 3. patruæ verbera lingua, vide epist. 2. lib. 2. ad Art. &

in eam Mauur. Lambin.

in Horat.

os(o)sc

Z

PRO.

PROGYMNASMA
SEPTVAGESIMVM
OCTAVVM.

Auctores scholastici.

VENANTIVS, FLORIANVS,
EPIPHANIVS.

VENANTIVS. Triennium elapsum est, nisi quid erro, ex quo in ista Principiorum schola festitas Floriane, prima, inquam, grammatices. id est, postrema & infima omnium. Ecquid studes? R. Quamobrem non potius decennium dicis, maior ut esset annorum numerus, atque ut magis falsum diceret, quoniam tibi voluptati est veri aliena effutire? E. Biennium effluxit, hoc saltem non refutabis. F. Etiam tu delicias faxis? proximo Octobriannus v. nus cum semestri absoluetur: diutius non fui in eo gymnasio: & me breui condiscipulum tuum, Venanti, visurus es: sic enim augurat animus. V. Meus certe non eris: nam ego me Epiphanii futurum diuino. E. Non es futurus profecto: ego enim in scholam Humanitatis euolabo. V. Si modò qui examinabunt, alas tibi non interuellerint: aut si illas calor solis, ut quondam Icarus, non liquefecerit. E. Tam dignus illa ego, quàm mea tu. V. Res ipsa documentum dabit. Tu, Floriane, in quibus interrogaberis ab iis, qui eo tempore cognitionem puerorum explorabunt? R. In iis, puto, quæ doceor. E. Et quæ sunt illa? F. Rudimen-

mentā. V. Verrepæi, an Valerii, an Emmanuelis? F. Emmanuelis. Deinde epistolæ selectæ, breuissimæ illæ Cicéronis, disticha Catonis, & Institutiones Christianæ fidei. V. Hi sunt auctores tui? F. Hi sunt. E. Quid Venantius hoc anno audiuit? V. Quæ quotannis ferè traduntur. Grammaticam Emmanuelis, quæ Præceptor commendat mirificè: eiusdem syntaxeos epitomen, selectas Cicéronis. E. Pauca sunt hæc. V. Multa satis mihi quidem. De tuis velim cognoscere, ut libros comparare possim, quomodo arma ante bellum miles. E. Eme Ouidium de Tristibus. V. Malle de Hilaribus, nam ineopte nūtu tristis esse soleo. E. At nihil illa Nasoniana tristitia lætius, nihil iucundius, quod experieris. Adde epistolas ad familiares, Catonem siue Lælium, & libellum de octo partibus orationis apud Græcos. V. Heu, statui non discere Græca. E. Debebis volens nolens, non erit hoc arbitrarium. V. Non possum: semper ab ista carnificina longissimè ratio voluntasque mea abhorruit. E. Et ægri ab amaris, at salutaribus potionibus abhorrent. V. Quid præter hæc explanatur? E. Prosodia Emmanuelis. V. Optinè: versus factitare cupio, prosodiam non ingratum discam. E. Si frustra emeris hos libros? E. Minimè frustra: vtetur quippe anno nonagesimo, si hoc imminente non vtatur. V. Ad nihilum cauilli tui recident Floriane: scio te id nolle: ascendam tamen ego, si me Superi adiuuant. E. Si doctrina tam incensæ cupiditati responderit, non negauerim futurum de quo tu nec hilum dubitas. V. Mitte curas. Num quem alium mihi mercandum censes? E. Adrianum Cardinalem. Farraginem

fordidorum verborum, Scopas latinitatis, Aduerbi-
rum connubia, Epitheta Ciceronis. V. Vtiles tibi hos
sensisti? E. Vt nihil possit supra. Tu quoque, Floriane,
cura vt instructus sis à libris. R. Pædagogi hoc munus
est, ipse curabit, ego sine cura sum.

ANNOTATIONES.

A VCTORES SCHOLASTICI) Solent quidam
eruditi cum de illis quasi præstâtissima, ac vetustis-
sima notæ scriptoribus loquuntur, eos nominare auctores,
& scriptores classicos. Aptè & eleganter vtique, id quod
ex Gellio licebit discas lib. 7. cap. 13. VT QVONDAM
ICARI) Fabula de volatu Dædali & Icarî eius filij est
in 8. Metamorph. Mare in quod decidit, Icarium nomen
obtinuit. Ouid. Trist. lib. 1. eleg. 1.

Dum petit infirmis nimiam sublimia pennis

Icarus, Icarias nomine fecit aquas.

Monendi sunt mihi vno verbo Magistri, vti ne temerè
quenquam auctorem suis discipulis interpretandum su-
scipiant, & cogitent, vina recentia dulciora, vetusta au-
tem salubriora esse. Deinde videant etiam quos libros e-
mant pueri, ne dilapident pecuniam. Ipsi se interrogari
super ea re iubeant, & quàm vtilissimos emendos
suadeant. Quod quidem difficile non erit
ijs, qui in multis libris diu vo-
lutati fuerint.

XXXXXXXXXXXXXXXXXXXXXXXXXXXX

PROGYMNASMA

SEPTVAGESIMVM

NONVM.

Formula salutandi, & valedicendi in congressionibus atque literis.

CLAVDIVS. ALBINVS.

CLAVDIVS. Quandoquidem, latinitatis peritia multis partibus iam diu factum est postquam me vincere cœpisti, rogo atque ordo, si commodum est, da mihi paulum operæ. A. Vel multum, si id rationibus conducatur tuis. Nolo tibi vllum commodum in me claudier. C. Vt si quidquam aliud: ne dubitaueris. Sed hoc die, quoniam te vacuum offendi, vnum quiddam me doceri peropto. A. Quid est illud vnum? C. Tritissimum cum sit ita salutare factos obuiam, & in congressu: bonus dies, bonus vesp̄r, bonum inane, bonum serum: & respondeatur salutantibus, Deo gratias. Item in digressu sub noctem, cum his verbis bene precari soleamus: fausta nox felix nox, reddaturque idem responsum, more patrio videlicet, guten Morgen / guten Abend / gute Nacht / danck euch Gott / iis autem formis loqui necessitas nulla cogat, latinisq̄ue auribus ingratisissimum sit: quo pacto tum salutando, tum valedicendo, siue cum in alicuius colloquium congressumque veniendum est, siue alicui scribendum, nos geremus? Nō enim

me latet, solere te studium acerrimum ponere in notandis huiusmodi latinis, cum inter legendum occurrunt, aut à Magistro inculcantur. A. Haud equidem me tanto dignor honore. Nihilominus, quia tu hoc à me candidè petis, & posse me tibi commodare iudicas, parebo voluntati tuæ, mi Claudi, neque te quidquam celabo eorum, quæ in præsentia, nihil tale providenti memoriam subierint. Hoc tenebris primum, non semper opus esse responsione cum salutamur: & interdum salutantem non resalutari, verum responderi aliquid aliud, quod ille libens, ac volens audiat. Est quando salutationi quæstiunculæ quædam adiiciuntur, de valetudine præsertim: nonnunquam resalutantes etiam interrogatiunculam annectunt. Hæc omnia exemplis declarabuntur: tu auritum te facito.

Salve. Respon. Salve.

Salve Ioannes. R. Et tu. Paule.

Salve. R. Et tu.

Mysis salve. R. O salve Pamphile.

Salveto.

Salveto: quid agis?

Mater mea, frater mi, salve. R. Salve fili, salve mi frater.

Antoni salve. R. Salve Paule.

Salve oculissime homo.

Iubeo Chremetem: subandi, salvere.

O Iacobe salve. R. Saluus sis Corneli.

O sal-

O salue bone vir. R. Hem, Simo. O noster Chre-
me.

Mi patre salue. R. Salue.

Curculio exoptate salue. R. Salue. Saluum te
aduenire gaudeo.

O noster Chremes. R. Salue Geta.

Salue Andrea. R. O nutrix, o mea nutrix.

Salue mi germane. R. O soror mea, quid agi-
tur?

Salue optate gnate mi.

Saluum te aduenisse gaudeo.

Venire te saluum volupe est. R. Credo: quid
agitur?

Here salue, saluum te aduenisse gaudeo. R. Oh,
bone custos, salue.

Plurimâ salute Parmenonem suum impertit
Gnato: quid agitur?

O mi exoptate Clinia, salue. R. Vt vales?

Georgius plurimum iubet saluere Stephanum.
Iubeo te saluere.

O pater, pater mi salue. R. Salue multum
gnate mi.

Charmidem socerum suum Lysicles salutat.

R. Dii dent tibi Lysiteles qua velis.

O Thraso. R. Saluete.

Amphitruo uxorem salutat latus suam. Valuistin' usque? expectatusne aduenio?

Saluus atque foriunatus Euclio semper sis. R. Dii te bene ament Megadore.

O amice, salue, atque aequalis mihi: ut vales. Ambrosi? R. Et tu.

Salue Gregori, Valen', Valuistin'? R. Valeo, & valui rectius.

Mi homo, & mea mulier, ego vos saluto. R. Et nos te.

In Andria Crito cum salutasset ancillam, & ab ea fuisset resalutatus, subiicit secunda interrogatione. *Quid vos? quo pacto hic? satisne recte? M. Nosne? sic, ut quimus aiunt, quando ut volumus, non licet. Quærebant etiam. Satin' salue? Exemplum sunt apud Liuium. C. Habeo salutationum rationes: nunc quibus verbis valedicendum sit quæro, quocumq; diei aut noctis tempore. A. An potest vlli quidquam optari melius integra valetudine? qua nihil maioris æstimandum vita humana complectitur. Itaque has ferè formas inuenio.*

Bene vale. R. Et tu.

Vale. R. Et tu bene vale, Martine.

Vale. R. Et tu frater.

In hoc quatrimum Antoni vale. R. Mi Georgi, & tu: nunquid vis aliud?

C. In

C. In extremis epistolis quonam modo valedicemus?

A. Vale.

Da operam ut valeas, hoc mihi gratius facere
nihil potes.

Tu me diliges & valebis.

Cura si me amas ut valeas.

Vale, & matrem meosque tibi commendatos
habe.

Me velim, ut facis, diligas, valetudiniq; tua
& tranquillitati animi seruias.

Valebis, meq; ut à puerro fecisti, amabis.

Ama nos & vale.

Cura ut valeas, & me ut amas, ama.

Bene vale & me dilige.

Fac valeas, meq; ames.

Fac valeas, meq; mutuò diligas.

C. Vbi tam multa, tam varia legisti? A. In epistolis
M. Tullii: ac miror te interrogare. C. Quid si ad amicos,
& consanguineos scribemus, quibus tuin vocibus uten-
dum censes? A. Nullus hac in re præstantior magister
eodem Cicerone, ex cuius epistolis quædam exempla
tibi recitabo, quorum similia licebit excogites, cum v-
sus venerit.

Ad uxorem & liberos,

Valete mea desideria, valete.

Vale mea Terentia.

Z 1

Mea

*Mea Terentia fidiſſima atque optima uxor, &
mea chariſſima Tulliola, & ſpes reliqua no-
ſtra Cicero, valete.*

*Vos, mea ſuauiſſima & optatiſſima Terentia,
& Tulliola, ſi nos amatis, curate ut va-
leatis.*

Etiam atque etiam vale.

Tu uelim tuam & Tulliole valetudinē cures.

Valetudinem tuam cura diligenter.

Fac ut tuam & Tullie valetudinem cures.

*Maximè autem date operam ut valeatis, ſi
nos vultis valere.*

*Cura ut valeas, & ita tibi perſuadeas, mihi te
charius nihileſſe, neq. unquam fuiſſe.*

Ad Q. Fratrem.

*Reliquum eſt ut te orem, ut valetudini tue, ſi
me & tuos omnes valere vis, diligentiffimè
ſeruias.*

Cura mi frater ut valeas.

Fac mi frater eſt valeas.

Vale mi optime & optatiſſime frater.

Mi frater vale.

Te oro etiam atque etiam mi frater, ut valeas.

*Cura mi ſuauiſſime & chariſſime frater, ut
valeas.*

Vale

Vale mi suauissime & optime frater.

Ad T. Pomponium Atticum.

*Cura vt valeas & nos ames, & tibi persuadeas,
te à me fraternè amari.*

Cura vt valeas,

Etiam atque etiam vale.

Ad Tironem.

*Cura vt valeas etiam atque etiam Tiro no-
ster.*

*Quantum me diligis, tantum fac vt valeas
vel quantum te à me scis diligi.*

Ama nos & vale.

Cura te etiam atque etiam diligenter.

Cura mi Tiro vt valeas.

C. Expone hoc loco, si placet, qua ratione in
extremo literarum, aliorum nomine salutare nos o-
porteat.

A. Saluebis à Cicerone, salue à Petro, salutat te
Cicero meus. Cicero bellissimus tibi salutem pluri-
mam dicit. Tullia tibi plurimam salutem adscri-
bit. Terentia te saluere iubet. Cicero te salutat.
Terentia tibi salutem. Terentia impertit tibi mul-
tam salutem. Domus te nostra tota salutat.

C. Quo.

C. Quonam modo, quibus verbis quosdam salutabimus per eum, ad quem damus literas?


A. *Tulliola & Ciceroni salutem dicito. Multam salutem Filia. Dionysio plurimam salutem. Attica plurimam salutem velim dicas. Dionysium iube saluere. Dionysium velim saluere iubeas, iubebis meo nomine saluere Paulum. Ex me salutato Praeceptorem tuum. Saluta meis verbis Ioannem. Salutem Marcello. Salutem dic Petro meo nomine, quem ego in oculis fero. Molinio meo multam salutem. Salutem quibus videbitur. Saluta tu mihi istic quos videbitur, Contarellum precipue, & Gerardū. Communibus amicis à me multam salutē.*

C. Cumulatè omnem desiderii mei expectationem expleuisti. A. Volui id quidem efficere certè, & lætus sum si, quod volui, affecutus sum. C. Arctiore vinculo tibi me astringisti, vtinam hoc meritum in me tuum, referenda gratia aliquando consequi possim.

ANNOTATIONES.

QUAS tu hîc legis salutandi resalutandiq; formulas, non collegi nunc primùm omnes, collegi tamen aliquas, sed annum abhinc plus duodecimū alia occasione, & atibi à me comportatas & digestas, hunc in locum hoc tempore transferendas existimaui. Nō poterit autē quispiam conqueri de paucitate, nec elegantia reprehendere: sunt enim Terent. Plaut. Cic. & eloquentissimorum hominum.

PRO-



PROGYMNASMA

OCTOGESIMVM.

Cupiditas proficiendi.

PELAGIVS, SISINNIVS.

PELAGIVS. Malè est sodali tuò Sisinnì. S. Malè?
quì istuc, mi Pelagi? Deum oro vt bene sit potius.
Verùm enuntia, cur secus est quam volumus? Quid
tibi malæ rei euenit? P. Quoniam quod natura & vo-
luntate facio libentissimè, id facere quantũ velim haud
permittor. S. Age, proloquere, quid illud? P. Disce-
re. S. Quis mortalium præclaros conatus tuos, & in-
citos ad laudem impetus retardat? P. Familia negotio-
sa, inquieta, turbulenta. S. Non habet pater tuus aliquod
vltimis conclaue in ædibus, quod tibi attribuat? P.
Hyeme vix habet: domus enim nostra non est tam
multis conclaubus & hypocaustris: tum ligna stant ma-
gno. S. Experimur nos idem incommodum. P. Ergo
in eodem hypocaustrò diuersantur serui, ancillæ, in-
fantes: quorum inconditis clamoribus perturbatur
animus, & ab eruditis cogitationibus aliò auellitur, at-
que abstrahitur. S. Tuarum fortunarum me mise-
ret. Non te pater aliquò mittere deliberauit extra
solum patrium? P. Anno futuro, quod Deus pro-
sperè euenire iubeat, Dilingam inittet: ibi in spe
sum, me quiete optata potiturum. S. Habésne in ma-
nu cætera quæ desideras? P. Nullo modo. S. Cur?
P. Quòd

P. Quòd multò manè vetor surgere : timent enim parentes valetudini meæ. S. Quàm manè cuperes? P. Hora quarta æstatè, quinta hyemè. S. Ætas imbecilla non ferret. Et cur tam maturè? P. Quòd duas trësue horas ante scholam posse in repetere, ediscere, scribere, legere : matutinum quippe tempus per commodum est hisce rebus : nec mihi non audita est vigilantia Demosthenis, qui dolere se aiebat, si quando opificum antelucana victus esset industria. S. Sufficit horam impendere. P. Tibi quidem adolescenti ingenioso, & fideli memoria : at non ei qui hebetior & obliuiosus sit. S. Quin me anteis utroque. P. Ingenium ac memoriam creare mihi non possum : diligentiam velim cedere nemini. S. Tantoperè admastristi studia? P. Ut nihil ardentius in vita. In hisce omnem operam, curam, industriam, cogitationem, mentem omnem fixi & locavi sapientia quippe cælestes, immortalesq; diuitiæ. S. Quoties non obiisti ludum toto anno? P. Nec vnam hebdomadam Sisinni : hebdomadam autem? nec vnum diem : quid diem? nec vnicam horam abfuisse me tam certum scio, quàm me tecum modò congregi. S. Rarum decus. Quoties cæsus? P. Cæsus? nunquam. S. Obiurgatus? P. Nunquam. S. Commendatus? P. Quod apud amicum effari liceat, sapissimè. Hoc ego stimulo non ad stultam arrogantiam, sed ad maiorem industriam excitor : neè considerare soleo, quàm longè à carceribus processerim : sed quàm procùl adhuc à metis absum. S. Laudo : hoc virtutis opus. P. Si pedem alterum in sepulchro haberem, adhuc discerem, ut ille de se prædicabat.


S. Fru-

S. Frustra te rogem, quo pacto tempus transmittas, cum tam inflammata doctrinæ cupiditatem in te videam. P. Ut fatear verum, ludis & otio parum apud me loci est. S. Illustrabis familiam tuam. P. Faxit Deus, quem ego præsidem & auspicem mearum literarum in dies singulos piè sanctèque veneror, & cœleste ipsius auxilium, certis precationibus flagitare non desisto. S. Accessi ad ignem tuum, Pelagi, iam caleo plus satis.

ANNOTATIONES.

QVORVM INCONDITIS CLAMORIBVS)
Seneca epistola 62. etiam negotiorum tractatione sua studia cogitationesque affirmat minimè impediri: quod paucissimis arbitramur esse cōcessum. Verba eius subscribam. Vaco, mi Lucili, vaco: & ubicunque sum, meus sum. Rebus enim non me trado, sed commodo: nec confector perdendi temporis causas, & quocunque confiti loco, ibi cogitationes meas tracto, & aliquid in animo salutare verso. Cùm me amicis dedi, non tamen mihi abduco: nec cum illis moror, cum quibus me tempus aliquod congregauit, aut causa ex officio nata: sed cum optimo quoque sum: ad illos in quocunque loco, in quocunque saculo fuerint, animum meum mitto. Audiamus etiam Quintilianum lib. 10. cap. 3. Silentium & secessus, & vndique liber animus, ut sunt maximè optanda, ita non semper possunt contingere, ideoque non statim, si quid obstrepet, abijciendi codices erunt, & deplorandus dies,

dies, verum incommodis repugnandum, & hic fatiendus
usus, ut omnia, quæ impediunt, vincat intentio. Quam si
tota mente in opus ipsum direxeris, nihil eorum, quæ o-
culis vel auribus incurfant, ad animum perueniet, &c.



PROGYMNASMA

OCTOGESIMVM PRIMVM.

Munditia librorum.

AMANTIVS. MANSVETVS.

AMANTIVS. Si incumbere in libros, est
cubito supra eos deposito niti, haud memini vi-
dere, qui magis incumbar te vno, qui Ein-
manuelem & alios codices tuos propè iam incum-
bendo contriuiſti. M. Aſſiduitas hoc intetrimẽtum
attulit, non cubitus. A. Quid? Iſta aſſiduitas in meo
cur non ſic apparet? Præterea, quàm ſunt comina-
culati intus & foris tui? quàm habent oras pagina-
rum infimas, & ſummas introrſus flexas? quas au-
riculas aſinorum ſolemus vocare. Itane eſt vt lo-
quor? M. Tu aliquod artificioſum calles vt videtur, mi-
hi adhuc ignotum: quod ubi didicero, habeo libros
mundiores, minusquẽ tritos. A. Nullum teneo ar-
tificioſum, omite iocaciones: munditiã librorum
perinde vt corporis totius amo & complector. M.
Quid tam te miſeret librorum meorum? quid tam
mirum in modum ſollicitus es? breui nouos emam.

A. Si

A: Si sanus es mentis, quare mauis prodigere pecuniam, quàm deponere rusticitatem, & negligentiam? M. Eho, tu vt mihi rusticitatem in probri loco obiectes? A. Non enim est urbana elegantia: hoc quamuis iniquo iudice probauerim. M. Quid tibi mecum est negotii? cura tuos. A. Id ego ago: veruntamen odi malè sordes istas in aliis quoque. Phuy, quàm habes item digitos atramento fœdatos, & os similiter denigratum: vt non iniuria suspicetur aliquis, te atramentum bibere solitum. Cur non cauès? cur non aqua purgas? M. Indicia, & vestigia sunt hæc diligentiae magnæ, & laboris. A. Pigritiae magnæ, & torporis: oportebat alioum diligentes fieri immundos atque sordidos. M. Desine mihi exhibere molestiam, si sapis. A. Tracta libros humanius, aut dicam tibi diem. Scis Magistrum in huiusmodi peccata æquè, vt in discendi socordiam acrem se præbere vindicem. M. Crimine vacare debet, qui in alterum paratus est dicere. A. Quid istuc? M. Non deerit vnde tibi parem mensuram remietiar. A. Minæ istæ nihil sunt nisi minæ. Vale sordide. M. Vale rit idiuscule.

ANNOTATIONES.

NON placent, qui nimium diu nimium mundos, ac nitentes habent libros suos: id enim argumentum est, parum sape ac multum ab eis lectitari libros. Quod si fieret, contererentur etiam, ne dum vt munditiam suam perderent. Nec tamē si egregiè intus forisquē, & spurcissime contaminati sunt, statim est colligendum, id ex frequenti

usu, & euolutione accidiſſe, & quod eſt puerorum vitiū, id etiam grauibꝫ virū tribuere: nihil poſſe ſine ſordibꝫ diu conſeruare. Laudandi præterea nō ſunt quidam, qui quamuiꝫ iū non vtantur, aut menſe toto vix ſemel noctes tamen & dies apertos in ſcammū, in menſis, in pluteū iacere, & pulueribꝫ inquinari ſiunt. Vnuſquiſqꝫ artiſex ſupellectilū ſuæ curam diligenter gerit, ſuaqꝫ inſtrumenta, ſi poſſit, recentia ſemper habere velit: & ſtudioſus literarum tam elegantia & pretioſa inſtrumenta, vnde non ferreum aliquod, lapideum, ligneūmꝫ opus, ſed eruditio comparatur, nihili pendet?

PROGYMNASMA
OCTOGESIMVM SECVNDVM.

Academia.

PANCRATIVS, TORQVATVS.

PANCRATIVS. Quod precatus ſum à Deo, & à parentibꝫ ſæpè multūqꝫ contendi, vt à triuiali gymnaſio remotum me in aliquam Academiam, & in hanc potiffimū, tanquam ad mercaturam eruditionū virtutumqꝫ clariffimarum amandarent, eius me compotem aliquando factum in ſinu gaudeo. Confido inane me neutiquam rediturum, dedecorantem Præceptores meos, & mœſtitudine luctūqꝫ complementem parentes, qui ſuæ dignitatis ſpem in me collocauerunt.

runt, statuuntque ipsorum meo virgēti iam senectuti multa solatia daturum esse. L. Quin præstiturus sis, quæ indolem tuam egregiam condecant, & quæ parentes ambo expectant, non mihi datur ulla dubitatio. Argumentum verò gaudendi idoneum & iustum. Etenim etiamsi quis Cicerone eloquentior. Aristotele doctior euaserit, idque vel domesticis vsus Præceptoribus, vel in istis scholis, (quibus quoniā in triuiis, hoc est, passim aperiuntur, triuiialibus vulgò nomen est) nunquam gloria circumfluet, nisi eum in alicuius Academiæ luce versatum constiterit. Opinantur enim homines, ibi pænè solum (procliuius quidem certè) ad solidæ perfectæque sapientiæ diuitias perueniri, ubi Doctores & multi, & optimarum artium studiis politissimi ex Regum, & Principum ærario stipendiis liberalissimis aluntur, & exercitationes disputationum, repetitionum, scriptorum, sermonis item Latini & Græci, diuersarum tractationum disciplinarum, æmulatio inter adolescentes eandem scientiam excolentes (quod ad progressum vehementer conducit) maximè vigent. P. Sic arbitror: cum hoc ipsum animaduertent Principes, & præterea se cum attentè reputarent, quantum interesset Reipublicæ vel potius vniuersi orbis terrarum, quàm plurimos viuere abundanti doctrinæ homines, in suis prouinciis atque regnis Academiæ, tanquam publicas & communes diuinæ humanæque sapientiæ officinas idcirco instituisse voluisse. T. Idem ego sentio prorsus, & sentiam. Quis autem est, in quo aliquod probitatis lumen eluceat, qui tantopere a

maiorum curriculo deflexum esse dolenter non ferat? & nunc in istis sacrariis atque templis religionum, virtutum, scientiarumque tam multos cerni otiosos, tam multos inertes, poculis, impuræ libidini, cæterisque criminibus, & voluptati immerfos? P. Sæpe interfui querelis grauium virorum, istam rerum conuersionem deplorantium. Quare initio affirmabam, efferri me lætitia, quod huc essem inissus: hæc siquidem Academia præclaram sibi famam longè latèque confecit: & à morum pietatisque disciplina celebratur: ad quam proinde, qui filiis suis bene cupiunt, eosque Christianis institutis formari desiderant, eosdem transmittere solent. T. Si isti commendandi sunt, uti sunt, malè inerentur de liberis, qui eos mittunt, ubi Catholicæ veritati nefarium atque impium bellum indicitur: ubi, ut literas percipiant, pietate quidem nulla excoluntur, & quam attulerunt Catholicam religionem, ægrè tuentur, facillimèque prauissimarum ac letalium opinionum commentis ad exitium præcipitantur. P. Ipsi viderint quid Deo rationem reposcenti respondeant: præsertim quando Orthodoxæ in Germania Academiæ non desunt. Porro me frequenter cupido incessit, eiusmodi librum volutandi, in quo de Academicis ageretur: si in talem incideris, mone me, quo eum vel emam, vel ad tempus à te mutuam sumam, & ita diuturnam hanc sitim meam restinguere queam: hoc te vehementer etiam atque etiam rogo. T. Inuenisti quod quæris. P. Euax, inueni? T. Sequere me in bibliothecium meum, ibi monstrabo, & commodabo etiam quod optas. P. O fortunatum hunc diem. Haben-

tu illum librum? T. Libros dic: nam duo sunt. P. Cuius auctoris, & quales? T. Iacobi Midendorpii Iureconsulti, non indocti hominis, multæque lectionis. P. Quid alter differt ab altero? T. Primus continet celebriores Academias orbis terrarum, institutiones, incrementa, interitus, progressus, & plurima demum, quæ in Academicis fieri obseruarique consueuerunt. Alter historiam Academicarum orbis Christiani, & ingenuis liberaliterque educatis adolescentibus dignam sanè eruditionem complectitur. P. Beati. Eamus ad te. T. Eamus. P. Maiore opera ad eosdem legendos me dedam: sic stat sententia.

ANNOTATIONES.

Optare debent adolescentes in Academiis mitti, sed ad discendum, non ad ludendam, nocturnæque obambulandum: ad disciplinam, non ad licentiam. Non est laudabile in multum, & illustribus Academicum fuisse: sed vel in vna bene profecisse, hoc prædicatione dignum est. At nunc inueniuntur, qui nulla re meliores, sed tantummodo seniores ibidem sunt. Spero deplorationem nostram in dialogo, & querelam de Academicarum corruptelâ cordati viri non improbatum iri. Et quoniam mihi pulchrum est visum, studiosos cognoscere res Academicas, indicaui auctorem qui distinctè, copiosè & eruditè hoc argumentum pertractauit.

PROGYMNASMA
OCTOGESIMVM
TERTIVM.

Honores Academici.

MARTYRIVS. SMARAGDVVS.

MARTYRIVS. Quòd aspectauerim te aliquoties circumferentem libellum sententiarum Ciceronis, formam permodicam (typographi in decimo sexto vocant) & typis Plantinianis, quorum est in hoc genere præcipua commendatio: eam opinionem imbibi, eius lectionem pergratam, perque iucundam tibi solere contingere. S. Et perutilem, Martyri, quod creberrimè experiundo probaui. M. Recita dum vnum aliquod axioma, seu pronuntiaturum. S. En Tuscul. 1. *Honos alit artes, omnesq; incenduntur ad studia gloria, iacentq; ea semper, quæ apud quosq; improbantur.* M. Vera effatum, quis neget virum sapientissimum, & Romanæ eloquentiæ principem? Atque hanc eandem sententiam millies cantatam audiui in creationibus Baccalaureorum, Magistrorum, Doctorum, quas Promotiones nominare mos iam antiquus, & vulgaris est. S. Ibi potissimum locus fuit, & est, meo iudicio, ista similiæque proferendi. M. Cur tandem? S. Quòd eos honores inprimis sibi proponunt plerique, qui ad sapientiæ studia ingrediuntur: quorum adeptione velut gradus parant, viamque sibi traniunt, qua ad amplissimas dignitates,

cum

tum in Ecclesiastica, tum in ciuili Republica prouehantur. M. Res isto modo se habet. Nec mirum tamen, artes ingenuas sine spe singularium præmiorum non coli à multis, cum vix vnum, alterumue inuenire detur, qui virtutem, qua constat nihil esse honestius, nihil amabilius: propter seipsam amplectatur. Et surdis canit poeta nescio quis: Ipsa quidem virtus sibi met pulcherrimam merces. S. Est verò honestissima merces honor, & in eo omnes nationes concordissime conspirant, atque consentiunt: quocirca qui illam affectant, citius in laudem ponendi sunt, quam qui esuriunt pecuniam. Diuinè, vt omnia, M. Tullius in Off. Nihil est tam angusti animi, tamque parui, quam amare diuitias: nihil honestius magnificentiusque, quam pecuniam contemnere, si non habeas: si habeas, ad beneficentiam liberalitatemque conferre. M. Ex eodem nobilissimo scriptore mihi occurrit illud: Insignia virtutis multi sine virtute assequuntur. Quod pro certo in istis quoque scholasticis ornamentis valere debet: vt existimemus nimirum non omnes Magistros esse Maistros: siquidem non omnes qui habent citharam sunt citharædi. S. Hi faciunt, vt inaugurationes istæ vilescant, & per summam inscitiam ac temeritatem suam non mediocria in ciuitates detrimenta important. M. Probas mihi ista quæ dicis. Quot sunt autem ordines siue gradus istarum dignitatum? Præter Baccalaureos, Licentiatos (quos Promagistros, seu Mellodidascalos mallent quidam nominare) Magistros & Doctores, mihi quidem nulli videntur. S. Quo pacto nulli? Esne tu Studiosus? M. Studiosus, vt si quis

quam alius. S. Estne istuc honoris vocabulum an minus? M. Si negem, tu me iure optimo de mentis potestate exiisse dicas. S. Est ergo alius gradus, & quidem primus omnium, sine quo (in Academicis præcipue Germanicis) nulli fas est illos, quos supra recensebas, ascendere. M. Da veniam, non cogitaram. Superest igitur ut Baccalaureatum mediter, quandoquidem beanissimo exutus & absolutus, in numerum Studioforum iampridem cooptatus sum. S. Meditare, licet : sed caue ne tu quoque vnus de illis reperiare, qui hoc insigne virtutis sine virtute assequuntur. M. Cauebitur. Nunc velim, quod sine magno labore tuo fiat, rationem istorum vocabulorum explices, si poteris, & rem breuiter ac perspicue definias. S. Annitar sane, ut postulatis tuis faciam satis. Bean nomen vnde procusum, & quare huc translatum sit, nescire me confiteor, nec me huius inscientiæ pudet. Vsurpatur autem de iis, qui quasi profani adhuc, & Musarum sacris initiati nondum sunt, de tyronibus nouitiisque scholasticis. M. Probè intelligo. Nunc de Baccalaureis age. S. Pedibus eo in sententiam docti cuiusdam viri, qui hanc vocem à militia deductam credit. Gallorum enim veteri lingua battalum prælium, & battalarios tyrones milites, qui que castra sequi, & militiæ exerceri cœpissent, ac semel manum cum hoste conseruissent, nominatos : hinc postea in Academia Parisiensi per antiqua, ubi hæ promotiones videntur natæ, Battalarios appellari solitos, qui in studiis ingenuarum artium quasi tyrocinium posuissent, & publicè disputando specimen

cimen eruditionis suæ præbuisſent, atque ita tanquam cum hoste iam conflixissent. Quod ergo de bacca & lauro alii philosophantur, friuolum est ac pugatorium. Latus, id est, corona è lauri foliis contexta, debetur poëtis tantum (de doctis loquor: nam quis ignorat etiam Imperatorum & militum triumphantium esse lauream?) præterea nullis: idque ob certas causas, quarum hic non est necessaria cominemoratio. Ceterum consuetudo & ignorantia, ut alias innumeras, sic istam vocem deprauavit, ac pro Battalariis, Baccalarios, deinde Baccalaureos in sermonem Latinum induxit. M. Haud displicet opinio tua. Quis igitur erit Baccalaureus (retineamus vocem vsitatam, ne res nouas inpliri videamur) quis, inquam, erit inter literatos? S. Qui confecto liberalium scientiarum tyrocinio, publicum progressus sui testimoniū, hocque ipsum nomen in confessu, & frequentia Academica est consecutus. M. De Licentiatis sequitur ut disseras. S. A licentia deflexum est nomen, quod illis liceat summam dignitatem petere & consequi, cum voluerint. Aptius Magistri, seu Doctores designati appellarentur, quæ potest eorum haberi definitio, ut agamus pingui Minerua, & paucis. M. Magistri nomen, auco nosse unde extiterit. Quidam volunt à magis & ter, quod nempe Magister emineat super alios eruditos ter. S. Apage cum notatione ista tam ridicula. Magistri Iurecos sunt, penes quos præcipua rerum cura est. Hinc dicti magistratus. Festus magistratos appellatos docet, quod cæteris magis possunt: vel quod magis quam cæteri diligentiam, & sollicitudinem rebus

quibus præfunt debent. Nec solum in scientiis libera-
libus dicuntur aliqui Magistri, id est, præceptores & do-
ctores: sed etiam in aliis rebus per multis: nempe Magi-
stri pagorum, societatum, vicorum, collegiorum,
conuiuiorum, equitum, qui pagis, societatibus, vicis,
collegiis, conuiujs, equitibus præfunt, & præfecturæ
illæ, magisteria. Vnde magisteria municipalia apud
Suetonium in Augusto. Et in Catone, cum de conui-
uijs loquitur Cicero. Me verò magisteria à maioribus
instituta delectant. Et magistrare festo est moderari,
regere, temperare. Itaque illud, ter, nihil video aliud ha-
bendum, quàm adiectionem syllabicam, vt loquuntur
Grammatici: sicut fit in meditullium, quod significat
medium: in qua voce, tullium, nihil est: & pari ratione
in alijs quibusdam vocibus. Finiemus autem Magi-
strum: cui decursis Philosophiæ & artium septem spa-
tijs, ritè ac soleinni cærimonia hoc nomen est imperti-
tum. De Doctoribus, siue illi Iuris, siue Theologiæ, si-
ue Medicinæ sint, facile ex his quid sentiendum sit, col-
ligetur. Sed intra carceres reuocanda est aliquando o-
ratio. Si quid vel nunc desideras, vel aliàs super his re-
bus desiderabis, à doctioribus & dialecticis petes. M.

Impleuisti expectationem meam, erisq; in posto-
rum mihi & propter facilitatem tuam cha-
rior, & propter doctrinam venera-
bilior.


•••(o)•••

ANNO.

ANNOTATIONES.

DE honoribus istū scholasticū, siue ut more iam receptum est loqui, de promotionibus, multa cap. 7. libro *Academiarum* Midendor. Rationem insignium istorum accipiendorum, & honorem denique cum victoribus apud Olympum coronatiū comparat Iunius lib. 5. cap. 21. **AXIOMA SEV PRONUNTIATVM**) Quam Aristoteles ἀξιωμα propositionem, enuntiationem, Cicer. 1. *Tuscul.* more Stoicorum ἀξιωμα vocat, & interpretatur ibidem pronuntiatum. in 4. *Academ.* esatum. An tu dialecticū ne imbutus quidem es? Inprimū enim hoc traditur. Omne pronuntiatum (sic enim mihi in praesentia occurrit, ut appellarem ἀξιωμα, utar post alio, si inuenero melius) id ergo est pronuntiatum, quod aut verum, aut falsum esse dicitur. Aristoteli in posterioribus analyticū axioma est aliud: nempe communis quaedam sententia, quae non tantū vera est, sed etiam vera omnibus videtur. Eadem sunt axiomata, quae & κοινὰ ἐννοια. Ineptè autem faciunt, qui hanc vocem ἀξιωμα hoc significatu dignitates interpretantur. Lege Muretum cap. 2. lib. 6. **SIBIMET PVLCHERRIMA MERCES**) Seneca de *Clement.* lib. 1. cap. 1. Rectè factorum verus fructus est fecisse, nec vllum virtutum pretium dignum illū extra ipsas est. **DE MENTIS POTESTATE EXIISSE**) M. Tull. insanos, furiosos iracundos exisse dicit ē potestate: hoc loquendi genus ex eo natum suspicor, quod qui furiosi erant, agnatorum

torum & gentilium potestati permittebantur, & domini rerum suarum esse verabantur. Ita exierant è potestate sua, Rationem enim loquendi, quæ postea manavit latius hanc originem hunc fontem habuisse auguror. Nam & filij, qui parentum potestati subiecti erant, tamen quibus in rebus suæ sponti & arbitrij erant, suæ potestatis dicebantur esse. Cic. autem eleganter dicit: furiosos exiisse è potestate dici, quia non sunt in potestate mentis, cui regnum totius animi à natura tributum est. Turneb. lib. 2. cap. 11. INSCIENTIÆ PVDET) Piget damni, pudet turpium, tædet eorum, quorum satietas nos cepit.



PROGYMNASMA

OCTOGESIMVM

QVARTVM.


Depositio.

NARCISSVS, GVLIELMVS.

NARCISSVS. O Kalendæ Kalendæ Aprilis, nulla vnquam dies delebit memoriam vestri ex animo meo. Quam libens huic diei oculos effoderem, tantum gemitus, tantum acerbitalis mihi obtulit. Certum est, notabitur à me atro calculo. G. Cuius vox mihi aures verberat? quem prope me exclamantem audio? Tunc eras Narcisse? N. Quid hic vult? G. Salueto: quid ais? N. Ambulo domum. G. Consistamus hic aliquantisper. Quam ob causam huic diei tam

es iratus, eiusque in sempiternum memorem te futurum asseris? N. Quia perpeſſus ſum hac luce horribiliā. G. Ain' tandem? paſſus es horribiliā? quid fuit? amabō: quanquam præcipere mihi ſuſpicionem rem ipſam videor. N. Num te clam eſt, quiſnam libellus in propylæo Academiae fuerit propoſitus? G. Ediſtum graue Bedelli ſignificās, quò pro auctoritate Beanis imperabat ille, ut ſe ad duodecimam pomeridianam, quo loco mos eſt, ſiſterent, audituri paſſuriq̃ quæcunque ius æquumq̃ poſtulaſſet. N. Iſtanc ipſam promulgationem aio mihi dolores, & iniurias multas peperiffe. G. Enuntiabō liberè quod ſentio: nihil præter cæteros tibi ſingularè, acerbumq̃ contigiffe arbitror. N. Prò Deum immortalem, ſi hoc modo accipiantur omnes, ſatius eſt, me iudicè, mulionem aut bubulcum, quàm ſtudioſum creari. Quin cum mèis commilitonibus humaniſ agèbatur. G. Haud credo. N. At ego credo, ut qui oculis aſpexerim, & ſenſerim. Me ſicut præſtantiem feram delegerant, quam aliis propè dimiſſis perſequerentur canibus ſuis venatores. Erant autem canes illi, ut in Captiuis ait paraſitus, molofſici, odioſiciq̃, & multum incommo-diſti. G. O infelicitatem. N. Ut primum ingredior, quidam me Archibeanum ſalutare, alii ſannis excipere, nonnulli mediū digitum oſtendere, omnes denique me circumuolare, & vellicare, ut aues noſtuam. Ibi tum cor meum in pectus emicare præ terrore, & animus impleri curis anxiiſ. Cogebar humi extenſus immotusq̃ & ſupinus iacere, inſtar mortui. G. Quid te factum ibi? N. Inſtrumentis fabrilibus

dies, verum incommodis repugnandum, & hic faciendus
usus, ut omnia, quæ impediunt, vincat intentio. Quam si
totâ mente in opus ipsam direxeris, nihil eorum, quæ o-
culis vel auribus incurfant, ad animum perueniet, &c.



PROGYMNASMA

OCTOGESIMVM PRIMVM.

Munditia librorum.

AMANTIVS, MANSVETVS.

AMANTIVS. Si incumbere in libros, est
cubito supra eos deposito niti, haud memini vi-
dere, qui magis incumbat te vno, qui Elin-
manuelem & alios codices tuos propè iam incum-
bendo contriuiſti. M. Aſſiduitas hoc interimentum
attulit, non cubitus. A. Quid? Iſta aſſiduitas in meo
cur non ſic apparet? Præterea, quàm ſunt comma-
culati intus & foris tui? quàm habent oras pagina-
rum infimas, & ſummas introrſus flexas? quas au-
riculas aſinorum ſolemus vocare. Itane eſt vt lo-
quor? M. Tu aliquod artificioſum calles vt videtur, mi-
hi adhuc ignotum: quod vbi didicero, habebō libros
mundiores, minusquē tritos. A. Nullum teneo ar-
tificioſum, omite iocationes: munditiā librorum
perinde vt corporis totius amo & complector. M.
Quid tam te miſeret librorum meorum? quid tam
inirum in modum ſollicitus eſ? breui nouos emam.

A. Si

A. Si sanus es mentis, quare mauis prodigere pecuniam, quàm deponere rusticitatem, & negligentiam? M. Eho, tu vt mihi rusticitatem in probri loco obiectes? A. Non enim est urbana elegantia: hoc quamuis iniquo iudice probauerim. M. Quid tibi mecum est negotii? cura tuos. A. Id ego ago: veruntamen odi malè sordes istas in aliis quoque. Phuy, quàm habes item digitos atramento fœdatos, & os similiter denigratum: vt non iniuria suspicetur aliquis, te atramentum bibere solitum. Cur non cauès? cur non aqua purgas? M. Indicia, & vestigia sunt hæc diligentiae magnæ, & laboris. A. Pigritiae magnæ, & torporis: oportebat alioqui diligentes fieri immundos atque sordidos. M. Desine mihi exhibere molestiam, si sapis. A. Tracta libros humaniùs, aut dicam tibi diem. Scis Magistrum in huiusmodi peccata æquè, vt in discendi socordiam acrem se præbere vindicem. M. Crimine vacare debet, qui in alterum paratus est dicere. A. Quid istuc? M. Non deerit vnde tibi parem mensuram reiciat. A. Minæ istæ nihil sunt nisi minæ. Vale sordide. M. Vale nit idiuscule.

ANNOTATIONES.

NON placent, qui nimium diu nimium mundos, ac nitentes habent libros suos: id enim argumentum est, parum sape ac multum ab eis lectitari libros. Quod si fieret, contererentur etiam, ne dum vt munditiam suam perderent. Nec tamē si egregiè intus forisquē, & spurcissime contaminati sunt, statim est colligendum, id ex frequentē

usu, & euolutione accidisse, & quod est puerorum vitiū, id etiam grauib; viri tribuere: nihil posse sine sordibus diu conseruare. Laudandi praterea nō sunt quidam, qui quamui iū non vtantur, aut mense toto vix semel noctes tamen & dies apertos in scamnis, in mensis, in pluteu iacere, & pulueribus inquinari sinunt. Vnusquisq; artifex supellectilū suā curam diligenter gerit, suaq; instrumenta, si possit, recentia semper habere velit: & studiosus literarum tam elegantia & pretiosa instrumenta, vnde non ferreum aliquod, lapideum, ligneūmve opus, sed eruditio comparatur, nihili pendet?

PROGYMNASMA
OCTOGESIMVM SECVNDVM.

Academia.

PANCRATIVS, TORQVATVS.

PANCRATIVS. Quod precatus sum à Deo, & à parentibus sæpe multūq; contendi, vt à triuiali gymnasio remotum me in aliquā Academiam, & in hanc potissimū, tanquam ad mercaturam eruditionū virtutumque clarissimarum amandarent, eius me compotem aliquando factum in sinu gaudeo. Confido inanem me neutiquam rediturum, dedecorantem Præceptores meos, & mœstitudine luctūque complentem parentes, qui suæ dignitatis spem in me collocauerunt.

runt, statuuntque ipsorum meo virgēti iam senectuti multa solatia daturum esse. L. Quin præstiturus sis, quæ indolem tuam egregiam concedent, & quæ parentes ambo expectant, non mihi datur ulla dubitatio. Argumentum verò gaudendi idoneum & iustum. Etenim etiamsi quis Cicerone eloquentior. Aristotele doctior euaserit, idque vel domesticis vsus Præceptoribus, vel in istis scholis, (quibus quoniam in triuiis, hoc est, passim aperiuntur, triuialibus vulgò nomen est) nunquam gloria circumfluet, nisi eum in alicuius Academiæ luce versatum constiterit. Opinantur enim homines, ibi pænè solum (procliuius quidem certè) ad solidæ perfectæque sapientiæ diuitias perueniri, vbi Doctores & multi, & optimarum artium studiis politissimi ex Regum, & Principum ærario stipendiis liberalissimis aluntur, & exercitationes disputationum, repetitionum, scriptonum, sermonis item Latini & Græci, diuersarum tractationum disciplinarum, æmulatio inter adolescentes eandem scientiam excolentes (quod ad progressum vehementer conducit) maximè vigent. P. Sic arbitror: cum hoc ipsum animaduertent Principes, & præterea secum attentè reputarent, quantum interesset Reipublicæ vel potius vniuersi orbis terrarum, quàm plurimos viuere abundanti doctrinæ homines, in suis prouinciis atque regnis Academiæ, tanquam publicas & communes diuinæ humanæque sapientiæ officinas idcirco instituisse voluisse. T. Idem ego sentio prorsus, & sentiam. Quis autem est, in quo aliquod probitatis lumen eluceat, qui tantopere &

maiorum curriculo deflexum esse dolenter non ferat? & nunc in istis sacrariis atque templis religionum, virtutum, scientiarumque tam multos cerni otiosos, tam multos inertes, poculis, impuræ libidini, cæterisque criminibus, & voluptati immerfos? P. Sæpe interfui querelis grauium virorum, istam rerum conuersionem deplorantium. Quare initio affirmabam, efferri me lætitia, quod huc essem missus: hæc siquidem Academia præclaram sibi famam longè latèque confecit: & à morum pietatisque disciplina celebratur: ad quam proinde, qui filiis suis bene cupiunt, eosque Christianis institutis formari desiderant, eosdem transmittere solent. T. Si isti commendandi sunt, uti sunt, malè merentur de liberis, qui eos mittant, ubi Catholicæ veritati nefarium atque impium bellum indicitur: ubi, ut literas percipiant, pietate quidem nulla excoluntur, & quam attulerunt Catholicam religionem, ægrè tuentur, facillimèque prauissimarum ac letalium opinionum commentis ad exitium præcipitantur. P. Ipsi viderint quid Deo rationem reposcenti respondeant: præsertim quando Orthodoxæ in Germania Academiae non desunt. Porro me frequenter cupiditas incessit, eiusmodi librum volutandi, in quo de Academicis ageretur: si in talem incideris, mone me, quocum vel eum, vel ad tempus à te mutuū sumam, & ita diuturnam hanc sitim meam restinguere queam: hoc te vehementer etiam atque etiam rogo. T. Inuenisti quod quæris. P. Euax, inueni? T. Sequere me in bibliothecium meum, ibi monstrabo, & commodabo etiam quod optas. P. O fortunatum hunc diem. Haben-

quid illud librum? T. Libros dic: nam duo sunt. P. Cuius auctoris, & quales? T. Iacobi Midendorpii Iureconfulti, non indocti hominis, multæque lectionis. P. Quid alter differt ab altero? T. Primus continet celebriores Academias orbis terrarum, institutiones, incrementa, interitus, progressus, & plurima demum, quæ in Academicis fieri obseruarique consueuerunt. Alter historiam Academicarum orbis Christiani, & ingenuis liberaliterque educatis adolescentibus dignam sanè eruditionem complectitur. P. Beati. Eamus ad te. T. Eamus. P. Maiore opera ad eosdem legendos me dedam: sic stat sententia.

ANNOTATIONES.

Optare debent adolescentes in Academias mitti, sed ad discendum, non ad ludendam, nocturnæque obambulandum: ad disciplinam, non ad licentiam. Non est laudabile in multum, & illa stribus Academicum fuisse: sed vel in vna bene profecisse, hoc prædicatione dignum est. At nunc inueniuntur, qui nulla re meliores, sed tantummodo seniores ibidem sunt. Spero de plorationem nostram in dialogo, & querelam de Academicarum corruptelâ cordatû virû non improbatum iri. Et quoniam mihi pulchrum est visum, studiosos cognoscere res Academicas, indicaui auctorem qui distinctè, copiosè & eruditè hoc argumentum pertractauit.

tum in Ecclesiastica, tum in ciuili Republica prouehantur. M. Res isto modo se habet. Nec mirum tamen, artes ingenuas sine spe singularium præmiorum non coli à multis, cum vix vnum, alterumue inuenire detur, qui virtutem, qua constat nihil esse honestius, nihil amabilius: propter seipsam amplectatur. Et surdis canit poeta nescio quis: Ipsa quidem virtus sibi met pulcherrimam merces. S. Est verò honestissima merces honor, & in eo omnes nationes concordissime conspirant, atque consentiunt: quocirca qui illam affectant, citius in laudem ponendi sunt, quam qui esuriunt pecuniam. Diuinè, vt omnia, M. Tullius in Off. Nihil est tam angusti animi, tamque parui, quam amare diuitias: nihil honestius magnificentiusque, quam pecuniam contemnere, si non habeas: si habeas, ad beneficentiam liberalitatemque conferre. M. Ex eodem nobilissimo scriptore mihi occurrit illud: Insignia virtutis multi sine virtute assequuntur. Quod pro certo in istis quoque scholasticis ornamentis valere debet: vt existimemus nimirum non omnes Magistros esse Magistros: siquidem non omnes qui habent citharam sunt citharædi. S. Hi faciunt, vt inaugurationes istæ vilescant, & per sumnam inscitiam ac temeritatem suam non mediocria in ciuitates detrimenta important. M. Probas mihi ista quæ dicis. Quot sunt autem ordines siue gradus istarum dignitatum? Præter Baccalaureos, Licentiatos (quos Promagistros, seu Meliodidascalos mallent quidam nominare) Magistros & Doctores, mihi quidem nulli videntur. S. Quo pacto nulli? Esne tu Studiosus? M. Studiosus, vt si quis

quam alius. S. Estne istuc honoris vocabulum an minus? M. Si negem, tu me iure optimo de mentis potestate exiisse dicas. S. Est ergo alius gradus, & quidem primus omnium, sine quo (in Academicis præcipuè Germanicis) nulli fas est illos, quos suprà recensebas, ascendere. M. Da veniam, non cogitâram. Superest igitur ut Baccalaureatum mediter, quandoquidem beanissimo exutus & absolutus, in numerum Studiosorum iam pridem cooptatus sum. S. Meditare, licet: sed caue ne tu quoque vnus de illis reperiare, qui hoc insigne virtutis sine virtute assequuntur. M. Cauebitur. Nunc velim, quod sine magno labore tuo fiat, rationem istorum vocabulorum explices, si poteris, & rem breuiter ac perspicuè definias. S. Annitar sanè, ut postulatis tuis faciam satis. Bean nomen vnde procusum, & quare huc translatum sit, nescire me confiteor, nec me huius inscientiæ pudet. Vsurpatur autem de iis, qui quasi profani adhuc, & Musarum sacris initiati nondum sunt, de tyronibus nouitiisque scholasticis. M. Probè intelligo. Nunc de Baccalaureis age. S. Pedibus eo in sententiam docti cuiusdam viri, qui hanc vocem à militia deductam credit. Gallorum enim veteri lingua battalum prælium, & battalarios tyrones milites, quique castra sequi, & militiæ exerceri cœpissent, ac semel in annum cum hoste conseruissent, nominatos: hinc postea in Academia Parisiensi perantiqua, ubi hæc promotiones videntur natæ, Battalarios appellari solitos, qui in studiis ingenuarum artium quasi tyrocinium posuissent, & publicè disputando specimen

cimen eruditionis suæ præbuisse, atque ita tantum cum hoste iam conflixissent. Quod ergo de bacca & lauro alii philosophantur, friuolum est ac pugatorium. Laurus, id est, corona è lauri foliis contexta, debetur poëtis tantum (de doctis loquor: nam quis ignorat etiam Imperatorum & militum triumphantium esse lauream?) præterea nullis: idque ob certas causas, quarum hic non est necessaria commemoratio. Ceterum consuetudo & ignorantia, ut alias innumeras, sic istam vocem deprauauit, ac pro Battalariis, Baccalarios, deinde Baccalaureos in sermone Latinum induxit. M. Haud displicet opinio tua. Quis igitur erit Baccalaureus (retineamus vocem usitatam, ne res nouas inoliri videamur) quis, inquam, erit inter literatos? S. Qui confecto liberalium scientiarum tyrocinio, publicum progressus sui testimoniū, hocque ipsum nomen in consensu, & frequentia Academica est consecutus. M. De Licentiatis sequitur ut differas. S. A licentia deflexum est nomen, quod illis liceat summam dignitatem petere & consequi, cum voluerint. Aptius Magistri, seu Doctores designati appellarentur, quæ potest eorum haberi definitio, ut agamus pingui Minerua, & paucis. M. Magistri nomen, a uero nosse unde extiterit. Quidam volunt à magis & ter, quod nempe Magister emineat super alios eruditos ter. S. Apage cum notatione ista tam ridicula. Magistri Iurecos sunt, penes quos præcipua rerum cum est. Hinc dicti magistratus. Festus magistratos appellatos docet, quod cæteris magis possunt: vel quod magis quam cæteri diligentiam, & sollicitudinem rebus

quibus præsent debent. Nec solum in scientiis liberalibus dicuntur aliqui Magistri, id est, præceptores & doctores: sed etiam in aliis rebus permultis: nempe Magistri pagorum, societatum, vicorum, collegiorum, conuiuiorum, equitum, qui pagis, societatibus, vicis, collegiis, conuiuiis, equitibus præsent, & præfecturæ illæ, magisteria. Vnde magisteria municipalia apud Suetonium in Augusto. Et in Catone, cum de conuiuiis loquitur Cicero. Me verò magisteria à maioribus instituta delectant. Et magistrare Festo est moderari, regere, temperare. Itaque illud, ter, nihil video aliud habendum, quàm adiectionem syllabicam, vt loquuntur Grammatici: sicut fit in meditullium, quod significat medium: in qua voce, tullium, nihil est: & pari ratione in aliis quibusdam vocibus. Finiemus autem Magistrum: cui decursis Philosophiæ & artium septem spatiis, ritè ac solempni cærimonia hoc nomen est impertitum. De Doctoribus, siue illi Iuris, siue Theologiæ, siue Medicinæ sint, facile ex his quid sentiendum sit, colligetur. Sed intra carceres reuocanda est aliquando oratio. Si quid vel nunc desideras, vel aliàs super his rebus desiderabis, à doctioribus & dialecticis petes. Ma-

Impleuisti expectationem meam, erisque in posterum mihi & propter facilitatem tuam charior, & propter doctrinam venerabilior.

•••(o)•••

ANNO

ANNOTATIONES.

DE honoribus istū scholasticū, siue ut more iam receptum est loqui, de promotionibus, multa cap. 7. libro Academiarum Midendor. Rationem insignium istorum accipiendorum, & honorem denique cum victoribus apud Olympum coronatū comparat Iunius lib. 5. cap. 21. **AXIOMA SEV PRONUNTIATVM**) Quam Aristoteles πρόθεσις propositionem, enuntiationem, Cicer. 1. Tuscul. more Stoicorum ἀξιωμα vocat, & interpretatur ibidem pronuntiatum. in 4. Academ. efatum. An tu dialecticū ne imbutus quidem es? Inprimū enim hoc traditur. Omne pronuntiatum (sic enim mihi in praesentia occurrit, ut appellarem ἀξιωμα, utae post alio, si inuenero melius) id ergo est pronuntiatum, quod aut verum, aut falsum esse dicitur. Aristoteli in posterioribus analyticū axioma est aliud: nempe communī quādam sententia, qua non tantū vera est, sed etiam vera omnibus videtur. Eadem sunt axiomata, qua & νόμοι ἐνομοι. Ineptē autem faciant, qui hanc vocem ἀξιωμα hoc significatu dignitates interpretantur. Lege Muretum cap. 2. lib. 6. **SIBIMAT PULCHERRIMA MERCES**) Seneca de Clement. lib. 1. cap. 1. Rectē factorum verus fructus est fecisse, nec vllum virtutum pretium dignum illi extra ipsas est. **DE MENTIS POTESTATE EXIISSE**) M. Tull. insanos, furiosos iracundos exisse dicit ē potestate: hoc loquendi genus ex eo natum suspicor, quod qui furiosi erant, agnatorum

torum & gentilium potestati permittebantur, & domini rerum suarum esse verabantur. Ita exierant è potestate sua, Rationem enim loquendi, qua postea manavit latius hanc originem hunc fontem habuisse auguror. Nam & filij, qui parentum potestati subiecti erant, tamen quibus in rebus suæ sponti & arbitrij erant, suæ potestati dicebantur esse. Cic. autē eleganter dicit: furiosos exiisse è potestate dici, quia non sunt in potestate mentis, cui regnum totius animi à natura tributum est. Turneb. lib. 2. cap. 11. INSCIENTIÆ PVDET) Piget damni, pudet turpium, tædet eorum, quorum satietas nos cepit.



PROGYMNASMA

OCTOGESIMVM

QVARTVM.

Depositio.

NARCISSVS, GVLIELMVS.

NARCISSVS. O Kalendæ Kalendæ Apriles, nulla vnquam dies delebit memoriam vestri ex animo meo. Quam libens huic diei oculos effoderem, tantum gemitus, tantum acerbitalis mihi obtulit. Certum est; notabitur à me atro calculo. G. Cuius vox mihi aures verberat? quem prope me exclamantem audio? Tunc eras Narcisse? N. Quid hic vult? G. Salueto: quid ais? N. Ambulo domum. G. Consistamus hic aliquantisper. Quam ob causam huic diei tam

es iratus, eiusque in sempiternum memorem te futurum asseris? N. Quia perpeſſus ſum hac luce horribilia. G. Ain' tandem? paſſus es horribilia? quid fuit? amabò: quanquam præcipere mihi ſuſpicionem rem ipſam videor. N. Num te clam eſt, quiſnam libellus in propylæo Academiæ fuerit propoſitus? G. Edictum graue Bedelli ſignificas, quò pro auctoritate Beanis imperabat ille, ut ſe ad duodecimam pomeridianam, quo loco mos eſt, ſiſterent, audituri paſſurique quæcunque ius æquumque poſtulaſſet. N. Iſtanc ipſam proinulgationem aio mihi dolores, & iniuriâs multas peperiffe. G. Enuntiabo liberè quod ſentio: nihil præter cæteros tibi ſingularè, acerbumque contigiſſe arbitror. N. Pro Deum immortalem, ſi hoc modo accipiantur omnes, ſatius eſt, in iudice, mulionem aut bubulcum, quam ſtudioſum creari. Quin cum meis commilitonibus humaniſ agerentur. G. Haud credo. N. At ego credo, ut qui oculis aſpexerim, & ſenſerim. Me ſicut præſtanteſ feram delegerant, quam aliis propè dimiſſis perſequerentur canibus ſuis venatores. Erant autem canes illi, ut in Captiuis ait paraſitus, molofſici, odioſicique, & multum incommodiſtici. G. O infelicitatem. N. Ut primum ingrediòr, quidam me Archibeantiū ſalutare, alii ſannis excipere, nonnulli mediū digitum oſtendere, omnes denique me circumuolare, & vellicare, ut aues noctuam. Ibi tum cor meum in pectus emicare præterrore, & animus impleri curis anxiis. Cogebat huini extenſus immotusque & ſupinus iacere, inſtar mortui. G. Quid te factum ibi? N. Inſtrumentis fabrilibus

bus, ferra, securi, dolabra, bipenni pulchrè, & ad
 amussim (neinpe ad funem bene crassum) ceu trabs
 aliqua edificio constituendo accommodatus sum.
 Liberalissimè pulsata crura, brachia, latera: quid
 multis moror? totum corpus. Quamobrem si me gra-
 ciliorem intueris, quàm heri & nudius tertius, nihil in-
 rum: multum materiæ in sarmentis de me resecis per-
 didi. G. In eadem officina ab hinc triennium miserri-
 ma vidi, & eorum pars magna fui. N. Raserunt boni
 tonsores barbam meam, cum imberbis adhuc sim pe-
 nitus: lauerunt caput frigida, quam ego ipse è culina
 in cuprea & sordida trulla efferre compellebar. E-
 qua proteruissimus vnus, cum mihi ad latus iret, sem-
 per faciem meam sua manu aspergebat, & genu impa-
 cto me protrudebat. Posthæc pectebat tam subtili pecti-
 ne, vt rastrum putarem. Recordabor Polyphemi, quem
 huiusmodi pectine vsum scribit Ouidius. De
 linteo quo sum extersus, quid ego memorem? quan-
 doquidem ex lixiuo, & pectine coniici potest eius le-
 nor, & mollitudo. G. Quid vis fieri? patiendum fuit:
 nam qui ipsi se resistendo defendit, nihilo plus agit,
 quàm si aquam tundat in mortario. N. Etiam cubi-
 tales pueri me subsannabant, carpebantq; manibus
 mentum meum sine intermissione: quæ vocantur par-
 ticipia. G. An te iratum simulabas? an rogabas vt
 miserescerent tui? N. Egone vt simularem? non si-
 mulabam, verùm medullitus irascebar, & ex animo
 obsecrabam, ne putarent me pro cibo habere sic ver-
 berari: initiùs agerent, hominem esse me, non bel-
 luam. At illi nequissimi, quò id magis faciebam, eo me
 infute.

insistebant probris vexare cupidiùs : dicta in me falsa, & scurrilia ingerebant, recentioribusque participiis implebant. Quid credis? videbar agnus in gregem luporum deuenisse. G. Quàm vellem affuisse huic comœdiæ. N. Non erat comœdia, erat eculeus, & taurus Phalaridis. Ah, vt dolent omnia: vlt que adeò raptatus, protrusus, & confusus sum. Quin etiam (infandum) pro tantis iniuriis & ignominiiis, tanquam bene meritis, nescio quantum argenti soluere necesse habui, gratias agere, & sacramentum conceptis verbis dicere, non me vltorem aliquando fore. Quod nisi dixissem, tenere me vix possem, quin aliquibus in me exagitando diligentioribus mutuam pro beneficiis gratiam referrem. Nunquam aliquid animo meo neque est, neque fuit ægrius. G. Quidquid perpetratum est, non malevolentia & odio, sed lenitate & risus commouendi causa perpetratum est. Ignosce; & puta alios æqualia vel passos hactenus, vel passuros in posterum. N. Rem perdifficilem suades. Audi insuper fallaciam admirabilem. Apponebant atramentarium torno factum, cum calamis & charta: iuebant aliquid literarum facere. Ego vasculum aperire cum vellem, non poteram: epistomium quippe non erat inditum, quod amoueretur: sed erat totum opus solidum, & vt dicebam, tornatile. Hic prosiliens quidam, digitosque meos bacillo contundens: prò Superi, inquit, beanus iste necdum atramentarium aperire didicit. Omnes cachinnum tollere. Vt libenter homini caput commitgasssem fuste aliquo, aut saltem os pugno percurrissem: valde profectò mihi manus pruriebant.

G. Mo.

G. Modestissimè tractatus hîc fuisti : ha ha ha. Non meream mihi vel talentum, vt in te hodie non inciderim. Restâtne aliud quidpiam huius notæ? N. Restat, & superiore vel intolerabilius. G. Expone sis, do tibi operam. N. Furcifer quidam me imprudentè iniecit in saccum meum, quem vesti interius assutum, & ad femora dependentem gesto, epistolion velut à matre missum, quod coram omnibus extractum recitauit. Deûs bone, quàm effuso, & immodesto cum risu tam suo quàm aliorum quotquot aderant? G. Quid eo continebatur? N. Mater lamentabatur absentiam meam, & muliebriter, id est, ineptissimè blandiebatur, commemorans quantis me cum doloribus peperisset, quàm studiosè mammam dedisset, quàm crebrò osculata esset pulcherrimum infantem, quantà me denique curâ eduxisset, & quàm ardentè me ab ineunte pueritia velut corculum suum dilexisset, qui ipsi fuisset ocellus aureus, hædillus, agnellus, pascerculus, & dulci melle dulcior. Tum adiciebat, se somnum capere non posse, & vim lachrymarum profundere in dies singulos propter cruciamenta, quibus me inaudisset oportere affligari in depositione ista. Hæc omnia irrisores illi excogitauerant, & scripserant. Toto tempore nihil fuit ipsis iucundius. Vt risu pænè corruiebant? vt mihi epistolam obtrudebant? vt pugnos impingebant? vt magis magisque participiis me cumulabant? Quid quæris? propemodum totus effectus sum vnuin quoddam participium. Certè, plus satis illusum est mihi. Mori me malim, quàm vt hæc patiar denuo. Laruæ, insanix, & intemperix miseros

ros in me stimulabant. Si scissem hæc futura, abiissem ubi sunt Academiae, in quibus nihil istorum fieri perhibent. G. Do sanè, multis in Academicis non fiunt hæc: tamen cùm introducta sint, & iam inueterauerint, potest afferri ratio verisimilis. Non inficias ierim porro, quædam omitti, alia modestius committi posse. N. Si aliorum initiationi interfuerò, malo meo doctus sum, quo me pacto erga eos vicissim geram. Vale. G. Et tu bene vale Narcisse: atque audin'. N. Quid est? G. Quæ exprompsisti apud me, sile apud alios. N. Memorem mones.

ANNOTATIONES.

AD ingenium cuiusque; naturam, voluntatem explorandam, ad fastum reprimendum; ingenerandamque modestiam hic mos deponendi excogitatus primum videtur, quod etiam eius caerimonia quadam ritusque communes omnium Academicarum (in quibus scilicet tenetur) satè indicant, si eos intelligas. Initium forsitan coeperit ab Atheniensis Gymnasis consuetudine, ubi nouitij captiosis interrogationibus vexari; irrideri, miròque tumultu; ac strepitu in balneum per forum deduci solebant. Qua de re multa D. Gregorius Nazianzenus in laudatione D. Basilij Magni, quem cùm Byzantio veniret Athenas, propter opinionem probitatis & doctrinae, quam haberet iam tum apud omnes, hac lege solutum fuisse affirmat. Lege cap. 10. lib. 1. Academicarum Midenorpj. In re igitur ludicra mihi ludendum fuit;

ex præcepto Iſocrat. μηδὲ πρὸς τὰ γελοῖα πρὸς δ' αἰεὶ, μηδὲ
 πρὸς ἀπὸς δ' αἰεὶ γελοίοις χαίρειν. Nec in ridiculū serid, neq;
 in seriū ridiculē agendum. ERAT ECULEUS) Eculeus
 seu equuleus stipes erat, cui velut equo imponebantur, ac
 variē torquebantur, cruciabantur, & dissendebantur: id
 ē Prudentio apparet. Cū enim in D. Romani martyrio
 scripsisset,

luserat


Eviscerandum corpus eculeo eminus

Pendere, & vincis vinculisque crescere.

subiicit: iubet amoueri noxialē stipitem. Turneb. lib. 4.
 cap. 3. ubi & ungula, caſtat a, laminā quid fuerint decla-
 rat. Aliud tamen genus tormenti fuiſſe equuleum tradit
 Brod. lib. 2. cap. 9 NON MEREAM MIHI VEL
 TALENTVM) Nec talentum quidem, ne dum minus
 aliquod pretium, seu mercedem mihi velim perſolui, vt
 hodie in te non inciderim. Quod tibi occurri hodie, &
 abs te iſta narratione tam recreatus ſum, maius eſt mihi
 omni pretio. QVAM CREBRO OSCVLATA) De
 osculandi generibus vide Donat. in Eunuch & Torrent.
 in Aug. Sueton cap. 49. Iam vt illa, amatio, inſinitio,
 tactio, debitio, abitio, & ſimilia; ſic baſiatio, oſculatio,
 ſuauiatio leguntur. OCELLVS AVREVVS) Ocellos &
 oculos vocare conſueuerunt auctores optimi ea res, quæ
 tantum eiſdem generu rebus, quantum in corpore hu-
 mano ceteris partibus oculi antecellunt: Sic Catull. vil-
 lulam ſuam peninſularum ocellum. ſic Cic. ad Attic. Cur
 ocellos Italia villulas meas non video? & in 3. de nat.

Deor.

*Deor. Corinthum & Carthaginem oculos ora mariti-
ma vocat. Victor. lib. 9. cap. 9.*



PROGYMNASMA

OCTOGESIMVM

QVINTVM.

Actio Latinitatis.

*LATINITAS accusatrix, MIXOBARBARYS
rem, M. T. CICERO disceptator, sine
Quasitor.*

LATINITAS. Etsi res noua, atque an-
te hoc tempus ne fando quidem audita vi-
detur, filiam ad parentis tribunal citato reo a-
ctionem intendere: quia tamen in caussa Romani
sermonis tot sæculorum memoria apud vniuersas gen-
tes summam decernendi potestatem tibi concedere,
tuum iudicium exquirere & amplecti tanquam cæ-
lestia responsa omnes consueuerunt, visum est facien-
dum, charissime pater, vt ego in hac calamitosa afflictâ-
que fortuna mea te quoque iudicem mihi deligereim,
cuius integritate, prudentia, æquitate istius contume-
liis atque iniuriis, quibus me onerare in dies singulos
non desistit, finem impositum, veritatemque ab eo-
dem nimium diu debilitatam & exagitâtam, vindi-
catum iri magna spes me tenet. M. Contra aduer-
sariam gratiosissimam, & facundissimam litem mihi
perorandam scio. Atque vt hoc scio, sic illud mi-
nimè nescio, in hac summa esse quæ in me ne medio-

cria quidem inueniuntur. Veruntamen te. M. Tulli solitudini atque inopiæ meæ auxilium laturum, uti virum iustum concedet, qualis tu semper habitus es, & haberi voluisti, tuamque virtutem, & gravitatem solatio mihi futuram confido. T. Quamquam nihil dedit natura dulcius, quam suos cuique liberos, mihique mei tum propter indulgentiam meam, tum propter excellens ipsorum ingenium sunt vita mea chariores, nihilominus fidei & iustitiæ, quas sæpe in aliis iudicibus laudaui, nihil anteponam. Habebō in consilio legem, fidem, religionem, æquitatem: libidinem, invidiam, metum, cupiditates omnes amovebo: maximi æstimabo conscientiam mentis meæ, quam à Diis immortalibus accepi, quæ à me diuelli non potest. Quod si tua fuerit secundum veritatem, & æqua defensio, litem secundum te dabo, te absolvam, hæc causa cadet, hanc condemnabo: sin minus, tu cades, neque sine tuo magno malo. An aliquid defideras præterea? M. Quis possim? T. Quid controuersitiæ inter vos extitit? L. Mixobarbarus, pater, congregationibus hominum quâ iure quâ iniuria me prohibet, & à colloctionibus excludit ac repellit, tantumque domi in musæo, libris circumfusam, ut aliquam sellariam intulierem mansitare vult, & tum demum disertam atque elegantem, & accuratam esse, cum ipse mihi calamus in manum ad epistolam, orationem, seu quidpiam aliud conscribendum dedit. T. Ut nihil obscuritatis relinquatur, volo dilucidius, & vberius rem explanari. L. Licet. Hoc dico. Semidoctus iste negat & pernegat, in conuentu, seu in
mutuis

mutuis sermonibus cogitatè , purè ac bene latine loquendum esse , idque cum gregalibus suis vituperabile ducit : barbarè & inquinatè loquendi licentiam & ipse sibi audacissimè vendicauit , & aliis etiam proiectissimè largitus est. En quantos sibi spiritus, quantam arrogantiam sumpsit ? Quòd si hodie tersius , limatiùs , curaque adhibita apud te differuerit, calliditati eius assignato : nouit enim fraudulentus iste religiosissimas , & maximè teretes ac delicatas aures tuas orationibus sordidis, fluctuantibus, asperis ac salebrosis vehementer inimicas, & infensas. Si quid componat aliquis , non vetat quin ego consiliaria, nauta & emendatrix accersar , totamque descriptionem pro arbitrio moderer , & vt Lycæus lapis explorem. T. Tetrum facinus de te prædicat puella. Ehodum bone vir, quid ais ? expedi te hoc crimine. M. Negare nolo me istuc facere, quod autumauit. Ast ego huic instituto caput, dux & auctor non sum : in aliorum vestigiis pedem pono. T. Qui sunt illi ? M. Docti viri. T. Necessarium fore existimo, vt momenta rationum tuarum antè in medium proferantur , quàm vltèriùs progrediatur Latinitas. Id si tu ipse per te agere vis, age : sin autem, ipsa proferet. téque refutare insistet. M. Nemo me magis quàm ego metè intelligo, & sibi quisque est fidelissimus. Non abutar autem patientia tua. M. Tulli : dicam breuiter. T. Censeo. M. Vnum hoc te rogo vt me benignè amicèque audias, & efficias, vt neque amor, quo filiam tuam, vt potè sanguinem & genas tuum, prosequeris, mihi nocuisse, neque eiusdem eloquentia (cuius vt Gracchi Corneliam matrem, sic

ipsa te patrem suum auctorem, atque magistrum
 habet me dicentem impediuisse videatur : quorum
 hoc vereor sane, illud pertimesco. T. Depone ti-
 morem, & loquere quàm liberrimè. Boni iudicis
 est semper verum in causis sequi : id me, non aliud
 facturum hodie certus esto. M. Animaduerti ab eru-
 ditis quibusdam castigari eos, qui, cum libenter latinum
 sermonem congregantes vsurpent, eundem nitidum,
 politum, floridum ac venustum adhibere pro deli-
 ciis habent : quoniam ferè contingit, ut qui accura-
 tionem, & diligentiam ad sermonem colloquium-
 què conferendam putant, minus literatè scribant : siqui-
 dem necesse est, dum illarum rerum, quæ ad splen-
 didè loquendum valent, iucunditate rapiuntur, in alte-
 ro imperfectiores maneat. Quis enim res duas pari se-
 dulitate, similiqùe studio tractauerit ? Proinde & illi af-
 firmant, & ego assentior, neminem adhuc se eruditè
 scribentem cognouisse, cui promptum fuerit perbe-
 ne latinè, ornatèqùe loqui. Haud inficiamur laudi dan-
 dum elegantius loqui, & quasi quasdam orationis osten-
 tare diuitias : at dum nos huic rei totos impendimus,
 præclarissimas artes, quas confectari oportebat negli-
 gimus. Quòd si ex bene loquendo oriretur bene scri-
 bendi facultas, permittenda sermonis diligentia at-
 que sollicitudo videretur : hoc autem non fit : de
 aliis enim rebus loquimur, de aliis scribimus. Lo-
 quimur de familiaribus, domesticis, nouis, quoti-
 die nascentibus : scribimus de locis communibus, de
 Deo, de homine, de virtute, de vitio, de Republica, de
 pace, de bello, aliisque huiusmodi, ubi de nugis antea
 quan-

quantumuis commodè, apparatusque locutum esse, quas tandem opportunitates habebit? Addere possum exempla Manutiorum, Sigoniorum, Budæorum, qui, cum omnis latinitatis essent scientissimi, rarò tamen, & perpauca, & coacti latina lingua locuti perhibentur: malebat enim iste Gallicè, illi Italicè cogitationes suas efferre. Qui de scriptiõis laude non cogitant, illis omni ope conatùque enitendum censemus, ut quàm politissimè res omnes eloquantur. Hæc ut breuissimè & apertissimè potui ad institutum meum ab istius calumnia tuendum, ita disferui. T. Vnam aurem huic dedi, filia, alteram tibi seruauui. Hic rationem facti sui reddidit pro viribus: tuum est dicta refellere & coarguere: in eum iustam pronuntiare sententiam. L. Nisi teipsum ignoras pater, nisi à te metipso longissimè discessisti, non potes huius villo modo probare ineptias. M. Obuium est maledicere: nisi temperas, reponam tibi par. L. Obmutescas: infans enim es, nisi cum scribis. M. Fuerimne infans in hac defensione mea, parens tuus iudicabit: & ut sim indifertus, ira faciet difertissimum. T. Tollantur iurgia, certetur argumentis: dic causam tuam filia. L. Rudem, omnisque animaduersionis expertem orationem in congressionibus adhibendum statuit Mixobarbarus: ego verò exquisitam atque diligentem. Ille idcirco hanc tuetur sententiam, quod ita melius, & politius scribitur. Ridete quidquid est cachinnorum: rideret si viveret, & falsitatem opinionis huius audiret etiam ille, quem semel tantum in vita risisse scripsit Lucilius. An illud huic erit impedimento?

inimò adiumento præcipuo. Quemadmodum enim ad prælium capessendum paratiores sumus, & arma tractamus longè scientiùs, si in vimbratilibus pugnis nos priùs exercuerimus; sic prorsus à consuetudine, & exercitatione præclaræ locutionis ad scripturæ concinnitatem, & lautitiàm instructiōnes accedimus. Fuerunt item, & sunt etiamnum, qui cum in utroque excellant, possintque cum optimè loqui, tum bellissimè scribere, ex illo ad hoc, & vicissim ex hoc ad illud se profecisse testificantur. Iam verò quid vnus & alter de numero literatorum aliquando egerit, id, quasi ab aliquo Deo factum sit, tantum habere admirationis, tantum valere ad exemplum minimè debet: potius quid ab vniuersis latinæ linguæ canditatis fieri possit, ac deceat considerandum est. Quòd si meditatus, nec indiligens sermo nihil ad festiuè scribendum prodest, quæro, sitne profuturus inquinatus, omni cura vacuus, insulsus & incomptus; & an ideo quispiam in scriptiōne nitescat, quia sit in quotidiana locutione barbarus, ac lutulentus: multò opinor minùs. Attende paulisper, mi pater, inconsideratissimam vocem cuiusdam de istorum colluue: *Nulla prælectio mihi tanti est*, inquit, *ut cogitationis illi aliquid velim tribuere, id namq; me à scopo meo auerteret. Ea solùm profero, quæ primum occurrunt, quæ exercitatio longa mihi comparauit.* Nonne hoc est disciplinarum professores iubere illotis manibus suggestum conscendere? Pergit. *Et si loquendum esset cum viris summis, etiam in ætu maximo, ne verbum quidem vnum præmeditarer:*

tam libens ineptè, quàm aptè sententiam exprimerem. Satis insipienter hæc: sed extrema parum animo valentem, ac delirum videntur arguere. *Quòd si res maiorem curam postularret, talem rem, talem cætum, veluti pestem fugerè, ac styli amorem cōtinerem in pectore.* Quis se huic erudiendum tradat, nisi qui æquè desipiat? num hîc è squilla rosam, & non potius è malo coruo malum ouum exspectabimus? Cæterùm illud nequaquam negabo, prompta & expedita bene loquēdi facultate haud multos præstare: neq; vlla aut ingenii bonitate, aut memoriæ excellentia, aut studiorum contentione, aut v. su fieri posse, vt tam docta, venusta, limatâque sit extemporalis oratio, quàm quieta, negotiis carens, multâque cum commendatione scriptura. Pleniora, maturiora, vberiora, elaboratiora sunt, quæ chartis mandamus, quàm quæ profamur. Cogitatio enim quodammodo alit, format, excolit, auget stylum, quem quidem tu, amantissime pater, latinitatibus supremus architectus non semel commendasti. Quamobrem si cui vtraque facultas contigit: tametsi non æqualiter, gaudeat in sinu. Et ille sibi nihilominus plaudat, qui cum loqui perbene ac scitè non possit, scribendi commoditate præstat, communèque multorum malum singulari paucorum bono compensat. Quod asserebas, accidere, vt qui accuratè loquerentur, parum eruditè scriberent, causam, ego cur ita sentias nullam video: vt neque eorum quæ deinceps in tua oratione sequuntur. Non enim necesse est, vt si in hoc sis industrius, in altero fegnis euadas. Et quisnam, quæso, cum libenter, & cum voluptata loquatur purè ac venustè, scribendo velit

amplecti barbariem, scabriciem, atque sordes? aut quis ingenium, nactus cum sit ad illud, in hoc ingenio deficietur? Neque sunt istæ duæ res diuersæ, latine loqui ac scribere, sed vna: nisi quod in scriptione plus operæ curæque consumitur, quæ etiam est sermone perfectior: quam si bene loqui impedit, quod tu inconsultè fabularis, ergo aut malè loqui adiuuabit, quo nihil stultius: aut certè loqui ad scribendum non conducet, quod etiam est ridiculum. Præterea artes laudandæ non negliguntur: quin hoc ipso, dum perfectè loquendi, scribendique affectatur gloria, quæ sine multis rebus, & artibus non comparatur, præclare discuntur: iidemque doctissimi qui latinissimi semper adhuc inuenti sunt. Quod addebas, nō iisdem de rebus nos loqui & scribere: vt ita sit, quanquam ita non est omnino: saltem nullum scriptioni impedimentū sermo obiiciet. Deinde interrogabo istos: tu inprimis, mi pater, Virgilius, Terentius, Plautus, an iisdem de reb. loquamini, de quibus nos scribimus. Minimè inquirunt. Et tamen à vobis disertissime atq; politissime nos loqui, ac scribere discimus. Manutium & alios non idcirco tacuisse arbitror, ne fierent in scribendo inopes, aridi, exsanguis: sed quia suis in ciuitatibus vsum latine loquendi nullum videbant: & cum meram, ac puram putam latinitatem expromere vellent, timebant, ne apud semilatinos in arrogantia suspicionem caderent: aut fortè vsu latine loquendi carebant, nec magis inductione animi, quam necessitate faciebant, quod fecisse prædicantur. Quod si ad scriptiōem quidquam prodest obmutescere, & elinguem fieri: tu pater, Quintilianus, aliq; dicendi docto-

doctores hoc in præceptis non omisissetis : nullum autem verbum aliquando inueni. Hæc sunt quæ aduersus hoc impurum & illotum sodalitium dicenda habui. Nunc noli, pater, comperendinare : da huic tristem, mihi salutarem literam. T. Inuitus facio vt quenquam damnem : at veritas me cogit pro Latinitate iudicium dare. Erras Mixobarbare. Quod si in hoc tam pernicioso errore perseverare, eum rationibus defendere, sectam tuam inter studiosos literarum propagare perrexeris, & me grauem aduersarium atque inimicum perpetuum es habiturus, & aut vinculis & carceri mandaberis quoad viues : aut ad Scythas exulatum proficiscere. L. Dignum factis exitium : iam satis est mihi, fiat quæso. M. Res mihi egere deliberatione videtur : post triduum renuntiabo quid decreuerim. T. Concedamus illi triduum. L. Concedamus. Quid me aspectas stolidè ? quid nunc vis tibi ?

ANNOTATIONES.

NE FANDO QUIDAM AUDITA) In perfectione positum gerundium. Plant. Amphit. Quæ neque fieri possunt, neque fando vnquam accipit quisquam. Cicer. pro Quintio. Non denique vlla vnquam intercessit postulatio, mitto aqua : verum ante hoc tempus ne fando quidem audita. Et 1. de nat. Deor. Ne fando quidem auditum est, crocodilum, aut ibim, aut felem violatam ab Egyptio. Virg. 2. Æneid. Fando aliquid si forte tuas peruenit ad aures. Talia sunt apud eundem, cantando, videndo. eclog. 8. Frigidus in pratis cantando rumpitur anguis, & Georg. 3. Carpit enim vires paulatim vris quæ videndo

Fami-

Fæmina. FILIAM AD PARENTIS TRIBVNAL) Enumerantur fæmine 3. quæ caussas egerunt, à Valerio lib. 8. c. 3. in tu Hortensi 1. Q. Hortensi filia, de qua etiam Quint. lib. 1. cap. 1. eius orationē apud Triumuiros habitam legi non tantum in sexus honorem. **QVANQVAM NIHIL DEDIT NATVRA)** Orat. post red. ad Quirites. Ad Att. epist. 2. lib. 7. Filiola tuā tē delectari lator, & probari tibi σοφῶν esse φουκῶν τῶν πρὸς τὰ τέκνα. Etenim si hæc non est, nulli potest homini esse ad hominē natura adiunctio: quæ sublata, vitæ societas tollitur. **SINE TVO MAGNO MALO)** Veteres cū minarentur, aut significarent, quod quis diceret, aut faceret impunē non habiturum, malo id eius futurum aiebant, & serē hæc formula: malo tuo. Vide Iani Guillemi Quæst. in Asin. Plauti. **VT GRACCHI, CORNELIAM MATREM)** Cornelia Scipionū Africani maiorū filia matrimonium tenuit Tib. Sempronij Gracchi, cui genuit liberos duodecim, eosq; tanti fecit, vt illorum causa Ptolemæi Regū nuptias repudiaret. Cic. in Brut. Fuit Gracchus diligentia Cornelia matrū à puero doctus. In eodē lib. infrā. Legimus epistolas Cornelia matrū Gracchorum. Apparet filios non tam in gremio educatos, quā in sermone matris. Quintil. lib. 1. cap. 1. Gracchorum eloquentia multū contulisse accepimus Corneliam matrem, cuius doctissimi sermo in posteros quoq; est epistolū traditus. Et Lælij filia reddidisse in loquendo paternam eloquentiam dicitur. Eurydice Illyria vt filios docere posset, prouecta iam ætate disciplinū animum studiumq; applicuit. Plutarch.

de

de lib. educand. in extremo. Aristippi quoque Socratici filia, Aristippum filium optimū artibus, ac disciplinā, & Philosophia instituit, ut eum se & auo dignum efficeret. Themist. orat. 1. VNAM AVREM HVIC DEDI) Traditum est memoriae, Alexandrū Magnum cum forte accusatorem audiret, manu admota alteram aurē occlusisse. Interrogatum cur id faceret, respondisse: Quoniam hanc seruare me defensori oportet. Vtraque pars igitur in cōtrouersiū & litibus audienda, quantumcunque manifestum & euident apparet, quod altera dicit. Seneca.

Qui statuit aliquid parte inaudita altera,

Aequum licet statuerit, haud aequū fuit.

COMPERENDINARE) Quid sit comperendinatio, & quid ab ampliatiōe distet. Turneb. lib. 1. cap. 3.



PROGYMNASMA

OCTOGESIMVM SEXTVM.

*Litera Pythagora, seu biuium
Herculis.*

SOPHIA, PALATINA, ADOLE-

SCENS fluctuans.

SOPHIA. Iam dudum te, quisquis es, & vndecunque tandem veneris, charē iuuenis (certē autem ex hominum vulgo, & alicuius baiuli, aut operarii filius non es) in hoc secessu, sub ista queru ad biuium sedentem intuita, vultum inuestitia suffusum, & aliquam animi aegritudinem, ancipitisque cogi-

cogitationis distractionem, aut tædium ac fatietatem cuiuspiam negotii declarantem obseruauit. Vidi quemadmodum modò ungues roderes, modò caput scaberis, modò brachia dissipares, modò librum abiiceres: quòcirca tui conueniendi, consolandi, & instituendi voluntas me subiit. Ibo aduersum, inquam, & electabo quidquid est molestiæ. Quod est hoc intestinum malum quod te cruciat? ne clausum tene in pectore. P. Et ego, lectissime ornatissimèq; adulescens, viam ad te flexi, vt allocutione mea prodessem tibi: quare idem te interrogo. At inprimis nosse te inter est quæ simus. A. Deas quispiam vos ambas suspicari posset: adeò & augustus est vtriusque habitus, & plus quàm humana species ac pulchritudo, vt omnibus vnæ omnes munditias, & elegantias surripuisse videamini: vox verò ipsa diuinum quiddam, ac cæleste sonat. O quænam tandè vnde? quò gressus dirigitis? S. Tibi generis mei claritatem vno verbo pandam. Pater mihi est Deus, matre careo, quam nunquam habui: Sapientiam Latini, Græci *Σοφίαν* vocitant. A. Papæ, coniecturam ex re ipsa capio. Tu illa es, quàm patrinam, & è capite cælicolùm regis ortam, poetæ canunt. S. Nequaquam: nihil mihi cum commentitiis antiquorum numinibus. Mineruam nescio. Iouem non adoro. Ab vno illo, soloque rerum effectore, ac principe Deo me procreatam, & cum genere humano, quod ipse admodum vehementerq; diligit communicatam, omni asseueratione tibi affirmo. Ille est omnis sapientiæ fons & origo. P. Mihi Palatina nomen est: sum præses ac domina eorum, qui vitam colunt aulicam, potentissimisq; Imperatoribus

bus ac Monarchis, opulentissimis regibus, nobilissimis dynastis ad nutum inserviunt. Ecquid te capit species mea? A. Quo magis aspicio, hoc magis utraque placetis: sed egomet mihi summo opere displiceo, meique me valde pœnitet. S. Quamobrem? A. Quia confusus, atque incertus mentis statuere non possum, quid posthac incipiendum sit: procederene debeam in colendis literarum studiis, an ad aliquod plebeium artificium appellere animum. P. Quid istuc verbi ex ore tuo profluxit: tam eximia facie, tam egregio corpore adolescentem cogitare opificium? Non discedam hinc, nisi te mecum abduxero, fecerôque vnum è domesticis potentissimi alicuius Regis, eumq; vel à cubiculis, vel à poculis, vel ab epistolis. S. Vel à stabulis, vel à tergendis calceis, vel à canibus? P. Oh, quid tu? S. Nonne hi quoque sunt aulici? Sed tu mihi istum bolum hodie è faucibus, ut spero, non eripies. Frangam sententiam tuam, frangam imperus. O adolescens optime, tunc fastidio teneris literarum? A. Maximo. P. Nec primum hunc esse scito, nec postremum fore, nisi spreto ac deserto ignauissimo clientum tuorum otio in gremium se meum recipiat. S. Non me latet, in aulis excellentia euauisse, & quasi in nihilum occidisse ingenia, quæ à me rebus amplissimis atque honorificentissimis ornari potuissent, quibusque ciuitatum salus, & incolumitas niti debuisset. Quid verò creauit tibi istuc tam delicatum fastidium? A. Quòd neque vllam necessitatem, neque tam admiranda commoda, neque tam incredibiles suauitates inesse in his occupationibus atque laboribus animad-

uerto : quin contra molestias innumerabiles , & in-
 comoda nec pauca , nec mediocria . P. Facetè ,
 lepidè , lautè , nihil suprâ . Si quid verum est , hoc est .
 S. Deprehendò manifestiùs , te non ita longè prò-
 uectum à primo littore , nec delatum adhuc felicità-
 bus Euris in ipsum eruditionis vastissimum altissimum :
 quæ pelagus : nunquam tu has coram me vocès emisiss-
 ses . Sic autem iudico , magis bonam voluntatem ac dili-
 gentiam , quàm bonum ingenium hæcenus tibi defuisse .
 A. In tua penetralia nondum me penetrasse con-
 fiteor : quòd si tamen aures patefacere mihi parumper
 volueris , non planè fatuum cognosces : nec sine iusta
 causâ rem in deliberationem adducere , & curas ani-
 mum meum haud immeritò diuersè trahere , pergâ-
 me hoc vitæ genus agitare : an vel artem aliquam seden-
 tariam addiscam ; vel in militiam proficiscar ; vel etiam
 aulicas elegantias amplectar , quo me isthæc aduersaria
 tua pellicere videtur . P. Pelliciam profectò , téque ad-
 uersus istam differentem enixè adiuuabo . S. Aquila non
 captat muscas , & testudo non sentit culices : Dicite
 quæ fert animus . A. Cùm necessarium id definiatur , si-
 ne quò res aliqua finem & propositum suum aut nullo
 modo , aut non satis commodè assequatur , neutrum
 necessitatis genus in literas cadit . Finis quippe homi-
 nis est felicitas , quam si quis in artibus istis , quas ho-
 nestas , ingenuas , liberales appellant , quærendam
 putat , verendum est magnoperè , ne pro thesauro
 carbones effodiat . De ipsa autem felicitate opinionies
 trecentæ inter doctos : & adhuc sub iudice lis est .
 P. Istuc verò bene . S. Multò faciliùs & commodiùs
 auxili-

auxilio doctrinæ ad beatitudinem peruenitur. P. Erit ergo quisque hoc sanior, formosior, copiosior; quod doctior: sine istis enim non est consummata felicitas: tametsi eam in virtute potissimum Peripatetici tui constitutam esse philosophantur. S. Non ego philosophicam potius, quam Christianam beatitatem intelligi volo: quam is facilius consequitur, qui Deum ardentius amat: amabit ardentius, qui clarius cognoscet: cognitio siquidem amore in parit: nemo autem cognoscere potest Deum, nisi qui res ab eo conditas intelligentia percepit. Inuisibilia enim Dei per ea quæ facta sunt intellecta conspiciuntur: sempiterna quoque eius virtus & diuinitas. Et quatenus non ita sentirem, tua tamen argumentatio nihil efficeret: non enim quoniam aliquid ad aliud consequendum vim & momentum affert, idcirco illud dat, tantoque amplius dat, quanto plus ad acquirendum prodest. Sine vehiculo potest quis pedibus suis in locum remotum peruenire: facilius autem atque celerius vehiculo: non ideo totum est situm in vehiculo: commoditas tantum illius est, quæ nulla erit, nisi ascendis, nisi equos adiungis, nisi eos flagello increpas, ut procedant alacriter. A. Veruntamen ut à genere summo descendamus; possum dicere quare necessaria fuerit calcearia, quare necessaria sutrina, fabrica ferraria, architectonica, textoria, & similes: quid opus sit Grammatica, Musica, Geometria, cæterisque non video. P. Nec ego. S. Nec ego viderem sane, si vestros haberem oculos: & vos perspicue videretis; si meos haberetis. P. Cæci ergo tibi videmur? S. Cæci: ut ille qui Platoni dicebat, videre se cyathum, videre mensam, at cyathitatem;

tatem, & inſeſitatem non viderē. P. Niſi tu for-
 taſſe dicas, diſciplinās iſtas liberales, vt vocas, animo
 eſſe neceſſarias, quem ornent atque perficiant. S. Di-
 co. P. Hinc eſt quod docti iſti hominem illiteratum
 nihil niſi forma à beſtiis, & tanquam equum indomitum
 à domito differre clamant. S. Haud falſò. P. Omnes er-
 go qui literas neſciunt, beſtiæ: vos ſoli homines. Eſtote
 Dii ſi vultis. S. Non ſoli homines, ſed excellentiores
 homines, ſeu magis homines. Eſt enim hominum pro-
 pria veri inquiſitio & mentis agitatio, quæ in rudibus
 permodica eſt, in doctis multa & aſſidua. Proinde per-
 ſapienter Ariſtippus: ſatius eſſe fieri mendicum quàm
 indoctum: quod ille tantum eget pecunia, hic huma-
 nitate. Cui deeſt pecunia, eſt ille quidem homo: at ho-
 mo non eſt (hoc eſt, hominis nomine dignus non eſt)
 cui deeſt eruditio. Cur igitur qui pecunia caret, à viato-
 ribus petit: qui eget ſapientia, neminem eius adipiſcen-
 dæ cauſſa ſollicitat? P. Qui eſt animal rationis & conſi-
 lii compos, iſi mihi homo perfectus videtur. Omnes ta-
 les ſunt. S. Stultine etiam perfecti? Si dixeris: tū iudicio
 tuo inter ſtultum & ſapientem nihil intererit. Hòccine e-
 rit purpuram iuxta purpuram diiudicare? Si negaueris,
 quæram, cur? an quia rationis compos non eſt: imò eſt:
 an quia ratione parum utitur? ita, dices. Perfectio igitur
 hominis à perfectiore uſu rationis eſt, qua perfectiſſimè
 utuntur, qui ſunt literarum doctrinis quàm maximè
 imbuti. An non perfectiſſimi homines qui ſapientiſſi-
 mi? P. Eſto. S. Nónne erudiſſimi ſunt ſapientiſſimi?
 P. Priùs vt confitear me cogis iſtis punctis interrogatio-
 nis tuæ, quam vt aſſentiar. Accipe reliqua velut vno cū-
 mulo.

mulo. Aut priuatis aut publicis rebus sunt necessa-
 riæ literæ. Si priuatis: paterfamilias vxorem, liberos,
 seruos malè gubernabit, nisi linguam Græcam & La-
 tinam nouerit: nihil vendi, nihil emi, nihil negotii inter
 vicinos conferri sine Rhetorica, Dialectica, Astrono-
 mia poterit. Quod ad publica attinet, sæpe illud Plato-
 nis audiui. Tum demum beatas fore Respublicas cum
 aut Philosophi eas regere incipient, aut qui regunt, phi-
 losophabuntur. Quare igitur ipse, vt Athenarum guber-
 nacula susciperet, se adduci non est passus? quare scri-
 psit? Philosophos non accessuros ad Remp. nisi co-
 actos? Populi mores ferre non possunt, quietem nimis
 amant. Non ergo commodo est Philosophia ciuitati-
 bus, si Philosophi se à studiorum contemplatione ad
 negotiorum tractationem auocari nolunt. Quam diu li-
 teræ à Romanis repudiatae fuerunt, virtus & disciplina
 militaris apud eos in honore fuit: cum primum otium
 vestrum inertissimum illud clarissimum imperii do-
 micilium, illam arcem omnium gentium occupauit,
 neque tam boni, neque tam fortes & generosi postea ci-
 ues extiterunt. Quæ doctrina fuit Romuli? quæ Nu-
 mæ Pompili? quæ Tarquinii Prisci? Quæ Serui Tullii?
 quæ multorum Imperatorum, in quibus etiam Iustinianus
 ἀναλφάβητος, qui tamen sapienter, moderatè & cle-
 menter imperauerunt? Si necessariae sunt artes, omnes
 ne, an aliquæ? De Grammatica vanitatis sit affirmare:
 Mathematicæ otiosam habent delectationem, & obscu-
 ritatibus refertæ sunt. Dialecticorum sermones ipsimet
 Philosophiarum telis similes confitentur: vt
 pote subtiles quidem, sed inutiles. Rhetorica non mi-

nimiam partem incommodorum vrbibus & pro-
 uinciis sæpe importauit, estque instrumentum sedi-
 tionum & tumultuum. Iureconsulti ex æquo & bono
 iudicant præcipue: quod facere possemus etiam nos,
 qui Iureconsultorum nomen atque personam non geri-
 mus. Medici non nisi coniecturis ferè nituntur. Philoso-
 phia est plena incertis opinionibus. Theologia non ad
 Rempub. temperandam, sed ad salutem animarum pro-
 curandam est utilis, quam apud monachos, & sacerdo-
 tes reperiās, ab Imperatoribus frustra desideres. Osten-
 di non esse literas necessarias, putoque simul ostensum,
 parum esse vtilis: tum enim valde commodas iu-
 dicare licuisset, si vita humana iis carere minime potuis-
 set. Quibus autem angoribus implicitus, quibus mole-
 stis cinctus, quibus malis obrutus fueris tu; bone ado-
 lescens, dum incumberes in literas, rectius ipsemet ex-
 plicabis. A. Quo pacto iucundum esse queat, à quo nihil
 utilitatis speres? Lætari, & exultare gaudio fortasse po-
 test, qui iam in doctrinarum est possessione collocatus:
 at cui, quæso, id ante obitum contigit? Cum sapere in-
 cipimus, tum à nobis debitum natura exigit, & collige-
 re vasa, ac de vita recedere, volentes iubet, nolentes
 compellit. Atque ut delectarent, non est tamen sapien-
 tis, sequi potius quod delectat, quam quod commodat.
 Ego porro non alias literarum delectationes cerno;
 quam frequentem capitis dolorem, qui existit, cum in-
 tendere cogitationem velut arcum continenter vrge-
 mur, & in altissimo puteo Democriti latentem veritatē
 perscrutando indagare cogimur: crebram tussim, epi-
 phoras, multas cruditates, insomniam, nauscam phiti-
 sin,

fin, variosque morbos. Pro miraculo est, deditum studiis paulò vehementius, retinere bonam corporis habitudinem. Noctes & dies requirunt libri, societates & colloquia amicorum excludunt, patrimonium exsorbent. Hæccine possunt esse voluptati? hæccine expetenda? P. Ito iam Sophia, prædicato nectar & ambrosiam præbere alumniis tuis. Quin è vestigio mecum vadis? A. Quoniam? P. In regiam. S. Per Deum immortalem noli adolescens huic auscultare, quæ te suæ temeritatis implet & insaniam: noli cantionibus huius veneficæ delinitus, animum ad malas partes adducere, nondum audisti responsum meum, quo disturbabo huius machinas. P. Ito mecum: honores, potentiam, diuitias, voluptates tibi polliceor. A. Accendis me pollicitationibus tuis: sed explicatiùs pollicere. P. Tunc ignoras inter ministros Principum quanta varietas, quantum nominis, auctoritatis, loci, munerisque discrimen? nonne complures honorum gradus? A. Non ignoro ista. P. Nonne ab vno ad aliud, ab inferiore ad superiorem, ab infimo ad summum ascendi solet? A. Etiam, solet. P. Prò quanta aulicorum gloria? Incedunt per urbem, homines passim nudant caput, assurgunt, genua incurvant: Si ad mutuum sermonem veniatur, si salutentur, singularis adhibetur cærimoniam, manibus figuntur oscula, delecta verba, pudorisque ac reuerentiæ plena usurpantur? Nonne ipsorum opem, ac gratiam mortales plurimi exposcunt? nonne ipsos sibi propitios imprimis facere laborant? nonne ipsorum apud se habere imagines, iisque domum illustrare percipiunt? Possunt illi & nocere, & prodesse multis: nec plaris propemodum

refert, utrum apud aulicos domino suo charos, an apud dominum ipsum in offensa sis. Licebit præterea tibi ex ærario Principis magnificentissimas ædes construere: quin ultro, nec rogatus nunc mille, nunc duo aut tria aureorum millia donabit: nunc torquem, nunc pateram, nunc inauratum ensen, nunc aliud quippiam magni pretii. Longa famulorum ceterua comitatus, auro & ostro conspicuus prodibis. Si vehi cupies, paratus currus te dignus: si equitare, è Turcia, aut Hispania præsto erit elegantia mira caballus. Frue- ris insuper quotidianis, iisque suauissimis oculorum, aurium, odoratus, gustatus, tactionisque voluptatibus. Videbis ludos apparatusissimos, spectacula sumptuosissima, hominum utriusque sexus & forma insignium, & vestibus non tantum mundissimis, verum etiam rarissimis indutorum cœtus: quos choreas identidem ducentes aspicere quàm erit iucundum? Ibi perelegantes picturæ pascunt animum, morabunturque oculos belluata, & auro argentoque intexta velâ, quibus parietes cœuestiuntur: supellex denique omnis visetur ibi tam lauta, tam copiosa, tam artificiosa, ut quidquam optari melius non possit. Ædificia ipsa è solido marmore, mirabili & exquisito opere fontes, amœnissimi horti, præstantes fere, lectissimi canes, catuli etiam Melitæi, sinix, psittaci. Infinita inemorare possim præterea ibidem oculorum oblectamenta. Quid aures? Illæ verò dulcissimis musicorum cantibus assiduò recreabuntur, miscebis colloquia optatissima cum illustribus viris, & de magnis viris, qui ad gloriam virtutis via grassati sunt: nihil acciderit in Germania, nihil in Italia, nihil in Gal-
lia.

lia, nihil in Hispania, nihil in Perside, nihil in Turcia, nihil in toto terrarum orbe, quod tibi non etiam narrabitur. Mensa conditissimis, optimisque & diuersissimis dapibus constructa, quantam pariet voluptatem: quod enim Principi apponetur, tibi quoque appositum iri ne dubites. Quid vina dulcissima, generosissima, & peregrinis terris allata memorem, quæ poculis gemmatis, & cristallinis ministrantur: quæ porro in aulis vnguenta, qui flores, qui odores desiderantur: omnia perfecta, quibus & corpora & animi reficiuntur: multoque plura reperies, quàm à me breui sermone possit exponi. Quocirca dubitationem quæ te habet prorsus excute: me hac via ad quam sedes ingredientem hilari passu sequere: nunquam te suscepti consilii poenitebit. Plures dixerant salutē istis ignauissimis literis, quos ego ex ignotis, notos, ex egentibus beatos, ex infimis summos reddidi: tu noli sapere nimiū, & laureolam in mustaceis quærere. A. Acres mihi stimulos adinouisti: parū omnino abest, quin te sequar. S. Faciam ego tu idem aliter prædices. Adolescens, vnum rogare te volo. A. Quid vis: roga. S. Vt auscultes, & discas à me, quos tibi fumos indocta huius garrulitas vendiderit. P. Eia fumos. S. Etiam: meros fumos, & si quid est fumo inanius. Honores aulicos iactas? Heu quam illi sæpe non virtuti non meritis tribuuntur. In speciem te multi venerabuntur: vbi præterieris, medium extendent digitum, malè dictitabunt tibi, tua vitia in ore habebunt. Quis explicabit sollicitudines, quis ratione consequetur metus, quibus isti aulici noctes & dies suspenduntur, cum se negligi, alios efferri, aut sibi præferri aspiciunt?

cùm honorem quiddam lubricum esse, quòd parua
offensione interposita amitti, & ignominia etiam
multa compensari possit, considerant? Potentiam
verò diuturnam obtinere quempiam, inuidorum, ob-
trectatorumque insidiæ, & multorum odia non sinant.
Quisque primus esse nititur: & quò quis Principi grator
fuerit, quò apud illum plus poterit, eò à pluribus oppu-
gnabitur, & tandem ruet: grauissimè autem ruunt, qui
extremam alto dignitatis gradu præcipitantur, & inimicis
suis fiunt ludibrium, sibi dolorem, amicis dedecus
ferunt. Quàm autem indignum, & risu prosequendum,
vt diuitias assequare, libertatem vendere: quò enim
pluribus beneficiis te cumulauerit Princeps, eo amplius
obseruare nutus eius, & ad omnia inseruire te ipsi
oportebit: militare, nauigare, iusta, iniusta impe-
ria exsequi: ridere si rideat, flere si fleat, laudare
si quem laudet, vituperare si vituperet. Noui ego
nonnullos, qui cùm maiorum virtute essent diuites sa-
tis, in aula fortunarum naufragium fecerunt: multi que
cùm tot annos exegissent vitam illam, nec ad vllum ho-
norem, nec ad opes peruenire quantascunq; potuerunt.
Iam si extremum bonum situm esset in voluptate, rectè
etiam sibi proponerent, qui aulam cogitant, vt dediti cor-
poris gaudiis, per otium, luxum, somnum & ignauiam
æuum suum exigerent. Cæterum alibi vera bo-
na, & homine digna sunt reposita. Quàm multa ni-
hilominus iucunda & admiranda non videre eos
necessè est, qui latera Principum stipare coguntur.
Nec tantum hauriunt in aula voluptatis oculi, quan-
tum doloris: audiuntur autem plura quæ displice-
ant, quàm quæ placeant. Obscœnas voluptates omit-
to,

to, quibus fruendis quo quis est beator, tanto est infelicioꝛ: atque in ea ipſa re quot timores, & incommoda inſint, nemo facile dixerit. Guſtus & odoratus voluptates ſectari pecudum eſt, quas natura pabuli tantum ſtudioſas finxit: ac ſæpe muſcas potiùs, quàm iſtos videbis epulas regales attingere. Quoties, donec plerumque noctis proceſſerit, exſpectanda cœna? quoties prandendum, cœnandumque ſimul? malè cocta, frigida, inſulſa, & aliquando ante lucem ortam compellèris eſitare, niſi velis nimium diu eſurire. Cùm in meridiè pranderis, poſt horam iubeberis cœnare: nihil enim propemodum certo, ac ſuo tempore fit in aula: hinc vomitus, calculus, inteſtinarum dolòres, variæque morborum cruciamenta. Vinum bibes ſæpe corruptum: nec quantumvis ſitiens bibere audebis, niſi maiores cœperint, tranſibitque poculum per multorum manus priuſquam ad te veniat, & in fundo fex plurima hærebit: carnes edes frigidas, imundas, fœtentes, legumina ſemicocta, piſces paratos ante quatrduum. Tædet plura enumerare incommoda, quæ non perpendunt, qui ad pauca quædam ſoris magnifica, & in ſpeciem conſectanda reſpiciunt. Agricola, priuatum aliquem ciuem, opificem denique aulico felicioꝛem arbitroꝛ. Nunc, mi iuuenis, melioꝛa capeſſe conſilia, & deſerta Palatina ad meam te voluntatem nutuinquæ conforma, ad meas te rationes adijunge, ac ſcito, me ea expectare abs te, quæ à ſumma virtute ſummoque ingenio expectanda ſunt. A. Tua oratio. Sophia, ad veritatem viſa eſt propenſioꝛ. Quare tametſi aulam non cogito, tamen niſi mihi ſtudia li-

terarum insigniter collaudaueris, & flammam in pectore meo adolescere incipientem confoueris, atque immensum adauxeris, etiam te non potero sequi. P. Ostultum: littori & vndis concionata sum: præ iracundia nequeo animum ad cogitandum instituere. Abi in crucem cum tua muliercula. S. I hinc quò digna es cum tu istam lepidis conclusiunculis.

ANNOTATIONES.

LITERÆ PYTHAGORÆ) Cursum vitæ humanæ Samius ille senex literæ Y comparauit, cuius basis pueritia, summum autem basis, vbi videlicet duo cornua oriri incipiunt, limen seu initium adolescentiæ, quod quisq; hominum cum attigerit, hæreat, ac nesciat in vtram se se partem det, dextramne an leuam vitæ agenda viam teneat. Illam esse virtutū bonarūq; artium, asperam quidem, sed exitū iucundam & amœnam: hanc luxuria, inertia & ignauia, gratam & suauem in speciem, sine ipso plenā miseriæ. Qua de re Laëtant. lib. 6. cap. 3. & 4. Fertur etiam carmen inter cetera Virgiliana Appendicij, Literæ Pythagoræ discrimine secta bicorni, &c. Sic Prodicus Sophista Herculi etiam nū pueri in solitudine ad biuium sedenti Virtutem & voluptatem apparuisse, & vtramque ad se Herculem perducere conatam finxit. Meminerunt Xenophon lib. 2. Σοφισμῶν. Quint. lib. 9. c. 2. Cic. 1. Off. Silius Italicus figmentum hoc ad Scipionem sub lauro sedentem, & de bello cogitantē transtulit. Talis deliberatio est Lysitelis adolescenti in Trinum. Plaut. Huc refertur somniū Luciani de Statuaria & Padia. Huc angusta
porta

porta, & lata via, de qua apud Matth. MODO VNGVES
RODERES) Sic facere consueuerunt, qui aut de mutan-
dare, cuius pœnitere cœptum est, serio multumquē cogi-
tant: aut in aliqua attentissimâ curâ defixum habent &
immersum animum: præcipuè autem, qui maiorem po-
nunt in scribendo attentionem ac diligentiam. Hinc Per-
sius negligentiam Poëtarum reprehendens: nec demorosa
sapit vngues. Et Horat. de Lucilio Sat. 10. lib. 1.

*Si foret hoc nostrum fato delatus in aures,
Detereret sibi multa, recideret omne quod ultra
Perfectum traheretur. & in Versu faciendo
Sæpe caput scaberet, Quos & roderet Vngues.*

QVAM PATRIMAM E CAPITE) De ortu Minervæ
e capite Iouis exstat festiuus apud Lucianum dialogus,
Quorum vterque parens in viuū esset, patrimi matrimi
dicebantur. Quibus pater mortuus, matrimi: quibus
mater, patrimi. Catull. epigram. 1. Minervā vocauit pa-
trimam virginem (sic enim quidam rectè legunt pro pa-
trona virgo) quod matre carens, tantum haberet pa-
trem. TE NON ITA LONGE PROVECTVM)
Vulgò dicitur. Scientiam neminem habere hostem, nisi
ignorantem. Qui enim in adyta disciplinarum semel
introierunt, idemum experiuntur, quam sit verum il-
lud Aristoteleum: radices literarum amaras esse, fructus
verò dulces. Ac potest sanè quod de dialectica scripsit
Gellius lib. 16. cap. 8. ad quamlibet doctrinam liberalem,
atque ad chorum totum Musarum aquè referri. Huius
discipline studium atque cognitio, inquit, in principiu
quidem tetra & aspernabilis, insuauisq. esse, & inciuiliū
videri solet: sed ubi aliquantum processerit, tum denique
& emo-

& emolumentum in animo dilucebit tuo, & sequetur quadam discēdi voluptas insatiabilis. Cui sanè si modum non feceris, periculum non mediocre erit, ne, ut plerique alij, tu quoque in illis dialectica gyrus atque mæandris tanquam apud Sireniis scopulos conseneskas. ARTEM SEDENTARIAM) Sedentarij, & sellularij opifices sunt, textores, sutores, sartores, & omnes deniq, qui sedendo opus faciunt, eaq, artes sellularia, & sedentaria dicuntur, suntq, in contemptu propemodum. QVI PLATONI DICEBAT) Laërt. in Diogene rem huius verbū exponit. Platone de Ideis differente, & nominante mensalitem, & cyathitatem: equidem, ait Diogenes o Plato, mensam, & cyathum video, mensalitem verò, & cyathitam non video. Recte (inquit Plato:) quibus enim cyathus, mensaq, conspicitur oculos habes: quo autem mensalitas, & cyathitas intelligitur, animum non habes. Hac historia melius se tuebuntur qui ob rerum obscuritatem voces coguntur in auditas producere, & illo Lucretij:

Multa nonis verbis præsertim cum sit agendum
Propter egestatem lingua & rerum novitatem,
melius, inquam, ita sese defendent, quam eo, quod Cicero
Lentulus, & Appianus dixerit. ESTOTE DIISI
VULTIS) Messeniorum legati, aut alius ciuitatū, legati
certe. Philippo Regi narrarunt, decreuisse Rempublicam
propter rerum ab eo gestarum gloriam & magnitudinem
in deos ipsum referre. Tum Rex ita quasiuit: Habētne
vestra Respublica potestatem faciendi deos? Illi, habet, in-
quiunt. Et Rex: Facite ergo primum vos ipsos deos. Non
ita filius Alexāder, qui Dario superato spiritus ingentes,
immo-

immoderatosq; concipiens, Graciu scripsit, vt se deorum numero ducerent. Aliu igitur aliud statuentibus. Lacedamonij decretum tale fecerunt. Quoniam Alexander deus esse vult; esto deus Laconice, & patrio more hominu stuporem, & vecordiam redarguerunt. *Ælianus lib. 2. cap. 19.* Idem agrotus se in Euphrate deiicere cogitauit, vt cum non appareret, ad deos abiisse crederetur. *Rhōdig. lib. 3. cap. 5.* In eodem de iu qui aut seipfos fecerunt deos. aut relati sunt in deos. EST ENIM HOMINVM PROPRIA) Cic. 1. *Offic.* Inprimuq; hominu est propria veri inquisitio atque inuestigatio. Itaque cum sumus necessariu negotiu curuq; vacui, tum auemus aliquid videre, audire, addiscere, cognitionemque rerum aut occultarum aut admirabilium ad bene beatq; viuendum necessariam ducimus. Et infra nō longē. Omnes enim trahimur & ducimur ad cognitionis & scientiæ cupiditatē, & quæ sequuntur. Quæ sententia est etiam Aristotelu lib. 1. de Sapiētia. QVI EGRET SAPIENTIA; NEMINEM) Laërt. Percunctanti Dionysio, quamobrem Philosophi diuitum limina tererent, diuites verò philosophorum non item. Quid illi, inquit Aristippus, sciunt quibus indigeant: ut hi nesciunt. Dux sunt præclara sententia Isocrati, oratione ad Dæmonicum, quæ quidem refertur est præceptionibus saluberrimū: eas attulisse, videtur ex usu futurum, spectant enim ad rem propositam. Audiuisse multa, præstare puta, quā pecunia multum coegisse. Nam hæc facile amittitur, illa perpetuū durant. Solius enim sapientiæ possessio est immortalis. Altera continenter sequens hæc est: Ne te pigeat longam ire viam, ad eos, qui

qui se aliquid vtile docturos profitentur. Cum enim mercatores rei familiaris augenda gratia tanta maria transmittant, turpe fuerit adolescentes excolendi ingenij causa nec terrestre iter velle suscipere. ANIMAL RATIONIS, ET CONSILII COMPOS) Cic. 1. de legib. hominem describit his verbis. Animal hoc prouidum, sagax, multiplex, acutum, memor, plenum rationis & consilij, quem vocamus hominem, praeclara quadam conditione generatum esse a supremo Deo. Solum est enim ex tot animalium generibus, atque naturis particeps rationis & cogitationis, cum cetera sint omnia expertia. Idem 4. de finibus. Hoc solum animal natum est pudoris & verecundiae particeps, appetensque coniunctionem hominum ac societatem, animaduertensque in omnibus rebus, ne quid ab eo fieret, nisi honeste & decore. PUNCTIS INTERROGATIONIS TVÆ) Fuit hic mos Stoicorum; quorum omnis cura in dialecticis consumebatur, quiq; disputationum suarum veluti laqueis alios irretiebant. IN TUSCUL. Stoicorum more agamus, qui breuiter astringere solent argumenta. Et praefat. Paradox: Cato autem perfectus (mea sententia) Stoicus, & ea sentit, quae non plane probantur in vulgus: & in ea est heresi, quae nullum sequitur florem orationis, neque dilatat argumentum: sed minutis interrogatiunculis, & quasi punctis, quod proposuit efficit. CVM AVT PHILOSOPHI EAS REGERE) Est apud Platonem in V. de rep. loquens Socrates in hunc modum: εαν μὴ οἱ φιλόσοφοι βασιλεύσωσιν, &c. id est. Nisi vel Philosophi ciuitatibus imperitent, vel ij, qui nunc reges & dynastae appellantur, legitime, & quod

satis est philosophentur, atque in idem ciuilis facultas & philosophia concurrant, & contra, quàm hoc tempore in utroq; fit, ingenia multa necessariò diuersa in studia distrahantur, nunquam malorum finis reperietur. Cicero epist. 1. lib. 1. ad Q. F. paucis totius sententia summā est complexus. Atq; ille quidem princeps ingenij & doctrinæ Plato, tum deniq; fore beatas Respub. putauit. si aut docti & sapientes homines eas regere cœpissent, aut qui regerent, omne suum studium in doctrina ac sapientia collocassent. V T ATHENARVM GVBERNACVLA) In 1. Off. Itaq; eos (philosophos) ne ad Remp. quidem accessuros putat, nisi coactos. Æquius autem erat id voluntate fieri. Vide locum. Præterea epist. 9 ad Lentulum, cur ipsemet. Remp. attingere noluerit, causam quandam affert: nempe quòd cùm offendisset populum Atheniensem prope iam desipientem senectute, cùmq; eum nec persuadendo, nec cogendo regi posse vidisset, cùm persuaderi posse diffideret, cogi fas esse non arbitraretur. Ælian. lib. 3. c. 17. plurimos philosophos recenset, qui Resp. gubernauerint, easq; instituerint, & emendauerint. QVAM DIU LITERÆ A ROMANIS) Anno ab V. C. CCCCX. seu vt alij numerant DX. C. Claudio Cæci filio, & M. Tuditanio Coss. Liuius Andronicus Romæ primus dedit fabulam; anno vno ante natū Ennium qui fuit maior natu, quàm Plautus & Nauius. Serò igitur Romani pœticā acceperunt. At contra Oratorē celeriter complexi sunt, nec eum primò eruditū, aptum tamen ad dicendum. Vide initium 1. Tuscul. Quin edicto prohibiti sunt docere, & vt putabant, ignauia corrumpere iuuentutem Rhetores. Id habes

apud

apud Gell. lib. 15. c. 11. Meminit etiam Suetonius libello de claris Rhetor. duosq; censoria edicta subiicit. At postea, quam imperio omnium gentium constituto, diuturnitas pacis otium confirmavit, ut est in 1. de Orat. existimarunt Romani sibi quoq; ad literarum. & sapientia laudem intendendum, qua Græci non multum cederent, qui ipsos eosque vicissent non repugnantes. NON MINIMAM PARTEM INCOMMODORVM) Lege proœmium 1. de Inuent. & librorum de Orat. COLLIGERE VASA) Locutio militari. Vasa quippe, hoc est, impedimenta colligunt milites & sarcinas, quoties castra metaturi sunt. Allegoria quadam & cum lepore Cic. Verrina 4. cum Diodorum e Sicilia ante pissecessisse vellet significare, quam a Verre, cuius rapiendi libidines non solum oculi, sed etiam auribus excitabantur, scyphi & supellectile argentea spoliaretur: conquiri, inquit, Diodorum tota prouincia iubet. Ille ex Sicilia castra iam mouerat, & vasa collegerat: Conuasare, ait Nonius, est furto omnia colligere. Hoc est in sarcinam constringere & componere, quæ tecum a portare, & auferre velut Terent. Phorm. Aliquid conuasassem, atque hinc me conicerem protinus in pedes.

PROGYMNASMA
OCTOGESIMVM
SEPTIMVM.

*Pars posterior, seu laudatio
Eruditionis.*

ΣΟΦΙΑ.

SOPHIA. Gratificabor tibi quod petisti, (quid enim hac petitione tua dici potest æquis?) si paucis adhuc, quæ tam inscite ab inimica mea, tamque odiosè, & putidè effusa sunt refutauero. A. Tui audiendi miram me cupido incessit. S. Credas igitur ipsam partim falsam, partim sibilò dignam, partim aliena locutam, literasque non modò laudari, sed nec vituperari sine literis posse, de quibus illa gustasse videtur aliquid, ut canis è Nilo. Vna scientia liberalis alteri necessaria est, ut suo munere perfectè fungatur. Habent quoddam inter se commune vinculum: omnes autem humano generi tantum conducunt, quantum nullius, etiam eloquentissimi lingua declarare potest. Imperitus literarum, est ille quidem homo, & absolutus homo, quod ad naturæ humanæ partes attinet: verumtamen socialis, ciuilis, mansuetus, similibusque latidum honestamentis excultus, ac decoratus non est. Deinde si id necessariam interpretamur, sine quo esse non possumus omnino id quod volumus, aut debemus (volumus autem omnes boni, humani, tractabiles ac sapientes esse) ad virtutem sanè, & doctrinarum studia incumbendum est, sine quarum præsidio, adminiculoque in istorum quæ à me nominata iam sunt bonorum possessionem, nemo pedem est aliquando positurus. Incommoda quæ recensuit, iocos & cauillationes quibus nugata est, existima ad homines, non ad ipsas artes pertinere. A. Non habeo dubium, nihil illam magnoperè auditione dignum disseruisse. Te autem, mater, opere maximo rogo, pro tua facultate & capia præstantiam, fructus, suauitatemque studiorum explanes:

abs te enim verissima certissimaque dici putabo, & animam relinquam citius, quam tua castra deseram. S. Nauo tibi hanc operam fili, teque iam desperatione illa exemptum, qua initio conflictabare, aversumque ab illa vitæ ratione, quam loquacula mulier insipientissimè suadere nitebatur, mirum in modum vehementerque gaudeo. A. Demonstrasti perspicue miseras aulicorum hominum, & tanquam in tabella spectandas exhibuisti, grauique me huius voluntariæ seruitutis odio incendiisti: quamobrem me quidem certe non inescabit hamus ille, nec aureis istis compedibus vnquam astringar. S. In terris nihil sanè est admirabile atque inagnum præter hominem, quem nonnulli terrestrem mortalemque Deum nominare voluerunt. At in ipso homine nihil eximium præter animum: in quo ipso rursum nihil magnum præter virtutem & scientiam. Porro vnus ille mundi rex & constitutor scientiarum, femina, cupiditatemque cognoscendi mortalibus ingenerauit: quidquid autem ab illo largifluo, perenni- que bonorum fonte promanat, hoc iustum honestumque confiteri, inos pius ac bonus est. Iam si non frustra insequit, adhibenda est cultura, qua adulescant illæ femina, fructusque pariant innumerabiles. Ecquid ita est fili? A. Est verò haud aliter ac loqueris, mater. S. Quid verò æquè decens hominem reperiatur, quam indagando, & quotidie aliquid cognoscendo addiscendoque concessum à natura viuendi spatium decurrere? cum enim in eo nihil sit ratione præstabilius atque diuinius, certè nulla erit rationis functione nobilior: illa autem est intelligere, quo vno mens alitur. Propria hæc, inquam, rationis est actio, vt natatus pisci-

piscium, volatus avium, cursus equorum, sæuitia
 belluarum. Vnde animorum vestrorum origo in
 terris nulla apparet, quoniam cælestis est. Istoque
 modo ad diuinam similitudinem peruenitur: siqui-
 dem Deus alio modo ab hominibus non intelligitur,
 nisi mens soluta quædam ac libera, segregata ab o-
 mniconcretionem mortali, omnia sentiens, omnia mo-
 uens. Hebetes autem, indociles, & intelligentiam pa-
 rum valentes, non magis secundum naturam, quam
 prodigiosa corpora & monstra videntur nasci. A-
 pud omnes nationes atque populos eruditis, ac sapien-
 tibus viris summus semper tributus est honos, amplifi-
 simaq; decreta præmia, philosophis, oratoribus, poetis,
 medicis, mathematicis, iurisperitis. A. Et quidem
 non inmerito. S. Suspice hunc ducem ac moderato-
 rem temporum solem, assidua vertigine cælum ob-
 euntem, suaque clarissima luce perfundentem, & collu-
 strantem omnia. A. Suspicio. S. Nonne is omnium
 quicumque oculorum sensu orbi non sunt lux est, per
 quam res singulas intuentur? A. Est sanè. S. Sic pro-
 prius omnibus quibus cælesti beneficio concessa est ratio,
 tanquam oculus, lumen, dux & ornamentum est vir sa-
 pientiæ compos. Atque illi deum dicendi sunt vivere,
 & memoriam sui quam maximè longam efficere,
 quibus vel in senectute aspirare ad sapientiam licuit:
 reliquorum vita somno est quam simillima, in quo
 variae imagines inanesque rerum species deludere ani-
 mos consueuerunt: nec est animal in terris pulchrius
 hominem literis tincto, atque adeò infecto. Erudito-
 rum vitam exemplar quoddam dixerim illius beatissi-
 mi status, in quo aurea ætate homines erant victuri:

fuiſſet quippe tum vita non aliud quàm iucundiſſima quædam ſchola, in quâ de rebus diuinis, de natura rerum, de æternitate animorum, de motibus cœleſtibus, de quibuſcunque vitæ officiis, de pulcherrimis demum quæſtionibus quàm frequentiffimè diſputaretur. Duæ item res ſunt, quibus nihil habet natura humana conſtantius, nihil melius, nihil clarius, nihil maius, veritas & iuſtitia: diuitiarum enim, formæ, reliquarumque rerum gloria fragilis, caduca, & exigua eſt. Harum porro inquiſitio, explicatioque ſcholis eſt commendata. Et quanquam in templis, aulis & foro veritatem atque iuſtitiam regnare oportet, earum tamè notitia è ſcholis petitur. Splendor generis & familiaris, bonum quoddam eſt à maioribus acceptum. Diuitiarum poſſeſſio fortunæ dominationi ſubiecta eſt. Honor res inſtabilis. Forma haud longi temporis. Sanitas quoque facilè corrumpitur. Etiam robur ſenectus, & morbus auferunt. Et elephantis, tauris ac leonibus validiores quàm homini vires conſeſſæ ſunt. Bonorum itaque omnium ſola doctrina cœleſte quiddam & immortale eſt, nulli periculo, caſibus nullis, nulli temporum varietati obnoxium. A. Admirabilia hæc, quæque in pectus meum ſenſusque intimos quàm ſuauiſſimè influunt. S. Quid dicam de fructibus: ſi in animum idoneum tanquam in pingue, ac ſua natura fertile ſolum diſciplinarum iſti ſatus inciderint, non poterunt non fecundas ac lætas efferre legetes. An non memorabilis ſapientiæ fructus hic tibi videtur, quod Reges & Principes viris doctis amicitia ſuæ fores cupidiffimè patefecerunt ſemper, & ſingulari eos liberalitate beneuolentiaque proſecuti ſunt, ſeq; illis inſtituendos

tradere voluerunt? Pericles, qui annis quadraginta Atheniensium Rempub. administravit, ab Anaxagora Clazomenio fertur institutus. Timotheum Canonis filium, Isocrates, Epaminondam, Lyfias Pythagoreus, Alexandrum Magnum, Aristoteles, Agesilaum Xenophon, Dionem Plato erudierunt. Solonis colloctionibus summo opere tenebatur Cræsus, cum Dionysio Plato & Aristippus familiariter vixerunt, cum Alexandro Callisthenes, alii demum cum aliis. Inter sapientes autem non postremas poetæ occupant, è quibus charum fuisse constat Æschylum & Simonidem Hieroni, Euripidem Archelao, Scipionibus & Catoni maiori Ennium, Lælio sapienti Lucilium, Memmio Lucretium, Mæcenati, & Augusto Imperatori Virgilium, & Horatium: omitto alios, quos memorandi magna mihi esset copia. Ac tametsi opes docti non sitiant, sit tamen ut eas assequantur. Non vixit pauper ac tenuis Aristoteles, non Demosthenes, non Gorgias, non Isocrates, non Virgilius. A. Ducenta quinquaginta millia coronatorum acquisisse per amicos scribitur hic postremus. S. Et hic idem aliquando panes in mercedis loco accipiebat ab Augusto. A. Legi historiam. S. Censen quidquam utilius, quam rectè vivere? A. Nihil. S. Atqui Philosophia omnem virtutis, officii, beneque & innocenter viuendi disciplinam continet, omnium bene factorum, beneque dictorum mater. Quid quæris? Eloquentia hominum fraus ad perniciem, integritas ad salutem vocatur. Iurisprudentia quid æquum, quid iniquum sit decernit. Poetæ aut prodesse volunt, aut delectare: aut simul & iucunda, & idonea dicere vitæ. Mathematicarum doctrina-

rum terra marique multis rebus, ac temporibus creber est vsus. Eruditio iuuenibus donat sobrietatem, senibus affert solatium, pauperibus conciliat opes, diuitibus eximium decus. Summatim, quidquid cernitur inter mortales humanitatis, moderationis, prudentiæ, virtutis ac sapientiæ, totum, è literarum purissimis sanctissimisque fontibus profluxit. A. Sic me ad assentiendum, commouet oratio tua, vt hætenus æquè nulla. S. De voluptate literarum dicendum restat. A. Eam partem percupidè expecto. S. Incredibile memoratu est, quanta ea, & quàm multiplex sit: quam augent conuentus illi scholastici, vbi in omnium artium varietate versati doctores consuli, interrogari, audiri que possunt. Natura simili delectatur: at in gymnasiis multos quisque sui similes, hoc est, iisdem artibus initiatos atque consecratos inuenit. A semetipso in rebus aduersis solatiū petere vir doctus potest: obliuiscitur etiam calamitatum suarum, & aberrat à molestiis eruditis cogitationibus intentus semper animus. M. Tullius filia mortua per literas doctissimis, suauissimisque allocutionibus dolorem sibi suum leuauit. Fecit hoc idem in exilio Ouidius, fecit Boëtius. Quantæ autem iucunditatis putas, cum tot excellentissimis veteris memoriæ hominibus colloqui, & eos quasi hospitio excipere: cum Homero, Platone, Cicerone, Plutarcho, Herodoto, Thucydide, Liuiο, Sallustio, Cæsare, Euclide, Virgilio, Terentio: velut in imagine ipsorum sensa, ingenia, sapientiam perspicere: superioribus, & vetustissimis illis sæculis videri interfuisse: totum mundum, omnemque antiquitatem animo circumferre? Si etiam agresti parua,

leui-

leuisque notitia delectationem dat: quantoperè hominem eruditum infinitæ rerum pulcherrimarum maximarumque cognitiones delectabunt: Mira voluptas è fidium, tibiæ atque vocum cantibus hauritur: veruntamen illa continuò euanescit: literarum est stabilis ac permanens: quæ interdum mentem humanam ita velut captiuam & oppressam detinet, vt nec oculi nec aures, nec gustatus suum faciant officium: Atque hæ res quas hætenus audisti, in causa fuerunt, vt tam indefessos assiduosque labores in cumulata eruditione sibi pariunda multi susciperent, totque regiones tam distantibus locis, tam diuerso sub cælo positas peragrarent. Plato, & Pythagoras in Ægyptum, ille etiam in Italiam contendit, Anacharsis Scythæ Athenas venit, Apolloniùs ad Indos est profectus. Carneadi idem philosophandi qui viuendi finis fuit. Demosthenes Thücydidem octies sua manu descripsit: de cuius vigiliis, & studiis multa passim narrantur. Sophocles cum propè centesimum ætatis annum attigisset, sub ipsam mortem fabulam præclarissimam Oedipum Colonæum diuulgauit. Horum, aliorumque exempla studiosè imitaberis, & in eo, quod tam necessarium, tam fructuosum iucundumque intellexisti confectando nullam neque corporis, neque animi defatigationem contentionemue recusabis. A. Abducas me tecum licebit, tuisque diuinissimis præceptis instituere pergas. Nihil me iam præter vnā te potest recreare: in te mihi sunt omnia; tibi immensas & habeo, & ago gratias, cuius prudentissima splendidissimaque disputatione mens mea collustrata liquidissimam veritatem intuetur: tibi omnia meā quam commendatissima esse cupio: ad

tuum arbitratum imperiumq; me totum conuerto. S. Saluus es si istam animi firmitudinem obtines. Serua tibi perpetuam patronam & adiutricem me, atque hanc inuentam inueni.

ANNOTATIONES.

NEC AVREIS ISTIS COMPEDIBVS) *Dio- genes Aristippum philosophum in aula regia degen- tem aureū compedibus teneri dicebat, ne exire posset: ca- ptū videlicet delicata illa, & splendida vita Principum. Est tamen stulti, ut ait Seneca, sui delectari compedibus, tametsi aureū. Lege prouerb. Aurea compedes. Item de miseriis Curialium Aeneam Syluium, aliosq; complu- res auctores cum eodem coniunctos, de vita aulica & pri- uata, CVPIDITATEMQUE COGNOSCENDI) Cic. 5. de finibus. Tantus igitur innatus est in omnibus co- gnitionū amor & scientia, ut nemo dubitare possit, quin ad eas res hominum natura nullo emolumento inuitata rapiatur. Videmusne ut pueri ne verberibus quidem a cō- templandū rebus, perquirendisque deterreantur? ut alijs narrare gestiant? ut pompa, ludū, atque eiusmodi specta- culū teneantur, ob eamq; rem vel famem, & sitim perse- rant? VNA SCIENTIA LIBERALIS ALTERI) Quid poterunt sine Grammatica reliquæ omnes? quan- doquidem illa velut ianua & clauis est aliarum. Quid sine Dialecticū & Rhetorica & Iurū ciuili prudentia, & rursum cetera omnes? siquidem instrumentum sci- endi est. Quid sine Mathematicū Philosophia? quid sine Philosophia vel Medicina, vel Theologia? Quid sine*

sine leuioribus, seu humanioribus literis illa interiores & recondita? Quid rursus sine illis ista? Ac putarunt quidam ob hanc causam dictas esse Musas quasi opus & sonus, quod sunt, seu esse debent simul. NIHIL SIT RATIONE PRÆSTABILIVS) Id in quoque optimum est, cui nascitur, quo censetur. In homine optimum quid est? Ratio: hac antecedit animalia. Deum sequitur. Ratio ergo perfecta proprium hominis bonum est: cetera illi cum animalibus satūq; communia sunt. Valet? & leones. Formosus est? & pavones. Velox est? & equi. Non duo, in his omnibus vincitur. Non quero quid in se maximum habeat, sed quid suum. Corpus habet? & arbores: Habet impetum & motum voluntarium? & bestia? & vermes: Habet vocem? sed quanto clariorem capes, acutiorē aquilæ, grauiorē tauri, dulciorem mobilioremquē lusciniæ? Quid in homine proprium? Ratio. Hac recta, & consummata felicitatem hominū impleuit. Seneca epistola 76. HUNC DUCEM ET MODERATOREM TEMPORVM SOLEM) Adscribamus locum Plinij ex capite 6. lib. 2. quo hunc principem ac moderatorem luminū reliquorum, mentem ac temperationem mundi eximie collaudauit. Eorum (siderum errantium) medius sol fertur, amplissima magnitudine ac potestate: nec temporum modo terrarūque, sed siderum etiam ipsorum, calique rector. Hunc mundi esse totius animum, ac planius mentem: hunc principale naturæ regimen, ac numen credere decet opera eius æstimantes. Hic lucē rebus ministrat, aufertquē tenebras: hic reliqua sidera occultat: hic vices

d s

tempo-

temporum, annumq; semper renascentem ex usu natura
temperat: hic cali tristitiam discutit, atq; etiam humani
nubila animi serenat: hic suum lumen ceterum quoq; side-
ribus fœnerat, præclarus, eximius, omnia intuens, omnia
etiam exaudiens, ut principi literarum Homero placuis-
se in vno eo vide. Arnobius lib. 1. Siderum sol princeps, cu-
ius omnia luce vestiuntur atque animantur, fons rerum,
fator sæculorum ac temporum. Vide multa apud Macro-
bium cap. 20. lib. 1. in som. Scip. DICENDI SVNT VI-
VERE) Otiosi à dormientibus, atque adeò à mortuū per-
parum differunt. Qui autē verē, & utiliter sint occupa-
ti, atq; idcirco etiam verē vigilantes, viuentesq;ue, osten-
dit Seneca de breuit. vitæ cap. 14. in extremo, & sequen-
ti. HOMINELITERIS TINCTO, ATQVE A-
DEO. INFECTO) Cic. 2. de Orat. Sit enim mihi tinctus
literū, audierit aliquid, legerit, ista ipsa præcepta accepe-
rit, &c. Vbi Budæus Commentar. lingua Græcæ, arbitra-
tur Tullium exprimere voluisse δὲ ὀνόματι, quod valet be-
ne tinctus, seu imbutus, ita vt deleri tinctura, aut elui nō
possit. Ac de purpura propriè, de aliis omnibus quæ colo-
rem habent, metaphora dici affirmat Suidas. Victorius
lib. 10. cap. 18. aliter sentit, Ciceronem in promptu, sum-
māq; tantum cute aspersum, ac coloratum significasse: id
declārari verbū sequētibus, legerit aliquid, audierit, &c.
lege reliqua apud eundem. A SEMETIPSO IN RE-
BUS ADVERSIS.) Hoc fecerunt, qui in hoc ipso dialo-
go nominantur Cicero & alij. Et testatur id de se pluribus
locū Cicero, sibi literas suas esse in rebus incommodis leua-
mento

mento ac solatio. Quod si avaro in aduersa quapiam fortuna dulcis est pecunia in arca recondita, ambitioso suus honor, voluptario sua Venus: cur sapientem non delectet sua sapientia? SESE PER LITERAS) Epist. 9. lib. 12. ad Atticum, ipse me per literas consolatus sum, quem librum ad te mittam. In Bruto, hanc scientiam Varro pluribus, & illustrioribus literis explicauit. In eodem librū Attici, quem dicit sibi solatio fuisse, vocat literas. Omnino vox literarum frequenter Cic. libros, orationes & monumenta significat. SVAVISSIMIS QVE ALLOCUTIONIBVS) Alloqui quempiam dicebatur, qui ad eum merentē accedebat, verbisquē dolorem illius minuebat, vt Gracū ὁ ἄριστος εἰς τὸν πόρον πορεύειν. Varro lib. 6. de ling. lat. Hinc allocutum ire mulieres aiunt, cum eiunt ad aliquam locutum consolandi causa. Sic allocutio pro consolatione, vt ὁ ἄριστος εἰς τὸν πόρον πορεύειν. In quam notionem cepit hoc verbum Sueton. in Tiberio. cap. 23. Catull.

*Quem tu, quod minimum facillimumq; est,
Qua solatus es allocutione?*

Seneca Troade. Alios parentes alloqui in luctu decet. Tibi gratulandum est. Sic alloquium ὁ ἄριστος. Horat. Illic omne malum vino cantūque leuato. Deformi agrimonia. Dulcibus alloquiū. Victor. lib. 8. c. 23. Muret. lib. 2. cap. 4. IN EXILIO OVIDIUS) Sic ipsemet de se ac studio suo Trist. 4 eleg. 1. Scribit item Plutarchus in consolat. ad Apollon. de Antimachopoeta. Cui cum mortua esset vxor Lyde, quam eximie diligebat, elegiam,
que

qua semet consolaretur composuit, quam Lyden nominavit, enumeratisq; heroicis calamitatibus & infortuniis, malis alienis aegritudinem sibi minuit. VTNEC OCULI, NEC AVRES) Cic. 5. de finibus. Quid verò, qui ingenuū studiū atque artibus delectantur: nōne videmus eos nec valetudinis, nec rei familiaris habere rationem? omniaque perpeti, ipsa cognitione & scientia captos? & cum maximū curis & laboribus compensare eam quam ex discendo capiunt, voluptatem? Lege totam paginam: multū enim ostenditur, quomodo ad sese totos conuertat homines, & mirabiliter pascat scientiarum iucunditas. PLATO, ET PYTHAGORAS IN ÆGYPTVM) De Philosophorū peregrinationibus Cic. lib. 5. de finibus in hunc modum. Cur Plato Ægyptum peragravit, ut à sacerdotibus barbaris numeros & caelestia acciperet? Cur post Socratem ad Architam? Cur ad ceteros Pythagoreos, Echecratem, Timaeum, Acrionem Locros, ut cum Socratem expressisset, adiungeret Pythagoream disciplinam, eaque quae Socrates repudiabat addisceret? Cur ipse Pythagoras & Ægyptum lustravit, & Persarum magos adiit? Cur tantas regiones barbarorum pedibus obiit, tot maria transmisit? Cur eadem Democritus, &c. In eodem, Quid de Pythagora? quid de Platone, aut Democrito loquar? à quibus propter discendi cupiditatem ultimas terras videmus esse peragratas.

PROGYMNASMA
OCTOGESIMUM OCTAVUM.

Studia politioris Humanitatis.

VERANNIVS, MVSÆVS Magistri.

VERANNIVS. Frequens excusi atq; pondera-
ui acutissimam illam, præclarissimamq; & perpau-
cis notam M. Tullii sententiam de doctoribus, qua
nihil verius dici potuisse confirmo: vt quisq; ingeniosis-
simus est, inquit, ita laboriosissime docet: quod enim i-
pse celeriter didicit, id cum alii tardius arripiunt, crucia-
tur. M. Nondum perspicio quorsum collimes. V. Atqui
nihil facilius. M. Ast ego Dauius sum, non Oedipus. V.
Ingeniū ego mihi quidem summū non arrogo; medio-
cre & infra suū detrahi ferrem paulò ægrius. M. Es-
to. V. Sed quanquam ingeniosissimus haud nuimerer,
hoc tamē narro tibi, me docere laboriosius: id est, cum
video quæ à me dicuntur arripi tardius à multis, cruciari
vehementius. M. Et mihi bilē coinmouent, quos ita de
iisdē rebus cogor docere in dies, velut si eandem incu-
dem perpetuo continenterq; tunderē. Qui, etsi meo iu-
dicio tam sapiens minime sum, quā fuit is, qui oraculo
Delphico mortalium sapientissimus est renuntiatus; at
stultitia certē quidem carere me confido: quæ quidem
consensu omnium philosophorum maius est malum,
quā si omnia mala & fortunæ & corporis ex altera
parte ponantur. Ita Cic. in 3. de nat. deor. scripsit. V. Si-
mili

mili fortuna utimur : tuorum plerique sunt hebetes, meorum pauci ingeniosi ac dociles. Proinde ex sententia philosophi nescio cuius, non iniuste magnam mercedem exegerimus ab utrisque : ab ingeniosis quidem, quod multa discunt: ab obtusis, quod multum molestiarum exhibent. Veruntamen communis hæc ludimagistrorum calamitas : communia autem tolerantè patienda sunt. Ingenium dare sibi nemo potest: sedulitatē & industriam potest quilibet. Quibus de rebus ante meridiem disputasti, in gymnasio? M. De illustribus. V. Sic reor equidem. De bello Troiano (quæ est materia in ore nostro frequentissima) aut de historia; aut de poetis fortasse. M. De nullo istorum. V. Quid suspendis me? quin rem dicis? M. Quoniam iuventuti trado literas humaniores, & hac voce nihil contritius, cum tamen eius ratio & subiecta vis nec à doctoribus nonnullis intelligatur, de studiis Humanitatis de industria disserui. V. Prudenter fecisti. Non multi abierunt dies, cum idem inter meos argumentum tractavi. M. Munere singulari abs te ornatum me putabo, si disputationis tuæ summam quandam, ipsaque capita recensueris. V. Faciam id ego, si tu priore loco sententiarum tuarum conficiam me feceris. M. Primò triplicem humanitatis significatum statui: post id causas attuli tres, ob quas hæc liberalissima studia isto nomine afficerentur. V. Quid tertio loco ostendisti? quanquam id opinione præcipio. M. Quàm latè paterent, quas artium facultates ambitu suo includerent. Postremò de iucunditate, utilitate, dignitate eorundem verba feci, & adolescentes ad ea toto pectore complectenda excolendaque inflamaui.

maui. V. Debitum tenuisti ordinem, via & ratio:
ne processit oratio. Cæterum animi & memoriæ caus-
sa rerum propositarum summam mutuo sermone
iteremus. Et sicut nautis de re nautica, de ventis ac
tempestatibus, agricolis de seminibus & frugibus, mili-
tibus de bello & armis audire, & colloqui cum volupta-
te mos est, ita nos de communi professione nostra, de
que suauissimis studiis, in quibus vterque iam pridem
versamur, vel sæpius in colloquium venire delectet. M.
Bene iudicas. Humanitas igitur in latina lingua idem
est, quod natura hominis, quodque ad hominem perti-
net, eiusque proprium est: hoc, inquam, totum huma-
nitatis nomine comprehenditur. Sic eos omnem huma-
nitatem exuisse dicimus, qui naturæ officia contempse-
runt, perinde ac si homines se esse quodammodo obli-
ti sint. M. Tullius agens de parricidio, quod à Sexto Ro-
scio filio commissum accusatores mentiebantur. Ma-
gna est enim vis humanitatis, inquit, multum valet cõ-
munio sanguinis, reclamationis huiusmodi suspicionibus
ipsa natura. Deinde humanitas est, quæ à Græcis
Φιλανθρωπία dicitur, dexteritas quædam & beneuo-
lentia erga omnes nobiscum naturæ societate fœdera-
tos, prorsus erga omnes homines morum facilitas &
suauitas, lenitas, placabilitas, mansuetudo. Sic Cice-
ro scripsit difficillimum esse societatem grauitatis cum
humanitate. Idem laudat nescio quem, qui
summam seueritatem cum summa humanitate
coniunxerit. Sequitur tertia notio, qua capitur pro e-
ruditione & institutione in bonas artes: Græci *παιδείαν*
vocat. Cicero. Homo non habes, neque inexercitatus,
neque

neque communium literarum, & politioris humanitatis expers. Et alibi: Omnes artes, quæ ad humanitatem pertinent, habent quoddam commune vinculum, & quasi cognatione quadam inter se continentur. Testis item à Gellio adducitur, M. Varro, qui sic usus est hoc verbo, libro rerum humanarum primo. Praxiteles qui propter artificium egregium nemini est paulum modo humaniori ignotus. Humaniori, inquit, non ita ut vulgò dicitur, facili, & tractabili, & beneuolo, tametsi rudis literarum sit (hoc enim cum sententia nequaquam conueniret) sed eruditiori doctiori que, qui Praxitelem quis fuerit, & ex libris, & ex historia cognouerit. V. Perspicue diserteq; docuisti, quæ huic vocabulo notiones subiicerentur. Mea porro opinio est, ab illa prima fluxisse alteram, & ab hac tertiam. Quia enim ad humanitatem, id est, ad naturam hominis vehementer pertinent lenitas, mansuetudo, comitas, idcirco ea communiter humanitatis nomen acceperunt. Certè homines iracundos, agrestes, inurbanos, duros, implacabiles, vix in hominibus, sed in belluis magis numerandos arbitror. Et quoniam, qui istas, de quibus sermo à nobis susceptus est, literas studiosè colunt, comēs, faciles, tractabiles, iucundi & suauēs euadunt, propterea ipsi mereruditioni, ab effectu scilicet, hoc nomen impositum mihi videtur. M. Extra controuersiam est huius elegantissimæ doctrinæ alumnos humanitatis laudē excellere. Habet enim eam vim ac potestatem, ut quamuis naturam, quoduis ingenium inolescere, mollescere, ac mansuescere, cogat: & ut quisq; ab ea felicissimus, ita est facillimus atque lenissimus. Testimonium petere possu-

inus

inūs ab Ouidio, ingenioso ac pererudito poëta duplex.
Primum est.

Addē quod ingenuas didicisse fideliter artes;

Emollit mores, nec sinit esse feros.

Alterum.

Artibus ingenuis (quarum tibi maxima cura est)

Pectora mollescunt, aasperitasq; fugit.

Sit ergo hæc prima causa, cur hæc vox ad ingenuas artes significandas sit accomodata. Secundam video à nonnullis afferri; quod nemo ferè nisi placabili & mansucta præditus natura, & ab omni inotione feritatis aliena, possit in hanc partem studiorum placidissimam pulcherrimamque incumbere, & eius cupiditate incendi. V. Nec isti rationi sua deest probabilitas; humanas; siue humaniores appellari literas; quando eas ferè non nisi humani, id est, lenibus & natura & mansuetis ingeniis ornati homines consectantur. Vel igitur quia faciunt humanos, vel quia non patiuntur nisi humanos, ideo humanitatis nomen sortiuntur. M. Adiungam his tertiam ex A. Gellio, apud quē ita scriptum est. Huius enim scientiæ cura & disciplina ex vniuersis animantibus vna homini data est, idcirco Humanitas appellata est. V. Hoccine Gellius? M. Etiam. Sed quod bona cum venia tanti scriptoris liceat mihi dicere, cum neque istarum, neque aliarum artium, vt Mathematicæ, Medicinæ, Iurisprudentiæ, Philosophiæ, Theologiæ participes sint aliæ animantes præter hominem; si quid hæc ratio valeret; eadem illæ quoque quas recensui disciplinas, Humanitatis nomen ferrent. V. Rectè argumentationem concludis; non placet hæc

hæc vltima caussa. Quibus autem finibus, quibus terminis Humanitatem circumdas ac circumscribis? M. Grammaticis (quo nomine duarum linguarum, Græcæ videlicet ac Latinæ acerrimum, & admodum latè patens studium intelligo) poëticis, oratoriis, historia siue antiquitatis notitiæ, dialecticis, & morum philosophia. Non quidem his solis, sed his potissimum. V. Multa hæc, imò infinita complectuntur. M. Nec solum vniuersa, sed singula: quod nōrunt optimè, qui longiùs discendo progressi sunt. V. Peruenimus ad disputationis tuæ quartum caput, quo istorum laudes celebraſti. Si otium superest, quæſo, strictim quædam repete: non enim te audiendo fatigari possum. Quid enim agam nunc aliud? aut in quo vtiliùs hunc diem possum consumere? M. De laudibus harum literarum puto abs te orationem habitam. Quare tu mihi exponas licet, quibus argumentis earum dignitatem, suauitatem, vtilitatem ostenderis: multò enim eruditiùs elegantiusq; id præstitisti quàm ego possim. V. Falsus animi es: vituperatoribus enim humanitatis respondi tantum. M. Eam ipsam responsionem fuisse laudationem dico: quippe cum studia hæc nostra maximè defenduntur, & à contemptu vindicantur, tum maximè commendantur. Incipe Verranni, fac promissa, libera fidem. V. Quoniam premissis, & acriùs instas mihi, accipe: alieno vtī nihil moror. Criminationem istorum in quatuor diuisam esse partes, & quodammodo quatuor tela in nos iaci animaduerto. Hoc genus studiorum leue, inane, ac nugatorium ducunt: quod qui profitentur, nequaquam graues difficilesque labores suscipiant.

Ex

Ex eo deinde haud ita admirabiles utilitates ad Reipublicam peruenire censent, cum eius doctores interiore, & singulari eruditione præditi non videantur. M. Probè reip. percepi, & quatuor illa, de quibus dixisti, capita accusationis planè video. Aciem igitur tuam contrà sic instruxisti; ut munus nostrum & grauissimum, & multis difficultatibus plenum esse, nosque & commodare plurimum ciuitatibus, & partes nostras sine variis, multisque literis tueri neutiquam posse demonstrares. V. Hæc ipsa docui Musæ. M. Potuitne ergo magis collaudari Humanitas? V. Potuit ab alio me disertiore & doctiore. Tamen cum hæc studia mihi fatnam aliquam celebritatemque in hac urbe peperissent, decere existimaui, ut ipsis vicissim pro virili mea aliquid splendoris conciliarem. M. Iure. V. Valde ad nos deformandos mouet aduersarios, quod non ita præmiis & honoribus mactari conspiciunt in hisce studiis, ut in medicina, & iure ciuili sese collocantes: quæ quidem hoc tempore sunt artes duæ quæstuosissimæ. Nullis in negotiis, deliberationibusque arduis consilium nostrum postulatur, non componimus ciuium controuersas, non agimus causas, nemini salutem damus. Proinde nos arbitrantur tantum versari in figmentis poetiis, quibus auditorum nostrorum animos hilaremus: & in aliquot faciendæ ornandæque orationis præceptuliculis operam consumere: quærere quæ fuerit mater Hecubæ, quid cantent Sirenes, quot remiges Vlysses habuerit: Æneas à naui egrediens, utro pede Italiam tetigerit prius: Anacreon vinosior, an libidinosior, Homerus an Hesiodus antiquior fuerit. Hanc es

se eruditionem nostram : quæ nequē si adsit, vllum emolumentum, neque si absit, vllum detrimentum communi generet: dialecticē, physicē, philosophiam moralem maximas vtilitates parere aiunt, idque ipsum verbis docent. M. Audire gestio confutationem tuam. V. Etiam si assentiremur hoc verbis, inquam, nihil nos nisi poëticas fabulas, & orationis perpoliendæ præcepta tradere, non liceret tamen concludere, hanc nostram doctrinam quiddam inane, & ad puerorum tantummodò aures, animosque demulcendos idoneum esse, nec vllum artibus nostris cum Philosophia commercium intercedere. Non sunt enim otiosorum hominum commenta duntaxat istæ poëtarum fabulæ, vt vos calumniamini: quin tanquam integumenta omnem liberalibus ingeniis decoram cognitionem, sapientiamque omnem complectuntur. Nunquāne illud Maximi Tyrii legistis? Quid aliud est poëtica, inquit, quàm philosophia, tempore quidem vetusta, compositione metrica, sententiis mythologica, ac fabularum inuolucro tecta. Plato & Aristoteles quàm studiosè Homerum legerunt: quàm sæpe eius testimoniis ad res suas confirmandas vsi sunt? Ipse Plato poëtas modò sapientiæ patres ac duces, modò Deorum interpretes, modò Deorum filios appellat. Cùm igitur poëtas interpretamur, sementem quodammodò virtutis, atque doctrinæ facimus. Cùm autem quo pacto aptè, distinctè, ornatè, copiosè, planèque oratoriè loquendum sit præcipimus, ea docemus, quæ semper in omni libera ciuitate, beneque instituta, & optimis temperata legibus Repub. plurimū valuerunt. Quis ignorat vim eloquentiæ, quantumque ipsi

ipsi à sapientibus semper tributum sit? legite quæ à Crasso in 1. & ab Antonio in 2. de oratore grauissimè sapientissimèque dicuntur, & à nobis eius facultatis artificium petendum intelligite. Quòd si hæc duo tantum tractaremus, & hoc solùm à nobis postularetur, tamen nec leuibus in rebus industriam nostram exerceri; nec parum nos prodesse hominum societati iure affirmaremus. Nunc attendite paulisper, quantum opinione vestra aberretis, & quanto perè fallat vos sententia. Nulla est ars ingenio apta homini, cuius non aliqua cognitione imbutum esse oporteat eum, qui cum laude hoc munus velit administrare. Alii eos volunt & tractant scriptores, quorum vno aliquo genere disputatio continetur. In libris quippe dialecticorum, physicorum, medicorum, iurisperitorum haud ferè inuenias, cuius intelligentiam non ex illis ipsis, de quibus inscripti conscriptique sunt artibus petere queas. Nobis si sunt explicandi libri, qui cum à viris omni scientia instructissimis confecti sint, ipsi quoque innumerales locos ex omni disciplina depromptos habent. Cæteri si vnâ illam artem tenent quam docent, aliarum sint omnino imperiti, atque rudes, existimantur tamen munus suum præstare posse: nec medico vitio datum est nescire leges, aut iurisperito ignorare medicinam, aut astrorum rationem: nos vni sumus, quibus omnis illa artium magnarum liberaliumque varietas non pertractanda quidem ac pernosceda penitus, sed degustanda certè & delibanda est necessariò. Itote nunc, nullamque eximiam in Humanitatis doctoribus scientiam inesse blaterate. Pergite iam in odium contem-

ptumque nos trahere, vt qui nullo commodo fimus
Reip. qui nullos labores perferamus, quique nugas tan-
tū venditemus. Fateor me breuem fuiſſe. Atq; hoc id-
eo, quod non defunt, qui de hoc argumento vōs plura
& melius doceant. Hæc, Muſæ, capita ſunt deſenſionis
inæ. M. Niſi me domum reuocarent negotia, pluribus
tecum agerem: naſcetur alia occaſio. Vale. V. Mi Mu-
ſæ, tu quoque.

ANNOTATIONES.

STVDIA POLITIORIS HUMANITATIS)
Cic. vocat artes, quæ ad humanitatē pertinent. Præ-
terea, artes, quibus puerilū atq; ad humanitatem infor-
mari ſolet. Item politioſiorem humanitatem, & virum hu-
manitate politum. Docti ſapenumero ſtudia humanita-
tū, liberalia, optimarum artium ſtudia, liberalem, inge-
nuam doctrinam, artes ingenuas. DAVVS SVM, NON
OEDIPVS) Ita ſeruus apud Terent. Andr. cum ſenex ob-
ſcurius, & quaſi anigmata loqui videretur, vt proinde o-
pus eſſet aliquo Oedipo, Notum eſt anigma apud Thebas à
Sphinge propoſitū de eo quod manē quatuor pedibus in-
cederet, meridie duobus, vesp̄eri tribus, quod quidem
Oedipus diſſoluit. Plaut. Pœnulo.

Nam iſti quidem hercle orationi Oedipo

Conſeſſore opus eſt, qui ſphingi interpres fuit.

SVMAM QVANDAM) ἀνακεφαλαιῶν Græci eſt bre-
uiter ſummatim, rem in ſumma quadam repetere, capi-
tulatim, ſeu per capita iterare antè dicta. In ſcientia nu-
merorum eſt in ſummam colligere ac redigere, ἀνακεφα-

λαιῶσις

λαίωσις est summaria repetitio. Sic potius dicam, quàm recapitulatio, & saepe utar libentiùs duabus, aut tribus vocibus aut latinis, aut latinioribus, quàm vna inquitua, & veteribus inauditum: modò obscurus ne fiam. Nam si quid ego iudico, praestat barbarè loqui. quàm obscurè loqui. Obscuritas autem aliquando dicentis, aliquando audientis culpa contingit. ADDE QVOD INGENVAS) Cic. ad Q. F. lib. 1. epist. 1. Cuius natura talis, ut etià sine doctrina videatur moderata esse potuisse: ea autem adhibita doctrina est, quæ vel vitiosissimam naturam excolere possit. Similè sententia extat apud Plat. in extremo tertio de Repub. QVOD NON DESUNT) Agminis nostri duces & Imperatores, Victorij, Mureti, Sigonij, Amasei, quod sciam, de studiis Humanitatis luculentissimas orationes reliquerunt, quæ calumniatoribus ora obstruere, & ad funem reducendum eos cogere poterunt. Nos è Mureto quadam saltuatim decerpimus.

XXXXXXXXXXXXXXXXXXXX

PROGYMNASMA

OCTOGESIMVM NONVM,

M. Tullius Cicero.

CHRYSOSTOMVS. GLAPHYRVS.

CHRYSOSTOMVS. Nunquam tam manè, neque tam serò te conuenio, Glaphyre, quin legentem aliquid, affixumque libro offendam.

dam : vt tibi illud Plinii penitus in animo infedisse videatur : Omne tempus perire sibi dicebat : quod studiis non impenderet. Cum autem ex te percunctor, quid auctoris euoluas, raro alium præter M. Tullium nominare soles, cuius modò epistolas, modò *τεχνικά*, seu præcepta oratoria, modò orationes, modò *φιλοσοφείμνα* manu tenes. Facere nequeo quin te mirer. G. Cur mirare? C. Nam cum impendio non modico bibliothecam tibi construxeris, possideasque scriptores & eruditione præcipuos, & elegantia non contemnendos, eosque propè innumeros, quid est quod vni huic tam fixè pertinaciterque inhæres, vt ab eo diuelli non possis? Crantor philosophus de poetis excolabatur Homerum & Euripidem : hic tibi vnus præ omnibus in amore ac deliciis est. G. Nicostratus pictor Zeuxidis Helenam cum admiraretur, eum quidam interrogauit, quid ita tam vehementer illam picturam suspiceret? Non interrogasses, inquit ille, si meos oculos habuisses. Nec tu me Ciceroni adeò deditum mirare, si in eo videres, quæ ego videre cœpi, si meos, inquam, oculos haberes, non me etiam ipse interrogares. Me istuc factitare quod obliuiscis fateor, atque etiam profiteor, & præ me fero : & quo magis facio, eo minùs fecisse pœnitet : quantoque ampliùs & diutiùs hunc suauissimum saluberrimumque cibum comedo, tanto maior me stimulat esuries, illiusque vehementiore desiderio exardesco, sumque in dolore ob eam rem grauissimo, quòd diuini huius, ac cælestis ingenii monumenta, à quo tot magnarum, optimarumque artium probè percepta fuit, & præclarissimis literis explicata doctrina,

strina, nec omnia ad nos peruenierunt, & quæ peruenierunt, nec integra sunt, nec adhuc satis clara & emendata: id quod eius studiosi tantum non quotidie experiuntur. Et quis tandem est *ἐκ τῶν φιλολόγων*, qui non vnum saltem alterumue locum emaculet, corrigat, sanet, illustret, declaret, castiget, restituat, purget, defendat? his enim verbis, idemque valentibus multis in ista re vtuntur. C. Hæc tria, primum potissimè cum T. Liuius, Varrone, poetis, plurimisque non spernendis scriptoribus antiquis, tum Latinis, tum Græcis ipsi commune est: quorum labores & vigilas aut edax tempus, inuidiosaque vetustas nobis abstulit: aut barbarorum Italiam & Græciam depopulantium furor, & immanitas deperdidit. Deum immortalem quas gazas? plus quàm Pactoli opes, plus quàm talenta Pelopis. Ac si tantis copiis fortunisque indignissimè spoliati, nihilominus tam exaggeratas adhuc eruditionum diuitias retinemus, qualis quantaque extitisset nostra felicitas, si tot librorum lectissimorum millia seruata fuissent? Veruntamen tu reliquorum auctorum vicem parum sollicitus, vnus casum iacturamque inprimis dolenter pateris & lamentaris, cuius amore percussus es supra omnes. G. Equidem Ciceronis vnus, qui mihi est pro centum millibus, amore percussus sum, vt dicis. Iam si amare, ex quo amicitiae nomen dictum est, nihil est aliud, vt hic idem docuit 2. de Finibus, nisi velle bonis aliquem affici quàm plurimis, etiamsi ad se ex iis nihil redeat, nonne mihi optandum inedullitus, vt extent de Repub. de consolatione, de temporibus suis, Hortensius, cæteri que libri latinæ linguæ, & eloquentiæ Ro-

manæ parentis, omni doctrinæ elegantiaque refer-
tissimi: ut quancquam ubique terrarum iam pridem
adeptus est amplissimam, tamen longè ampliorem
adhuc laudis & gloriæ celebritatem adipiscatur. C.
Peruellem ego quoque extarent tam præstantis
ingenii, tamque sapientis & clari hominis opuscula
reliqua: sed ea aut nostram, aut posteritatis memoriam
aliquando visuram, cum hætenus tanto interuallo
temporis prolata non sint, desperandum opinor. Hic
ego immortales gratias habendas illi statuo, qui ab hinc
septennium Consolationem, aureolum profectò libel-
lum è tenebris vetustatis in lucem eduxit, & desidera-
tionem tot amissorum librorum vnus inuentione
quoquo modo leniuit. G. Ha ha ha: simplicitatem
spectate huius mei Chrysostomi. C. Ride, & de-
ride ut lubet, me de sententia non detrudes. G. Quid?
tu illum commentariolum è Ciceronis officina proces-
sisse? quid? tu illius ingenii extra omnem ingenii aleam
positi, tu facundiæ literarumque parentis foetum esse
credis? C. Quid ni credam? ita prædicant. G. Ita præ-
dicant? ô inscitiam, ô impudentiam. Quis inuenit? ubi
inuentus est? qua occasione? quo modo? quo anno?
cur nullæ lacunæ? cur nihil usquam imperfectum?
cur nullam cariem? cur blattas ac tineas nusquam
sensit? usque ad eone oleo cedrino illum perunxerant?
omnia plena, integra, nihil mutilum, nihil situ exe-
sum, nulla litera fugiens, omnia expeditissima, qua-
si tum primùm scriptus esset, cum est repertus. C.
Mouerunt me principio ista quæ opponis, & mi-
rabar sine vlla præfatione, sine emendatione, sine vlla
annotatione tot annorum centuriis sepultum pro-
ferri

ferri librum. Ast omnem postea scrupulum Caroli Sigonii, hominis in antiquitate perscrutanda diligentissimi & eloquentissimi, orationes duæ inhi exemerunt, quibus eum & à Cicerone confectum, & partum suo parente dignum esse demonstravit. G. Errorem haud leuem in extrema senectute obiectum Sigonio, & Consolationem istam esse supposititiam, ex frustulis per totum Ciceronem è germana illa consolatione dispersis contextam, imò ex 1. Tusculana magnam partem descriptam, inflatam nimis & grandiloquam, suauitatis, & diuinæ illius dulcedinis, quæ pollet in consolando tenera mollique natura præditus M. Tullius, prorsus expertem, & aliis præterea vitiis laborantem, complures postea eruditi homines minimè dubiis rationibus conuicerunt. Sed me reprimam, nec vagabor in hac opinione refutanda longius. Nam ut est apud Arnobium, aiunt sana sentientes, cōtradicare rebus stultis, stultitiæ esse maioris. C. Quando tu isti libello non temerè, sed ad probandum firmis argumentis, complexionibusque confisus, quod animaduerto, tanquam eimentito hæredi, & impostori, Ciceronianæ dignitatis, nobilitatisque patrimonium negas, cur ego asseram? aut cur eius patrocinium suscipiam, si cum Sigonius, (qui vir?) defendere, siue ut dicam rectius, cooptare in familiam Tullianam toto, ut aiunt, corpore neruisque omnibus connisus non potuit? Tuum porro iudicium in completendo, & in oculis atque in sinu semper gestando Tullio nequaquam reprehenderim: velim nihilominus ad meam vtilitatem eiusdem iudicii tui amorisque tam inflammati causam ex te cognoscere. G. Non tu mihi

mihi imperterritus, animæque prodigus miles videris. C. Quidum? G. Quia cum vix adhuc signa cecinerint, relicta parinula meorum armorum aspectu tremefactus te fugæ mandasti. C. Ego non contremiscam? ego non fugiam? primo congressu impetratorem meum dedisti ad necem: & parcemiam nosti veterem: cæso duce fugantur milites. Nec verò si quis mihi hanc fugam exprobrauerit, responsurus sum quod ille è prælio apud Cheroneam fugiens, qui ignominiae causa ἐις φάσπιν est cognominantus, respondisse fertur: ἀνὴρ ὁ φεύγων καὶ πάλιν μαχέσθαι. Qui fugerit, rursus ille præliabitur. Sed ad incepta redeamus. G. Multitudo, Chrysostome, lectitantium Ciceronem, imitarique conantium, ipsa insuper experientia, variusque fructus, quem mihi ex eo tot annis diligenter etiâ atque etiam lecto, ac pene contrito collegisse videor, ipsam mihi penitus penitusque commendauerunt, hæretque mihi in venis, in medullis. Quæ enim schola est in tota Europa, immò in Asia, & Africa quoque, in qua quidem latinus sermo doceatur, cuius parietes nō quotidie vocibus Ciceronianis personent? quis magistrorum non mille colaphis puniendus censeatur, si Cicerone careat, cum Alcibiades tam ægrè ferendum sibi putarit, magistrum illum, in cuius ludum intrauerat, carere Homero, ut manum ab eodem verberando abstinere nequiverit? quis autem scholasticorum non unum saltem atque alterum eius librum tenet in capsâ sua, si omnes præ nummorum penuria non possit emere? quis est qui se studiosum literarum dicere audeat Ciceronis ignarus? quis non sibilis conscindatur, qui

qui se hunc non curare, nolle imitari, non nimis
dictionem eius probare præ se ferat? quis tot in-
terpretes, tot scholiastas, tot correctores, tot expli-
catores & illustratores, tot etiam admiratores, enco-
miastas & præcones inuenit? in quo toties recudendo
typographi, toties vendendo bibliopole, toties colligan-
do bibliopegi occupati & sunt, & fuerunt, & erunt? C.
Manifestiora sunt hæc, quam ut ea neget vel impuden-
tissimus. In quo autem tibi tantum emolumentum pepe-
rerit, ac mihi, aliisque sui amantibus parere possit, ve-
lim pro nostra inueterata coniunctione ostendas. G.
Non dubito quin multa & sæpe de illius viri laudibus le-
geris. C. Multa equidem, & frequenter legi. G. Ea
ipsa quid in eo quærere, quo pacto eius opulentia rem-
tuam augere deberes, utcumque docendi te vim ha-
buerunt. C. Habuissent: verum cum ea legerem, non id
cordi erat, ut in alumnis, & clientibus Tullianis nume-
rarer. G. Quid ergo? C. Tantummodo ut liberali doctri-
na augerer: bonæque latinitatis instrumento domum
meam exornarem atque instruerem: qui omnium pro-
pè in literis versantium communis est finis. Et si verò
non pauci sunt qui se ad exemplum Tullii effingere
laborant, non ita multi tamen illius effigiem, virtutem-
que assequuntur. G. Hoc ideo fit, quia stylum eius probe
cognoscere, & de eo scriptore iudicium ferre non
est cuiuslibet: deinde rationem certam ac veram eo quò
intendunt perueniendi non observant: in qua præ-
scribenda videmus quosdam studium posuisse. C. Me-
mini me in eiusmodi commentariolos incidere,
quos duabus de causis voluere supersedeo. Primum
quia

quia ferè non persequuntur nisi exilia quædam & minuta, atque ad solam elocutionem spectantia: perinde quasi eloquentia, cuius perfectus ad vnguem, absolutusque magister & dux Cicero proponitur, non etiam aliis partibus contineretur. Deinde, quia præcipiunt, quæ in ipsorum oratione, cum aliquid scribere aggressi sunt, non elucet: est enim horrida plerumque ieiunia, dissoluta, incompta, plena ruris. Ciceronis autem plena succi, plena suauitatis, plena cultus, æquabiliter fluens, aptis illigata numeris, multisque distincta luminibus. Quare tacite illos iubeo in suum ipsorum sinum inspuere, & cum se purpuram vendere profiteantur, à semetipsis quoque lumere, non aliunde queritare exemplum quod mihi exhibeant. G. Mitto inus horum institutum in præsens. Quid mihi Cicero meus contulerit, malo ab aliis, & aliquando abs te ipso (quando nimirum planius eum exploratiusque noveris) cognosci, quam à me non sine arrogantiae suspicione enuntiari. Alterum illud, quid nempe tibi cæterisque scripta M. Tullii utilitatis afferre possint, spero te ex ore meo hodie intellecturum. C. Aures admoueo percupidas, meque regalibus epulis abs te acceptum iri diuino. G. Verissimè. T. Liuius de Cicerone: in eius viri laudes, sequendas ipso laudatore opus fore. Quod non solum de rebus illius præclarissime pro salute & incolunitate Reipub. gestis, tolerataque morte, verum etiam de eximia, & omnibus sæculis prædicanda eloquentia interpretandum scias: quæ quidem eodem ipso teste, ex plurimarum maximarumque rerum cognitione efflorescit ac redundat, & est copiose loquens sapientia, &

vnum

vnum quiddam ex multis artibus, scientiis, studiis-
 que conflatum atque collectum. Quamvis istuc
 admirationem habet: eum qui quinto & vicesimo
 ætatis anno intra iudicium subsellia versari, ad caus-
 sas priuatas atque publicas adire cœpit, omne reli-
 quum vitæ suæ tempus honorum, magistratuuinque
 perfunctione, vrbani seu domesticis, prouincialibusque
 negotiis, longissimis creberrimisque itineribus transmi-
 sit, nihilominus ita multos, ita rebus & verbis singulares
 edere libros potuisse? Quid tibi hæc inter tantas cor-
 poris animique contentiones *πλυγερφία*, quid, in-
 quam, aliud indicare videtur, nisi vehementissimum, in-
 citatissimumque studium, summum, & ab omni lau-
 de felicissimum ingenium, scientiarum copiam, exer-
 citationem maximam, memoriam penè diuinam? C.
 Sæpe illi vigilatas noctes existimo, & sententias aliquot
 recordor, quibus incensum in literas amorem suum
 testatus est: quæ ipsi cum delectationi in secundis,
 tum solatio in aduersis, in grauissimis nempe illis Rei-
 publicæ tempestatibus, priuatisque incommodis fue-
 runt. Me, inquit in epistolâ, à prima ætate omnis ars, &
 doctrina liberalis, & maxime philosophia delectauit.
Pro Archia. Quis tandem mereprehendat, aut quis mi-
 hi iure succenseat, si quantum ceteris ad res suas obeun-
 das, quantum ad festos dies ludorum celebrandos, quan-
 tum ad alias voluptates, & ad ipsam requiem animi &
 corporis conceditur temporis, quantum alij tribuunt
 tempestiuum conuiuium, quantum denique aleæ, quantum
 pilæ, tantum mihi egomet ad hæc studia recolenda sum-
 psero? In primo autem de Oratore. Ac fuit tempus illud,
 cum

cum mihi quoque initium requiescendi, & animum ad
vtriusque nostrum praeclara studia referendi fore, iussisti
& probe ab omnibus concessum arbitrarer. Sic initio Tu-
sculanarum. Cum defensionum laboribus, senatoriisque
muneribus: & quae sequuntur. Ad Atticum: Ego, hic
duo magna *Κυρίαματα* absolui: nullo enim alio modo
à miseria quasi aberrare possum. Ad Messinium, lib. 5.
ad familiares: Itaque, ut eodem perfugio; quo tibi uten-
dum censeo, literulis nostris. Et ad Appianum Balbum;
lib. 6. Sed est vnum perfugium, doctrina ac litera, qui-
bus semper vsi sumus: quae secundis rebus delectationem
modò habere videbantur: nunc verò etiam salutem. Et
sexcentis praeterea locis per illos epistolàrum libros. G.
Qui aetatem omnem, procul à Reipublica abundantes
ingenio, doctrina & diligentia homines in literis habue-
runt, tam multa certè mandare chartis superuicturis nò
potuerunt. C. Tibi istuc assentior, est enim apertissi-
mum. G. Leges tu quidem Latinos scriptores om-
nes, si me audias, & leges quàm diu volēs: hunc vnum
imitaberis, quem ut transeundi spes non sit, magna ta-
men est dignitas subsequendi, de quo multò iustius
quàm de Epicuro canetur:

*Qui genus humanum ingenio superavit, & omnes
Praestinxit stellas, exortus vti atherens sol.*

Siquidem alios vniuersos in omni dicendi genere lon-
ginquo post se intervallo reliquit.

quid enim contendat hirundo

*Cygnis? aut quidnam tremulis facere artibus hœdi
Consimile in cursu possint, ac fortis equi vis?*

Hinc

Hinc copiam & vbertatem, hinc breuitatem, hinc grauitatem, hinc suauitatem, acrimoniam, perspicuitatem, subtilitatem, mediocritatem, magnificentiam petas. Ad ingenia illustria limanda, perpolianda, & alenda nemo aptior: nec est quisquam, quem ille non ut rebus doctiorem, sic oratione splendidiorē ab se dimittat. Hic vnus merito gnomon quidam, & regulā in verbis deligendis statuatur, quam esse originem eloquentiæ Cæsar scripsit. Abiecta, obsoleta, dura, aspera, impropria, longius ducta, obscura in eo nulla. Contra autem dilucida, plena, sonantia, illustria, iucunda, magnifica, propria, vsitata, pura, numerosa omnia. Proinde si rectè ratiocinaberis, huic vni præoptabis te similem, quā in aliis superiore in esse. Caue autem idem facias illis, qui quoties aliquid arrogantius ab eo dictum inueniunt, quoties ille se auidum gloriæ confitetur, miserum reprehendunt: cum nos non mores, sed linguam & doctrinam in ipso quærere potius, & ista collaudare imitationēque pro viribus exprimere, illa dissimulare debeamus. C. Vellem tecum sensissent, qui oppugnare imitationem Ciceronianam, ut gigantes cælum, non horruerunt. G. Non curat Hippocrides quid illi mastiges fabulentur, Zoilosque & Andabatas nec pili facit. Cicero noster omnium doctorum suffragiis in omni sermonis virtute primas tulit: quem quidem è Græcia Romam reuersus, cum ingentes sibi copias ex facundissimæ, & eruditissimæ gentis illius copiis collegisset, ita excoluit, ornauit, amplificauit, ut iam Græcis ipsis non adeo multum concedamus: cum quibus ipse de dicendi gloria tam felici Marte di-

micauit, vt de iis trophæum constituerit. C. Quoniam de copiis è Græcia Romam transportatis mentionem iniecisti, occurrit animo præclarum illud testimonium, quo Apollonius Molo, quem Romæ bis audierat prius, & cui se Rhodi postea recoquendum dedit, cum tota Asia peragrata, cum summis se oratoribus exercuisset, cohonestasse Ciceronem dicitur, cum eum græcè eloquentissimè orantem audiuiisset. Nam cum cæteri omnes qui tum aderant obstupuis-
sent, Ciceronemque certatim extollerent: Apollonius neq; dum audiret hilari visus est, & postquam ille perorauit, diu tristis attonitoque similis cum sedisset, tandem aliquando: te quidem Cicero laudo, inquit, & admiror: sed me Græcorum fortunæ miseret, cum videam doctrinam & eloquentiam, quibus bonis iam solis beati eramus ad Romanos per te translatas esse. G. Fuit sanè præclara vox illa Græci doctoris, eamque postea euentus coinprobauit. Quamuis igitur meritò præferendus videatur omnibus, qui domi forisque Rempub. probè administrarunt, quod illi partes aliquas iuuerunt, hic simul vniuersam conseruauit, posuitque tanto iustitiis secundus appellari Romulus, quàm Catmillus, qui paruum adhuc, & angustum restituit, cum hic tantoperè auctum amplificatumque imperium è faucibus fati eripuerit: tamen quod Cæsar de eo scripsisse proditur, ad gloriam illi maius est. C. Quid scripsit? G. Ciceronem omnium triumphorum lauream adeptum maiorem, quanto plus est ingerit Romani terminos tantum promouisse quàm imperii. Nec illa non certissima sunt, quæ vir literis Græcis & Latinis iuxta atque doctis-

simè

sumè eruditus, atq; in Ciceronianis scriptis multum diu-
 que exercitatus de eo magnificè protulit. C. Quænam
 G. Strictum, & ex multis paucissima tibi recitabo. C.
 Animo arrectus sum ad audiendum. G. Ex hoc tanquam
 vberissimo omnium doctrinarum atque artium fonte, siue
 grammaticū aliquid, siue rhetoricum, siue dialecticum,
 siue historicum, siue poëticum, siue geographicum, siue æ-
 conomicum, siue morale & politicum, siue physicum, siue
 geometricum, siue musicum, siue astrologicum, quidquid
 deniq; ad vllam artem libero homine dignam pertinen-
 requiras, hinc tibi assiduo haurire licebit. Ab hoc discunt
 pueri, senes privati, magistratus, rustici, urbani, miseri
 & calamitosi beati & fortunati, pauperes & egentes, di-
 uites & abundantes, ignobiles & obscuri, nobiles & cla-
 ri viri: ab hoc militares & sagati, ab hoc pacis alumni &
 rogati, ab hoc infimi & humiles, ab hoc viri excellentes &
 principes. Deniq; nemo est mortalium cuiuslung, sit vel
 atatis, vel loci, vel ordinis, vel fortunæ, vel studij, vel na-
 tionis, quin à Cicerone & melior & doctior fieri possit.
 C. Agnosco laudationem. Iure sibi illum tantis lau-
 dibus ornandum sumpsit, à quo fuit ipse tam eximie ex-
 cellenterq; ornatus. Et par esse duo, vt omnes animi in-
 genijque vires, in eo deprædicando profundant, quibus
 ille tantum quantum huic profuerit, cuius verba mō-
 dō recitabas. G. Num. Victorii, Sigonii, Mureti, Ma-
 nutii, Corradi, quos Germanos Tullii discipulos appel-
 lare possis, scribendi elegantia atque munditia, & eru-
 ditionis varietate magistrum suum non valde cominen-
 dant. C. Maxime cominendant. Ad ea posthac exem-
 plaria

plaria respiciam, versaboque Ciceronem non paulò di-
 centius, & aliquam eius similitudinem in meam ima-
 g. ut Zeuxis, transferre annitar. G. Gaudebis
 fruct. cuius diligentiae tuae magis, quàm si quis tibi re-
 gnum donauisset. Sed cum initio Tullianos libros in
 4. ordines distinxerimus, auésne audire quo sese pacto
 in singulis gesserit, qualémue se præstiterit, & quanto-
 perè in hac rerum scriptorumque diuersitate excellue-
 rit? C. Nihil utique malim: & te rogo, hoc bellum in
 meam gratiam milites. G. Militabitur.

ANNOTATIONES.

QVI cognoscere cupit quantus in doctrina & eloquē-
 tia vir fuerit M. Tullius, & quàm eximiè tanquam
 à buccinatoribus suarū laudum cantatus sit, legat *Quin-*
til. lib. 1. c. 1. sub finem Praef. Lamb. in eius editionem.
Plin. lib. 7. cap. 30. QUID EST QVOD VNI HVIC
TAM FIXE) Sunt qui libros quamplurimos commer-
 cantur, eosq; non legunt. Ii tam docti euadent, quàm ci-
 tharædi, si multas emiant citaras, quas domi ad parietē
 suspendant, & quotidie intueantur. Sunt qui sine delectu
 ac discrimine per varios scriptores vagantur, & circum-
 cursant, creduntq; multa & varia legendo se doctos fore.
 Isti solliciti sunt ut multa ingerant, nō etiā ut digerant,
 quæq; legunt in suū succum sanguinemq; conuertant. Au-
 diamus quid Seneca statuatur de legendi auctoris. ep. 2.
Est enim res magni momenti, & scitu necessaria studio-
sis, ne tempus, quod nunquam redit, malè conterant, &
se se frustra macerent. Illud vide, inquit, ne ista lectio multos
rum

rum auctorum, & omnis generis voluminum habeat aliquid vagum & instabile. Certis ingenis immorari & innutiri oportet, si velis aliquid trahere, quod in animo fideliter sedeat. Nusquam est, qui ubique est. In peregrinatione vitam agentibus hoc euenit, ut multa hospitia habeant, nullas amicitias. Idem accidat necesse est iis, qui nullius se ingenio familiariter applicant, sed omnia cursim & properantes transmittunt. Nihil aequè sanitatem impedit, quàm remedium crebra mutatio. Non coalescit planta, quæ sæpe transfertur. Nihil tam utile est, quod in transitu proficit. Distrahit animum librorum multitudo. Itaque cum legere non possis quantum habueris, sat est habere quantum legas. Probatos itaque semper lege: & si quando ad alios diuertere libueris, ad priores redi. Idem epist. 45. Non refert quàm multos libros, sed quàm bonos habeas. Lectio certa prodest, varia delectet. QVAS GAZAS) Persia vox gaza pecuniam regiam significat. Curt. lib. 3. Gazam Persæ ararium vocant. Utuntur hac voce Cic. Virg. AMORE PERCVSSVS SVM) Percussit idem valet, quod permouit & affecit. Cic. ad Att. lib. 4. Percussit animum. Sic Terent. And. Percussit illico animum. Horat. Ode 7. lib. 1.

Me nec tam patiens Lacedæmon

Nec tam Larissa percussit campus opime.

Quod autem quidam apud Terent. legunt perculsit, errant. Perculit enim à percello, non perculsit, latinum est. Atque ut amore percussus, sic percussus dicitur. CONSOLATIONEM ISTAM ESSE SVPPOSITIAM) Mitto alios, Iani Gulielmi pereruditum libellum vidimus, quo istam Consolationem nec Tullij, nec Tullio satis dignam esse conuicit Carolus Sigonius, quem in infami argumento eloquentiæ suæ diuiciat per-

natur ostendere voluisse. Concedit tamen esse hominis neque indiligentis, & philosophia, ac Ciceronis studiosi; ingenio autem nec ad illam comprehendendam, nec ad hunc exprimendum vel acuto satis, vel accommodato, le-
 gelibrum. Alterius acuti, & eruditi hominis iudicium hoc est. Scripta frigide, solute, & Et verbo dicam, inepte. Qui ille tam stultus, qui speravit se posse imponere nobis falsa haec persona, sub qua lateat aliquis ne superioris quidem, Et suspicor, cui? Bardis typographi, qui tam ambitiosè hæc divulgant. Sed credo in nostrum risum, & sium quæsum, Va de me Ciceronis Peniteat, si ille vel in medio dolore tam elumbis. Nuscquam nervi, nusquam sententiarum sanguis, ne color quidem verborum, nisi cum cerussa & fucò. Hactenus ille Cicerone autem eandem consolatur. suam etiam inscripserat, de luctu minuendo. ad Atticum lib. 12. epist. 21. Eodè libro epist. 22. de ea sic ipsemet. Neque tamen progrediar longius, quàm mihi doctissimi homines concedunt: quorum scripta omnia, quacunque sunt in eam sententiam, nò legi solùm, quod ipsum erat fortis agroti, accipere medicinam: sed in mea etiam scripta transtuli, quod certè afflicti, & fracti animi non fuit. VI MANVM AB. PODEM VERBERANDO) Incussit ei pugnum satis durum, inquit, narrans hoc factum *Ælianus* lib. 13. c. 38. eum imperitum esse, & similes sibi pueros efficiere ostendens. *Plutarch.* quoque in *Apotheg.* Regum & *Imp.* NON ELVCENT) In arte subtiliores, in oratione iuniores. Nem scire sit, ut qui artem sciunt, scribere nesciant, quod de *Varrone*, *Hortensio*, *Galba*, *Horatio*, *Quintiliano*, *Seneca*, *Hermogene* dicitur. Quin fuerūt, qui neminem

minem scriptorem artis ne mediocriter quidem disertū
 fuisse dicerent. Cic. 1. de Orat. **PLENA RVRS**) Plenus
 rurs dicitur, qui est inurbanus, insulsus, rusticitatis ple-
 nus, ut Græci dicunt: ἀρεῶς ὀλίως. & Hesychius explicat
 ἀρεοικίας ὀλίως. Catul. in annales Volusii. At vos intre-
 re a venite in ignē, Pleni rurs & inficetiarū, In Truculen-
 ancilla seruum, a quo tractaretur inhumanius, vocat rus
 nerum. **OPPUGNARE IMITATIONEM CICE-
 RONIANAM**) Ausus est Politianus, cui respondit Pau-
 lus Cortesius. Scimus etiam Erasimum dialogum exomu-
 isse, quem Ciceronianum inscripsit. In quo ea de imita-
 toribus Ciceronis per calumniandi libidinem mentitur,
 quæ illis in mentem nec venient aliquādo, nec venerunt.
AVIDVM GLORIÆ CONFITETVR) Propter
 immoderatum gloria studium non mediocriter repre-
 hensus scribitur à Quintiliano lib. 11. c. 1. Est tamen re-
 rum à se gestarum, quæ sine dubio magna fuerant, quam
 eloquentia maior in omnibus iactator. Et ingenium suū
 rard ac modestè, laudat suos, res quæ gestas sapius ac libe-
 rius commendat. Quod non sine aliqua ratione fecit ple-
 rumque. Aut enim tuebatur eos, quibus erat vsus ad into-
 ribus in opprimenda coniuratione: aut respondebat in-
 iuriæ, cui tamen non fuit par, seruata patria poenam
 passus exilium: ut illorum, quæ egerat in consulatu fre-
 quens commemoratio, possit videri non gloria magis,
 quàm defensionis data. Plura Quintilianus. **CICERO-
 NEM OMNI VM TRI VMPHORVM**) Plinius lib. 7.
 c. 30. Idem Caesar. ut narrat in Bruto Atticus, lib. 1. eorū

quos ad Ciceronem de ratione latine loquendi scripsit, ipsum latina copie inuentorem ac principem nominauit. SIMILITVDINEM VT ZEUXIS) Quid hic pictor nobilissimus fecerit Crotoniatu Helenam in templo picturus, Cic. prafat. 2. de inuent. Multa de eodem Corradus in Brutum.

PROGYMNASMA
NONAGESIMVM.

Epistola M. Tullii.

IDEM.

CHRYSOSTOMVS. Nemo quisquam antiquorum, quod ego sciam, plures composuit epistolas. G. Nec tam bonas & probatas, Chrysostome, nedum meliores. C. Tametsi non aliter esse mihi persuadeo, & omnes ita persuasos non sum nescius: nihilominus causas huius rei abs te cognoscendi quodam studio efferor. G. Demetrio Phalereo, qui a Theophrasto disciplinam accepit, prima laus epistolae videtur, ut sit imago nostrae mentis, nosque ipsos penitus, velut in tabella depictos ostendat, plenaque sit humanitatis & blanditiarum. C. Sententiam & iudicium huius Demetrii planissime intelligo. G. Haec laus cum in illis quae familiares dicuntur, tum vero in iis quae ad T. Pomponium Articium, & ad Q. Fratrem missae sunt, satis superque eminet. C. Hoc summatim est laudare. G. Mane, iam laudabi.

dabimus etiam speciatim. Estne illis ad Lentulum quidquam humanius? ad Memmium aliosque officiosus? ad pluriimos, quibus in aduersis rebus consilium & solatium impertitur, beneuolentius atque fidelius? ad Terentiam mollius? ad Tironem dulcius? quam multa passim ad legendum inuitamenta? quanta vbique restificatio amoris? quanta studii? quanta voluntatis? Sanè consolari eos, qui aliquod à fortuna vulnus acceperint, quod non infrequens facit, mitissimum ingenium, & ad commiserationem inirifice inclinatum naturam perspicue declarat. C. Certum est, lenem, placidam, ac blandam orationem, qualis est illa consolatoria, nisi è facili, mansueto, minimeque duro ac tetrico ingenio existere non posse.

Format enim natura prius nos intus ad omni

Fortunarum habitum: inuat aut impellit ad iram,

Aut ad humum mœrore graui deducit & angit.

Possit efferi animi motus interprete lingua.

Quoties porro in hoc genus orationis apud Tullium incido, toties in florem nectaris, in medullam mellis, in Attica bellaria me incidisse iudico, adeò excellit. G. Quid est, obsecro, in quo ille non excellat? Et quis sine ipso vnquam aut excelluit, aut potuit excellere? Cuilibet fas est exclamare de hoc viro, quod de suo Epicuro Lucretius, vnica tantum mutata vocula:

Te sequor, ô latia gentis decus, inquit nunc

Fixa pedum pono pressu vestigia signu.

Sed ne longius ab incepto trahamur: quando gratulatur, quam sincerus? quando petit, quam uerecundus? quando iocatur, quam urbanus? quando

gratias agit, quàm nullius meriti oblitus: quando commendat queinpiam, quàm sollicitus: quando narrat, quàm apertus: quando inonnet, quàm serius: quando (ut comprehendam breui) in quouis tandem genere, (multa autem sunt genera, quæ ad duos fontes & capita, ad morale, & negotiale à quibusdam reuocantur) epistolam contexit, quàm eiusdem exemplar & ideam perfectè consequitur: C. Quid ergo præceptionibus opus est, si in Ciceronis epistolis sunt omnia: G. Ne orationibus quidem eius vlla defuit laus oratoria, num idcirco non erit docenda Rhetorica: statuam, videmus perfectam, picturam similiter; quis tamen sine magistri ductu, sine præceptis, non dicam bene pingere, bene sculpere ex ipsa modò pictura & statua, quamuis egregiè factis addiscet, sed vel ipsam statuam picturamq; satis intelliget: Ars igitur hanc vim habet, ut opus facere ipsi, & ab aliis factum iudicare possimus. Habes quippiam ad hæc: C. Magnoperè fauceo huic assertioni tuæ: iam carpe viam vterius. G. Delectat in eo scita breuitas: quanquam nihilominus ipsa longitudo lectorem retinet ac pascit, ut se ad finem peruenisse non sentiat. Nec potest omittere argutias homo argutissimus, de quibus ita ipsemet epistol. 32. lib. 7. scribens ad Voluminium: Pugna, si me amas, nisi acuta ἀμφιβολία, nisi elegans ὑπερβολή, nisi παρρησια bellū, nisi ridiculū πρὸς περσοδοκίαν, nisi cætera: quæ sunt à me in secundo libro de Oratore per Iulii personam disputata de ridiculis, ἐνπύχνα & arguta apparebunt, ut sacramento contendas mea non esse.

C. A.

C. A Plutarcho & Macrobio dicta quædam referuntur, quæ cum legerem, valde sum recreatus. G. Quam nos caperent illi tres libri, quos Tiro libertus ex eius facetiis confecisse dicitur? C. Longè ampliùs, quàm nonnullos sordidissimi & spurcissimi lepores Martini cuiusdam, quibus inter epulas utebatur, & qui compluribus libris collecti, ab eius discipulis cum voluptate leguntur. G. Ad epistolas nostras redeundum est. Desideras res obuias, minimè spinosas, è communi hominum vita sumptas? his refertæ sunt Tullianæ epistolæ. Vis rursus haud vulgares & tritas, sed magnas, illustres, è sapientum monumentis decerptas? harum veluti mæsis hîc non est defutura tibi. Præclare disferit de religione erga Deos, de charitate erga patriam, de fidelitate in amicos, de maximis virtutibus, de vitiis. Humilem seu insipuum dicendi characterem epistolis valde proprium, ut plurimum sectatus est: interdum tamen propter rerum subiectarum pondus gravitatemque assurgit, ac verbis fulminat, quod Fabius Quintilianus fieri aliquando oportere admonuit. C. Ex tuis verbis efficitur, non solum ad exercitationem scribendi, stylumque expoliendum, sed ad animum quoque insignium, variarumque rerum cognitione locupletandum perutile ad necessarium esse istas lectitare epistolas. G. Reuera & utilissimum, & vehementer necessarium. Philosophia est illa quidem ars vitæ, medicina & cultura animi, quæ vitia radicibus extrahit, & virtutes inserit: verum hæc ipsa commoda magnam partem ex epistolis huius admirandi scriptoris nostro ingenti bono ad nos deriuare possumus. C. Dandum est igitur
sum.

summæ laudi maioribus nostris, cum has epistolas, aliorum vel prætermisissis, vel è schola exclusis relegatisque, iuuentuti explanandas, ediscendas imitandasque proposuerunt. G. Prouidè illi. Multis tamen de causis in gymnasiis Grammaticis etiam dandus est locus dialogis: quas ego, si requisieris, aliàs opportunius explicabo. C. Sanè requiram: quando me erudititas prudenterq; excogitatas rationes auditurum esse nihil dubito. G. Tuum fecero iudicium.

ANNOTATIONES.

HOMO ARGVTISSIMVS) *Macrob. Saturnal. lib. 2. c. 1. ipsum & Plautum à iocorum venustate commendat. Idem tamen alibi, & alij eundem vt aliquando nimium in iocando notauerunt. QVOS TIRO LIBERTVS EX EIVS)* *Quintil. lib. 6. cap. 3. Vtinam libertus eius Tiro, aut alius, quisquæ fuit, qui tres hac de re libros edidit, parcius dictorum numero indulgissent, & plus iudicij in eligendû, quàm in congerendû studij adhibuissent: minus obiectus calumniantibus foret: qui tamen nunc quoque, vt in omni eius ingenio, faciliùs quid reijci, quàm quid adijci possit, inveniunt.* *De Tirone Gellius lib. 7. cap. 3.*

oo(o)oo

PRO.

PROGYMNASMA
NONAGESIMVM
PRIMVM.

Rhetorica M. Tullii.

IIDEM.

CHRYSOSTOMVS. Inter volumina de ratione dicendi, quorum complura foras dedit. M. Tullius, primum semper locum obtinet, primum in oculos lectorum incurrit, quod ad C. Herennium inscribitur. Tunc verum sincerumque, an adulterinum, subditivumque partem hunc esse arbitrare? G. Arbitror verò adulterinum esse, & Ciceronis gravitate indignum. C. Docti sunt illi quatuor libri. G. Quis negat? C. Non pessimè loquuntur latine. G. Quis contradicit? addo etiam, quartus tam ad rem apposita; tam elegantia figurarum exempla subiicit, ut admirationi potius, quam reprehensioni locum reliquerit: digni tamen qui in Tullii hæredes adsciscantur, quique ipsius tam gloriosum nomen in fronte præferant, non sunt: quidquid homines nonnulli tenui literatura garriant: quorum aliqui nullas, aliqui parum probabiles huius opinionis suæ rationes producunt. C. Cuinam ergo venditori redhibendos statuemus? G. Ei videlicet, quem iam pridem consensu homines elegantiore doctrina perpoliti, legitimum operis illius parentem statuerunt. Q. Cornificio. C. Quandoquidem commentarium hunc à Cicerone abiudicas nolo

exte sciscitari qualem existimes, tametsi iam audiui, non vituperas certè. De Inuentione quid mensurare postulas? G. Idem quod eius libri conditor Cicero. C. Quid ille? G. Præfatione trium de oratore ad Q. F. Vis enim, inquit, ut mihi sæpe dixisti, quoniam quædam pueris, aut adolescentulis nobis ex commentariolis nostris inchoata atque rudia exciderunt, vix hæc ætate digna, & hoc usu, quem ex causis, quas diximus tot, tantisque consecuti sumus, aliquid iisdem de rebus politius à nobis, perfectiusque proferri. C. Ergone duo illi de Inuentione ibi significantur? G. Illi ipsi. C. Sunt ergo imperfecti? G. Imperfecti: non ita tamen, quin probata præcepta, eaque multa contineant, atque ad emendandam, excolendamque linguam futuri sint frugiferi, valdeque commodi. Reliqui vniuersam facultatem oratoriam, copiosè, distinctè, prudenter & absolute pertractant. Quod si omnia tum à Græcis, tum à Latinis euulgata eloquentiæ præcepta in vnum conferantur, non poterunt cum illo solo, qui de Oratore nomen accepit, nedum cum omnibus simul contendere. C. Quid ego abs te audio? G. Quod verum est. C. At ipsius Ciceronis testimonio (quo quid potest esse gratius? quid credibilius?) Aristotele nemo doctior, nemo acutior, nemo in rebus vel inueniendis, vel iudicandis acrior. Huius Græci doctoris de dicendo libri feruntur, in quos eruditissimè artem ipsam inludit, ingeniosissimè cuncta disposuit, politissimè explicauit, à quo ipsemet Tullius vel sumpsit multa, si fatetur: vel si negat, surripuit: utar enim iisdem verbis, quibus ipse in Bruto usus est, cum de Ennio & Næuio poë-

tis vetustissimis loqueretur. Hunc tu saltem excipias, quæso, quod ille solet facere Platonem, cum de philosophis est sermo. G. Non excipiam. C. Quid vetat, G. Audies. Aristoteles à forensi strepitu remotus, nullis in causis vnquam iactatus, domi in otio literato, tanquam in umbra, non in sole ac puluere viuens, iis oculis, eaque mentis acie, qua res cæteras à natura rectas & inuolutas, hanc etiam oratoriam rationem perspexit, eamque diligentissimè scribendo est persecutus. Atqui vehementer æquum est, nos illis doctoribus semper potiores deferre, qui, quod docent, ipso quoque usu, à quo multa emendantur, multa adduntur, & eo quidem diuturno experti comprobauerunt. Ac si in cæteris artium honestarum disciplinis illis magistris, qui usum non mediocrem scientiæ suæ addiderunt, maiorem cōsueuimus honorem habere, quàm iis, qui modicum aut nullum: cur hoc in dicendi ratione non similiter nobis obseruandum putemus? C. Verbum hac de re tecum non commutabo. Quoniam autem ad hosce dialogos delapsi sumus, quid est quod tantoperè tibi cōmendandi videantur? G. Complura sunt, quæ mihi charos & suscipiendos efficiunt. C. Quæ tandem? G. Persona ipsa scribentis: composuit enim hos libros grandis natu, iudicio longa dicendi exercitatione, perfecto & confirmato. Deinde res quæ tractantur, quarum dignitate nihil grauius, subtilitate nihil elegantius, varietate nihil iucundius, vbertate & copia nihil fructuosius. Quàm multa ex Platone, ex Philosophis, ex Oratoribus hausta? quos non ille riuos ex illorum fluminibus in suum agrum deduxit? delectat

cognos

cognoscere, quid valeat vis oratoris, quid oratoriam naturam, quid studium, quid exercitatio, quid historia, poësis, philosophia, ius civile adiuuet: quibus, id est, quam amplis regionibus septa & circumscripta teneatur Rhetoricæ materia, quæ docendi ratio, quæ mouendi: quomodo fieri possit sermo facetus, ac nulla in re rudis appareat, qui sint affectus in vestibulo orationis tenrandi, qui perorata causa concitandi, ex quibus locis ad gignendam fidem argumenta sumenda, quibus quasi luminibus tota oratio illustretur. In iis porro quibus disputandi partes dantur, quibusque sermo attingitur quanta moderatio? quanta prudentia? in probando refellendoque admirabilis solertia, in tota disputatione summa grauitas, & cum eximia venustate coniunctus lepos: genus orationis quam ornatisimum, & copiosissimum. Ipsemet non vulgari laude eosdem extulit, magnique fecit. Ad Lentulum: Scripsi, inquit, Aristoteleo more, quemadmodum quidem volui, tres libros de Oratore, quos arbitror Lentulo tuo fore non inutiles: abhorrent enim à communibus præceptis; & omnem antiquorum Aristoteleam & Isocrateam rationem oratoriam complectuntur. Item ad Atticum: De libris oratoriis factum est à me diligenter: diu multumque in manibus fuerunt, describas licet. Et rursus ad eundem, Sunt etiam de oratore nostri tres, mihi vehementer probati. C. Præcipua semper voluptate his dialogis lectitandis affectus sum, tantoque libentius tibi, tam pleno ore eos collaudanti fidem adiungo, quod pro ingenii mei tenuitate hæc ipsa quoquo modo me in iis obseruasse recordor. G. De tribus orato-

Oratoriis ad necessitudinem rei dictum est satis : sequitur ut de Bruto dicamus, siue de illo, quem de claris Oratoribus inscripsit. C. Quare hunc edidit? G. Cum tribus illis libris oratorem præceptis instituisset, ut eum quasi populo exhiberet, exemplis exprimere voluit: quocirca oratorum penè singulorum cum Græcorum tum Latinorum initia, ætates, progressus, vitia virtutesque expressit, eo consilio, ut has imitari, illa vitare possemus. Qui autem paulò attentius hunc librum legerit, omnem penè Romanam historiam cognoscet, in quo quantum ipse de rebus oratoriis iudicium habuerit, præclare ante oculos ponit. C. Qua occasione Oratorem perfectum scripsit? G. Rogatu Brutus, qui, quænam esset potissima dicendi species, præstantissimumque genus orationis, ex ipso discere cupiebat. C. Illos de oratore ipsemet commendauit: vtrum hoc idem in isto fecerit, non memini. G. Fecit. C. Vbi? G. Epist. ad Leptam. lib. 6. his verbis: Oratorem meum à te tantoperè probari vehementer gaudeo. Mihi quidem sic persuadeo, me quidquid habuerim iudicii de dicendo, in illum librum contulisse: qui si est talis, qualem tibi videri scribis, ego quoque aliquid sum: sin aliter, non recuso, quin quantum de illo libro, tantum de iudicii mei fama detrahatur. Meminit eiusdem lib. 12. epist. 17. ad Cornif. Sed proximè scripsi de optimo genere dicendi: in quo sæpe suspicatus sum, te à iudicio nostro, sic scilicet, ut doctum hominem à non indocto paululum dissidere. Huius tu libro maxime velim ex animo, si minus, gratiæ causa suffragere, & quæ sequuntur. Iterum epist. 22. l. 14. Oratorem meum (sic enim inscripsi)

Sabino tuo commendaui, &c. C. Bruto tamen non
 usque adeo satisfecit, id quod Cic. ipsemet cum At-
 tico conquestus est, ni fallor, epist. 20. lib. 4. G. Bru-
 ti iudicium nihil inoratur, dummodo nobis satisfaciat.
 C. Quid erat igitur, in quo discreparent amborum
 iudicia? G. Elocutioni Cicero tribuebat plurimum,
 Brutus autem rebus haud paulò plus quam verbis.
 Inest in hoc syntagmate variarum doctrinarum re-
 condita eruditio: insunt graues magnique ponderis
 sententiæ: inest mira orationis festiuitas, quæ legen-
 tium mentes alliciat, & sine vlla satietate, fastidioque
 permulceat. Quod si M. Tullius ipsemet talis orator
 non fuit, qualis illic exprimitur, nullus fuit, nullus erit.
 C. Non adeo putariū dissimilem huic libello illum De-
 metrii Phalerei de elocutione. G. Sic est: nam de variis
 orationis generibus venustè disputat, quamuis quæ sit
 optima dicendi forma non quærat. Dionysius Halicar-
 nasseus in commentario de componendis nominibus
 non paucas quæstiones à Cicerone hoc volumine ex-
 plicatas attingit. Dionysius Longinus librum reliquit
 περὶ ὑψηλῆς, in quo de principatu inter oratores disseruit,
 quibusque gradibus ad altissimum illud absolutæ eloquē-
 tiæ fastigium ascenderetur ostendit. Scripsit & Hermo-
 genes de formis dicendi, quas Ideas nominauit. C. To-
 pica sequuntur. G. Hæc Velia in Græciam nauigans,
 cum libros non haberet secum, repetita solum harum
 rerum memoria confecit. Mira breuitate arctauit, quæ
 apud Aristotelem diffusa leguntur. Quod verò ipsa
 præcepta exemplis è iuris disciplina illustrauit Trebatio
 iureconsulto gratificatus est: prodest tamen ea scire
 etiam

etiam oratoribus. C. Habet profectò libellus ille multas obscuritatis latebras, & non paucis impeditam difficultatibus doctrinam. G. Responsum tibi puta, quod Trebatius scripsit ipse: Sin tibi quædam videbuntur obscuriora, inquit, cogitare debebis, nullam artem literis sine interprete, & sine aliqua exercitatione percipi posse: quanquã tu si attentè leges, si sapius, per te omnia consequere. C. Ordo nos ad Partitiones deduxit. G. Affirmat ipse has è media Academia effloruisse: neque sine ea intelligi aut tractari posse. Mole quidem & paginarum numero vides quàm exiguus parvusque sit liber: verum utilitate haud scio an par, aut maior vnoquoque aliorum Rhetorum, etsi fuerint longiores multis Iliadibus. Pauxillum auri mallet, quàm acervos arenarios: & sinaragdum pusillum antepone rem iniantibus in cælum scopulis. Breuiter, apertè, miro ordine quidquid ad artem eloquentiæ pertinet exponit. Seruauit Præceptum Horatianum:

Quidquid præcipies, esto brevis, vt citò dicta

Percipiant animi dociles, teneantq; fideles.

Omne superuacuum pleno de pectore manat.

Concludam rem verbis Quintiliani. Præcipuum lumen sicut eloquentiæ, ita præceptis quoque eius dedit vnicum apud nos specimen orandi docendique artes oratorias M. Tullius: post quem tacere modestissimum foret; nisi & Rhetoricos suos ipse adolescenti sibi elapsos diceret: & in oratoriis hæc minora, quæ plerique desiderant, omisisset. C. Quin addis vnum verbum de illo, cui de optimo genere oratorum nomen esse voluit? G. Cùm tan-

quam Asiaticus notaretur ab iis, qui Atticorum eloquentiam siccitate ac ieiunitate sua definiebant, quo illorum errorem principum oratorum auctoritate conuelleret, Æschinis, & Demosthenis nobilissimas, & inter se contrarias orationes latinitate donauit: quarum exemplo discerent, Attici esse, orationem ad id quodcunque decet accommodare, & humilia subtiliter, magna grauitate, mediocria temperatè dicere: alioquin si ornatè, graulter & copiosè dicere non esset Atticorum, ne Æschines quidem, & Demosthenes Attici fuerunt, quos grauitate ornatèque dixisse notissimum est. Priusquam verò orationum argumenta exponeret, breuiter de optimo genere oratorum, & consummata eloquentiæ formâ differuit, quo perfecti oratoris ilhago quædam ab iis cerneatur qui Attici, hoc est, excellentes atque optimi oratores vsurpari volebant: quam quidem pluribus in oratore ad Brutum expressit. C. Nec plura desidero de hac quidem parte librorum quæ *τεχνικὴν* est, nec si desiderè, velim te vrgere: animus enim meus ad eum locum festinat, qui cæteris & ad differendum magnificentior, & ad cognoscendum iucundior est, nempe de orationibus: & mihi quantus fuerit orator M. Tullius declarari peropto: quanquam primorum principem esse credibile mihi faciunt cæteræ ita sentientium atque credentium. G. Fiet hoc quantum nostra imbecillitas permiserit: volo meam ad tuam voluntatem aggregare. Verum enim verò hic maior rerum mihi nascitur ordo. Maius opus moueo, vt canit Latinus va-

tes:

ANNO.

ANNOTATIONES.

QUOD AD C. HERENNIVM) Antiquitas prætauit Ciceronem auctorem, sed antiquitas rudis, & elegantiorum literarum ignara, atq; in Cicerone nimis parum exercitata. Digladiantur adhuc hodie quidā super hoc negotio. Veruntamen standū est à pluribus. Scripsit quiddam de hoc Aldus Manutius. Pauli pater. Maioragius lib. reprehensionum in Nizolium, & alij. IPSEMET TULLIVS VEL SYMPSIT MVLTÀ) Ex his qui supersunt librū Aristoteleis, Cicero multa in suos trāstulit: præsertim in tertium de Oratore. Nec pauca utiq; ex illo, quo ipsum dicendi artes omnium superiorum exposuisse confirmat 2. de Oratore. Quinetiam in 2. de Inventionē confiteri non dubitat, se omnium quicunq; fuerant ab ultimo principio Rhetoricæ præceptionis vsq; ad id tempus expositis copiis, quodcunq; placeret elegisse, ad illos scilicet de Inventionē libros locupletandos. Fatetur etiam epist. ad Lentulum 9. se omnium antiquorum Aristoteleam, & Isocrateam dicendi rationem oratoriā tribus illis ad Q. F. esse complexum. Vide Manut. explanat.

XXXXXXXXXXXXXXXXXXXXXXXXXXXX

PROGYMNASMA
NONAGESIMUM
SECUNDVM.

Orationes M. Tullii.

I I D E M.

GLAPHYRVS. Vnde conuenientiùs exordiat
disputationem hanc, quàm ab ipsius confessione
Tullii, non video. Nulla est, inquit, vllò in genere,
laus oratoria, cuius in nostris orationibus non sit aliqua,
si non perfectio, at conatus tamen atque adumbratio.
Iudicauit hoc poëta, qui fuit illius æqualis, cùm disertis-
simum Romuli nepotum, quot sunt, quot fuerunt, quot
que post aliis erunt in annis epigrammate nobili appel-
lauit. Iudicauit etiam Quintilianus, qui eum cuiq; Græ-
corum fortiter posse opponi: & cùm se totum ad Græ-
corum imitationē contulisset, effinxisse vim Demosthe-
nis, copiam Platonis, iucunditatem Isocratis affirmat.
C. Præclarissima laus, similem trium illorum eua-
sisse, quos vniuersa Græcia suspexit, & omnes gentes o-
mnibus sæculis admiratæ sunt. De Octauio Augusto
Plutarchus lib. de Fortuna Romanorum: Cùm quartū
& quinquagesimum annum ætatis ageret, eum tria à
Diis precatum: Scipionis fortitudinem, beneuolen-
tiam Pompei, fortunam Cæsaris. Ego si quid magnum
à Deo precari velim, illa tria velim, imò verò vnicum
tantum: nimirum similem esse Ciceronis vnus, qui o-
mnes omnium oratorum laudes vnus est comple-
xus. G. Votum maximum. Sed si lubet, audiamus quid
adiungat Fabius, & quemadmodum plenis buccis virū
celebret. C. Lubet. G. Nec verò quod in quoq; opti-
mum fuit, studio consecutus est tantum, sed plurimas, vel
potius omnes ex seipso virtutes extulit immortalis in ge-
nere beatissima vbertas. Nō enim pluias (vt ait Pindarus)
aqua

aquas collegit, sed vno gurgite exundat, dono quodam providentiæ genitus, in quo totas vires suas eloquentia experiretur. Nam quis docere diligentius, mouere vehementius potest? Cui tanta vnquam iucunditas affuit? vt illa ipsa quæ extorquet, impetrare eum credas: vt cum transuersum vi suæ iudicem ferat, tamen ille non rapi videatur, sed sequi. Iam in omnibus quæ dicit, tanta auctoritas inest, vt dissentire pudeat: nec aduocati studium, sed testis, aut iudicis asserat fidem: cum interim hæc omnia, quæ vix singula quisq; intentissima cura consequi potest, fluunt illaborata: & illa quæ nihil pulchrius auditu est, oratio præ se fert tamen felicissimam facilitatem. Quare non immerito ab omnibus ætati suæ regnare in iudiciis dictus est: apud posteros verò id consecutus, vt Cicero iam non hominū, sed eloquentiæ nomen habeatur. Hunc igitur spectemus: hoc propositum nobis sit exemplum. Ille se profecisse sciat, cui Cicero valde placebit. C. Quoniam cum Demosthene frequenter componi solet Cicero, velim mihi vna operæ comparationes illas, si plures sint, repræsentare. G. Difficile est ex tempore: conabor tamen, ne aut noluisse me, aut nescisse, aut laborem vitauisse suspicere. Duos hosce oratores Deus ab initio veluti numinos duos eadem materia, eodem signo percussit, cum naturam similem ipsis indidit. Vterque honoris & gloriæ cupientissimus, libertatis Reip. amantissimus, in periculis & armis timidus, fortunæ dominationi multum subiectus. Vix enim duos reperias oratores, qui, vt hi, ex obscuris & mediocrib. potentes & magni euaserint.

gibus & tyrannis se obiecerint, filias uterque vnam habuerint, & ante obitum suum amiserint, in patriam post exilium publica omnium lætitia & gratulatione reuerterint, iterum profugere coacti sint, & in manus hostium inciderint, à quibus comuni luce priuati, vnà cum vita patriæ libertatem posuerint, eadem propemodum ætate. Nam Demosthenes quidem secundum & sexagesimum: Cicero tertium supra sexagesimum vidit. Virtutes in ambobus pleræque similes: consilium item, ordo, diuidendi, præparandi, probandi ratio, omnia demùm quæ inuentioni subiiciuntur. In elocutione diuersitas est aliqua. Ille densior, hic copiosior: ille concludit astrictiùs, hic latiùs pugnatur: ille acumine semper, hic frequenter pondere: illi nihil detrahi potest, huic nihil addi: curæ plus in illo, in hoc naturæ. Salibus & commiseratione (qui duo affectus plurimum valent) vincimus: cedendum, verò in hoc quidem, quòd ille & prior fuit, & ex magna parte Ciceronem, quantus est, fecit. C. Periuicunda mihi fuit hæc collatio. Quod nisi labor memoria, in parallelis Plutarchi, & nescio quo loco apud Fabium vel eadem, vel horum similia diu est cùm legi, quæ tu compendio quoddam retulisti, & ex vtriusque sententiis vnum quoddam paruumque corpus effecisti. G. Num aut acutiores, aut doctiores sumus duobus illis, vt aut videre nos, quod ipsi non viderint, aut intelligere, quod ipsi non intellexerint putare debeamus? C. Μὴ γένοιτο. G. Cur itaque illorum iudicio verbisque non vtamur, præsertim cùm nos per eos profecisse haud negemus? C. Si quis in eodẽ Cicerone simul omnia eluxisse assereret, quæ in cæteris

teris seorsum emicuerunt, fortasse nihil erraret: id quod antè dixi. G. Nihil profus. Est in eo Lysiae subtilitas, acumen Hyperidis, Æschinis sonus, lenitas Lælii, grauitas Africani. C. Quid Periclis habet? G. Hunc à cælesti quadam eloquentia Olympium cognominatum aiunt: quem Aristophanes fulgurare, tonare, permiscere Græciam dixit: in eiusdem labris suadam sessitasse, illuinque sic auditores permulcere solitum, ut aculeum in ipsorum animis relinqueret, scripsit Eupolis Comicus. Hæc omnia iure de Cicerone affirmaueris. C. Audio etiam T. Liuium illustre testimonium ei dedisse. G. Fragmentum quoddam Liuianum ex amissis libris ad nostram ætatem permansit. Illic narrans caput eius præcisum, atque in rostris inter duas manus positum, addit. Vbi ille consul, vbi sæpe consularis, vbi eo ipso anno aduersus Antonium quanta nulla vnquam vox humana, cum admiratione eloquentiæ auditus fuerat. Quoties ei acclamatum est à populo. Quiritum: Bene, rectè M. Tulli, præclare, non potuit melius? Simul atque pro Sex. Roscio dixit, quæ oratio publica prima fuit, quam iuuenis habuit, annum ingressus sextum & vicésimum, adeò suspici eius eloquentia cœpta est, ut iam tum nulla maior causa non digna eius patrocinio videretur. Pericles quia Anaxagoram physicum audierat, ideo ab ipso Tullio in percellendis animis tantum valuisse existimatur. Cur ego ipsemet, qui ad Diodorum, Philonem, Antiochum, Posidonium, viros doctissimos, clarissimosque philosophos audiendos se applicauerat, non fuerit parem in dicendo facultatem

tatem consecutus? Duo sunt, ait in Orat. *que bene tractata ab oratore, admirabilem eloquentiam faciunt, quorum alterum est quod Græci ἡθικὴν vocant, ad naturas, ad mores, & ad omnem vitæ consuetudinem accommodatum: alterum quod παθητικὴν nominant, quo perturbantur animi, & concitantur.* In superiore illo quantum præstiterit, qui nondum cognouit, exordia orationum eius percurrat, quibus nihil iucundius, moderatius, mitius, ad suauiter mouendum aptius: nihilominus in mediis quoque orationibus mirabiliter sæpe audientium mentes sibi conciliat, & ad se ainandum allestat. In posteriore, quod totum est incitatum, & torrentis instar rapidissime fertur, nec illum quisquam vnquam superauit, nec par ei vnquam fuit. Cum Verrem propter vexatam & expilatam Siciliam accusaret, non ausus est respondere Hortensius patronus disertissimus, cuique summam copiam facultatemque dicendi natura tribuerat. Ab eodem in senatu homo audacissimus Catilina accusatus obmutuit. In priuata causa, quam pro Ticinia dixit, cum cœpisset Curio pater respondere, subito assedit, ac repente totam causam oblitus, beneficiis Ticiniae sibi memoriam ereptam vociferatus est. Quod ad miserationem attinet, qui affectus ad victoriam, atque ad iudicem plane expugnandum ac subuertendum valet imprimis, in eo commouendo omnibus antecelluit: quamobrem cum plures eandem causam agerent, perorationem ipsi semper relinquebant. C. Legi illam pro Quintio, & illam pro Milone: vix lachrymas cohibui.

Autu-

Autumno tum in affectibus grauioribus, tum in
miseratione concitanda multum profecisse ex
Euripide, cuius singulos versus singula testimonia
putat. G. Non in hoc tantum affectu concitando,
in quo tragicus ille facile præcipuus, verumetiam
in tota ratione oratoria: quandoquidem erudi-
tus & ingeniosus magister eloquentiæ Fabius eundem
in dicendo & respondendo cuilibet eorum, qui fue-
runt in foro disertis, comparandum pronunciat. C.
Memini item cuiusdam loci, vbi de semetipso
his verbis prædicat: Qua nos (miseratione, videlicet) ita
dolenter uti solemus, ut puerum, infantem in mani-
bus perorantes tenuerimus: ut alia in causa, excitato
reo nobili, sublato etiam filio paruo, plangore & la-
mentatione compleremus forum. G. Officium
boni oratoris est docere, delectare, & perinouere:
quò tria genera dicendi pertinent: subtile ad docendū,
temperatum ad delectandum, graue ad impellendum.
Si quis in vno horum excelluerit, in magnis: si in
omnibus, in maximis oratoribus numerari poterit, &
potuit semper. Ut de Græcis taceam, quis ex Latinis
præter vnum, Ciceronem nominari potest, in quo i-
ta perfectio fuerit? Hoc nemo in paruis subtilior, in
modicis temperatior, in magnis grauior: non alius iu-
dicem docuit acutiùs, delectauit iucundiùs, incitauit
ardentiùs. C. Arbitror præter alias laudes orationum
cuius innumeras ne hanc quidem ei deesse, locos,
inquam, philosophicos. G. Et hos quidem grauif-
simè, ornatissimèque tractatos, quod ipse in 1. de na-
tura Deorum testatur, vbi eas Philosophorum senten-
tiis

tiis refertas affirmat. Quàm porro eleganter, quàm venustè, quàm veluti ad perpendiculum orationem construit? quàm studiosus, & obseruans est numerorum? vt quod Antonius in secundo de Oratore, cum eloquentiam laudaret, inter cætera dixit, hoc potissimum de Tulliana oratione dictum accipi posse videatur. Quis enim cantus, inquit, moderatæ orationes pronuntiatione dulcior inueniri potest? quod carmen artificiosa verborum conclusionè aptius? Addam quæ sequuntur, nihilominus in Ciceronem, si in alium, quempiam, conuenientissima: Quid autem subtilius, quàm acutæ crebræque sententiæ? quid admirabilius, quàm res splendore illustratæ verborum? quid plenius, quàm omni rerum genere cumulata oratio? Quæ schemata sententiarum? quæ figuræ verborum? quæ suauitas, quæ vehementia? Hac arma de sceleratissimorum manibus excussa per sæpe ceciderunt: hæc Catilinam pestem patriæ molientem oppressit: hæc Vatinium & Pisonem sempiternis maculis inustos, & ad omnem posteritatis memoriam ignominia notatos reliquit: hæc P. Clodium amentia, & furore exultantem domuit, & Antonii crudelissimis consiliis incitatos impetus retardauit: hæc populum Romanum victorem gentium non semel vicit. Neque potuisset illa lux orbis terrarum, Roma extinguï: illud pulcherrimum, & post homines natos amplissimum imperium funditus deleri, nisi prius illud diuinum os Tullii conticuisset, caputque à ceruicibus auulsum fuisset, per quod tot ciuium capita seruata erant. Quid de copia memorem? quæ cum in toto Cicerone

fontem, tum in orationibus est admirabilis. Quanta varietas? quis Oceanus? quàm dissimiliter omnia similia? & rursum quàm similiter omnia dissimilia? Reliqui scriptores quantumvis copiosi, cum hoc vno, si comparentur, verborum inopes existimari profectò possint: non fontes, non riuos: sed flumina fundit, & flumina aurea. Ut absolvam: si quis ex me quærat, quæ sit optima Ciceronis oratio, respondebo quod ipse de Demosthenis: quæ longissima. C. Ego idem respondebo, quàmuis ut tu, in Cicerone nondum habitauerim: sæpius tamen ad eum disueri, & hospitio acceptus sum perhumaniter, dimissusque peramanter. G. Posthac igitur me duce tabernaculum tibi in eo colloces. C. Faciam quæ suades, & faciam quàm primùm, nisi meis consiliis mors importuna intercurrerit. Vnum nomen restat, hoc etiam rogo ut dissolvas, deque libris Philosophicis aliquid in medium afferas. G. Respondebo.

ANNOTATIONES.

QUOT SVNT, QUOT FVERVNT) Epigramma Catulli in Ciceronem, nescio ob quod beneficium, quod videtur ab eo accepisse, agit enim gratias: hoc est
*Disertissime Rómuli nepotum,
 Quot sunt, quotq; fuere Marce Tulli,
 Quotq; post alios erunt in annos:
 Grattas tibi máximas Catullus
 Agit pessimus omnium poeta.
 Tanto pessimus omnium poeta;
 Quanto tu optimus omnium patrónus.*
 Vitur autem idem poeta sæpius isto amplificandi modo
lisdem

iisdem verbū, aut pene iisdem. Cic. etiam Orat. post re-
ditum ad Quirit. Cn. Pompeius vir omnium qui sunt,
fuerunt, erunt, virtute, sapientia, & gloria princeps. Et
epist. 21. lib. 11. Dū isti Segulio malefaciant, homini ne-
quissimo omnium, qui sunt, qui fuerunt, qui futuri sunt.
Plaut. Persa. Qui sunt, qui fuerunt, quique futuri sunt
posthac, ego solus omnibus antideo facile, miserrimus ho-
minum vt viuam. QVAM ARISTOPHANES FVL-
GVRARE) Versiculum Aristophani Græcum, item quæ
alios Eupolidū de eodem Pericle inuenies apud Plinium
epist. 20. lib. 1. CAPVT EIVS PRÆCISVM) Quan-
ta constantia mortem exceperit Tullius, in illo fragmen-
to Liuij, cuius supra facta est mentio, luculentissimè ex-
ponitur. Nimirum viuere diutius potuisset, si patriam
tantoperè non dilexisset. Nunc illi mors non ignominia,
sed honore sempiterno est. Occurrit illud ex Arnobij lib. 1.
Nemo vnquam innocens malè interemptus infamis est:
nec turpitudinū alitutus commaculatus nota, qui non
suo merito pœnas graues, sed cruciatorū perpetitur scui-
tatem. Caput abscissum Antonius ad se afferri, & in
mensa apponi iussit, tamdiūque per diem aspexit, donec
animum expleuisset. Fulvia porro Antonij vxor, cū ca-
put illud in manus sumpisset, primò maledictū & diris
execrationibus est prosecuta: deinde consputans atq; in
gremio reponens, toruissimèque inspectans linguam eius
extraxit, & in eam sapius aciculam infixit, vt ad crude-
litatem nihil faceret reliquum. Suidas. Crinit. lib. 1. cap.
8. Xiphilin. in August. Eandem immanitatem in caput

D. Ioan.

D. Ioannis Baptiste adultera mulier Herodias exercuit. Testis Hieronymus, apud quem ita est in apologia aduersus Rufinum. Ne magnoperè glories, si feceris quod faciunt scorpiones atque cantharides feterint. Hac & Fulnia in Ciceronem, & Herodias in Ioannem: quia veritatem non poterant audire, linguam veriloquam discriminali acu confoderunt. Eadem Tullianam multi luculentis versibus deplorauerunt. E quibus carmen suum quidam ἐμφαικῶς hoc disticho conclusit.

*Vulnere nempe uno Ciceronem conficis, at te
Tullius aternis vulnerebus lacerat.*

Vide append. Virgilianam. SVBLATO ETIAM FILIO PARVO) Suos paruos liberos, consanguineos, & amicos Græci in iudicium adducebant secum, misericordiæ commouenda causa, quam consuetudinem tetigit in apologia Socratis Plato. Fuit & Romanis hic mos, ut intelligitur cum ex hoc loco, tum ex illo in Bruto de Galba. Cum suos pueros, tum C. Galli etiam filium flens commendabat: cuius orbitas & fletus mirè miserabilis fuit, propter recentem memoriam clarissimi patris: isque se tum eripuit flamma, propter pueros misericordia populæ commota. Forsita & Hebræi idem solebant. Susanna quidem venit cum parentibus, & filiis, & vniuersis cognatis suis, Daniel. 13. QVÆ LONGISSIMA) Ita sentit de epist. Attici Tullius. Nain l. 6. ad eundem epist. 11. Quod vereris, ne ἀδύλαγόν; mihi tu? quis minus? cui vs Aristophani, Archilochi iambus, sic epistola tua longissima quæq; optima videtur. De Cicerone autem ita Plinius.

epist.

epist. 20. lib. 1. cuius oratio optima fertur esse quæ maxima. Addit: & hercule, ut alia bonæ res, ita bonus liber memor est quisque quo maior. RESPONDEO) Ut appellari dicitur debitor à creditore, cum flagitur ut soluat, ita cum soluit, aut soluere se dicit, respondere dicitur. Obseruauit Manut. Cic. ad Att. lib. 16. Fit saepe, ut ij, qui debent, non respondeant ad tempus.

PROGYMNASMA
NONAGESIMVM TERTIVM.

Philosophica M. Tullii.

IIDEM.

GLAPHYRVS. Testatus est ipse in 1. Tusculan. hanc se perfectam philosophiam semper iudicasse, quæ de maximis quæstionibus copiose posset ornateque dicere: & in 1. de Offic. ait: Quis enim qui nullis officii præceptis tradendis philosophum se audeat dicere? Neutra laus in eius libris desideratur. Nam cum ad variorum philosophorum decreta, ad locos tenebricosos atque difficiles, ad res abstrusas & magnas explicandas lucem orationis, & differendi elegantiam sibi adhibendam putauerit, tum Præceptor morum atque virtutis tantus est, quantum potest aut Seneca, aut Plutarchus, aut Aristoteles, aut Plato iudicari. C. Cur orator ipse de philosophia scribere voluit? Cur non, quod Aristoxeno Musico præcepit, cum in enumerandis de natura animi philosophorum sententiis eius harmoniam reprehendit?

hendit, ipsemet fecit? Hæc philosophis, inquit, relinquat: canere ipse doceat. Bene enim illo Græcorum prouerbio præcipitur: Quam quisque norit artem, in ea se exerceat. G. Voluit suis ciuibus hæc quoque in parte prodesse, eosque beneficio nouo cumulare? quoniam turpe ducebat gentem illam, quæ per totum orbem victricia arma circūtulisset, populum, inquam, latè regem, vitam ac mores suos sine Græcis magistris excolere, ac regere non posse, & seruire quodammodo illis, quibus iura legesque daret. Philosophia, inquit, iacuit, vsque ad hanc ætatem, nec vllum habuit lumen literarum latinarum: quæ illustranda & excitanda nobis est, vt si occupati, psumus aliquid ciuibus nostris, profinus etiã, si possumus, otiosi. C. Stoicam philosophiam non parum videtur admiratus, propter gravitatem ac seueritatem doctrinæ fortassis. Principio quidem Offic. se ex illorum fontibus haurire solitum ipsemet confirmat, verbisque eam quàm honorificentissimis passim prosequitur. G. Prorsus, vt dicis. Delectatus est tamen singulariter ratione scribendi Platonica, dialogo videlicet, & eius philosophi placita quàm maximè complexus est, quem Deum suum alicubi vocauit. C. Recordor illa: Quem ego auctorem vehementer sequor. Errare me herculè malo cum Platone, quam cum cæteris vera sentire. Vt rationem nullam afferret (vide quid homini tribuam) ipsa auctoritate me frangeret. Quem tu admiraris, quem omnibus anteponis, quem maximè diligis. Diuinus ille vir, quem quadam admiratione commotus, sæpius fortasse laudo, quàm necesse est. Et locis aliis præterea sex-

centis: G. Quin si vera fateri volumus, eius scripta totam fermè & veterum Academicorum, & novorum, & Peripateticorum, & Stoicorum, & Epicureorum aliorumque sententiam continent. C. A quibus magistris hæc didicit? G. A Diodoto, & Posidonio Stoicam, à Phædro, & Zenone Epicuream, à Philone, & Antiocho Academicam, à Cratippo, Stasea, & Pisone Peripateticam. Omnes penè qui tum erant in philosophia clari ac nobiles audiuit: philosophorum libros innumerabiles legit, ex iisq; multa latinis vocibus, liberè tamen, & suo more expressit. C. De Deo quid sensit? G. Tot locis tam piè de Deo, tamque sacris Christianorum consentanea locutus est, vt admirabile videatur tam liquidas eum, tantæ maiestatis, ab humanis sensibus remotissimæ intelligentias habuisse. Eum vnum huius mundi effectorem statuit, mentem solutam, & ab omni concretionem mortali segregatam, omnia sentientem & mouentem, in omnes beneficum & liberalem, omnibus animantibus commodam quibus vtuntur, lucem qua fruuntur, spiritum quem ducunt dantem, atque impertientem, bonis præmia persoluentem, improbos pœnis afficientem sempiternis. Dici non potest, quanta in libris istis veterum ac recentium historiarum cognitio, quanta optimorum exemplorum copia, quàm denique multa lectio, quàm ingens sanctissimorum præceptorum multitudo. Quem iracundia obfirmatum Ciceronis oratio non flecteret? quem durum non leniret? quem adeò mœstum non consolaretur? Libros de officiis Plinius non modò de manibus nunquam deponendos, sed ediscens

scendos etiam censet Alexander Seuerus Imp. eosdem, & de Repub. libros præcipuè legebat, & ex iis tantum admirabatur Tullium, vt eius imaginem in larario, siue sacello domestico cum præstantissimorum virorum statuis & imaginibus collocaret. De quibus libris, vt item de Tusculanis, & de Finibus, verissimè quispiam Horatianas illas vocès vsurpauerit:

Feruet auaritia, miseroq; cupidine pectus?

Sunt verba & voces, quibus hunc lenire dolorem

Possis, & magnam morbi deponere partem.

Laudis amore tumes? sunt certa piacula qua te

Ter purè lecto poterunt recreare libello.

Inuidus, iracundus, iners, vinosus, amator:

Nemo adeò ferus est, vt non mitescere possit,

Si modò cultura patientem commodet aurem.

Quotusquisque versat hæc scripta, quin contrahi appetitus, & sedari turbidas animi sui commotiones, sequè in dies probiorem fieri experiatur?

Queritur D. Augustinus, omnes mirari linguam Cicéronis, pectus non item. Sed autem fatetur etiamnum Manichæum incidisse in eius Hortensium, in quo ille laudauit & defendit philosophiam, quam accusarat & vituperarat Hortensius; hic planè affectum Augustini mutauit. Et ad te ipsum

Domine, inquit, mutauit preces meas, & vota ac desideria mea fecit alia. Viluit mihi repente omnis vana spes; & immortalitatem sapientiæ concupiscebam æstu cordis incredibili, & surgere iam cœperam vt ad te redirem. Non ad acuemdam linguam referebam illum librum.

neq; mihi locutionem: sed quod loquebatur persuaferat.

C. At enim de natura, in qua euoluenda versatur pars philosophiæ altera, nihil ab ipso habemus. G. Secus est ac dicis. Habemus multa passim, & totos libros de natura Deorum, quæ est res occulta admodum, explicatuq; difficilis: Platonis item librum *τῆς φύσεως* latinè conuertit. Quod si ipsi diutiùs per Antonii scelus, crudelitatemque ætatem propagare licuisset, plura scripturus erat. Nec idcirco tamen existimandum est, illum ea nesciuisse, quia non scripsit. Quid, quæso, scriptum reliquit Socrates? hic tamen princeps philosophorum, & parens philosophiæ ab omnibus & dicitur & habetur. Quid alii complures? quorum tamen non est inauditum nomen inter philosophos. C. Temperare mihi non possum quin exclamem: O ineptos, & ab omni iudicio derelictos mortales: ô bardos, qui nihil nisi verborum lenocinia, nihil nisi res leues meraque nugæ in Cicerone reperiri improbissimè mentiuntur. Inanis rerum est, qui Augustinum, (prò quale ingenium?) humi repentem, & obscenas audissimè confectantem voluptates, ad vitæ integritatem, cœlestemque sapientiam excitare potuit? Solane verba habet, quem Plinius lucem doctrinarum, Lactantius Firmianus modò perfectum & sumum philosophum, modò Romanæ philosophiæ principem appellat? G. Quidam doctus vir, cum fuisset aliquando satis alienus à Cicerone, tandem senex in gratiam cum eo rediens, inter alia quæ gloriosè de eo scribit: Quid aliis accidat, inquit, nescio: me legentem sic afficere solet M. Tullius, præsertim ubi de bene viuendo disserit, ut non dubi-

dubitem quin illud pectus, vnde ista prodierunt, aliqua diuinitas occuparit. C. At illius pectus, vnde non pauca ad lacerandam fidem orthodoxam prodierunt, contemptio, & arrogantia occuparunt. G. Non potest se iungi à sapientia eloquentia. Proinde si eloquentissimum fatemur Ciceronem, sapientissimum quoque statuamus necesse est: sin aliter sapimus, nihil sapimus, & elleboro indigemus. C. Nunquam ex vllius sermone tantum percepi fructum, quantum hodie ex tuo. Quasi de cælo isthæc huius disputationis occasio decidit. Summo me gaudio delibutum reddidisti.

ANNOTATIONES.

ADIODOTO) De hoc ita in Lucullo. Diodoro quid faciam Stoico, quem à puero audiui: qui mecum vixit tot annos? qui habitat apud me? quem & admiror, & diligo? **VT EIVS IMAGINEM IN LARARIO)** Sic appellat Lampridius sacrarium illud Imp. domesticum. Sed u cum in interiore, seu maiore larario etiam Christi Seruatori nostri statuam inter principes diuos & animas sanctiores haberet, in eodem habebat Apollonium Tyaneum, Abrahamum, & Orpheum, in minore Achillem, aliosq; duces clarissimos & cum Ciceronem simulacbro etiam Virgilij. Crinitas lib. 10. cap. 5. **FERVET AVARITIA MISEROQVE)** Hunc locum Horatij confert cum versibus Euripidei ex Hippolyto Muret. lib. 1. c. 4. Quæ proximè antegressu dialogi V. differrimus, ea nos bonam partem ex initio editionu Lambiniana, & aliunde ex Philotullij mutatos, arbitrio nostro disposuisse haud inficiamur.

PROGYMNASMA
NONAGESIMVM QVARTVM.

Tres linguae principes.

AELIVS, MAXIMIVS.

AELIVS. Eheu. M. Quae gratia tu sic ingemiscis? Æ. Quod misero mihi vnum tantummodò est cor. M. Cachinno dignae res. Esne apud te? cuiam vel homini, vel mutae animanti duo corda vnquam fuerunt? Æ. Nuper legi olim Calabro cuidam tria corda fuisse, nedum duo. M. Portentum narras. Æ. Immo veritatem profectò. M. Quis hic mortalis? Æ. Ennius, poetarum Romanorum pater, qui primus amœno Detulit ex Helicone perenni fronde coronam. Amicus ille P. Scipionis, qui primus Africani cognomentum obtinuit. M. Quomodo is tria corda gessit? aut quæ tandem sunt ista corda? aut quis hoc de ipso miraculum vel memoravit, vel chartis illeuit aliquando? Æ. Ipsemet ita gloriatus perhibuit. M. Quare? Æ. Quod latine, græcè, oscè loqueretur: à mente enim (quam cor etiam nominamus) omnis fingitur oratio. M. Papæ. Cædò quot corda habuisse rex ille credendus est, quem duabus & viginti linguis locutum accepimus? Æ. Totidem Maximine: cur dubitas? M. Fuit igitur quàm cordiosissimus, ut nullus alius: siquidem tot linguas tenere aut tenuisse puto neminem. Sed quid hoc, quod tu tria potius tibi optas, quàm aut decem,
aut

aut quindecim, aut viginti? *Æ.* Quia si hebraicè, græcè, & latinè doctus essem (quanquam hæc linguas degustavi singulas) non inuitus ignorarem reliquas, Germanicam, Italicam, Hispanicam, Gallicam, Anglicam, Boëmicam, Indicam, & quotquot tandem barbaræ numerantur. *M.* Quid: tunc præter illas tres audebis omnes appellare barbaras? *Æ.* De Græcis exemplum capio, qui præter suam alias ad vnam omnes ita vocauerunt. *M.* Etiamne Romanam? *Æ.* Etiam. *M.* Facile tibi istuc de aliquibus concesserim: nec recusarim quin agrestes, incultæ ac barbaræ nominentur: de Gallica, Hispanica, Italica vereor ut possim concedere: quæ discuntur, & in congressionibus ac deliberationibus exercentur ab honoratissimis, nobilissimisque hominibus: confirmantque illarum periti (in quo ipsis ego libens suffragor, pro mediocri cognitione mea) iis eas laudibus abundare, quæ quidem linguarum sunt propriæ. *Æ.* Haud possunt sanè hæ tres cum illis tribus in contentionem venire. Primum, non est istarum tam veneranda canities, tam longæua vetustas: existere siquidem cœperunt annos abhinc mille centum octoginta, aut circiter, quibus nimirum temporibus Gothi, Vandali, Alani, Hunni, Gepidæ, aliique populi truces è Septentrione egressi, & in florentissimas, nobilissimasque terrarum provincias Italiam, Hispaniam, Galliam infusi, eas ab imperio Romano vi & armis distraxerunt. Quin si quis eas corruptam latinitatem, nec toto genere à Romana seiunctas ac differentes appellare voluerit, non errauerit. Nequibant enim illæ indolatæ linguæ, illæ

immanium belluarum ora distortissima ad voces tam compositas, ad sonos tam suaues & rotundos sese aptare: itaque omnia penè conciderunt, immutarunt, peruerterunt, fœdauerunt. M. De originis excellentia & antiquitate non est fas ipsis tollere supercilium, ut illis tuis: quorum cum antiquissima sit Hebræa, secundas tenet Græca, Latina tertias. Æ. Prorsus ita. Nam genus humanum mox ut est à Deo fabricatum, sermonis facultatem habuit, & quidem non aliud quàm Hebræi. Ad hæc quæ de descriptione, veterrima est eadem: siquidem Moyſes multis antè tempeſtatibus sacram contexuit historiâ, quàm Græci obsidione cingere Troiam & oppugnare cœperunt: id quod regnante apud Iudæos Davide contigisse chronographi obseruarunt: post quod bellum annis CLX. floruit Homerus, fermè primus scriptorum Græciæ. M. Hoc propter Hesiodum dicis, quem quidam antiquiorum faciunt. Æ. Non: propter Sibyllam & Orpheum in primis dico, quos illo priores vixisse, & nonnulla literis mandasse indubitatum est. M. Varia sunt, quæ de horum duorum sæculis scribuntur. Æ. Et eiusmodi, ut disputationes tam curiosas legisse sit tempus ininimo cum fructu contriuisse. Hæc tres linguas in crucem actus Dei Filius Seruator noster dedicauit: nempe ut sanctissimus, sapientissimus, potentissimus, Hebræam sanctissimam, Græcam sapientissimam, Romanam potentissimam. Quid enim Romanis potentius? an non illi rerum domini? quid Græcis sapientius? an non illi & inuentores, & perfectores artium ferme omnium? quid Hebræis sanctius, Deoq; sub sole isto charius? Audi quid

quid Isaias dicat in persona Dei. *Et tu Israël, serue meus Iacob quē elegi, semen Abraham amici mei, in quo apprehendi te ab extremis terra, & à longinquis eius vocavi te, & dixi tibi: Seruus meus es tu, elegi te, & nō abieci te.* & quæ deinceps leguntur in eodem cap. 41. præclara sanè. M. Iudicavi semper, & eruditis ita placuisse intelligo, titulum IESVS NAZARENVS, &c. non sine mysterio tribus illis linguis conscriptum, & supra crucem positum, atque hoc ipsum ad earundem decus pertinere: quemadmodum & hoc pertinet, omnia illis tradita & explicata esse, quæ cum ad res sacrosanctas, diuinas, cælestes, ad salutem animarum nostrarum sempiternam, tum ad res humanas, ad ciuilia negotia, atque ad omnem denique scientiam spectant, easque vagari quàm latissimè, & omnes propemodum orbis angulos vltimosque fines occupasse, cum cætera suis sese tantum, iisque non ita amplis regionibus contineant: aut si exierint, non sint æquè communes, neque in scholis doceantur, neque ad libros tam multos, vel potius innumerabiles conscribendos adhibeantur. *Æ.* Huc accedit, quod gentes alioqui vehementer dissidentes ac discrepantes inter se, harum beneficio coniunguntur, & consociantur, quæ hominem ingenuum præcipuè ornant & cohonestant.

ANNOTATIONES.

QUOD LATINE, GRÆCE, OSCE) *Gell. lib. 17. cap. 17. DVABVS ET VIGINTI) Mithridates Ponti atq; Bitbynia Rex inclytus, qui à Cn. Pompeio bello*
b 5 bello

bello superatus est, duarum & viginti gentium, quas sub
 ditione habuit linguas percalluit: earumq; omnium gen-
 tium viris haud vnquam per interpretem locutus est: sed
 vt quem, ab eo appellari vsus fuit, perinde lingua & ora-
 tione ipse non minus scire, quàm si gentilis eius esset,
 locutus est, Gell. ibidem. QVAM COR ETIAM NO-
 MINITAMVS) Cor pro animo saepe dixerunt veteres:
 quod videlicet animi sedem in corde quidam Philosophi
 constituerunt, aut animum cor esse decerent. Cic. 1. Tusc.
 Aliis cor ipsum animus videtur: ex quo excordes, vecor-
 des, concordesque dicuntur: & Nasica ille prudens bis
 consul Corculum. Plaut. Mostell.

Recordatus multum & diu cogitavi,

Argumentaq; in pectus multa institui

Ego, atque in meo corde (si est quod mihi cor)

Eam rem solutavi & diu disputavi.

Idem Milite. Cuique sapiat pectus, nam cor non potest,
 quod nulla habet. Quasi mulieres omnes sint excordes &
 amentes: nam de muliere ibi sermo est. Cic. 2. de finibus.
 Hoc est non modò cor non habere, sed ne palatum quidem.
 Ausonius reprehendens Grammaticum quendam de bar-
 barismo.

Qui reminisco putat se dicere posse latinè,

Hic ubi co scriptum, faceret cor, si cor haberet.

166(0)200

PRO

PROGYMNASMA
NONAGESIMVM QVINTVM.

Hebræa lingua.

IIDEM.

ÆLIVS. Hebræam dici potest Deus ipse inuenisse per se, cum reliquæ ab hominibus inuentæ, & expolitæ sint. Eadem ipse cum genere nostro, & nos cum illo: & angeli nobiscum, & nos cum angelis sæpè numero collocuti fuimus. Eadem vnigena **DEI IESVS CHRISTVS**, cum in terris corpoream indutus naturam degeret, conciones habuit, & directum ad cælos iter monstrauit. De Plauto notum est illud Epii Stolonis, à Quintiliano repetitum: Musas, si latine loquantur, Plautino sermone vsuras. Quia nimirum verborum Latinorum auctor est elegantissimus, seu princeps in latina eloquentia, vt Gellius censet. Nonne magis optabimus nos etiam lingua uti posse, qua Deum esse usum cognouimus? Singulæ item literæ admirandam multis in locis vim & emphasin habent, reconditosque sensus, & diuinos significatus efficiunt. M. Frequens Iudæos colloquentes audiui: horrida omnino, ac difficilis pronuntiatio mihi præ cæteris visa est hæc lingua. **Æ** Non tamen horridior, neque asperior quam vel Turcica, vel Persica, vel Æthiopica: quas nihilominus percipi, & commodè pronuntiari à nostrarum regionum hominibus, cum in illis oris aliquandiu versati fue-

fuerint, ne tu quidem nescis. Nec ego satis dispicio, quamobrem adeò inconcinna, & cura videri debeat oratio, quæ sua sponte, scriptore id non laborante, ad aptos numeros venit. M. Ad quos numeros? quis hoc affirmat? Æ. D. Hieronymus hebraicè doctissimus. Is Isaïæ orationem phaleratam, & apud Prophetas creberrima carmina hexametra, iambica, sapphica reperiri: imò quosdam penè totos versibus confectos testatur. M. Testis omni exceptione maior Hieronymus. Æ. Est insuper pudica admodum & verecunda hæc lingua, & sine honestarum aurium offensione plerumque effert, quæ turpicula, parumque casta sunt: quam illi laudem Græca & Latina merito inuiderint, in quibus ad res obscænas explicandas (in Græca præsertim) nimis copiosam vocabulorum syluam, & loquendi nimis multa genera inuenias.

ANNOTATIONES.

MVSAS PLAVTINO SERMONE) Idem Quintil. de Xenophonte lib. 10. cap. 1. Adde quod M. Tullius ne Thucydidem quidem aut Xenophontem viiles oratori putat, quanquam illum bellicum canere, huius ore Musas esse locutas existimet. In eodem cap. longè admodum infrà. Quid ego commemorem Xenophonis iucunditatem illam in affectatam, sed quam nulla possis affectatio consequi? ut ipsa sinxisse sermonem Gratiæ videantur. Celebre est etiam Cic. illud de Platone in orat. pers. Iouem si, ut aiunt Philosophi, græcè loqui velit, Platonis sermone vsurum. Non potuit certè maior hisce ser-

ptori-

ptoribus ornatissima dictionis, & omni numero consummata elegantia laus impertiri.

PROGYMNASMA
NONAGESIMVM SEXTVM.

Græca lingua.

IIDEM.

MAXIMINVS. Cum græca tamen neutram harum, nec ullam aliam arbitror copia & varietate posse comparari. *Æ.* Hoc verissimum, falsoque ac malignè Cicero, nimius nonnunquam suorum laudator, aliorum contemptor, exclamat: O verborum inops interdum Græcia, quibus te semper abundare putas. Etiam illud minus verè: Latinam esse locupletiores quàm Græcam. Satis copiosè, & doctè iam illi responsum est à nonnullis, quorum libri in promptu sunt. *M.* Tunc Ciceroni, quem tantoperè suspicis, quem ubicunque potes dilatare consueuisti, dicam impingis? *Æ.* Amicus Plato, sed amicior veritas. *M.* Appositè. *Æ.* Ea insuper inest in Græca verborum proprietas, ut cum rebus ipsis nata videantur: ea vis, ut sub aspectum quasi rem subiiciant. *M.* Non possum hoc loco idem obiiicere Græcis, quod suprà Hebræis: esse asperos in pronuntiando, & insuaues: nam quantum ego Græca legi, omnia videntur æquabiliter, placidèque ac leniter decurrere, & mira cum iucunditate ad aures afflue.

affluere: recteque Horatium dixisse puto: Graiis ingenium, Graiis dedit ore rotundo Musa loqui. *Æ.* Potuisti & hoc animadvertere, eandem latinæ linguæ matrem, & quandam velut pro creatricem ac nutricem esse. Et quomodo Romana alias linguas ornat, illustrat ac perficit, ita vicissim ipsa à Græca ornatur, illustratur atque perficitur: à qua si omnem sapientiam, doctrinam, fructum separemus, ac veluti detracta veste nudam intueamur, eximia certè pulchritudo, & elegantia ipsius nostros in se animos conuertet. Ceterum cum illis literarum principibus, Homero, Platone, Aristotele, Demosthene, Herodoto, Xenophonte, Isocrate sine interprete confabulari quanti est? Nam latinè quàm horridè, impurè, inquinatè ac sordidè iidem, & alii plerique loquantur, non te fugit. *M.* Minimè fugit: & soleo stomachari in tam illotos ac lutulentos interpretes, conditionemque sapientissimorum doctissimorumque hominum vehementer miserari, qui cum in sua lingua fundant aurea orationis flumina, in nostra balbutiunt, indiferti que sunt. Nec illud nobis non molestissimum accidit, quòd vnius eiusdemque scriptoris tantum non in singulos annos nouam conuersionem accipimus: ut in tanta copia quem interpretem præ aliis eligas, explicare sententiam non possis. Verum quid tu illis responderes, qui hanc linguam inuicem necessariam esse affirmare non erubescunt? quid etiam adolescentibus nonnullis, quibus laboriosa videtur atque difficilis? *Æ.* Sic occurrerem istis posterioribus: Itane verò? Sit difficilis, ut vultis: an vos tantum facilibus studebitis? Et quæ, obsecro, sunt isti

tant


tam faciliā? quæ ars? quæ disciplina? segnibus & ignavis nihil non difficile; industriis atque impigris, nihil non facile futurum, asseuero. πῶς ὁπμμελείας πάντα δοῦλα γίγνεται. Assidua vincit cuncta diligentia. M. Latina, inquit, multis partibus est facilior. Æ. Si hoc latinè indocti affertis, oratiō vestra nullā ineret fidem: si docti: quæro, num hoc anno latinam didiceritis? M. Nequaquam, dicent, sed à paruis in hunc vsque diem latinis dediti fuimus. Æ. Iam constrictos & impeditos teneo. Potestne, rogo vos, id facile nominari, quod annis 15. aut 16. quotidiano labore vix aliquatenus consequare? quod si vos ab ineunabulis Græcam discere cœpissetis, affirmare non timeo, tam laboriosa Latina vobis nunc appareret, quàm Græca apparet. M. Dimittamus pueros cum querela sua puerili: viros refuta, & eos quidem suo iudicio non indoctos. Æ. Vulpes cum amisisset caudam, nitebatur cæteris persuadere, ut tanquam rem superuacuum, & onus minime necessarium, eam rescarent: Nesciunt isti docti Græcas literas, proinde socios querunt, ne soli sine caudis, turpiterque deformati, & ignorantēs incedant. Vtilem & necessariam non esse fateor ad quæstum, ad otium, ad voluptates, ad opes: sed ad liberales artes percipiendas eius cognitionem requiri dico: idque in Theologia, Philosophia, Mathematicis, Rhetoricis, Dialecticis, Medicina, Iuris prudentia, Grammaticis possem quamuis copiosè ostendere, si cum illis agerem coram. Sed quod omnes ad Latinam mittunt, & à Græca reuocant, quis hoc ferat? Quid tandem esse existimant latinè scire, hum.

num. Calepinum euoluiffe? num vocabularios aliquos in memoria comprehendiffe? num epistolarum phrasas, num copię & inopię certas formulas: & locutiones latinogermanicas didiciffe? Illud est latinè nosse: primùm optimum quemque scriptorem diurna & nocturna manu versauiffe, legendo contriuisse, penitus & in cute nosse: omnem loquendi rationem à præstantissimis latinitatis auctoribus vsurpatam, non ab epitomis & compendiis nescio quibus traditam tenere: verborum, loquendique generum fontes & origines cernere: purè, ornatè, politè ex multa exercitatione tum loqui, tum scribere: quę quidem Gręcis incognitis fieri nullo modo possunt. M. Mihi & antè persuaseram, & nunc etiam magis persuasi, delirare, qui huic linguę obtreant eamque vel vt difficilem, vel vt non adeò necessariam atque vtilem calumniantur. Quapropter istis accusatoribus salute dicta, de Latina commentemur.

ANNOTATIONES.

ET MIRA CVM IVCVNDITATE) Tanto est sermo gręcus latino iucundior, vt nostri poęta, quoties dulce carmen esse voluerunt, illorum id nominibus exornent. Quintil. lib. 12. cap. 10. Si ex instituto velim hanc linguam laudare, facilius mihi erit orationũ principium quàm exitum inuenire: tanta suppeditat à melius ex doctissimorum hominum scriptũ collecta argumentorum vñ. Sed hoc tempore satũ esse duxi pauca de multũ promere, & adolescentibus ac magistrũ plura requi-

quirendi dicendique occasionem dare, & quasi quoddam calcar ad mouere ad hoc ipsum. Poteram & de alijs duabus differere copiosius, ni melius fore iudicassem, non omnia simul & vno loco dicere.



PROGYMNASMA NONAGESIMVM SEPTIMVM.

Latina lingua.

IIDEM.

ÆLIVS. In huius laudatione caput est: quod vniuersas propemodum linguarum omnium laudes in se cohibet. Dulcis est Gallica: dulcior Latina. Virilis est Hispanica: virilior Latina. Tenuis quodammodo Italica: tenerior Latina. Grauiissima putatur Germanica: numerosa Hebræa: hæc quoque in Latina cumulatè reperiuntur. Et quia Græcæ partus ac filia est; quis negabit eam maternis dotatam laudibus? quis hæreditatem pulcherrimam atque amplissimam ipsi relictam ibit inficias? M. Populum Romanum cæteras gentes non modò imperij magnitudine, verum etiam linguæ suæ propagatione vicisse certum est. Persæ; Medi, Assyrij, Græci latè quidem suos fines protulerunt; attamen cum imperio linguam proferre non potuerunt vt Romani, qui non corporis, sed animi suauissimum quendam conditissimumque cibum cum innumerabilibus nationibus sibi cõmunem fecerunt. Nec summos, & amplissimis in Republica

pet-

perfunctos honoribus viros puduit huic linguæ com-
mentariis explicandæ & illustrandæ operam tem-
pusque tribuere. Num fuit quisquam M. Tullio
honoratior? Num C. Cæsare potentior? Num Varro-
ne variarum artium scientia eruditior? Num quouis
istorum publicis negotiis domi, foris tractandis occu-
pator? Nihilominus in mediis belli tumultibus, inter
armorum fremitus de analogia Cæsar, de lingua lati-
na Varro, vterque ad Ciceronem scripsit. Cicero au-
tem Grammaticum studium in libris suis sæpe indica-
uit, & Grammatici officio sæpe functus est. *Æ.* Hæc
ad veram sapientiam nos instituit: hac sanctissimæ re-
ligionis mysteria custodiuntur: hac per omnia templa
Deo Opt. Max. & beatis cælitibus diu nocturne sa-
cra carmina concinuntur: cumque reliquæ duæ scho-
larum parietibus includantur, hæc etiam ad cœtus, con-
sultationes, conuiuia, familiaresque congressus ad-
mittitur. Quò magis dignum est miseratione, adeò su-
periore sæculo neglectam contemptamque iacuisse.
Nemo fermè quid esset latinè loqui sciebat, quilibet ver-
borum monstra & prodigia inuehebat: quod ita fieri
necesse erat, cum bonos libros ne de nomine quidem
quisquam nosset. M. O sæculum insipiens, & infice-
tum. *Æ.* Insigne etiam vulnus latinæ linguæ in-
flexit quorundam temeritas, qui tam multa ex ea in a-
lias linguas conuerterunt, vt paucissimi deinde ad eam
discendam mentes appellere voluerint. Quare quod
principiò in sacris Bibliorum voluminibus euenit, vnde
huius mali factum est initium, vt quisque putaret se
arcana illa capere, atque inde noua & horribilia opinio-
num

num inter se pugnantium commenta nascerentur : hoc idem in disciplinis literariis vsuueniet aliquando, cum textor aliquis, aut lanius, cetarius Aristotelem & Platonem pro sua inscitia interpretabitur. M. In Aristotelem tamen, & Platonem peccaretur tolerabilius. *Æ.* Sed absurdè utrobique : Gratia verò habenda Victoriis, Manutis, Sigoniis, Lambinis, Muretis, qui tanquam luciferi quidam nostra memoria exorti, quantum in ipsis fuit, sua luce barbarici caliginem ab oculis nostris discusserunt, scribendique perfectione ad antiquorum præstantiam proximè accesserunt : quorum libri ab omnibus & Humanitatis, & latinitatis studiosis quàm accuratissimè legendi sunt. M. Quà de me, Lydum prouocas in planiciem.

ANNOTATIONES.

QVanti suam linguam fecerint Romani, multū indicijs potest cognosci. Tiberium narrat Suetonius, c. 71. quanquam alioqui græco sermone promptū & facilem, non vsquequaque vsum, abstinuisse quæ maxime in senatu, adeò quidem, ut monopolium nominaturus veniam postularit, quod sibi verbo peregrino utendum esset. Et in quodam decreto Patrum cum ἐμῶνμα recitaretur, commutandam vocem censuit, & pro peregrina nostratcm requirendam, aut si non reperiretur, vel pluribus, & per ambitum verborum rem enuntiandam. Militem quoque græcè testimonium interrogatum, nisi latinè respondere vetuit. Eadem Xiphilinus in Tiberio.

Vide quid idem Sueton. de Claudio memoret cap. 16. & Cic. de Lucullo ad Atticum lib. 1. ep. 16. Valerius lib. 2. c. 2. Magistratus verò prisci quanto operè suam populique Romani maiestatem retinentes se gesserint : hinc cognosci potest : quòd inter cetera obtinenda grauitatis indicia, illud quoq; magna cum perseuerantia custodiebant ; ne Gracii vnquam nisi latine responsa darent. Et qua sequuntur, nolo enim esse longior.

PROGYMNASMA
NONAGESIMVM
OCTAVVM.

*Soluta, pedestrisq; scriptio-
nis
varietas.*

CONSTANS. APOLLINARIS.

CONSTANS. Dies non ita multi effluxerunt, cum te in quodam conuentu literato mira, nec pauca sanè de exercitatione iactantem, eiusque laudes plena manu in astra tol-
lentem lætus ac lubens audiui : quorum summa quædam est hæc : Ab ea naturæ vitia emendari, longè-
que plus diligentia, assiduitate, labore, consuetudine cum mediocri ingenio, quàm sine his etiam cum summo effici : corrumpi enim ingeniorum bonita-
tem ignauia atque socordia : & cum negligens etiam facilia non consequatur, studioso ac diligenti nihil ef-
fecit.

se difficile. Adducebas quoque Periandri verbum, *ἡμελέτη πάντα διύαται*, quo significatur, nihil esse tā arduum, laboriosum atque magnum, quod cura, industria, contentione, sedulitate non superetur. Hac Aristotelem tantum philosophum, Ciceronem & Demosthenem tantos oratores, Archimedem & Euclidem tantos mathematicos, Virgilium & Horatium tantos poëtas, Apellem & Parrhasium tantos pictores, Phidiam & Polycletum tam excellentes statuarios euasisse. Commendabas autem nobis scriptionis vsum & exercitationem præsertim, quandoquidem hoc sæculo, & istis hominibus, neque in scholis aliud maius quæritur: neque extra scholam maiori gloriæ ducitur, quàm Latina lingua. Hanc nos puram, elegantem, propriam & copiosam assecuturos, si quamplurimum scribere in animum induceremus: stylum enim optimum esse, & præstantissimum huius rei effectorem atque magistrum. Et cum Cicero ipse, fons latinitatis vberimus, vnusquē omnium post hominum memoriam disertissimus & eloquentissimus, libro 9. ad Pætum scribens de se dicat: Ipsa illa, si qua fuit in me facultas orationis, nisi me ad has exercitationes retulissem, exaruisset: quid de nobis miseris cogitandum est, aiebas, qui tantos orationis thesauros etiam creberrimis exercitationibus vix aliqua ex parte corrademus? Ego tum illa disputatione tua ita animatus discersi, vt statuerem, simul ac in te rursus incidissem, quærere, quænam quasi genera putares esse scriptionis, non solutæ tantum, verum etiam ligatæ, in quibus nos adolescentiores versaremur, qui in vtraque

orationis facultate præstare cuperemus. Itaque te valde pro amicitia nostra rogo, ut in eam tanquam discipulum instituas, quæque scribenda sint, monere ne detrectes. A. Quid tibi, quæso, opera mea in istoc negotio opus est? lege Aphthonium, lege alios recentiores, qui istud argumentum doctè, integrisque voluminibus persecuti sunt. C. Tua volo, tuis ego contentus: ne fuge tantillum laborem causa mea. A. Haud expeditum est ex tempore satisfacere votis tuis. Sed quoniam finem orandi, urgendique non videris esse facturus, exponam tibi quæ requiris vel ex tempore, & breviter. C. Nullum est periculum, ne quid tibi excidar, quod mihi non profit audiuisse. A. Principiò id do consilium, ut scriptites epistolas, frequenter quidem ex præceptis, quæ à Rôcho Perusino accuratissimè traduntur; aliquando tamen liberas omnino, nullis quasi vinculis præceptionum alligatas. Nec mihi non placent, qui sine argumento scribunt, & hanc solam habent epistolæ sententiam, non habeo quod scribam: quales ad se mitti epistolas ab Attico etiam M. Tullius voluit, & est hoc genus inter doctos frequentatum. Solent præterea magistri diligentes argumentum, siue rem totam epistolæ cuiuspiam docti viri sumere. Contradi, verbi gratia, Sadoleti, Manutij, Longolij, eamque dictare discipulis, postea illorum epistolas cum his conferentes docent eos quid agere, & quonam modo scribere debuissent, ut essent viris illis non dissimiles: laudant si quid bene, si alicubi persimiles, si opera & labore haud parci fuerunt. C. **Iucunda exercitationis ratio.** Est enim suave per se
episto.

epistolas facere, quamuis eas nusquam sis missurus : & posterior modus Præceptorem in argumentis inueniendis non mediocriter adiuuat. Die iam de alio genere. A. Ex Æsopo, aut ex poetis lepidam fabellam depromas licet, eamque nunc brevissimè ac simplicissimè, nunc copiosè, cum auctoris commendatione, cum affabulatione, cum interpositis aliorum nominibus & colloquiis tracta. Item narratiunculas è Theatro vitæ humanæ, è Valerio Maximo & exemplorum libris nouas, antiquas, veras, commentitias (nihil enim interest) nonnunquam petes, quas similiter aut paucis verbis, sinèq; ornamentis, aut pluribus & ornatiõibus, affectibus quoque admistis expones. C. Quàm vellem hîc mihi tuum exemplum proponeres aliquod : adolescentes enim milites cum ducum & imperatorum suorum strenuè facta coràm intuentur, longè perfectiùs bellicam artem, quàm solis præceptis audiendis discunt. Sed video id fieri iam minimè posse. A. Cum poterit, & in hoc, & in aliis quæ recensebo, aut conscribam ipse exempla tibi, aut conscripta iam pridem ostendam. C. Docebis me igitur quæ ipse experiundo cognouisti : non ut quidam, qui cæcis volunt præire, cum ipsi propemodum talpæ sint. A. Exercitationem amaui & complexus sum à pusillo puero, cui maximè debeo si quid sum. Non paruam insuper copiam ad scribendum supeditabunt apophthegmata, quæ ubi breuiter comprehensa fuerint, argumentis excogitatis aut confirmari, aut refutari, aut laudari, aut vituperari poterunt. Commendentur item, aut reprehendantur aucto-


res eorundem, similia & dissimilia adducantur, quibus illa magis illustrentur. Idem statuendum de prouerbis & sententiis, siue sacris, siue profanis, quæ etiam *ἀποφαισιν* dilatabuntur, & tanquã communes loci tractabuntur. C. Tam multi extant sententiarum libelli in utroque genere, auctorum, inquam, sacrorum, non sacrorum, poetarum quoque, ut si quando est animus aliquem eorum legere, nesciam quem præ aliis legam. A. Utilem præstitit studiosis operam Andreas Eborensis Lusitanus, hunc eme. Præterea Stobæum, sententias Ciceronis, gemmas Platonis, flores poetarum tibi commendo: nec sperno quæ seorsum ex Seneca Neronis magistro, & Plutarcho collectæ sunt. C. Meminero horum. A. Non ad stylum modò exercendum, verum etiam ad inuentionem, iudiciūque, ad decori quoque discendam rationem (quod tamen est iudicii) proderit dialogos breues, & varios conficere, materia sæpe ex quauis occasione sumpta, nec non ex poetis, historicis, oratoribus, quos vel legimus ipsi, vel explicari audimus. In hac ipsa exercitatione non modica inest delectatio, quam tum rerum, tum personarum vicissitudo conciliat. C. Modò ne iubeas me dialecticum, & rhetoricum in iis artificium obseruare, ac nescio quæ alia, quæ nuper ex commentario quodam in dialogis obseruanda esse cognoui. A. Ille commentarius de dialogis maioribus, grauioribus & grandioribus loquitur, quos componere debent, qui ad magistrum itare, manumque ferulæ subiicere iam desierunt. C. Amabò, quid sentis de conuersionibus? estne utendum ea exercitatione
adole.

adolescentibus? A. Non aliter, quàm vt solent in scholis, cum Præceptor argumentum vel à se conscriptum, vel ex aliquo Latino Germanicum factum discipulis conuertendum proponit. Verùm in emendatione accuratum esse conueniet, vt linguæ vtriusque idiotismi, elegantiaeq; ostendantur, & moneantur pueri, quid sequi, quid vitare, quid melius facere debuerint. Qui robustiores sunt in literis, interdum ad conuersionem aliquot paginarum aggrediantur. Laudat hoc genus Cic. 1. de Orat. & habet cum magnas, tum non paucas utilitates. Addam hoc appendicis loco. Componenda exempla illustrium figurarum, vt distributionis, subiectionis, frequentationis, similitudinum, comparationum. Aliquid breuiter laudandum, aut reprehendendum. Aliquid breuiter laudandum, aut reprehendendum; eadem sententia variatis verbis ac figuris effe-
renda sæpius; eadem græcè ac latinè, metro & soluta oratione varianda. Nunc de ligata differam, si attendas.
C. Attendo.

ANNOTATIONES.

SOLVÆ PEDESTRISQVE) Tribus potissimum modis appellatur oratorum oratio. Soluta, non quod pedibus & numerum careat, sed quod hystam astricta non sit, vt carmen, Prosa, seu prorsus, quasi profusa. Pedestri, græcè πεζὸς λόγος & quod quasi pedibus incedat cum carmen quodammodo equo ferri videatur. Itaque Horat. historias soluta oratione compositas pedestres vocauit Ode 12. lib. 2. POST HOMINVM MEMORIAM)
Sic sæpe Cicero. Nec raro, post homines natos, qua for-

mula ad amplificandum valent. Demosthenes de emen-
tit & legat. dixit: αὐτὸς γέγονασιν ἀνθρώποις, ex quo homi-
nes esse ceperunt. Lege Victor. c. 12. l. 17. Quod quidam
sic loquuntur, ab orbe, à mundo condito, non est vitupe-
randum. Pro illis autem, nostro tempore, patrum nostro-
rum tempore, melius dicemus, nostra, patrum, maiorum
memoria. Quod Caesar habet lib. 3. de bell. Gall. Nec
adhuc hominum memoria repertus est, &c. videtur id
velle, quod Germani, bey Manns gedencfen.



PROGYMNASMA

NONAGESIMVM

NONVM.

Poëtica scriptionis varietas.

IIDEM.

APOLLINARIS. Rem quampiam eodem ge-
nere carminis bis, ter, quater, diuersis nimirum
verbis locutionibusq; & figuris explicabis. Cernis
in Catalectis Virgilianis tam iucunda mirabiliq; varieta-
te, & tot modis auroram, quatuor anni tempora, am-
nem glacie concretum, & alia expressa elegiacis, vt ni-
hil suprâ possit esse. Quid si etiam eandem materiam tri-
bus, quatuor carminum formis mandes, vt hexametro,
elegiaco, iambico? Virgil. in 8. Æneid. Ouid. 9.
Metamorph. Ausonius, labores Herculis hexametro
com-

complexi sunt: Ouidius rursus in epistola Deianire elegiaco, Seneca in Hercule furente iambicis eos inclusit. C. Contuli aliquando istos diuersorum poetarum versiculos, & poeticæ orationis diuitias sum contemplatus. Occurrit tum illud de Archia poeta, quem defendit Cicero. Fertur is cum Roscio principe ætatis suæ histrionum certare solitus, vtrum ille eandem rem sæpius variato gestu exprimeret, an hic mutatis verbis per carmen efferret. A. Magna eloquentiæ, & incredibilis facunditas, oratoribusq; cum poetis communis est. C. Quæ adhuc exercitationum metricarum genera laudas? A. Hoc solutam orationem, siue dictum elegans & graue, siue historiam, siue fabulam ad carmen redigere, poeticâque libertate vti, & flores, fucos, vbertatem quandam verborum atque rerum adhibere. C. Arbitror contrà etiam fieri posse, vt soluatur carmen, fiatque libera pedibus oratio. A. Potest, maxime. Deinde vnum genus carminis apud auctorem aliquem inuentum, nos mutatis numeris in aliud transferemus, hexametrum in elegiacum, & hoc in phaleucium, & istud in sapphicum: ne ignoremus tamen vniuscuiusque generis suam ac propriam ideam esse. Curabimus præterea, vt nobis versus alieni proponantur, aut ipsimet eos deligamus, quibuscum nostra Musa decertet, vt supra in epistolis faciendum dicebamus. C. Vellem hac tempestate in scholis vigerent certamina poetica, vt adolescentes se mutuo non tantum numero versusum (nam id parui duco, breui tempore sexcentos versus euomere: & tamen id in usu est pænè solum) sed

is in suo genere Roscius diceretur. Cic. 1. de Orat. Eundē laudat orat. pro Quint. Festus. Roscij appellabantur in omnibus perfecti artibus, quod Roscius quidam perfectus vnus in arte sua, id est, comœdia iudicatus sit. Horat. epist. 1. lib. 2. Quæ grauū Æsopus, quæ doctus Roscius egit. Vide & Macrob. lib. 3. cap. 14. Disputauimus de variū exercitationum, scriptiōumue generibus induobus antegressis progymnasmatū, & quæ adolescentum viribus æqua videbantur attulimus. Nunc robustioribus alium magistrū, doctiorem, Plinium scilicet Secundum dabimus, qui eos varietatem exercitationū tam oratoriæ, quam poëticæ admodum eruditè ac disertè doceat epistol. 9. lib. 7. quam subscribemus per capita distinctam, quo omnia dilucidiora fiant.

C. PLINIUS EVSCOS.

Quæris quemadmodum in secessu, quo iamdiū fruëris, putem te studere oportere.

EXERCITATIONES
ORATORIÆ.

I. GENVS.

VTILE imprimis, & multi præcipiunt, velex Græco in Latinum, vel ex Latino vertere in Græcū: quo genere exercitationis proprietās, splendorque verborum, copia figurarum, vis explicandi: præterea imitatione optimorum

morum similia inueniendi facultas paratur: simul quæ legentem sefellissent, transferentem fugere non possunt: intelligentia ex hoc, & iudicium acquiritur.

II. GENVS.

Nihil obfuerit, quæ legeris hætenus, ut rem argumentumquæ teneas, quasi amulum scribere, lectisquæ conferre, ac sedulò pensitare, quid tu, quid ille commodius. Magna gratulatio si nonnulla: tum magnus pudor, si cuncta ille melius.

III. GENVS.

Licebit interdum & notissima legere, & certare cum electis. Audax hac, non tamen improba, quia secreta contentio. Quanquam multos videmus huiusmodi certamina sibi multa cum laude sumpsisse, quosq; subsequi satis habebant; dum non desperant, antecessisse.

IV. GENVS.

Poteris & quæ dixeris, post obliuionem retractare, multa retinere, plura transire, alia interscribere, alia rescribere. Laboriosum istud, & tadio plenum, sed difficultate ipsa fructuosum; recalescere ex integro, & resumere impetant.

tum fractum omiffumq;. Postremò noua uelut membra peractò corpori intexere, nec tamen priora turbare.

V. GENVS.

Scio nunc tibi effe prapuum ftudium orandi. Sed non ideo femper pugnacem hunc, & quafi bellatorium ftilum fuafirim. Vt enim terra variis mutatisq; fominibus, ita ingenia nofta nunc hac, nunc illa meditatione reuoluntur. Volo interdum aliquem ex hiftoria locum apprehendas.

VI. GENVS.

Volo epiftolam diligentius fcribas. Nam fape in oratione quoq; non hiftoria modò, fed propè poëtica descriptionis neceffitas incidit, & prefus fermo purusq; in epiftolis petitur.

EXERCITATIO POETICA,
QVI DICVNTVR LVSVS.

FAs eft & carmine remitti: non dico continuo & longo (id enim perfici in otio non poteft) fed hoc arguto & breui, quod aptè quantalibet occupationes curasq; diftinguit. Lufus vocantur, fed hi lufus non minorem interdum glo-

gloriam quàm seria consequuntur : atq; adeò (cur enim te ad versus versibus non exhorter ?)


*Vt laus est cera, mollis cedensq; sequatur
Si doctos digitos, iussaq; fingat opus,
Et nunc informet Martem, castamue Mineruam,
Nunc Venerem effingat, nunc Venerit puerum:
Utque sacri fontes non sola incendia sistunt:
Sapè etiam flores, vernaq; prata iuuant:
Sic hominum flecti ingenium, duciq; per artes
Non rigidas docta mobilitate decet.*

Itaque summi Oratores; summi etiam viri sic se aut exercebant, aut delectabant; immo delectabant; exercebantq;. Nam mirum est, ut his opusculis animus intendatur; remittatur. Recipiunt enim amores, odia, iras, misericordiam, urbanitatem: omnia denique, quæ in vita, atque etiam in foro causisq; versantur. Inest his quoque eadem; quæ aliis carminibus utilitas, quod metri necessitate deuincti soluta oratione latamur: & quod facilius esse comparatio ostendit; libentiùs scribimus.

EPILOGVS, ET PAUCA DE LECTIONE.

HABES plura etiam fortasse, quàm requirebas. Vnum tamen omisi: non enim dixi quæ

qua legenda arbitrarer: quanquam dixi, cum dicerem qua scribenda. Tu memineris sui cuiusque generis auctores diligenter eligere. Aiunt enim multum legendum esse, non multa. Qui sint hi, adeò notum promulgatumq; est, ut demonstratione non egeat: & alioqui tam immodicè epistolam extendi, & dum tibi, quemadmodum studere debeas suadeo, studendi tempus abstulerim. Quin ergo pugillares resumis, & aliquid ex his, vel istud ipsum quod cæperas, scribis? Vale.



PROGYMNASMA CENTESIMVM.

Actio scenica.

CONRADVS. HELISÆVS.

CONRADVS. Accenditur mihi animus
haud mediocriter, Helisæe, ad personam in
theatro agendam, siue id in comœdia, siue
in tragœdia, siue in dialogo, (nam hoc tertium
quoddam dramatis genus nostri faciunt) non, in-
quam, parua cupido huius rei mihi crescit in pe-
ctore, cum obseruo spectatores vultus atque ora
in ludionibus defigere, & non modò primarum,
secundarum, ac tertiarum partium, sed in suo ge-
nere

nere optimum quemque actorem intueri continenter, admirarique maxime, & alios collatis capitibus percunctari, quinquam sit ille, aut ille adolescens, cuius filius, quod ei nomen. H. At mihi cum hac, tum aliis de causis semper iucundum fuit obligari sacramento huius militiae. C. Recense causas illas, nisi onerosum est, & adde currenti calcar. H. Plerique de studiosis literarum aliena misericordia liberalitateque indigent: qui quidem cum suas partes egerint egregie, & ita se populo probauerint, à diuitibus ac nobilibus viris sumptum in singulos annos, quò victum tolerent, facile hac ratione, etiam non rogantes, consequuntur. Exempla complura commemorauerim, & ex illis ego ipse vnus sum, qui quoniam in comœdia quæ inscribitur Salomon coronatus, puerum Salomonem non malè videbar egisse, illustri, & opulento viro annuos aureos quinquaginta in acceptis fero. C. Pro tantilla opera tanta merces? H. Non illi operam & laborem, sed ingenium, quod sese in huiusmodi comicis actionibus mirabiliter ostendit ac prodit, spectare solent. Videmus præterea parentes admodum desiderare, vt filii doceantur bene gestum agere, moderari manus, vultum, corpus totum, ac vocem etiam inflectere, atque variare, & in his omnibus posthabito pudore subrustico liberi esse, nihil metuerent. Hoc nusquam commodius, maiorèque cum eorum, & aliorum voluptate fit, quàm in theatro. C. Quàm vera sunt hæc? nam quod mihi mei, hoc aliis perinde suos parentes credo facere. Quærent sæpe: dabitur ne comœdia? quæ par-

partes mandatæ sunt tibi? putant, credo, etiam ad suam ipsorum gloriam pertinere, si filii placuerint. H. Et ad gymnasii quoque decus atque gloriam vehementer scito interesse: laudatur enim locus, & magister, ubi, & à quo tam præclara indole, tam apti ad res pulcherrimas adolescentes instituuntur. Quin nosmetipsos, condiscipulos, populum, magistratus, totas ciuitates liberalissima & honestissima voluptate cumulamur, si nos ex poëtæ sententiâ gerimus. C. Ac me quoque doctiorem factum sentio, tam multis egregiis sapienterque scriptis versibus ediscendis: & memoriam non parum exercui: siquidem trecentos, quingentos aliquando, ut digitos meos, ut nomen meum recitare potui. H. Si fabula quæ datur, latinè ornatèque composita fuerit, necesse est omnino actores, cum eam ediscunt, omnes omnium personas propemodum memoria tenere (quippe quos toties cum exercentur audiunt) in latinitate, & orationis virtutibus nonnihil proficere, atque ad scribendum, loquendumque aliquam sibi supellestem comparare. Augetur adhæc prudentia, & cognitio *ἡ πρὸς τὸν οἶκον*, cum animaduertimus scilicet, in œconomia adhibitum iudicium, & cum personæ cuiusque eum sermonem audimus, qui ad naturam, ingeniū, mores illius καὶ ὁλὴ est appositus. In quo quidem officium poëtæ inprimis consuitur, qui vniuersa in singulis imitari, atque exprimere debet. C. Cur igitur apud veteres probro dabatur histrioniam facere? H. Si cogitemus qualia priscarum comœdiarum argumenta fuerint, non mirabimur: leuia,

litigiosa, nugatoria, impura: quales item versus, spurci-
dici, ut inquit Plautus, & immemorabiles. Ibi lenones,
meretrices, parasiti, serui callidi, adolescentes asoti. Hu-
iusmodi personas agere honestum hominem iure pu-
deat: scurram autem, circulatorem, malè feriatum ac
triobolarem non pudeat. Dramatum nostrorum lon-
gè diuersa est ratio, quæ fermè illustres, graues, notas
historias, & frequenter è sacris literis petitas continent,
quo populo & notiores sint, & placeant magis. Quàm
autem tales historias, tot annis præsertim, tamque di-
stantibus locis gestas rectè deligamus, & quàm easdem
materias præceptis & exemplis antiquorum seu comi-
corum, seu tragicorum conuenienter tractemus, non
est meum disputare, doctioribus relinquo. Cùm igitur
res sint honestæ & sacræ, personæ etiam ciuilibus
honoratiores, aut saltem, non viles atque abiectæ, tan-
tum apud nos abest ut sit ignominiaë histrionem
profiteri, ut sit commendationi ac laudi potiùs. C. Il-
lud superest, ut Roscios atque Æsopos habeamus, qui
nos in hoc artificio ipsi artifices celebratissimi institu-
ant. H. Bene optas. Nulla ars sine magistro discitur:
quanquam noster doctor non est postremus in hac pa-
læstra.


ANNOTATIONES.


SI FABULA QUÆ DATVR) *Dare fabulam*
visitatum est Terentio. Sic autem dicitur, data est fa-
bula, ut data est cœna, datum est prandium. Et dari di-
citur

citur fabula cùm agitur, stare, cùm placet. Hec Donat.
 in prolog. Hecyr. Cicer. Tusculan. 1. Annū enim fere
 CCCCX. post Romam conditam Liuius fabulam de-
 dit. Et in Bruto. Minor fuit aliquanto ū, qui primus
 fabulam dedit. Vtitur etiam verbo docere, vt eodem li-
 bro. Annū XXX. post, quā eum fabulam docuisse &
 Atticus scribit. In eodem libro. Ennius cū Thyesten fa-
 bulam docuisset, mortem obiit. Sic Horat. ad Pison. Vel
 qui prætexas, vel qui docuere togatas. APVD VE-
 TERES PROBRO DABATUR) Apud Romanos,
 at non apud Græcos. Itaque Æmilius Probus præfat. do-
 cens, non eadem omnibus esse honesta atque turpia, sed
 omnia maiorum institutū iudicari, commemoratis alijs:
 in scenam verò prodire, inquit, & populo esse specta-
 culo, nemini in iisdem gentibus fuit turpitudini: quæ
 omnia apud nos partim infamia, partim humilia, atque
 ab honestate remota ponuntur: contra ea pleraque no-
 strū moribus sunt decora, quæ apud illos turpia putan-
 tur, &c. Lege Lambin. in eundem locum. Rem ergo hi-
 strionicam apud Romanos non alijs sermē, quā serui &
 venalitij tractabant, erant quæ non ita magno in pretio
 & honore. Hinc Cicer. pro Quintio de Q. Roscio: Etenim,
 cū artifex eiusmodi sit, vt solus dignus videatur esse,
 qui in scena spectetur; tum vir eiusmodi est, vt solus di-
 gnus videatur, qui ed non accedat. IBI LENONES,
 MERETRICES) Quales comædiarum veterum per-
 sonæ vt plurimum essent, indicauit Terent. quoque in
 prolog. Heaut.

*Ne semper seruos currens, iratus senex,
Edax parasitus, sycophanta autem impudens,
Avarus leno, assidue agendi sint mshi.*

Certè cum Plautus Captiuos laudet etiam ob hoc, quod ibi non sit meretrix mala, intelligimus nullam pane sine infamibus illi personi dari solitam. Vnde totam granitatem, & sanctimoniam dramatum illorum aestimare licet. Addam istuc corollarj loco. Intermedia quæ hodie vocantur in comædiis & tragædiis, diuerbia scilicet, quibus spectatorum animi actoribus è theatro, post actû finitû digressis recreantur, à veteribus dicta exodia, & actores ipsos exodiarios, quæ de re legendus Turneb. lib. 3. cap. 17. & lib. 10. c. 27. Addam alia. Primarû partium actores seu personas in dramatis eas dici posse, quæ plurimum versantur in dramate, seu quarum maior habetur ratio, quas potissimum respicit fabula, & à quibus plerumq; nomen fabula imponitur, vt Hecuba, Orestes, Hippolytus, Andromacha Euripidis, Andria Terentij, Amphitruus Plauti. Ex hoc intelligitur quæ sint secundarum, aut tertiarum partium. Designator is dicitur, quia loca spectatoribus designat in theatro.





EX HIEROCLE,
ET PHILAGRIO GRAM-
Matico, SCHOLASTICO-
RUM, SIVE LITERIS STUDEN-
tium, & aliorum ridiculè dicta,
& facta.

SCHOLASTICVS, siue litteratus ar-
gentario lucernam faciendam lo-
cauit. Eo quærente, quantam velleret,
respondit, quasi pro octo homini-
bus. *Si de pane interrogatus sic respon-*
disset pistori, recte respondisset.

Scholasticus dum natare tentat, pæne summer-
sus est. Iurauit igitur, non ingressurum de cætero
aquas, nî prius bene natare didicisset.

Scholasticus quidam medicum conueniens di-
xit, medice, quoties de somno surgo, per dimidiũ
horæ adhuc mihi tenebræ sunt, atque ita demum
restituor. Tum medicus, serius igitur dimidio ho-
ræ expergiscere.

Cum Scholasticus equum venderet, inter-
rogauit quispiam, num ægrolæ esset. *(hoc est,*

nam primos dentes emitteret, βόλῳ enim Aristoteli est dentitio) & illo respondente, δὲ προβόλον esse, qua-
siuit ille rursus, quonam modo? Quia, inquit,
semel me, semel patrem meum deiecit. *Locus est
in ambiguo βόλῳ, à βάλω, quod cum προῶτον, & δὲ-
προν iunctum, alium atq; alium sensum efficit, Respon-
dens quasi à βάλω pro iacio, interrogans à βάλω pro
emitto προβόλον accepit.*

Quidam Scholastico obuius factus dixit, do-
mine Scholastice, per somnium te vidi, & com-
pellauit. Tum Scholasticus, per deos, inquit, occu-
patus non attendi. *Aliter hunc iocum in suo codice
legit Anonymus, & ordine inuerso, vt ex eius interpreta-
tione apparet, quam subijcio. Scholasticus amico obuiā
factus, inquit, in somno te visum allocutus sum. Cui ille,
da mihi veniam quod non auscultauerim.*

Scholasticus conspicatus medicum pro con-
suetudine venientem, cooperuit se ne videretur.
Interrogatus à quodam sodali suo, cur id faceret;
respondit; diu est quod non ægrotavi, & me co-
ram illo pudet.

Scholastico cui secta erat vua, præceperat
medicus ne loqueretur, qui famulo mandauit;
vt suo loco salutantibus responderet. Deinde ipse
cuilibet dicebat: ne pro iniuria reputes, si pro
me seruus meus te resalutat, medicus enim vetuit
me loqui.

Scholasticus volens murem libros eius assi-
duè

duè arrodentem comprehendere, carnes mandens in tenebris sedebat.

Scholasticus volens a sinum suum docere, ne multum comederet, illi pabulum non apponebat. Moriente autem a fello præ fame, aiebat, magnam feci iacturam: quando enim didicit non multum comedere, tunc extinctus est.

Scholasticus equum vendens, interrogabatur num esset timidus: non, per salutem patris mei, inquit, nam in stabulo solus stetit.

Scholasticus volens videre an decorè dormiret, clausis oculis speculum intuebatur.

Scholastico peregre proficiscenti amicus dixit, quæso mercare mihi duos pueros, siue seruu-
los, vtrumque annorum quindecim. Sed si non inuenero, inquit ille, duos, mercabor tibi vnum, annos natum triginta.

Scholastici duo parricidæ indignabantur inter se, quod patres illorum adhuc viuerent. Altero itaque dicente, visne igitur ut vterque suum præfocet? absit, inquit alter, ne parricidæ audiamus. Sed, si placet, tu meum, ego tuum occidam.

Scholasticus cum putaret se in somnis clauum calcasse, pedem circumligauit. Sodalis autem eius caussa quæsitæ & cognita, iure, inquit, fatui vocamur, cur enim non dormimus calceati?

Scholasticus multis diebus libro requisito,

k s

nec

nec inuento, cum fortè lactucam comederet, conuersus in angulum, vidit ibidem iacere librum. Postea amico occurrens lamentanti, ut qui vestimentorum ornatum amisisset, ne doleas inquit, sed lactucas eme, & eas comedens in angulum conuersus attende oculos, & vestes inuenies.

Scholastico amicus peregre absens scripsit, ut sibi libros coëmeret. Is re neglecta reuerso inquit, misisti epistolam de libris emendis, quam non accepi.

Scholasticus visis super arbore multis passeribus, sensim subiens, vestis sinum expandit, & arborem concussit, quasi decedentes excepturus.

Quidam in Scholasticum incidens, seruus, inquit, quem vendidisti mihi, mortuus est. Tum Scholasticus, per deos, quando mecum erat, tale nihil fecit.

Scholastici duo à cœna se inuicem domum comitantes, honoris causa illa nocte non dormierunt.

Scholasticus cum haberet villam multis milliaribus distantem, ut eam propinquiorem faceret, septem millia nummum decreuit.

Scholasticus somnum capere cupiens, cum puluinum non haberet, seruo mandauit uti amphoram supponeret. Quo dicente, nimis duram esse, iussit eam plumis impleri.

Scho-

Scholasticus occurrens amico dixit, audiui te esse mortuum. Respondit amicus, atqui vides me viuere. Et Scholasticus, atqui mihi hoc narrauit, fide est te longè dignior.

Scholasticus vt primum apertum est balneum, ingressus, cum neminem intus inuenisset, ad pedissequum conuersus inquit, nemo hic lauat, vt video.

Scholasticus cum patre suo litigans, dixit ei, male serue, an non vides, quantum mihi nocueris? Si enim tu natus non esses, ego aui mei heres essem.

Scholastico canis digitum momordit, tum ille, si vestem, inquit, corripuisset, lacerasset.

Scholasticus atroci tempestate nauigans, ministris flentibus, nolite flere, inquit, nam ego vos omnes in testamento liberos scripsi.

Scholasticus inquirens; vbinam sibi monumentum, siue sepulchrum conderet, affirmantibus quibusdam hic fore commodum; sed iste locus inquit, est contagiosus.

Scholasticus agrotans pactus est mercedem medico, si conualesceret. Cum itaque in feбри vinum bibentem vxor obiurgaret, an tu, inquit, sanum me ad dandam medico mercedem cogi vis?

Ex gemellis fratribus altero defuncto Scholasticus viuo occurrens, sic eum appellat, tunc, an frater tuus obiit?

Scho-

Scholasticus fluuium traicere volens, nauim e quo insidens conscendit. Percunctante autem quopiam cur id faceret: festino, inquit.

Scholasticus naufragio periturus tabellas postulabat, vt testamentum conderet.

Scholasticus ad cœnam vocatus non edebat. Interrogatus à conuiuis cur non comederet, ne comedendi causa, inquit, adesse existimet.

Scholasticus ad patrem Athenis scribens, & de progressu in studiis glorians, adiecit, opto autem & te inuenire cum lite, seu causa capitali, vt me tibi oratorem ostendam.

Scholastici filius pila ludebat. Lapsa igitur in puteum pila despiciens, & suam ipsius simulacrum videns, pilam ab eo reperebat. Deinde id apud patrem accusabat, quod sibi pilam non redderet. Ille in puteum similiter despiciens, & suam quoque imaginem ibidem intuens, pilam reperebat: paterfamilias inquires, redde puero suam pilam.

Scholasticus amicum in morbo visens, de morbo ex eo quærebat. Quo tacente, iratus, spero inquit, me quoque ægrotaturum, nec tibi respondebo.

Scholasticus cum illi quidam narrasset, se heri gallinam saginatam cœnasse, ad saginatorem accedens, pridianam sibi gallinam occidi petiuit.

Scho-

Scholasticus occurrentium vestimenta honorabat: Id cum ex quopiam patere eius audiisset, eumque obiurgaret: respondit, à calumniatore persuasus es, & fortassis nec ab homine. Patre excipiente, ille mihi dixit. Et tu (inquit filius) ei aures das, qui nec quinquaginta drachmarum vestem habet?

Scholasticus equum vendebar. Accedente autem quodam, & quantum dentes prodiissent considerante, quid, inquit, dentes eius consideras? utinam quemadmodum bene comedit, ita etiam bene ambularet.

Scholastici duo ambulabant. Conspicatus alter horum gallinam nigram, frater, inquit, fortassis huius gallus est mortuus.

Scholasticus declamator, rogatus ut in mortuos funebres orationes haberet, cuidam adhuc viuo funebrem composuit. Qui cum eum idcirco inius vocasset, respondit demens, ne mihi prædixeritis quando morimini. Ego ex tempore dico. Vultis, ut me indecorè geram?

Scholasticus paruo amisso filio, cum cerne-
ret multos ad exequias eius concurrere, dixit, erubescio pusillum puerum in tantam turbam efferre.

Scholasticus domum proscribens, lapidem ex ea pro exemplo circumferebat.

Scholasticus audito à quibusdam barbam
iam

iam sibi venire, abiens ad portam vrbis, exspectabat ipsam. Causam dum alius quærit, & cognoscit meritò, inquit, stultus æstimaris. Vnde enim scias, annon per aliam portam veniat?

Scholasticus cum patre dormiens, noctu super lectum surgens, vuas desuper suspensas deuorabat. Cum autem illo surgente pater sub olla lumen absconditum repente protulisset, ille erectus stans, & rhonchos trahens, dormire se simulabat.

Scholastico negotiator renuntiavit, agrum eius à flumine inundatum. Exclamans ille, vim, inquit, & iniuriam flumen nobis facit.

Scholasticus in agrum profectus, pecudes in pascua exire vidit. Quas cum vt consuèrant, auidè pabula carpentes aspiceret, causam quaesivit. Hic œconomo per iocum respondente, salutant te salutem meam; mea causa, inquit, vacationem ipsis da, & triduo ad pascua ne educito.

Scholasticus conspecta luna percunctatus est patrem suum, an & aliis vrbibus tales lunæ essent.

Scholasticus fœnerator cum nauclero deberet, iussit eum sortem recipere, & duas ancillulas, quas octennibus filiis suis daret vxores, vt iustæ mensuræ auctarium videlicet.

Scholasticus in agro suo profundum cernens puteum,

puteum , querebat , num bona esset aqua : agricolis autem respondentibus bonam esse , nam & parentes eius inde bibisse : & quàm longa inquit , habebant colla , si è tam profundo bibere potuerunt ?

Scholasticus in scrobem lapsus , frequenter clamabat , & sibi auxilios inuocabat. Vt autem nemo vociferantem , audiuit dixit ad semetipsum , fatuus sum , nisi ascendens omnes flagello , vt me audiant , & scalas apportent.

Scholasticus cum patre cœnans , apposita lactuca magna , & habente thyrsos foliosos , age pater , inquit , comede tu filios , nos matrem comedemus.

Scholasticus facetus , sumptibus egens , libros suos vendebat , scribensq; ad patrem dicebat gratulare nobis , iam enim libri nos alunt.

Scholasticus , & caluus , & tonsor vna iter facientes , & in solitudine quadam manentes , pepigerunt , vt quatuor horas vicissim vigilarent , & vasa vnusquisque custodiret. Cum autem tonsor sorte ductus vigilare primus deberet , volens laudari , scholasticum dormientem rasit. Et horis transactis expergescit. Tum Scholasticus caput fricans , vt à somno fieri solet , & illud nudum inueniens , malam pestem tonsori , inquit , errans enim pro me caluum excitauit.

Scholasticus in flumine cymbam frumento
onu-

onuſtam, & grauataſ videns, ſi paulum flumen increuerit, inquit, cymba ſubmergetur.

Scholasticus ex peregrinatione reuerſus, ſocero occurrens, rogatusque ab eo, vt condiscipulus eius valeret: admodum bene nunc, inquit, & lato animo eſt: ſocerum quippe ſuum ſepeliuit.

Scholasticus mortuo condiscipulo inuiſit parentes eius. Lamentante autem patre, dicenteque ſuper exanimem, ad inopiam redegiſti me, matre autem, exœcaſti me, ad vtroſque ſcholasticus, ſi hæc fecit, inquit, etiam viuum deſlere oportebat.

Scholasticus ægrotans, cum eſuriret, quoniam quartani horam horologium non edebat, non credens, illud ad ſe apportari iuſſit.

Scholasticus cum filium funere extuliſſet, & poſtea magiſtro eius occurreret, ignoſce, inquit, quod filius in ludum non venit, eſt enim mortuus.

Scholastico nauigante, nauis ex tempeſtate in diſcrimen veniebat. Cum autem vectores de oneribus ad leuandam nauem eiicerent; hortabantur eum vt idem præſtaret. Ille vero chirographum habens centum quinquaginta myriadum, quinquaginta deleuit, dixitque, en, quantis nauim leuaui.

Scho-

Scholasticus vectoribus tempestate iactatis, & plorantibus, quid, inquit, pusillanimes estis? Ego qui dedi decem drachmas Atticas amplius periculo gubernatoris nauigo.

Scholasticus nauigans percunctabatur gubernatorem: Quota hora esset? Eo respondente, se nescire: Quasiuit, quandiu esset, quod nauim gubernaret? Triennium, inquit; Quomodo igitur ego (subiicit Scholasticus) qui ante semestre domum emi, cum in atrium sol descendit, horam conicio: Tu verò tanto tempore nauim regens, ex ea quota sit hora conicere non potes?

Scholasticus militibus, cras, inquit, longam inire viam opus erit? Hodie igitur crebrius sedere.

Scholasticus ex peregrinatione reuertens, & clium ascendens, mirabatur, dicebatque, cum prius hac iter facerem, descensus erat, & quomodo tam citò in ascensum mutatus est?

Scholasticus condiscipulos ad cœnam vocauit. Qui, cum caput porci laudassent, petissentque, ut apud eum etiam postridie cœnarent, adiens ille cocum, appone nobis, inquit, de eodem porco caput alterum, nam hesternum per quam sapuit.

Scholasticus percunctabatur patrem suum,

lécythus πενταχέτυλον, (quinquaginta heminarū) quantum caperet.

Scholasticus audiens de scalis quibusdam, eas habere in ascensu gradus vicanos, quæsiuit, num etiam in descensu totidem haberent.

Scholasticorum meticuloforum vnus quidē in puteo se abscondit: alter in arundineto. Submittentibus igitur galeam militibus, ad aquam hauriendam, ratus militem descendere, supplicans comprehensus est. Vt autem dixerunt milites, si tacuisset, præterituros ipsum fuisse; qui latebat in arundineto: Me igitur, præterite, inquit, taceo enim.

Scholastico dicebat quidam; De mea, tertius est dies, cum te in somnis vidi. Tum ille, mentiris, ait, in agro enim eram.

EX SCHEDA INTERPRETIS ANONYMI PAUCARVM EX HIS FACETIARVM, XXIX. videlicet, descripta paucula, quibus codex Augustanus carebat.

I. Scholasticus cum audiuiſſet coruum ultra ducentos annos viuere, ut periculum faceret, coruum emit, & aluit.

II. Scholasticus tempeſtate oborta nauigans, cum cæteris

teri vectores obuia quæque arma, quibus enata rent, arriperent, ille vnam ex anchoris arripuit.

III. Scholasticus vas vinarium, quod habebat, obsignauerat. Quod cum famulus subtus perforaret, vinumque demeret, mirabatur ille, saluis signis vinum imminui. Cui alter quidam, vide, inquit, ne subtus sit ablatum. Tum, ille, stultissime, inquit, non infra, sed supra deficit.

IV. Scholasticus emptæ domo de fenestra despiciens, prater euntes interrogabat, an se illa deceret.

DE PHILOGELO, AVT

Philagrio fortasse.

Auarus testamentum condens, seipsum hæredem scripsit.

Pauper de magnis diuitiis gloriatur, cum plane esset inops, fortè ægrotabat. Ad eum visendum amicus improvisò ingressus, super stoream iacentem offendit. Ille pudore suffusus, accusare medicos, ac dicere: Isti boni, & probati huius ciuitatis medici me in storea iacere iusserunt.

Abdera vrbs in duas partes erat diuisa; Quidam enim versus orientem, quidam versus occidentem habitabant. Hostibus igitur improvisò urbem adortis, orientales inter se sic loquebantur. Quid turbamur, cum hostes per occidentales partes irruant.

Abderis asinus latenter gymnasium ingressus, oleum (quo *Palæstræ*, & *luctatores corpora perungebant*) effudit. Ciues coeuntes, accersitis omnibus quotquot in vrbe erant asinis, & vnum in locum coactis, ad sibi in posterum cauendum, & ad exemplum statuendum, coram ipsis asinum illum reum difflagellarunt.

Abderites cum se vellet suspendere, fracto fune decidens, capite grauiter offendit. Emplastro igitur sibi à chirurgo imposito, abiit, & denuò se suspendit.

Abderites eunuchum cum muliere familiaris colloquentem cernens, ab alio quæliuit, num vxor *αὐτοῦ* eius esset. Eo respondente eunuchum vxorem habere non posse. Non igitur, inquit *αὐτοῦ* *ἵ* eius est. locus est in pronomine masculino, & simul in ambiguo. Nam eunuchus non tam est *αὐτὸς*. quàm *αὐτῇ*, quia, ut quidam dixit, eunuchi sunt inter mulieres viri, inter viros mulieres, Terentius loquens de eunucho in comœdia eiusdem nominis, illum mulierē senem, &c. Et cū videatur iocosus hic confirmare quod alter dixit, eunuchum non esse aptum ad rem vxoriam, false eius, eorum naturam effeminatam tangit.

Abderites quendam cursorem, suspensum videns, per Deos, inquit, hic non iam currit, sed volat.

Adderites peluim aures (ansas) non habentem

tem vendens, caussam dixit esse, ne si se vendi audiret, aufugeret.

Abderites in somnis porculum vendebat, postulabatque pro eo denarios centum. Cum emptor numerasset quinquaginta, ille nolens accipere, euigilauit, captusque pœnitudine, & compressis rursum oculis, in speciem dormientis, ac iterum protensa manu dixit: Des igitur saltem quinquaginta.

Abderitæ mortuus est passer. Aliquanto igitur post conspecto struthiocamelo dixit: Si vixisset passer meus, iam tantus esset. *Struthiocamelus* avis genus, à *passere* & *camelo* appellatum, quasi *passer* magnitudine *camelum* æquans, de quo *Plinius* l. 10. c. 1. aliàs *struthio*.

Abderites Rhodum profectus, ipso nomine deceptus (*arosis factum putans*) muros olfaciebat.

Sidonius mercator vnà cum alio iter faciens, cum alius vrgeret, paululùm hæsit, & retrò remansit. Interea comes ipso relicto processit, & in cippo, quo miliaria definiuntur, inscripsit, festina præueni me. Ille vt legit, subscripsit & ipse, maneamus.

Sidonio cuidam cocus ait: Mutuare mihi gladium vsque Smyrnam. Respondit Sidonius: Non habeo gladium, qui Smyrnam vsque pertingat.

Sidonius medicus à patiente suo (ut vocant) legatum post eius mortem mille drachmarum consecutus, cum in funus prodiret, de exiguitate legati conquerebatur. Postquam igitur à filio demortui quoque in morbum lapsò ad curationem adhibendam, ac morbum depellendum vocatus est, respondit, si mihi quinquaginta drachmarum millia reliqueris, ego te, ut patrem, curabo,

Homo lepidus videns Grammaticum imperitum docere, accedens sciscitabatur, cur non doceret citharam pulsare. Illo respondente, quia nescio. Quomodo, igitur inquit, literas doces, cum nescias?

Homo festivus animaduertens citharædum, cantu fidium, & voce absurdum, salutans eum, inquit, salve galle. Quærente illo causam, cur se sic appellaret: quia, inquit, quando tu coccyzas, omnes excitantur.

Cumanus amicum queritans, ante ædes ipsum nominatim euocabat. Alio autem dicente, ὑψιλόπερον (hoc est, altius) clama, ut exaudiat, relicto eius nomine, quod norat, clamavit, ὑψιλόπερε. Nam ὑψιλόπερον accepit, ut nomen proprium, accusandi casu; quasi moneretur, ut ὑψιλόπερον nominaret, quam vocabat, & quidem vero ac proprio nomine.

Cumanus fœneratoris domui insidians, volens

lenſque ei maiores uſuras furari, chartulas grauioreſ deligebat.

Cumanis urbem cingentibus, unus ciuium, Lollianus nomine, duo propugnacula ſuis ſumptibus ædificauit. Hoſtibus poſtea urbem adortiſ, irati Cumanſ conſpirarunt, ut Lollianos muros nemo, præter illum ſolum defenderet.

Cumanus dum natatu ludit, pluuia decidente, ne complueretur, in aqua ima ſe abſcondit.

Cumanus fenestras emens, interrogauit, utrum ad meridiem poſſent reſpicere.

Cumanus aſino inſidens, iuxta hortum uehebatur. Conſpiciens igitur ramum ficulneum maturis ficubus grauidum, aſino ſubtercurrente, hæſit. Hortulano autem quærente quid feciſſet, cur penderet; ex aſino, inquit, decidi.

Cumanus cernens ouem pedibus colligari, atque ita tonderi, ago, inquit, gratias domino meo, quod nunquam me ligauit, ac totoſcidi.

Cumanus interrogatus, ubi maneret Dracontides Rhetor; ſolus ſum, inquit. Sin autem vis, cuſtodi interim officinam; & ego abiens oſtendam, ubi habiter.

Cumanus conſpecto gladiatore, multis ſaucio vulneribus, quærebat, unde haberet. Reſponſum eſt, à Myrmece. Quare, inquit, humi

dormit? μήμνηξ *etiam formica est. locus in ambiguo insecti, & gladiatoris.*

Cumanus mel vendebat. Cum quidam adueniens id gustasset, dixissetque, admodum bonum esse; ille, si enim mus, inquit, in id cecidisset, non venderem.

Cumanum ægrotantem visebat medicus. Qui cum conualuisset, declinabat occurrentem medicum. Quæsitus causam, respondit: cum tu dixeris me moriturum, erubescō me adhuc viuere.

DE MOROSIS.

Ad morosum medicum quidam adiens, dixit: Vir erudite non possum recumbere, nec stare, nec sedere. Tum medicus, solum tibi reliquum est, suspendi. *Græcè melius: ἀνακείσθαι ἢ δύναιμαι, ἢ τε ἐστάναι, αἰδ' ἢ δεκάσθαι, καὶ ὁ ἰατρός. εἰδέν σοι λοιπὸν, ἢ κρεμάσθηναι.*

Morosus medicus, & vnoculus ægrotum interrogabat, ut haberet. Ille, ut vides. Et medicus, si habes, ut ego video, dimidium tui mortuum est.

Morosum quendam medicus ubi accessit, tacta eius vena, malè febricitas, ait. Et ægrotus, si tu potes melius febricitare, en lectulus, recuba, & febricitā.

Cum

Cum morosus quidam mellis amphoram emis-
set, & à nescio quo interrogaretur, quanti emisset?
euerfa amphora dixit, ita sanguis meus effundatur.
si tibi dixerò.

Ad agrotum morosum veniens medicus, iussit
frustula, seu offulas cum passere comedere Tum
morosus, quo pacto caueam possum ingredi, ut
cum passerulo offulas comedam?

Morosum quærebat quispiam, qui ait, non sum
hic. Ridente altero ac subiiciente, mentiris: an e-
go non audio vocem tuam? respondit, heus, ne-
quam: si seruus meus dixisset, crederes illi: & ego
illo fide dignior tibi non videor?

DE INEPTIS.

Ineptus Grammaticus interrogatus, qui vocare-
tur mater Priami, hæsitans ait: nos eam honoris
causâ dominam appellamus.

Imperitus tonsor, quibus stigmata fecisset, iis
emplastra imponebat. Reprehensus deinde ab v-
no, ingratis, inquit, frustra indignaris. Pro vno e-
nim denario tonsus, quatuor denariorum empla-
stra abiicies?

Timidus venator, quem singulis noctibus vrsus
in somnis insequabatur, conductos canes iuxta se
dormire fecit.

Timidus pugil, prædium emens, indigenas in-
terrogabat, num formicas haberet.

F I N I S.

I 5

Hic



Hic Progymnasmatum primus Liber R.
P. IACOBI PONTANI, ex societa-
te I E S V, politioris literaturæ Studio-
sis vtilissimus est, eò quòd & doctrinam
singularem ad formanda Christianæ iu-
uentutis ingenia contineat, & de mo-
ribus grauem admodum disciplinam
complectatur. Typis proinde manda-
tum publicari debere iudicaui.

PETRVS STEVARTIVS
*Leodius, Collegij Theologici hoc
tempore Decani Vicarius.*



INDEX



I N D E X

R E R V M E T V E R B O R V M L O - C V P L E T I S S I M V S .

p. principium, m. medium, f. finem pa-
ginæ significat.

A.

<i>Academici honores.</i>	334.p
<i>Accidere ad pedes, ritus huius</i>	
<i>qua causa.</i>	33.f
<i>Accipere aliquem.</i>	36.f
<i>Accipere muneri aliquid.</i>	
<i>252.f</i>	
<i>Actio latinis.</i>	347.f
<i>Actio scenica, eiusque utilitas.</i>	
<i>473 m. 475.m</i>	
<i>Actum reddere.</i>	156.f
<i>Accusationes.</i>	69.p
<i>Acroama quid.</i>	283.m
<i>Acumen Chrysippeum.</i>	113.m
<i>Adæo, elegans & sus.</i>	82.m
<i>Adesdum.</i>	36.f
<i>Admicitas redigere.</i>	178.m
<i>Adolescentia prima, adulta,</i>	
<i>&c.</i>	166.m
<i>Ad pedes servus, ad cyathos</i>	
<i>puer, ad baculum, &c.</i>	198.
<i>Ad quem dicam, pro, quo die</i>	
<i>53.m</i>	<i>Ad</i>
<i>Adverbij & sus.</i>	160.f
<i>A Cubiculo, Pedibus,</i>	
<i>Commentarijs, &c.</i>	198.
<i>359.m</i>	
<i>A manu servus.</i>	139.f
<i>A primordio atatis, &c.</i>	5.f
<i>A prandio, à cæna, &c.</i>	261.
<i>m</i>	
<i>A tempore subsecare.</i>	290.m
<i>Ab asino lanam petere, prover.</i>	
<i>239.p</i>	
<i>Aberrare.</i>	25.f. 382.m. 408.
<i>m</i>	
<i>Absentia.</i>	249. & 65.p
<i>Abcondere in ventrem.</i>	198.
<i>f</i>	
<i>Academia Atheniensis qua-</i>	
<i>lis</i>	302.m
<i>Academice & sus. & utilitas.</i>	
<i>331.m</i>	

INDEX RERVM

- Ad solū radios desiccare.* 157.
m
Adsum coram, praesens. 34.p
Aduentus serus in indum. 55.
m
Ad Verbum. 126.f
Ad Vnguē m imitari. 41.m
Ad Vnum omnes. 34.p
A'Encas Anchsen patrem ex incendio liberant. 149.p
A' Era quid distent lupinis, prouer. 215.m
A' Ero alieno exire, aut as confare. 121.f
A' Era fistula, alij sclopum dicunt. 236.f
A' Estatis laudatio & descriptio. 163.p
A' Etas hominum comparatur quatuor partib. anni. 165.
m
A' Etas puerilis variè efferrì potest latine 5.f
A' Etate inueniente, exeunte, &c. 166.m
A' Etatem decrepitam attingunt Viri aliqui literati. 117.m
A' Etatis humanae gradus. ibid. & 166.
A' Etatis humanae Gires. 166.
m
Affectus quomodo Cicero mouerit & quales. 458.p
Afferre se aliqd. 15 f
Affinis culpa, reprehensionis. 251.m
Age, si quid agis. 69.p
Aggregare iudicium suum ad alterius sententiam. 254.
f
Agitare animum, animos. 9.
p
Agitare diem. 54.m
Agitare annum. 9.p
Agitur res, caput, salus, &c. 68.p
Agnus. 126.m
Ain' in pridem? & ain' tandem. 24.p
Alacritatem inijcere alicui. 210.p
Albo, atro calculo notare. 216.m
Albus ales, pro cygno. 146.m
Alcedonia, pro vacationibus. 167.m
Alexander Magnus de Aristotelis libris editis conquestus. 254.m
Idem ab Aristotele instituitur. 381.m
Alexandri Magni dictum. 357.p
Alexandri Regis liberalitas. 26.m. 31.p
Alexander Senerus Ciceronis Officia legit impensè. & lib.

ET VERBORVM.

<i>lib de rep.</i>	443.p	<i>Amore percussus.</i>	143 m
<i>Alcibiades magistro iratus colaphum infringit, & cur.</i>		<i>Amplius horam</i>	87.m
404.f		<i>Anni diuisio.</i>	165.m. 166.f
<i>Alligare se crimine.</i>	153 v	<i>Anni venientes, recedentes.</i>	9.
<i>Alloquium, consolatio.</i>	387.	m	
m		<i>Annus post Christum natum quomodo latine effertur.</i>	121 m.
<i>Aliud stans, aliud sedens.</i>	238.	<i>Anni aduertere</i>	226.m 240.
m		p	
<i>Aliud in pectore, aliud in lingua promptum habere.</i>		<i>Animum effundere ad hilaritatem.</i>	262 f
240.m		<i>Animum aduertere pro attendere.</i>	4 m
<i>Alterna requies.</i>	77.f	<i>Animus reliquit me.</i>	185.p
<i>Alterna increpationes, & colaudationes sunt adhibenda.</i>	229 m	<i>Animus redijt.</i>	28.p
<i>Amare.</i>	23.f	<i>Animus intentus.</i>	173.m
<i>Amare.</i>	56 m	<i>Animam amittere</i>	282.m
<i>Ambitiosi Sisypho comparantur.</i>	161.m	<i>Animus, quis & sensus Verbi.</i>	273 m
<i>Ambulatio ante cibum, cana.</i>		<i>Angorem capere ob rem aliquam.</i>	253 p
201.p		<i>Annosa & vultus haud capiuntur laqueo.</i>	86.m
<i>Amicus Vetrerimus.</i>	242.m	<i>Anteuertere aliquem.</i>	71.
<i>In amiciciam intrare alicuius.</i>	27 p	m	
<i>Amisus & promissus liber.</i>		<i>Ante alios insignis specie, pulchritudine.</i>	85.m
189.p		<i>Ante diem 3. Non. & similes modi loquendi.</i>	169.f
<i>Amena, angusta Viarum, & alia huiusmodi formula loquendi.</i>	84 m 145.m	<i>Antiquum obtines, morem, ingenium.</i>	81 p
<i>Amor & amores pro delicia.</i>	220.m	<i>Antiquus homo, pro bono, candidato.</i>	216.m
<i>Amor patris impotens in liberos.</i>	229 f		

INDEX RERVM

<i>Antiqui mores, pro, sinceris,</i>		<i>Artes inter se commune Vin-</i>	
<i>candidis.</i>	261.m	<i>culum habent.</i>	392.p
<i>Apage.</i>	60.m	<i>Artis precepta necessaria.</i>	
<i>Aperire se alicui.</i>	245.f		418.m
<i>Apologus de hædo & lupo. 86.</i>		<i>Armorum nomine quid intel-</i>	
<i>p. Vide fabellam.</i>		<i>ligatur.</i>	104.f
<i>Apollonius Molo Præceptor Ci-</i>		<i>Ascensus.</i>	145.p
<i>ceronis.</i>	510.p	<i>Asellos iungere equis, celeriori-</i>	
<i>Approbare.</i>	150.m 245.p	<i>bue.</i>	141.p
<i>Aqua hæret.</i>	250.p	<i>Asinorum votum.</i>	114.f
<i>Aquam tundere in mortario.</i>		<i>Asinus</i>	157.p. 228.p
	342.f	<i>Aspergere aliquid molestiarum.</i>	
<i>Arbitrum capere.</i>	242.f		107.f
<i>Arbiter quis.</i>	147.f	<i>Aspergere aquam, pro consola-</i>	
<i>Archetypum scitum, Prototy-</i>		<i>ri.</i>	28.p
<i>pon, exemplar.</i>	43.p	<i>Asidere alicui.</i>	60.m
<i>Archidami dictum.</i>	270.m	<i>Asiduitatis laus</i>	254.m
<i>Argumenta in opera Rhetori-</i>		<i>Assignare culpam alicui.</i>	154.m
<i>ca.</i>	324.p. &c.		
<i>Argutus.</i>	420.m	<i>Astutia puerilis.</i>	206.m
<i>Armaspi qui & quales.</i>	151.m	<i>Asymbolos.</i>	87.m
		<i>Atramenti Epitheta.</i>	40.p
<i>Aristoteles comparatur cum</i>			
<i>Xenocrate.</i>	141.p	<i>Atramenti genera.</i>	103.f
<i>Aristotelis physica spinosa.</i>		<i>Attica bellaria.</i>	417.m
	254.m	<i>Attingere rem primoribus la-</i>	
<i>Aristotelis laus.</i>	422.m	<i>bris.</i>	154.m
<i>Arma scholastica.</i>	102.p	<i>Auctor tibi sum.</i>	19.m
<i>Ars sedentaria, sellularia.</i>		<i>Auctor in aliqua arte clarus.</i>	
	372.p		65.m
<i>Artificio sordido & illiberali</i>		<i>Auctores scholastici.</i>	314.
<i>se alligare</i>	132.m		
<i>Articulus temporis.</i>	284.f	<i>Auctores quomodo legendi.</i>	
<i>Articulus hora.</i>	204.m		412.m

Aucu-

ET VERBORVM.

B.

<i>Aucupium.</i>	60.f		
<i>Audacia pro Virtute.</i>	210.		
f			
<i>Audire quàm legere præstat.</i>		<i>Baccalanus unde.</i>	336.m
253.m		<i>Baro.</i>	196.f
<i>Audire pro Vocari, nominari.</i>		<i>Basilica edictiones qua.</i>	271.f
312.f		<i>Beatus qui.</i>	336.m
<i>Auditiones.</i>	252.m	<i>Beare aliquem dicto.</i>	236.
<i>Auditor.</i>	ibid.	m	
<i>Aueruncare.</i>	262.m	<i>Beatorum fortunata insula.</i>	
<i>Aueruncus Deus.</i>	264.m	98.f	
<i>Auersionibus stomachi labora-</i>		<i>Beatitas quomodo acquiratur.</i>	
<i>re.</i>	108.p	361.p	
<i>Auferre quidpiam ab aliquo,</i>		<i>Bellerophontis litera.</i>	234.f
<i>pro impetrare.</i>	80.	<i>Belle Galere.</i>	252.m
m		<i>Benè manè.</i>	195.m
<i>D. Augustinus de Cic.</i>	443.	<i>Benè narrae, &bi quid prospere</i>	
f		<i>accidit.</i>	92.p
<i>Anle gymnasy seu Academia</i>		<i>Benè precandi formula vete-</i>	
<i>descriptio.</i>	303.f	<i>rum.</i>	7.f
<i>Aulica Vita.</i>	365.p	<i>Beneficium debere.</i>	23.f
<i>Aurea compedes.</i>	384.p	<i>Beneficentia in alios officium.</i>	
<i>Aures unde dicta.</i>	286.m	199.m	
<i>Aures tundere.</i>	178.p	<i>Bibliopegus.</i>	194.p
<i>Auricula infima mollior.</i>		<i>Bibliotheca descriptio.</i>	296.
286.m		297.p	
<i>Auritus facere se, pro atten-</i>		<i>Bilem cicere.</i>	111.f
<i>dere.</i>	318.m	<i>Bile intumescere, irasci</i>	245.
<i>Austrum percellere.</i>	34.	p	
m		<i>Biuium Herculis.</i>	357.f
<i>Auxilium & consilium.</i>	190.	<i>Blandiri oculis aliquid dici-</i>	
f		<i>tur.</i>	149.p
<i>Axioma quid,</i>	339.p	<i>Bombarda;</i>	237.p
		Bom-	

INDEX RERVM

Bombardarum globuli, glandes, pile plumbea. ibidem.

p

Primum factum 54 m 76.

In schio leui aliquid agere.

61.f

Bransum. 210.p

Breuitas laudatur. 427.m

C.

Caballus. 366.p

Cadere. 36.p

Cadere sermones. 200.m.

201.p

Calites, caelestium nomina.

196.p

Calum albescit, lucefcit. 10.p

Nitet diffuso lumine. 163.

m

Calum pro aere. 304.m

Cana terrestris. 94.m

Canare 109.f

Casaris testimonium de Cicer.

410.f

C. Furij Cresini industria.

259.p

Calami preparatio. 39.m

Calefacere limina ludi. 312.

m

Calepino, Nizolio, Dictiona-

marij, Thesauris, Phrasium

libris quomodo sciendum.

192.p

Calliditas. 86.m

Canere receptui. 264.f

Canes custodes dominorum &

gregis. 127.p

Canes nobiles qui. 228.p

Canicula. 164.p

Canis seuit in lapidem, prouer.

86.f

Canto opus est. 28.p

Cantus Musicus. 284.m

Capeffere spem, opem, consiliu.

158.p

Capita conferre. 23.p

Capiti tuo sit. 281.p

Capitius somno, mente, &c. 24.

f

Caput quassare. 27.f

Caput pro homine. 36.m

Caput a ceruicibus amputare.

90.m

Caries. 402.f

Carmina sunt latum opus.

104.m

Carminum quanta sis. 174.

m

Catechesis Christiana. 250.

m

Catonis quae dicantur. 117.p

Catonis & trasque grauitu.

117.p

Catulli Epigramma in Cicer.

437.f

Ca

ET VERBORVM.

<i>Cedere palmam.</i>	248. m	<i>Cic. eloquentia commendatur.</i>	
<i>Certamen copiae.</i>	296. f		407 p
<i>Certamen certare.</i>	65. f	<i>Cic. amor in literas.</i>	ibid.
<i>Certiorē facere, pro reddere.</i>		<i>Cic. imitandus in quo.</i>	409.
	120. m		m
<i>Certum est, pro constas.</i>	23,	<i>Cicero ex Graecis eruditionem</i>	
	m	<i>collegit.</i>	ibid.
<i>Certum pro deliberatum</i>	164	<i>Ciceronis praeceptor Apollonius</i>	
	p	<i>Mold.</i>	410. p
<i>Cessare.</i>	9. f	<i>Cicer. multa ex Aristotele.</i>	
<i>Cessatio.</i>	ibid.		429. m
<i>Charta, eiusdemq; epitheta.</i>		<i>Ciceronis mors.</i>	438. m
	39. m	<i>Cicer. comparatur cum De-</i>	
<i>Charta in membranā con-</i>		<i>mosthene, & alijs.</i>	431.
<i>stita.</i>	193 p		m
<i>Chartarum genera.</i>	103 m.	<i>Cicer philosophia laudatur.</i>	
	150. m		440 m
<i>Chirurgus.</i>	149. m	<i>Cic. de Deo quid senserit.</i>	442.
<i>Chorda oberrare eadem.</i>	96.		m
	m	<i>Cicero vindicatur ab imperitijs.</i>	
<i>Chrysippus acutiss.</i>	<i>Dialecti-</i>		444. m
<i>cus</i>	113. m	<i>Ciusium nomina functionum</i>	
<i>Κεμήλια quae dicuntur.</i>	211		196 f
	f	<i>Cynici unde dicti.</i>	269. p
<i>Cibus eorum qui cupidi litte-</i>		<i>Cygni in morte canunt.</i>	285
<i>rarum.</i>	110. p		p
<i>Cibum e flamma petere.</i>	126.	<i>Chilonis de coniuijs dictum:</i>	
	m		108. m
<i>Cicada.</i>	157. m	<i>Clauam Herculi extorquere.</i>	
<i>Cicero versandus, & imitan-</i>			227. p
<i>dus.</i>	404 f	<i>Cleantes de cibo dictum.</i>	110
<i>Ciceronis alumnus & client.</i>			m
	405. m	<i>Cleantes irrisus ab ingeniosis.</i>	
			141. m
			m
			Cle

INDEX RERVM

Elementia quid sit.	187.f	Condolet caput.	34.f
Colligere Vasa quid.	376.m	Condonare erratum.	35.f
Colloquium in schola.	100.	Conferre Verba ad rem.	113.
P			
Collunies.	225.p.257p	Congiarium quid	73.f
Comburere diem.	263.m	Congressio.	266.m
Commendandi formula.	458	Consecrare OEdipo opus est.	398.f
P			
Commercari libros.	412.m	Confiscare flagitium	71.
Commodare alicui, Variata locutio.	317.f.318p	m	
Commodare pro mutuum dare.	176.m	Conscribere corium alicui.	38.
Compactio ad aliquem Genere.	80.m	f.39.p.	
de Compactio.	81.m	Consilium & auxilium.	190.
Comparatio nominum, Verborumque coniunctio.	181.	f	
P			
Compatior.	207.f	Contradicere.	403.m
Comperendinare quid.	357.	Contumelias intorquere.	71.
m			
Componere se ad aliorum exemplar.	122.m	Convalescere, confirmare se.	65.p
Conceptis Verbis inrare.	241.	Convulsium iacere in aliquem.	27p.60p
m			
Concertatio scriptiois.	244.	Convulso aliquem consecrari.	70.f.71.p
m			
Concertationum scholasticarum formula.	242.p.243.	Convulsa	108.m
P			
Conclane.	116.p.325.m	Copia ludendi.	85.m
Conditionem latam renunciare.	212.p	Cor pro animo	450.p
		Cornelij Cethegi eloquentia.	113.m
		Corpus cor, δέμας & σῶμα.	222.f

Cor

ET VERBORVM.

Corycei Unde dicti.	125 m	Dare Verba seni difficila.	238.
Creator.	196 p	m	
Crena calami quæ.	41 f	Dare Utendum aliquid. pro	
Cibum carnisficinum. homo		commodare.	176 m
flagris laceratus.	32.	Dat hic, qui citò dat.	178 m
f		Dauus.	398 m
Crimen fabricari.	25 m	De suo se alere.	155 m
Critici qui Vocati.	160 m	Deductio pueri ad magistrum.	
Crustæ, crustula, crustularius,		1 m	
crustarius.	17 m	Dadala tellus.	163 p
Cubita surgere.	35 m	Deformis.	256 m
Culpam admittere Vanitatis,		Depluribus Voces	238 p
moneri.	57 m	Des mater, Despara. Etc.	196
Culpam contrahere.	100.	p	
m		Delitia, pro re incunda.	220.
Cum hasta, cum scuto, prouer.		m	
36 m		Delphicum templum celebra-	
Cupiditas discendi.	117 m	tissimum.	142 p
proficiendi.	325 p	De meliore nota commendare.	
Curatio Vulneris.	149 m	203 m. 210 m	
Cursuram incipere.	213 m	Demetrius Phalereus.	416.
Custodire rem charam.	149.	m	
m		Demosthenis Sigilla.	139 p
		Demosthenes se subterraneis	
		locis condebat.	172.
		m	
		Demosthenes cum Cic. compa-	
		ratur.	431 f

D.

Dare iudicium.	244 m	Deposito, Depondere.	340 f
Dare aliquid gratia, familia-		Depositionis mor Unde proflu-	
ritati.	243 p. 224 f	ant.	343 m
Dare mutuum.	175 m	Desperatio.	247 m
Dare penas.	37 m	Despondere.	300 m
Dare Vacua aures alicui.		Dens tardus ad penas.	30 f
237 p		m 2	Dens

INDEX RERVM

<i>Deus laneis pedibus incedit.</i> i. bid.		<i>Disceptare.</i>	210 p
<i>Deus auerruncet.</i>	264 p	<i>Disputatur, Disputatio</i>	244.
<i>Deus scientiarum fons.</i>	378.	p	
m		<i>Dij</i>	128. m 372 f
<i>Diana montibus inerrat.</i>	171	<i>Diues promissis.</i>	114 p
p		<i>Diuina Virgula.</i>	43 p
<i>Dicere salutem & vitam.</i>	212	<i>Diuis bene inuuantibus.</i> & id	
p		genus locutiones.	10. f.
<i>Dicta alterna.</i>	184 f	149 m	
<i>Dicta qua proprio nomine ap-</i>		<i>Diuisa.</i>	401 m
<i>pellentur.</i>	186 p	<i>Diuus Caspianus à pueris ene-</i>	
<i>Dies ortus.</i>	10 p. 195 p	catur.	85. m
<i>Dies.</i>	114 m 139. f	<i>Diuus Augustinus.</i>	230. m
<i>Dies remissionis.</i>	114. m	<i>Docti notis regibus & principi-</i>	
<i>Difficultas nulla est à me</i>	115	bus.	381 m
m		<i>Doctior literarum, pro Magi-</i>	
<i>Digitum tollere, quid apud Ge-</i>		sistro Grammat.	4 f
teres.	283 m	<i>Doctiori turpe est, cum culpa</i>	
<i>Digitarum nomina.</i>	41. 42.	redarguit ipsum	246 p
m		<i>Doctrina finis, fructus.</i>	361 p.
<i>Dignitatis ciuilis, Ecclesiasti-</i>		380. f.	
<i>ca nomina.</i>	196 p	<i>Doctrina ornat animum.</i>	
<i>Diligentia laus.</i>	294 m	362 p	
<i>Dimissio improuisa.</i>	53 p	<i>Doctrina medium ad felicitate-</i>	
<i>Diogenis apophthegma.</i>	372.	tem.	361. m
m		<i>Doctrina constantia.</i>	380.
<i>Diogenis dictum de formosis</i>		m	
<i>mulieribus sed & uulgatis.</i>		<i>Doleo.</i>	208 p
87 p		<i>Dolor occupat sinciput.</i>	34.
<i>Encyclopes qui proprie dica-</i>		m	
<i>tur.</i>	211 f	<i>Dormitantium habitus.</i>	55.
<i>Discendi cupid.</i>	384 m	m	
<i>Discendum diuissimum.</i>	6. m	<i>Dormitator.</i>	208. m
		Dor-	

ET VERBORVM.

Dormire & arde effertur. 306.

m

Drama. 473.m

Dramata nostra & à Veteribus distinguantur. 476.

m

Ducere classem 223 m

familiam. 17.m

Ductare aliquem dolis, decipere. 234.m

E.

Ebriorum facies ebriosa. 185.

m

E conspectu aliquem fugare.

155 m

Ecclesiastes pro concionatore.

196 m

Echphrasis pura ac dilucida narratio. 133 m

Eculeus quid. 346 p

Educatio puerilis 7.m. 14.

m

Educationis exempla. 356.f

Effingere aliquem moribus, verbis. 137 f

Efflictum amare, & vehementer.

165.p

Efflictum deperire aliquem.

297.m

Efflorescit utilitas. 202 p

Effundere animum, se ad hilaritatem. 262.f

Elementorum conformatio, &

conficiendorum ratio. 43.

p 44 45. & 46.

m

Elinguare aliquem munusculis. 34.m

Eloquentia & is. 381.p

Eloquentia Cicer. 407. & id. Cic

E malo coruo malum ouum. prouerb. 353.p

Emblemata & parerga frontium, libri. 149.p

Emendatio scriptionis. 118.f

125.p

Emittere in lucem libros 173.

m

En & quam? 158.m

Endymionis somnus. 59 p

Ennii somnium. 14.m

Ennius poetarum Roman. princeps. 446

Ennius tria corda gessit, hoc est, tribus linguis locutus est. ibi.

Eodem redire. 187 m

Ephorus Isocratis discipulus calcaribus indigebat. 140.

m

Epaminondas institutus à Lyfide. 381.p

Epigramma Catulli in Cicer.

437 f

m 3

Episto-

INDEX RERVM

<i>Epistola M. Tullij.</i>	416 m	lin.	282 m
<i>Epistola laus, & epistolarum genera.</i>	416. 417. m	<i>Enomere in aliquem, quicquid agere fuit alieni.</i>	185. m
<i>Epistolarum Gistat.</i>	419. p	<i>Eurydice studium in discendo.</i>	356 f
<i>Epistola ad duo genera remocatur.</i>	418 p	<i>Examen.</i>	249. m
<i>Epularis accubatio sermone commendatur velut condimento.</i>	108 p	<i>Exarare coriam.</i>	204. m
<i>Errorrem eripere alicui.</i>	245. f		213 p
<i>Eruditionis Gistat.</i>	382 p	<i>Exardere iracundia, furore.</i>	72 p.
<i>Eruditionis Gistat.</i>	ibidem.	<i>Exarmare aliquem.</i>	177. m
<i>Eruditio liberat à molestijs.</i>	382 m	<i>Ex asse heredem scribere.</i>	300 f
<i>Esse quid, pro simili edere.</i>	190. f	<i>Ex bono & equo disceptare controuersiam.</i>	244. m
<i>Esse in numero aliquo, id est, honore.</i>	256 f	<i>Excandescere.</i>	72 m
<i>Est quando id facit.</i>	60 p	<i>Excellere ingenio.</i>	408 f
<i>Est annus, cum hoc fecit.</i>	91. f	<i>Excusatio absentie.</i>	34 p
<i>Est mihi bene, male.</i>	143 p	<i>Excusatio.</i>	236 p. 238 m
<i>Esto.</i>	163 m	<i>Exentia Veterum, ruborem, enentare aliquem.</i>	
<i>Esquillares promer.</i>	163. p	<i>Exentere aliam quercum, pro- nerb.</i>	177 f
<i>Euangelia, premia lata nunciatis.</i>	146 m	<i>Exemplum cuius corrumpi multos.</i>	238 f
<i>Euellere opinionem alicui.</i>	245 f	<i>Exemplum in aliquem facere, edere.</i>	68 m. 72 f
<i>Euntes in ludum.</i>	18 m	<i>Exemplum in aliquo prodere, statuere.</i>	68 m
<i>Etolare de corporum vincu-</i>		<i>Exemplum ratio est vincula.</i>	ibid.

ET VERBORVM.

Ex ephæbis excedere. 307.	Extingui quæ Verbi & fusæ 282
308.m	m
Exercitationes oratoria. 469.	Extorquere aliquid alicui da
f	mansuæ. 227.p
Exercitationes literaria 201.	Extra noxiam esse. 190 p
m. 260. m. 164. m. 416.	Extra eos, pro præter 34 p
m. 462.	Exuere pudorem subrusticum.
Exhibere alicui molestiam, e-	137 f
pistolam. 197.m	Exuere metam. 210 f
Exigere reddenda. 181 p	
Eximere se periculo alicuius	
rei. 66.p	
Exire de potestate mentis. 339.	
f	
Exire are alieno. 151.p	
Exire seruicio. 152.p.	
Ex musca elephantem. 76.p.	
Exonerare se metu. 23.m	
Expediendi Verbi & fusæ. 20.	
m	
Expedire Virgas in alicuius pel-	
lem 113.p	
fustes, flagella in asinos po-	
gnos. 228.p	
Expedire impedita 191.f	
Explicando quæ ordo seruau-	
duæ. 184 m	
Exprobrare alicui maleficiu.	
26.m	
Expuere miseriam ex animo.	
170.m	
Expurgatio. 66.p	
Ex quo 75 m	
Extendere tempus. 218 p	
	F.
	Fabellæ de lupo & asino. 87.
	f
	de one & cane. 127.m
	de formicis & cicadis. 157.
	m
	de asino & olitore. 307.p
	Faber ararius. 187.m
	Fabula de Culpe. 455.m
	Fabulam dare spectatoribus.
	476 m
	Facere aliquam rem. 100 p
	Facere Deo Gota 90.m
	Facere copiam alicuius rei.
	100.f
	Faciamus esse, fac potuisse &
	similia. 209.m
	Facinus magnum non fit sine
	periculo. 96.m
	Facium muto, nolo, capio, So-
	lo, quid 286 m
	Facultatem petendarum for-
	mula. 268 p
	m & Facul.

INDEX RERV

<i>Facultas ludendi.</i>	80. m	<i>Flere quid propriè.</i>	29. m
<i>Fallit me animi.</i>	149. f	<i>Flos dicitur in re aliqua pra-</i>	
<i>Fallaciam intendere</i>	66 p	<i>stantissimum</i>	197. m
<i>Falsiloquus.</i>	240. f	<i>Flos equitum, nobilitatis; pue-</i>	
<i>Familiam ducere.</i>	17 p	<i>rorum.</i>	ibid.
<i>Familiaritas mutua.</i>	170. m	<i>Flos nectaris, orationis quod-</i>	
<i>Fenestram aperire ad socor-</i>		<i>dam Tullyj genus.</i>	417. f
<i>diam.</i>	155 p	<i>Fontes.</i>	163. m
<i>Feras transuerberare Venabu-</i>		<i>Fons bonorum Deus.</i>	378. m
<i>lo.</i>	170. f	<i>Formica sua bilis inest, pro-</i>	
<i>Fera induunt se in plagas.</i>	1. bid.	<i>uerb.</i>	25. m
<i>Feria literaria.</i>	36. p	<i>Formicarum prudentia.</i>	157. m
<i>Ferulam Gola impingere.</i>	111 m	<i>Forma elegantis descriptio.</i>	358 m
<i>Festina lentè.</i>	48 f	<i>Formula petendarum faculta-</i>	
<i>Ficus & ficulus fructus.</i>	17. m	<i>tum.</i>	267. p
<i>Fidem interponere suam.</i>	177 m	<i>Salutandi & Saledicendi in</i>	
<i>Figura Verborum & sententia-</i>		<i>congressibus & literis.</i>	317. p
<i>rum apud Cic.</i>	436. m	<i>Foras promittere.</i>	108. m
<i>Filius alba gallina, charus.</i>	26. f	<i>Fortunarum naufragium fa-</i>	
<i>Filiorum erga parentes amor.</i>	250. m	<i>cere.</i>	368. m
<i>Filiorum bona indoles & mo-</i>		<i>à fortuna vulnus accipere.</i>	417. p
<i>res qui sint.</i>	221. f	<i>Fortunis suis desperare.</i>	253. p
<i>Filium orationis.</i>	131. m	<i>Fornici qui.</i>	105. m
<i>Fingere alia omnia quid.</i>	98. p	<i>Fœminis non licuit Roma Vi-</i>	
<i>Flagitium confiscare.</i>	71. p	<i>nim bibere.</i>	186. m
<i>Flagitium admittere.</i>	232. p	<i>Fœtet hesterno mero.</i>	186. m
		<i>Frater geminus.</i>	17. p
		<i>Fraudem dare.</i>	62. m
			Frau-

ET VERBORVM.

Frands mihēres est, pro dam-
no. ibid

Frequentare scholas. 155 m

Frequentare idem quod itera-
re. 202 m

Frons pro impudentia. 36 p

Frugi, frugalis. 185 m

Frustrum discipuli. 57 m

Frustra esse, falli, errare, decipi.
142 f

Frustra operam conterere. 156
m

Frustratio petiti atramenti.
177 p

Fucum alicui facere. 215 m

Fugit meratio, cum aliud di-
ximus, aliud volumus.
146 f

Fumos venditare. 367 m

G.

Gallorum periphrasis, vigilan-
tia. 58 m

Garrulus, garrire. 240 m

Gaza. 401 m

Geminum pro simile. 6 f

Gestare aliquē in sinu. 262 f

Gestire quid sit. 145 m

Glandes, globuli qui ē bombar-
da emittuntur. 237 p

Gloriari. 242 p

Gloria anidior Cic. 415 m

Gloriola iactura ad desperatio-
nem abuti. 247 m

Gossypium anid. 178 p

Gracchus educatus ē a matre Cornelia. 356

Grammatici. 135 f

Grassatores. 127 m

Gratia, grata, ingrata, tarda.
178 m

Gratiam alicui facere. 23.
m

Gratiam inire apud aliquem.
44 p

Gratiam extorquere. 54 p

Gratias agere. 76 m

Gratuariam hortuli. 119 f

Gratias referre. 324 m

Gratificari. 101 f

Gratuita dare. 177 f

Gratui. 63 m

Græce lingua difficultas. 288.
m

Græce lingua necessitas. 291.
m

Græx commilitonum. 152.
m

Gryphes infesti sunt equis.
151 m

in Riphais montibus quales.
ibid.

mira arte aurum ē cuniculis
erunt. ibid.

Gustatu aliquid experiri 187
m

Gustatus oblectamentum. 367.
p

m 5 Gusta-

INDEX RERVM

- Gustasti & canis è Nilo.* 377.
Gymnasium flagitiorum 66.
m 67.f
Gymnasia quæ dicantur. 9.
m
Gymnasia præfata. 152.m
Gymnasia descriptio. 301.m
H.
Habeo statutum. 187.m
Habeo, non habeo pro more.
195.m
Habere female. 65.p
Halcedones, sem Halcyones,
quales anes. 167.f
Harpagare. 205.f
Harpocrati silentium. 30.
m
Harpocratem reddere. i.
bid.
Hebes. 379.m
Hebraea lingua. 451.p
Hercules bellum contudit Ler-
na. 149.p.
Herculis armata. 162.m
Hæret aqua. 250.p
Heroës, Heroïna. 196.f
Historia delectant. 194.m
Historiam facere apud Ge-
teres probro dabatur. 475.
f
Modio. 158.p
Homo bulla. 47.p
Homo flagiti exercitum. 60.
f
Homo iudo Elus. 377.p
Homo argutissimus. 420.m
Hora producta. 217.m
Homini propria. 373.m
Homini stupide epith. 290.p.
Homini descriptio. 374.p
Homulus, homuncio. 214.f
Humanarum literarum du-
ces. 399.m
Humanitatis officium. 190.
m
Humanitatis studia. 398.m
Humanitatis significatio tri-
plex 390.m
Honorarium. 44.p
Honores Academici. 334.p
Honores aliter artes. ibid.
Honores antici. 365.m
Honorum locus. 243.m
Honor merces Virtutis. 335.
m
Horatij oblectationes. 173.m
Hyems senescens . p. necta
166.m
I.
Iam inde ab adolescentulo.
131.f
Icari & Dadali fabula. 316
m

ET VERBORVM.

<i>Ille piscator sapit. prouerb.</i>	<i>Inaudire quid.</i>	33.m
27.m	<i>Incaput & perniciosum suum</i>	
<i>Idola rerum, pro imagine seu</i>	<i>sit.</i>	233.f
<i>speciererum.</i>	<i>Incita pro egestate.</i>	178.m
<i>Ientare.</i>	<i>Incitamentum.</i>	157.p
<i>Ientaculum.</i>	<i>Inclinat eum ad finem.</i>	202
<i>Ienis non extinguit igni,</i>	<i>m</i>	
<i>prouerb.</i>	<i>In conuentu hominum quo-</i>	
<i>Illede longiores, prouer.</i>	<i>modo loquendum.</i>	349.p
107.p	<i>Incuumbere toto pectore in ali-</i>	
<i>Illudere in aliquem.</i>	<i>quid.</i>	236.p. 329.m
107.m	<i>Incurare alicui primum.</i>	414.
<i>Imbrem in cribro portare, pro-</i>	<i>m</i>	
<i>uerb.</i>	<i>In Dialecticis, in Rhetoricis,</i>	
258.m	<i>sic Veteres loquebantur.</i>	
<i>Imitari.</i>	300.p	
412.p. 417.f	<i>Indoctrino.</i>	377.m
<i>Imitationem Cic. car pauci af-</i>	<i>Indulgentia Vacationum.</i>	
<i>sequantur.</i>	115.m	
350.f	<i>Indulgentia.</i>	213.f
<i>Inuolutio magistri.</i>	<i>Industria discendi.</i>	256.p
107.p	257.m	
<i>Imitandum in Cic. quid sit.</i>	<i>Inedia presens medicamentum.</i>	
409.f	66.f	
<i>Impendo magno rem con-</i>	<i>Inescare.</i>	378.m
<i>struere.</i>	<i>Inest formioe sua bilm, prouer.</i>	
400.m	25.f	
<i>Imperij amplificandi cupiditas in Alexand.</i>	<i>Inflammaro.</i>	210.m
81.p	<i>Instituti modo & sui cum accusa-</i>	
<i>Imperium dote vendere.</i>	<i>timo.</i>	38.p
307.f	<i>Ingenium sequitio tepescit.</i>	
<i>Implicari, impediri casibus.</i>	186.m	(m)
234.m	<i>Ingeniosi laboriose docet.</i>	389.
<i>Imponere alicui.</i>	<i>Ingenio potiores partes dantur.</i>	
34.f	257.m	
<i>Imponere alicui manus, necessitatem, prouinciam.</i>		
120.		
<i>m</i>		
<i>Imponere plagas.</i>		
226.m		
<i>Importunus flagitator.</i>		
22.p		
<i>In album referre.</i>		
2.m		
<i>In cinere scribere, prouerb.</i>		
82.		
<i>f</i>		
<i>In angusto mihi res est.</i>		
243.m		

INDEX RERVM

Ingerere Verbera.	113.m	Insuendi libros, qua ratio & modus.	193.m
In illis sum, pro inter illos.	112	Insula beatorum que.	98.f
<i>p</i>		Intempesta nox.	215.p
In medullis esse.	222.m	Intendere fallaciam.	66.p
In mente insculpere, in tabulis mentis inscribere.	82.	Intumescere bile.	245.p
<i>f</i>		Interponere se in aliquam contentionem.	244.f
In pistino molere.	158.m	Interrogationes varia.	186.f
In portu navigare.	185.f	Intervallum est hora & semis.	261.m
In primis, in postremis numerare.	262.m	Intimus sensibus dolere.	242.m
In prasens, prasenti, prasentia.	205.m	Intra labra & dentes sacris.	309.m
In rem prasentem venire.	276.m	Intra carceres est reuocanda o. ratio	338.m
Insanus.	339.f	Intrare in amicitiam alicuius.	27.p
Inscitia.	236.p	In vado res est, id est, in portu.	142.p
Insculpero in mente.	82.f	In vento, aqua, cinere, scribere.	82.f
Insidys aliquem excipere.	137	Inuentor Hebrae lingua.	455.
<i>f</i>		<i>p</i>	
In sinu, complexu aliquem habere. In amoribus esse.	219.	Inuidia, inuidere.	212.m
<i>p</i>		Inuitationes hortorum.	255.
In sinu gestare	222.p	<i>p</i>	
Instaurare vires	115.m	Inuocatus.	195.m
Institutum suum seruare.	231.f	Inurbanus.	415.p
Instructus a libris, pecunia.	316.p	Iratu nemo mulare debes.	231.p
Instrumentum musicum.	199.m	Ira mediocritatem seruare non potest.	ibid.
In sua causa nemo est incorruptus arbiter.	112.m	Irretiri negotio.	233.m
Insuere charitas in membra.	193.p		Lena-

ET VERBORVM.

Irrisio. 341 f

Irogare alicui penam. 228.

m

Isocratum domus habita officina

eloquentia. 140.

m

plurimos habuit discipulos. i-

bid.

10. minis docebat, id est 100.

aureis. *ibid.*

in Theopompo calcaribus vic-

batur. 140 m

Isocrates Attica Siren. 286.

f

Iudices inferorum, qui sint.

106 m

Iudicij extremi dies. 99. m

Iudicium hominum falsum in

rebus. 194 m

Iudicij integritas. 348 p

Iulus Aeneam secutus non a-

quis passibus 149. m

Iungere equis asellos. 141 p

Iurare conceptis verbis quid.

241 m

Iurisprudencia Græc. 381 f

Iuvenes cur ita dicantur, &

quædam. 165 f

Iuuentus effusa & prodiga.

22. p

Iuuentum curuanda cernix.

230. m

Iuxta Gtilissimum & iuuen-

dis. 108. m

L.

Labor Sires declassat. 115. m

Laboriosus quis. 293. m

Lacedæmoniorum disciplina.

231. f

Laconum breuitas. 161. f

Lamentari quid, & querum

sit. 29 m

Lampas clara Reip. accensa

est. 222. m

Lancei pedes, id est, tardi. 30.

f

Lararium. 445. f

Latina lingua. 457. m

Latina lingua & sus laudatur.

352. p

Latine loqui. 349. p. 246. p

Latinitatis auctores optimi.

119 f

Laudare coram in os. 189. f

Laudare plenis buccis, pleno o-

re. 430. f. 424. f.

Laudatio eruditionis. 376 f

Laudatione aliquæ prosequi.

239 f

Laudationis formula. 430 p

Laureolam in mustaceis qua-

rere, proverb. 267. m

Laurus quibus debeat. 337.

p

Lectio puerorum qualis esse

debeat. 17 p

Lectio solitaria Geluis som-

nus

INDEX RERVM

nusquidam.	253.m	te.	79 f
Lenitas sedat iracundiam.		Licentiatum unde dicatur.	
86.m		337.m	
Leni brachio, molli brachio		Lingua mentem antevertit.	
rem agere, prouerb.	61 f	32.m	
Leonem promittis, nurem o-		Linguarum trium principum	
stendis, prouerb.	273.m	antiquitas.	447.m
Lesbium vinum.	256.f	Earni eacornium	ibid.
Liberi pro unico filio aut filia.		Litterarum Gistilae.	16 f
223.m		Litterarum candidati amant	
Liberos suscipere.	132.p	recessus.	172.m
Libidinosi omnium turpissimi		Litterarum formatio.	176.p
89.m		297.f	
Libri pulchri descriptio.	149.	Littera Bellerophonis.	233.m
?		Littera Pythagora.	370.p
Libri partium nomina.	103.	Litterae quando Romani am-	
p		plexi.	375.f
Lib. impq postea animorum.		Litterarum fastidium expli-	
139.f		catur.	359 f. 360.p
Libris frontes, Columnen, cor-		Litterarum incommoda.	364
mun, Sembileus.	151.p	m	
Libris frontis purgata.	151.	Littera in rebus aduersis lena-	
m		mentum.	386.p
Libri de Orat. Cicor. quando		Littera timens, insolens.	386.
scripti.	423 f	m	
Libri Ciceronis de Inuent.		Litteri concionari, prouerb.	
422.p		370.p	
Librorum locularmenta, rece-		Litigium.	212.m
ptacula.	299.m	Loca deserta amarunt Philo-	
Librorum mundissos.	328.	sophi.	172.f
m		Longinquares.	240.m
Libros corrigere, Gario effertur.	401 f	Loquendum meditare.	352.p
Licentiam dare, pro modo-		Lori cooperire aliquem.	80.f
qua & honesta potesta.		Lubentibus omnibus.	75.m
		Lucellum.	26.m
		Lucia	

ET VERBORVM.

Lucianus flammarius. 133.f	Magister in puniendo qualis debeat esse. 226.m
Lucilius semel in Ceta risit. 361.f	Magister Unde dicatur. 337.
Lucerna Aristophanis. 93.f	f
Lucernam olet ibid	Magistrorum sceptrum. 232.
Lucifer agmina stellarum co- git. 197.m	m
Ludere nuciis, id est, puerili- ter agere. 253.m	Magnifice se circumspicere. 26
Ludens potestas recusata. 197.p	f
Ludi 21.p	Maledictio. 242.m
Ludi magister qualis cum di- scipulis esse debeat, defensio 228 m. 111 m	Maleficium in se admittere. 265.m
Ludi aliquem facere. 91.	Malo tuo, Cetus locutio. 356.
m	m
Ludus Grammaticus. 152.f	Manus cur ita dicta. 44.m
Ludus ex pacto concessus. 85.	Manus pro figura litterarum. ibid.
m	Mathematica. 382.p
Luere commissum. 238.f	Matrim. 871.m
Lydius lapis, prouerb. 249.	Maturrimo. 198.m
m	Medicus. 255.p
Lydum prouocare in plani- tiam, prouerb. 459 m	Medicina. 203.m
	Meditari. 182.f
	Medium digitum ostendere. 348.f
	Medulla. 113.f
	Medulla mellis. 417.f
	Memoria me fugit. 64.p
	Memoria. 223.p. 237.m
	Memoria Themistoclis. 241.
	m

M.

Maeste, Unde hac vox emanat. rit. 122.m	Mendacio qui confidit, in ca- ducum parietem inclinat. 234.f
Maceria 155 m	Mens pro voluntate & ratio- ne. 176.f
Madidusne an siccus. 145 m	Mensa
Magistri Grammat. Doctores appellantur. 8.f	

INDEX RERVM

<i>Mensa sine arte beatum facit.</i>	<i>Momus Deus</i>	287. m
111. p	<i>Montes Phabo & Musis dedi-</i>	
<i>Mensium ratio apud Veteres.</i>	<i>cati.</i>	171. m
167. m	<i>Mori varie effertur.</i>	281. m
<i>Mentiri periphrasis.</i>	<i>Mori ante ipsam mortem.</i>	93. p
314. m	<i>M. T. Cicero:</i>	399. f
<i>Merenda unde dicta.</i>	<i>Mortem obire unde deducta lo-</i>	
308. p	<i>cutio.</i>	282. m
<i>Mereirices a Diogene mulso le-</i>	<i>Mortem inenitabilem, illustra-</i>	
<i>thalibus succis temperato</i>	<i>tur Versiculis</i>	ibid.
<i>comparantur.</i>	<i>Mortuo concionari.</i>	239. p
87. m	<i>Mos cuique suus est.</i>	187. m
<i>Mero fates hesternis.</i>	<i>m</i>	
186. m	<i>Mulier meritoria est inferis</i>	
<i>Μετὰ τὸν Πυθαγόρα.</i>	<i>proxima.</i>	89. p
145. m	<i>Muliebris lamentatio.</i>	344. m
<i>Metus.</i>	<i>Mulsa loqui.</i>	53. f
33. m. 92. f. 90. p	<i>Munditia librorum.</i>	328. m
<i>Milvis fuga.</i>	<i>Muscas prateruolantes horres.</i>	
404. p	90. m	
<i>Miluitis trophaa.</i>	<i>Musa mansuetiores.</i>	141. f
284. p	<i>Musa unde dicta.</i>	385. p
<i>Mineral Magistorum mer-</i>	<i>Musa Plantina.</i>	451. m
<i>ces.</i>	<i>Musica comparatur cum lite-</i>	
16. m	<i>ris.</i>	383. f
<i>Mina.</i>	<i>Musica laudatio.</i>	285. p
235. m	<i>Musice canere.</i>	157. m
<i>Minerva non minus quam</i>	<i>Musici instrumenti nomina.</i>	
<i>Diana montibus inerrat.</i>	199. m	
171. p	<i>Mutare quid sit.</i>	84. f
<i>Minerva ortus.</i>	<i>Mutare factum, panitere.</i>	
371. m	286. m	
<i>Ministrare accumbentibus.</i>	<i>Mutuari.</i>	129. p
215. p	<i>Mutua.</i>	
<i>Mithridates. 22. lingua aper-</i>		
<i>calluit.</i>		
449. f		
<i>Mittere sanguinem.</i>		
53. m		
<i>Moderatio vita philosophorum</i>		
110. m		
<i>Modi infiniti & suus cum Accu-</i>		
<i>satione.</i>		
38. p		
<i>Molarum apud Veteres & suus no-</i>		
<i>crat.</i>		
158. m		
<i>Molestiam alicui aspergere.</i>		
207. f.		

ET VERBORVM.

Mutatio calami. 175.m

N.

Nare sine cortice. 129.m

*Narras bene, male, Vbi quid
triste. Vel prosperè accedit.*
92.p

Narras somnia. 226.p

Natale solum. 164.m

Natalis dies. 53.f

Natalitia dare. 53.f

Natalia Domini. 65.f

*Nati pro Vno tantum Vsurpa-
tur.* 224.p

*Natura sibi quisque est ami-
tus* 96.f

*Natura repugnare, est cum
Dys bellum gerere.* 91.p

Naufragij periphrasis. 128.p

Nec latum pedem discedere.
107.p

Neceſſitudo, neceſſitas. 22.m

Nefastus dies. 310.f

Negotium dedere alicui. 56.m

*Nihil attraxit funis tuus, pro-
nerb.* 209.p

*Nimium quantum, pro Sche-
menter* 6.p

*Nimia omnia nimium nego-
tium hominibus exhibent.*
115.f

*Nimium miris modis mira pre-
digia.* 156.m

Niti contra torrentem, frustra.
155.m

Nomenclator. 152.m

Nomenclatura. 194.f. 199.p

*Nomen tuum cum aternitate
coniunges.* 258.f

Nomina mensum. 167.m

Nomina dissoluere. 119.p

*Nominis proprij indicandi ra-
tio.* 8.f

Nomine negligentis, pro causa.
119.m

Non aequum dici. 32.m

*Non, eleganter geminatur ibi-
dem p*

*Non nostrum inter eos tantas
componere lites.* 248.p

*Non in omni pulchro capite
ineſt cerebrum, proverbiũ.*
259.f

Noſce teipſum. 142.m

Noſtrates Scriptores, Homines.
122.m

Notare punẽtiũ. 242.f

Noviſſimus. 49.m 206.m

*Novum cum Vocibus inaudi-
tum, inuſitatum, admira-
bile coniungitur.* 92.m

Nox tranſacta. 89.m

Nox mater eſt conſilij. 67.

m

m

m

m

m

m

m

m

m

m

m

m

m

INDEX RERVM

- Noxa** quis &ociis &fus. 190.p
Numerare aliquid in bonis. 143.f
Numerare aliquem in ami- cum. 225.p.245.m
Numerosa Oratio Ciceronis. 437.p
Nutricum officia erga infan- tes. 229.m

O.
Oberrare chorda eadem. 96.m
Obire scholam. 34.p
Obligari sacramento militia. 474.m
Obrepfit mihi hoc imprudenti. 127.p
Obsecrandi & obtestandi for- mula. 16.p.33.p.238.f. 128.p
Obsequi. 65.m
Observatori. 265.p
Obserere pugnis aliquem. 71.m
Obsidet corpus pallor, & ma- cies. 115.m
Obsonare famem. 200.f
Obstringere aliquem beneficio. 184.p
Obtemperare &ariè effertur. 369.f
Obtrectatores laus compa- rantur. 191.m
Obuium est mihi hoc facere. 265.m
Occasionem opprimere. 81.m
Occisimus sum. 158.p
Oculi dolere quibus dicantur. 30.m
Oculissimus homo, pro, &aldi, charo, Plant. 220.m
Occultare se ab hominum con- spectu. 172.m
Oculum adycero. 242.m
Oculus, ocellus. 346.f
Odiu Vatiniatum. 269.m
Odorari &africiem alicuius 215.m
Odoratus oblectamenta. 367.m
Oedipus. 298.m
Offendere &aletudinem. 139.m
Officina disciplinarum. 154.m
Olet lucernam, hircum. 93.m
Olet rosas. 126.m
Olet rus. 246.m
Oleum perdere. 43.m
Olei plus quam &ini consume- re. 93.m
Oleum flamma esse. 215.m
Oleum cedrinum. 402.f
Olim pro futuro. 115.m
Olym-

ET VERBORVM.

Olympionica.	82.p
Omnia quibus tribuantur.	7.
m.	
Ominari meliora.	257.p
Omnes sibi melius esse malunt quàm alteri.	96.f. 98.m
Omne punctum ferre.	73.p
Onerare aliquem pugnis, ma- ledictis, lætitia, mendacijs,	
73 m	
Opere maximo rogare.	377.f.
Dare operam.	61 p
Opificium sordidum.	236 m
Opinione sua deijci, seu deijce- re aliquem.	242.f
Opinionē præcipere.	390.f
Oracula canere.	172.p
Ora pagina.	328.m
Oratio, horridula, ieiunia, ple- natura.	406.p
Orationis copia, suavisitas, &c.	
409 p	
Oratio lenis ac placida.	417.
m	
orationes Cicer. laudantur à Quintiliano.	430 f
Oratio pro Sextio laudatur.	
433.f	
Oratio optima Cic. qua longif- ssima.	437.p
Oratio triplex, soluta, prosa, pe- destris.	465 f
Orpheus cantu flumina, &	
Sentos moratus.	174.p
Orthographia.	49.p
Ortus dici.	10.p
Oscobstruere alicui.	231.f
Os pro impudentia.	36 m
Ociosi mortuis similes.	386-
m	
Otiū continuatis occupatio- nibus interponendum.	82.
m	
Otiū non debet esse otiosum.	
168.f	
Otiū oblectare suū re ali- qua.	262.p
Ouidius in exilio seipsum con- solatus.	387.f
Onum an extiterit ante galli- nam.	217.f.

P.

Pædagogi.	304.f
Palamon arbiter certatoris constituendus.	248.f
Palamon Grammaticus quis fuerit.	ibid.
Palsmpesseus.	181.f
Palma cur in certaminibus si- gnum Victorie.	248.f
Palma natura.	ibid.
Palpus alicui obtudere.	215.
m	
Paraphrasis quid.	133.m

P.

INDEX RERV

<i>Parca.</i>	283.p	<i>Pericles laudatur ab eloquentia.</i>	433.p.
<i>Parentum in libros amor nimius.</i>	226. & 229.m	<i>Personam tetricam inducere, deponere.</i>	111.m
<i>Parentes filios castigare debent.</i>	230.f	<i>Per transennam agere, instigare.</i>	61.p
<i>Quo modo.</i>	231.m	<i>Peritio lusus.</i>	47 f. 77 p
<i>Paria reponere.</i>	100.p	<i>Philosophia.</i>	382.f
<i>Parussumus.</i>	41.m	<i>Philosophia descriptio.</i>	419 f
<i>Patria amor, encomium.</i>	169.m.	<i>Philosophia qua sit perfecta.</i>	440.m.
<i>Patria nos omnium maxime delectat.</i>	169.m	<i>Philosophica M. T. Cicer. ibidem.</i>	
<i>Peccata discipulorum in Gymnasio qua.</i>	59.f	<i>Phæbus cum Musis.</i>	171.m
<i>Peccatum peccare.</i>	64.m	<i>Phryges serò sapiunt.</i>	163.m
<i>Pugnam pugnare. &c. ibid.</i>		<i>Phrontisteria qua, & unde dicta.</i>	20.m
<i>Pecunia scholasticis necessaria.</i>	104.m	<i>Piaculum perpetrare.</i>	90.p
<i>Pegasus qualis equus.</i>	266.f	<i>Piger.</i>	116.m
<i>Pegasides Musa.</i>	267.p	<i>Piscis taciturnus.</i>	265.m
<i>Penelopes tela.</i>	78.m	<i>Pistrinum, pro loco bonorum pleno.</i>	159.p
<i>Penitissimè excutere, introspicere</i>	213.m	<i>Platonis in dictu temperantia.</i>	110.m.
<i>Penna qua aptissima ad scribendum</i>	40.m	<i>Plato Xenocratem cum Aristotele confert.</i>	141.p
<i>Penna preparatio.</i>	ibid.	<i>Plato de Ideis.</i>	372.m
<i>Pensum diurnum.</i>	260.m	<i>Eiusdem peregrinatio.</i>	388.m
<i>Percutere tergum fustibus.</i>	157.p.	<i>Platonis Timæo nihil tenebrosius.</i>	152.p
<i>Peregrinationes ob eruditionē suscepta.</i>	383.m	<i>Platoniciis numeris nihil obscurius.</i>	
<i>Pericles ab Anaxag. institutus.</i>	381.p. 433 f		

ET VERBORVM.

<i>securus.</i>	259.m	<i>Præstigia.</i>	215.m
<i>Plenus rurū.</i>	415.p	<i>Præceptoris lani.</i>	254.f
<i>Plinij epistola quales.</i>	170.m	<i>Pueros castigare debet.</i>	230.f
<i>Plus a quo.</i>	235.f	<i>Quo modo.</i>	231.m
<i>Plus nimio.</i>	228.m	<i>Preccari numen caeleste.</i>	222.
<i>Pluteorū genera qua.</i>	103.m	<i>m</i>	
<i>Poëma alacritatem desiderat.</i>		<i>Premis aduersarius.</i>	70 m
<i>106.m</i>		<i>Princeps pro primus.</i>	28.m
<i>Poëta. 116.m. 135.f. 146 m</i>		<i>Principia sunt pertrumpenda.</i>	
<i>Poëta in syluas secedunt. 171.</i>		<i>202 m</i>	
<i>m. 173 m</i>		<i>Principum corruptores.</i>	27.p
<i>Poëtica facultas.</i>	381.f	<i>Principum gratia vna.</i>	368.
<i>Poëtica Scriptiois Varietas.</i>		<i>p</i>	
<i>466.m</i>		<i>Principum Vita.</i>	384.p
<i>Ponamus ita esse, dicimus in</i>		<i>Profitari nomen suum.</i>	112.p.
<i>rebus controuersis.</i>	209	<i>Progymnasmata vnde dicantur.</i>	4 m
<i>m</i>		<i>Pro mea parte, pro Virili, pro</i>	
<i>Porcum sacrificare.</i>	180.m	<i>Viribus.</i>	248.m
<i>Portenta vnde dicta.</i>	28.m	<i>Promissis manere, stare. satisfacere.</i>	203.m
<i>Post hominum genus natum.</i>		<i>Promissa seruare, soluere.</i>	203.
<i>205.p</i>		<i>m</i>	
<i>Post hominum memoriam.</i>		<i>Promouere ad discendum iētibus.</i>	221.f
<i>465.f</i>		<i>Promus.</i>	272.f
<i>Praxiteles.</i>	392.m	<i>Pro more habeo aliquid facere.</i>	
<i>Præceptor honesta imperat.</i>		<i>195.m</i>	
<i>224.m</i>		<i>Pronunciatum.</i>	339.p
<i>Præceptores.</i>	309.p	<i>Prorogare, producere tempus.</i>	
<i>Præcepta artis sunt necessaria.</i>		<i>217 f</i>	
<i>418 m</i>		<i>Prosequi aliquem, pro comitari.</i>	82.p
<i>Prædictiones malorum.</i>	156 p	<i>Prouinciā alicui imponere.</i>	
<i>Pramia.</i>	148.p	<i>m 3 re.</i>	
<i>Præsidarius.</i>	26.f		
<i>Præstare culpam, fidem.</i>	98.		
<i>m</i>			

INDEX RERVM

<i>Pythianum</i> locus <i>Athenis</i> .	224.m	<i>Pythagora</i> litera.	370.p
313.p		<i>Pythagora</i> peregrinatio.	388.m
<i>Puer</i> , <i>pueri</i> pro quibus sumantur.	78.p		
<i>Pueri</i> muneribus ad discendum inuitandi.	17.m		
<i>Puerilis</i> natura adumbrata.	101.m		
<i>Pueri</i> unde dicantur.	165.f	<i>Quaqua</i> , <i>qualis</i> , <i>qualis</i> .	99.f
<i>Roma</i> q̃s <i>Vinum</i> interdictum.	186.m	<i>Quadrimestr</i> .	206.m
<i>Multandi</i> <i>Verboribus</i> .	226.m	<i>Querimonia</i> .	217.f
230.p		<i>Quaestores</i> .	249.f
<i>Cur</i> cadantur.	232.p	<i>Quaestionem</i> inter malosicos exercere.	153.m
<i>Pueritia</i> nimis ad delicta propensa & lubrica.	228.m	<i>Quaestuosum</i> opificium.	157.p
<i>Pueri</i> ad disciplinas quomodo adducendi.	229.m	<i>Quam</i> <i>Vellem</i> .	161.f
<i>Pugnare</i> <i>Varie</i> effertur.	270.p	<i>Quam</i> quisque norit <i>Artem</i> in ea se exerceat.	441.p
<i>Pugnis</i> onerare, contundere, pectere.	73.m	<i>Quando</i> pro <i>Quandoquidem</i> .	128.p. 225.m
<i>Pulsare</i> <i>campanam</i> , <i>notam</i> .	206.m	<i>Quaque</i> cum indicandi modo.	119.m
<i>Punctis</i> omnium.	70.p	<i>Quantum</i> est, qui <i>viuent</i> hominum, pro, quam multi, seu quotquot.	54.m
<i>Pulueres</i> <i>scribularij</i> .	187.m	<i>Quatuor</i> ipsos dies: & huiusmodi <i>formule</i> loquendi.	91.f
<i>Puniendorum</i> <i>peccatorum</i> ratio.	68.m	<i>Quicum</i> , pro quo cum.	101.p
<i>Puamina</i> <i>onorum</i> .	187.m	<i>Qui</i> interrogantis & respondentis <i>vocula</i> eadem repetita.	36.f
<i>Pythagora</i> <i>μετεμψύχωσις</i> .		<i>Qui</i> tandem?	201.f
		<i>Quid</i>	

ET VERBORVM.

Quid illi, aut illo factum est,	Recipere alicuius causam.
Et huiusmodi loquendi formula.	132.f
Quid habes dicere.	Recipere se ad frugem. 183.p.
Quid quod.	Recitationes Praelectionum.
Quid ita vero?	237.m
Quintilis mensis quis.	Recreare animum, corpus.
Quintilianus Orationes Ciceronis laudat.	262.m
Quisque sibi est charus.	Reddere sententiam sententia.
Quod, quis usus huius particula.	Verbum Verbo.
Quod bonum, faustum, &c.	130.m
7f	Reddere latinè de Germanico.
Quod quis intriuit, hoc illi excedendum est.	129.m
Quod ad me attinet, barbari.	Redire Et reuerti differunt.
Quantum ad me attinet.	235.m
246.p	Regis oculo nihil magis saginat equum.
	223.p
	Rhetorica Cis.
	421.p
	Relaxatio.
	164.p
	Religiosissima Deum colere precibus.
	222.m
	Relinquere aliquem post se longo interuallo.
	408.f
	Relinquit me animus.
	158.p
	Rem ac tangere.
	143.m
	Remissiones crebras odisse.
	115.m
	Renunciare conditionem.
	212.p
	Repulsam passi.
	152.p
	Repetitiones lectionum.
	239.p
	5
	Res mihi in angusto est.
	243.

R.

Rami libertate Baccarum incurvunt.	163.m
Ratio.	379.f
Ratio me fugit, unde loquendi forma sit orta.	146.f
Rationem subducere.	215.p
Rationem ducere alicuius.	54.m
Recipio tibi me id praestaturum.	
194.p	
Recipere se ad libros.	76.f

INDEX RERVM

<i>Res est in Gado, in portu nauigat.</i>	142 p	<i>Saltatio Pyrrhica qualis sit</i>	236 f
<i>Res cadit et Golumus.</i>	148 m	<i>Saltem, Barbari. ad minus.</i>	38 f
<i>Res est in acie nouacula.</i>	187 m	<i>Salutandi formula in congressionibus et literis.</i>	317.
<i>Rescira quid propriè significet.</i>	140 m	<i>et seq.</i>	
<i>Respondere.</i>	440 p	<i>Salutem dicere.</i>	161 m
<i>Responsio perfacilis, perexpedita.</i>	185 p	<i>Sanctitudo.</i>	22 p
<i>Respondere Gotis alicuius cumulatissimè.</i>	222 m	<i>Sapientia non est inclusa tenenda.</i>	137 p
<i>Respub pramio et pana continetur.</i>	161 p	<i>Sapientia à Numine efflagitanda.</i>	137 p
<i>Ridere.</i>	351 f	<i>Sapientia possessio immortalis.</i>	373 f
<i>Riphas montes.</i>	151 m	<i>Sapientum septem nomina.</i>	118 p
<i>Rismarum plenus.</i>	172 m	<i>Sapientia fructus.</i>	380 f
<i>Roscius in sua arte.</i>	469 p	<i>Saxum voluere.</i>	161 p
<i>Ruborem incutere alicui.</i>	242 f	<i>Schola etymon, et nomina.</i>	20 f
<i>Rus olet.</i>	246 m	<i>Scholastica arma.</i>	103 p
<i>Rustici hominis epitheta.</i>	415.	<i>Sceptrum Præceptoris, Virga.</i>	227 p
S.		<i>Scelus quodnam propriè dicatur.</i>	232 p
<i>Sacchari species.</i>	310 m	<i>Scientia Quia liberalis alteri commodat</i>	384 f
<i>Sacramentum conceptis Gerbis dicere.</i>	343 m	<i>Scriptio.</i>	353 m
<i>Sacramento contendere.</i>	418.	<i>Scriptiois concertatio.</i>	244 m
<i>Sacrificandus porcus tibi.</i>	180.	<i>Secundo patre, populo, cuiusque Vocis usus.</i>	37 f
		<i>Secum-</i>	

ET VERBORVM.

Secundum Natalem Domini, id est, post. 65.f	Similitudo tadum generat. 121.p.
Seipso eruditorem fieri. 155.	Simplicitas & lenitudo Magi- stri. 214.m
Seneca studia. 327.m. 413.p	Sirenium scopuli. 286.f
Senectus placida ac lenis 117.	Sisyphi saxum. 161.m
m	Sisypho ambitiosi comparan- tur. 161.m
Senes unde dicti. 166.p	Socrates oraculo Delphico sa- pientissimus mortalium. 389.f
Seni Verba dare difficile 238.	Socratis Apoph. 313.p
m	Sol dux & moderator tempo- rum, 385.m
Senum duo vitia, tenacitas & auaritia. 22.p	Solemne suum tenere. 8.m
Sensuum quinque oblectamen- ta. 366.m	Solis conuersio. 379.m
Sermo castus, incorruptus, na- tius, minimè infuscatus, 120.p	Solitudo studiorum. 171.p
Sermo festiuus in conuiujs. 108.p	Soluta pedestrisque scriptio- nis varietas. 460.m
Sermo in congressibus. 351.f	Somni mancipium. 55.m
Sermo mitis lenis iram. 417.	Somnus in Gymnasio. 208.m
m	Somnum excutere. 57.p
Sermones serere. 60.m. 70.m	Somnia fallunt ac terrent. 90. p
Sermones cadere. 201.p	Somnum inire. 91.p
Seruator pro saluatore. 121.	Sono tenuissimo loqui. 60.m
m	Sophocles apud Attica. 286.f
Sextilis mensis. 167.p	Sophoclis Oedipus. 383.m
Sexcenta stilistates, pro nume- ro ingentis. 168.m	Sospitator Christus. 121.m
Siccus, id est, sobrius. 147.	Spes & metus ob certam scho- lasticum. 210.p
m	Sponsionem facere. 58.p
Sigonij Consolatio consutatur. 403.m	Studia politoris Humanita- ti. 389.p
Silentium & attentio. 59.m	m s. 814.
Silentio ediscere. 70.m	

INDEX RERVM

- Studium in syluis ac nemori-*
bus. 170 m
Suggestio. 63.p
T.
Tabula. 134.p
Tabulata. 148.m
Talentum non mercam. 346.
m
Tangere aliquem, Verbo, Vir-
gu. 15.m
Tardè ludum petentes. 22.
m
Telam retexere. 78.m
Temeraria suspicio. 204.p
Tempore nihil pretiosius. 138.
f
Temporinus Unda deducatur.
182.
Tempus anni quibus literis
scribatur. 122.m
Tempus antecapere. 33.p
Tempus otio transmittere.
257.f
Tenebre manifestum menda-
cij. 36 m
Tene errare? Et huiusmodi
formula loquendi elegan-
tes. 38.p
Tentare alicuius progressus,
Vel periclitari. 143.m
Terq; quaterq; beatus. 314.
m
Testudineus gradus. 212.p
Testudo à Ione propter tardi-
tatem punita. 213.f
Testudo non sentit culicis.
360.m
Themistoclis memoria. 241.f
Eiusdem Apophthegma ibi-
dem.
Theodosij Iunioris studium.
94.p
Theopompus Isocratis discipa-
lus. 140 m
Theorius Balbus quo cibo Sto-
batur, Et exercitio. 201.
p
Thracum consuetudo. 216.
m
Thucydidi Sigilia. 383.m
Timotheus Cononis filius cur
dormiens pictus. 116.
m
Timotheus ab Isocrate institue-
tus. 381.p
Tisiphone. 38.p
Titus Imperat. expressit num-
mis dictum. Festina lentè.
49.f
Tomentum. 178.p
Tonsoribus res nota. 162.m
Topica Ciceronis. 426.f
Trabalibus clauis aliquid fige-
re. 78.m
Tragœdia in nugis. 150.p
Trahere molestiam ex aliqua
re 245.p
Transenna quæ dicantur. 61.
p
Trans-

ET VERBORVM.

Transire vitam silentio. 229.

^p
Tres lingua principes. 446.p

Tristitia signa. 357.f

Triumvirum manus. 160.p

Tunica intima. 57.f

Tutela. 308.m

Typographion. 52.m

V.

Vacationum feriae. 163.m

Vacillare dicuntur versus, lite-
ra, memoria 21.m

Vadum pro securitate. 242.

^p
Valedicendi formula. 317. &
seq.

Vale quomodo varietur. 122.

^p
Vatinius quis fuerit. 269.m

Vatinij odium. ibid.

Venationis instrumenta. 171.p

Venationes instituere. 82.p

Veneris sandalia. 287.f

Veniam dare delicti, ignoscere.

79.m

Venti nuncij crediti fuerant ad
Deos. 83.p

Venti mea verba discerpunt.

128.f

Ventis verba tradere. 83.p

Venuustus idem est quod salix.

150.f

Vernouum, adultum, &

huiusmodi formula. 166.

m

Verbis tuis, meis, dicere. 82.

f

Verbum verbo exponere. 183.

f

Versare saltatorum urbem.

216.p

Vesper quid sebat serus, nescis.

47.m

Vicissitudo in rebus est necessa-
ria. 77.m

Victoria amat curam. 144.m

Vidus Xenocrati, & Platonis
moderatus. 110.m

Vitium e terra petere. 126.m

Videre somnum. 35.m

Vigilia Demosthenis, & alio-
rum. 93. 326.m

Vini cados in cella quibus no-
tus ceteres notabant. 203.p

Vino olim mulieres carebant.

186.m

Vinosi. 89.m

Vinum Lesbium. 256.f

Vinum moderatum acuit in-
genium. 104.m

Virgatum: Virgatores. 98.p

Virga. 95.m

Virgis cadere varie effertur.

305.p

Virgil 172.p. 159.f. 381.m

Virtus in teneris. 221.m

Virtus qualis sit. 47.m

Vir.

INDEX RER. ET VERB.

<i>Virtute qui perit. non interit.</i>	<i>Vox &ina maximè afficit.</i>
94.m	253 p
<i>Virum à Gero legi.</i>	<i>Vox Stenorea.</i>
271.p	307.f
<i>Visceribus anem qui sint.</i>	<i>Vsus Genit.</i>
31.	111.m
m	<i>Vsus est mihi sic.</i>
<i>Vita aulica descriptio.</i>	208.m
365.	<i>Vt qui maximè.</i>
m	108.m
<i>Vita breuitas ex Virg. & Sen.</i>	<i>Viendum dare aliquid.</i>
86 m	176.
<i>Vndeniginti, &ndetriginta.</i>	m
Egc. 66.m	
<i>Vndis concionari, prouerbium.</i>	
370.p	
<i>Vngues rodere quorum.</i>	
371.	
p	
<i>Vocare apud Geteres absolute,</i>	
pro, inuitare.	
109.p	
<i>Voluptas qualis.</i>	
47.m	
<i>Voluptatem perpetuus dolor se-</i>	
quitur.	
87.m	
<i>Voluari in libris, Voluptatib.</i>	
116 p	

X.

<i>Xenocrates Aristotele tardior.</i>
141.p
<i>Xenocratis frugalitas.</i>
110.
m
<i>Xenocratis cascolus.</i>
ibid
<i>Xenophon Attica Musa.</i>
286.
f

Z.

<i>Zonula bullis nitens argenteis.</i>
219 m
<i>Zenxis pictor.</i>
416 p. 400.m

FINIS.













